

A2

THE UNIVERSITY OF CHICAGO PRESS  
110 EAST 58TH STREET, NEW YORK, N.Y. 10022  
1-800-850-8500  
WWW.CHICAGO.PRESS.EDU

LVI

A.

52.

BIBLIOTECA NAZ.

Vittorio Emanuele III

LVI

A

52

LIBRERIA NAPOLI



~~75~~

~~12~~

~~8~~



Donati Iannotii Florentini  
dialogi  
**DE REPVB. VENETORVM**  
*Cum Notis et lib. Singulari  
de Forma eiusdem Reip.  
Cum Pri. O. vilegio.*



LVGD. BATAV.  
Ex officina Elzeviriana.  
ANNO MDCLXXXI.

THE UNIVERSITY OF CHICAGO

LIBRARY

CHICAGO, ILL.

1892

1892

1892

1892

1892

1892

1892

1892

1892

1892

1892

1892

1892

1892

1892

1892

1892

1892

1892



*Hoc libro continentur.*

I.

**D**Onati Iannotii Respublica  
Veneta.

II.

Notæ in Donat. Iannotium,  
& Casparem Contarenum.

III.

Liber singularis de Forma  
Reipubl. Venetæ.

\* 2

FIG V-

# FIGVRÆ

his locis inferendæ.

**E**ffigies pontis Rivi Alti. Pag.  
323.

Figura A. pag. 405.

Figura B.  
Figura C. } pag. 406.  
Figura D. }

Figura E. } pag. 407.  
Figura F. }

In quibus observandum, quæ dextra  
esse oportet, sinistra esse expressa: in  
Figura autem E. per A significari  
Ducem; per B Consiliarios. C XL-  
viralis Consilii præfectos. D à Secre-  
tis. E. Magnum Cancellarium. F. De-  
cem-virum præfectum. G. Trium-virum  
Advocatorem. H. X. virum Præfecti ap-  
paritorem. I. III-viri Advocatoris appa-  
rit. K. IIII Nobiles qui procedunt ad  
sortem.

I

D E  
R E P V B L I C A  
V E N E T A

D O N A T I I A N N O T I I

Dialogus Primus.

P E R S O N A E

*Trypho Gabrielinus,*

&

*Ioannes Borgarenus.*



VI studio varios hominum mores cognoscendi allekti ad urbes, exterasq; regiones peragrandas mentem apulerunt, diligenter animadvertere, notareque solent, siquid uspiam offendant, quod ob insignem aliquam vel conditionem, vel causam absque accuratissima contemplatione prætermitti nequeat, unde non ipsi tantum prudentiores Doctioresque fiant; verum etiam qui domo pedem nunquam extulerunt, ex ea peregrinatione fructum aliquem colligant. Quo sanè fit, ut aliqui cùm publicorum, tùm privatorum etiam ædificiorum exempla capiant; quidam

A

dam verò, si qua sunt reliqua vetera monumenta, illa perscrutentur; aliquid regio quæque ferat eximium, atque singulare, cognoscere velint; nonnulli, prout in aliquam vel arcem, vel urbem inciderunt naturam, sive operibus artis ita communitam, ut inexpugnabilis habeatur, ejusdem formam, atque figuram exprimere studeant, deductis ad ipsam rem imitandam quàm proximè lineis: unusquisque tandem ea notat, atque observat, quibus suum ipsius ingenium potissimum capitur, aut etiam quorum commemorationem audientium auribus cum jucundiolem, tum etiam admirabiliorem posse accidere existimat. Ab hac igitur laudabili consuetudine cum minimè discedendum mihi judicarem, aliquid monumentis litterarum prodere constitui, quod hæc ipsa præstaret, ac testatum relinqueret, quasunque provincias, aut urbes hoc anno perlustrassem, posteaquam mihi Florentiâ discedere contigit, sine illo fructu neutiquam obitas fuisse, quem trahere, & percipere debent omnes illi, qui dormiendum sibi in hac vita minimè putant. Cum verò diu cogitasset, quæ potissimum scriberem, ea commemoranda non duxi, quæ superius



rius enumeravi, propterea quod ipsorum notitiam quilibet aliunde sibi facile comparare, atque haurire potest; amici autem mei, quibus ego rem gratam facere inprimis studeo, his multò præstantiora, atque majora intelligere cupiunt. Quapropter in eam sententiam adductus sum, ut æquè iucundos, & hilares, atque serios, & graves exponerem, atque traderem sermones quosdam, quoscum nostro Ioanne Borgareno duo Veneti Patricij contulère, Tryphon Gabriellus, & Hieronymus Quirinus, atque etiam unus è Patavinis civibus Nicolaus Leonicus, omnes cumulatissimi plurimis, maximisque virtutibus, ipsaque fama celeberrimè, & maximè illustres. His autem sermonibus cum ego quoque interfuissem, id quod magnoperè semper optaveram, ex iis intellexi, Venetæ Reipublicæ scilicet administrationem, maximè dignam quidem illam hisce temporibus, quæ à cunctis intelligatur, nec non observetur, neque verò minus à nobis omnibus suspiciatur, quàm priscis illis temporibus suspicerentur Reipublicæ Lacedæmoniorum, atque Romanorum. Et quoniam sermo primùm habitus fuit de administratione illius Reipublicæ in genere,

deinde verò de singulis Magistratibus, postremò de forma, sive temperatione ejusdem Reipublicæ ; à primo nobis etiam fuerit auspicandum, non solum quia naturâ ita comparatum est, ut communiora faciliorem intelligentiam habeant ; sed etiam quoniam ab hoc primo sermone proximus alter totus necessariò pendet, ab utroque autem tertius eâdem ratione. Atque ut melius intelligatur, & percipiatur, quæ fuerit occasio Tryphoni Gabrielio, horum sermonum auctori, colloquendi, atque disputandi his ipsis de rebus, paulò quidem altius, & aliquantò longius à re proposita exordium repetam, mox tamen sequar eundem ordinem, quem adhibuit ipse in suis gravissimis, sapientissimisque sermonibus instituendis.

Itaque cum Patavium accessissem, ab Ioanne Borgareno cive nostro accersitus, ut unâ liberalissimis artibus operam daremus, ubi quieti dies aliquot sunt à me concessi, id in primis curavit Ioannes vir admodum prudens & humanus, ut diligenter, & per ocium aspicerem, quicquid esset in illa urbe pereximium, atque singulare, nimirum publica, & privata quæque ædificia cùm elegantissima, tùm etiam orna-

ornatissima, nec non mœnia recentissime exstructa circa totam urbem, quibus inexpugnabilis eadem redditur, alia quoque plurima ejus generis, quibus à me diligentissime inspectis, atque animadversis, dedit ille operam, ut aliquot insignes, atque egregios viros, qui Patavij tunc erant, de facie cognoscerem. Quare cum perductus fuisset ab eodem ad virum summis honoribus, summaque reverentia dignissimum Petrum Bembum, cujus fama propter eximias animi virtutes longè, latèque diffunditur, sanè quàm facile aditum impetravi. Conveni præterea Nicolaum Leonicum, Græcæ, Latinaeque Philosophiæ maximum magistrum, prout unicuique cognoscere licebit ex iis, quæ non pauca conscripsit, atque in lucem edidit. Versabatur Gabriellus Trypho tunc in quodam suo prædio, ubi diu, multumque commorari ipse consueverat ab omni procul ambitione liber, atque expeditus à cura, & sollicitudine civilium rerum, & ob eam quoque rem incommodorum expers, quæ urbana vita secum plurima afferre solet. Ille verò in sua villa satis beatè, ac feliciter fruïtur hac vita, communiquè omnibus spiritus, & quidem tanta cum animi

sui tranquillitate, quantam maximè potest humana mens capere; neque sanè ullum tempus intermittit, quin antiquissimos illos, & præstantissimos viros sibi socios adhibeat, Marcum, inquam, Tullium, Virgilium, Horatium, Dantem, Petrarcham, atque Boccacium, quibuscum ille continenter ætatem agit in evolvendis eorum voluminibus multum occupatus. Et quoniam Villa, in qua degit, non multum abest ab urbe, usu etiam venit eidem, ut citra incommodum Patavium, quoties libet frequentare possit, ad amicis impertiendum aliquid suæ suavitatis ex consuetudine, quam profectò universi, qui noverint hominem, expetere, atque complecti quàm avidissimè solent, Nam præter insignem morum suorum gravitatem, refertus est quàm maxima comitate, & benignitate, quæ res cunctorum mentibus afferunt incredibile quoddam viri desiderium. Veruntamen id in præsentia mihi non est propositum, ut hujus nobilissimi Viri egregias virtutes prædicandas suscipiam, propterea quod & ipse laudibus à me profectis non indiget, & ego potius ad sermones, quos habuit, exponendos propero, quæ documenta præstiterint  
uberio.



uberiora insitæ virtutis. Posteaquam igitur intelleximus eundem Pataviû futurum intra spacium bidui, decrevimus expectare potius adventum suum, quàm eò nos conferre: quo quidem curriculo elapso statim atque fuit auditum à nobis ipsum advenisse, salutandi causâ convenimus ad ædes Petri Bembi, apud quem divertere solet, cum Patavium venit, ibique hominem nacti ex animi voto, per humanè atque peramanter ab eo fuimus accepti. Peractis autem mutuis salutationibus, ubi suam operam, atque studium alter alteri detulit, quemadmodum moris est inter illos, qui non sunt antea noti, in quoddam cubiculum secessimus ab ipso deducti, quod aliquantum aberat ab ædium frequentissima parte, ibique ut assedimus, colloqui cæperunt ipse Trypho, & Ioannes in hanc sententiam.

TRYPHO. Multum est, mi Ioannes, id, quod tibi debeo, cujus operâ, atque studio in singulos dies novis copiis amicorum subinde augeor: quæ sanè res tanti est apud me, ut neque abs te, neque à quoquam alio majus, & præstantius beneficium accipere queam.

IOAN. Si noster amor, nostraque amicitia patitur, suavissime Trypho,

ut alter nostrum alteri quicquam debeat, ego sanè plurimum tibi debere me sentio pro multis officiis, in quibus hoc ipsum esse non postremum duco, quod per te mihi licet iis, qui me invisuri Patavium accedunt, amicis meis, impertire fructum jucundissimū tuorum sermonum, eoque cū honoris, cū officij genere eos prosequi, quod multò pluris absque dubio faciendum est, quàm si quis exhibeat ad spectandum ædificia magnifica, vias publicas, ædes sacras, atque id genus alia, quæ præclara, & maximè insignia videntur esse in hac Vrbe. Hinc etenim contingere vix unquam potest, ut aliquis evadat prudentior, & sapientior, quàm fuisset antea: sed consuetudines, & colloquia cum probis viris id præstant, ut quisque non modò magis prudens excitata industria, verū etiam fiat & solertior, & promptior ad amplectendas virtutes. Quare si quis amicorum me adit longè charissimus, huic ipse tribuere valeo nihil amplius, sat scio, sive ad jucunditatem aliquam, sive ad animi fructum, quàm tuam consuetudinem, & familiaritatem. Omnes enim eximias, singularesque virtutes, unde singulorum mentibus ea vis, quam dicebam, ingeneretur, in te per-



perspicere, atque intueri ipse mihi videor. Sed quia in hunc sermonem incidimus, aueo tibi dicere, quid nobis in mentem venerit, cum te modò adiremus. TRYP. Dicitò, mi Ioannes, quicquid lubet: id enim mihi quoque futurum est perjucundum, quod esse visum fuerit ex animi tui sententia. Vnà conterere totum debemus hunc diem, & si aliquid est nobis optandum, quo tædium levemus, nihil optabile magis arbitror, quàm scitum aliquod colloquium. IOAN. Cum ad te proficisceremur modò ex ædibus nostris, cæperam huic familiari meo tuos mores exponere, & hujusce vitæ rationem à te institutæ, quæ mihi quantum probetur, vix queam verbis consequi. Cogitantibus autem nobis quisnam existeret, quicum conferendus esses è veteribus, is in mentem venit, quem Cicero longè amicissimum habuit, suisque scriptis admodum celebravit, Pomponius Atticus. Siquidem ambo nati estis è gente Patricia, patriamque nobilissimam, atque celeberrimam nacti: Pomponius autem cum materna sua lingua facundissimus esset, Græci sermonis fuit etiam sanè quàm peritus. Tu quoque cum hac vernacula lingua, quâ modò utimur, tum latino

sermone, & scribis, & loqueris omnium  
quàm ornatissimè, atque elegantissi-  
mè. Pares itidem, & similes estis adeò  
liberalitate, ut ea certò statui non pos-  
sit uter antecellat. Quamvis enim eà-  
dem, quâ Pomponius olim magnifi-  
centia pecunias, & facultates tu largiri  
non possis, qui à re domestica non ita  
es, ut ille, paratus; magna tamen est  
copia tibi, quæ nunquam deficiet am-  
plissimarum virtutum, atque maxi-  
marum, quas cum aliis quia commu-  
nicare perbenignè soles, hoc sanè fit,  
ut liberalitas tua sit eò major, atque  
excellentiore habenda, quò magis ante-  
cellunt virtutes divitiis, atq; iis omni-  
bus, quæ vocantur fortunæ bona.  
Quod autem vos quàm simillimos, &  
quàm conjunctissimos efficit, est id  
vitæ genus, quod uterque vestrum pa-  
riter colit, atque amplexus est. Pom-  
ponius semper à publicis negociis va-  
cuus, solutusque vixit: tu verò civi-  
lium rerum quàmvis peritissimus, ut  
ille quoque fuerat in sua Republica,  
nihilominus ab ipsarum administra-  
tione te contulisti ad hanc vitæ sum-  
mam quietem, & tranquillitatem, quâ  
certè quemadmodum ille ita frueba-  
tur, ut aliis etiam prodesset, atque  
adeò prospiceret, quibuscunque con-  
siliis,



filiis, atque rebus maximè posset: sic  
 etiam tu nihil officij in quiete hac tua  
 prætermittis, quod à te proficisci in  
 communem rem possit. Itaque in hac  
 ipsa collatione facienda cœpimus ac-  
 curatè inspicere, atque animadvertere  
 utriusque temporis rationem, atque  
 conditionem, præsentis, inquam, æta-  
 tis, atque illius, quæ tunc erat, utrum  
 his quoque intercederet ea similitudo,  
 & conjunctio, quam vobis ipsis inter-  
 cedere palam intuebamur, ut id, quod  
 vulgo prædicari, jactarique solet, eas-  
 dem sæpenumero conditiones tempo-  
 rum redire, & incurrere, tanquam ve-  
 rum, minimèque ambiguum affirmari  
 posset, argumento quidem ad fidem  
 faciendam multò efficaciori, quàm in-  
 dumentorum, & ejusmodi aliarum  
 rerum, quæ quotidie versantur in ser-  
 mone plebeculæ rudis. TRYP. Per-  
 suasissimum quidem habeo, id veri  
 quàm simillimum esse, siue Apophte-  
 gma, siue Proverbium appellare veli-  
 mus, multis saltem ex partibus, si non  
 omninò Coniicere autem hoc ille  
 facillimè potest, qui mentis aciem, &  
 contemplationem voluerit intendere  
 ad eum, qui nunc est, rerum statum,  
 Italiæque miserrimè affectæ conditio-  
 nem, cujus quidem infortunia, & ca-  
 lami-

lamitates duo tempora mihi videntur  
 habere spectanda præcipuè ; alterum  
 quod ipsi pariter Italiæ , ac Imperio  
 Romano prima causa , & origo malo-  
 rum fuit , quando Cæsar suis armis  
 Urbem oppressit ; alterum , quod ejus  
 misérias tandem ad summum extulit,  
 quo tempore Gothi, Hunni , Vandali,  
 atque Longobardi totam regionem  
 excurrentes fœdissimè sunt depopu-  
 lati. Nunc autem si contemplari per-  
 gamus ea , quæ cùm in Oriente , tùm  
 in Occidente paucis ab hinc annis plu-  
 rima contigerunt , animadverti facile  
 poterit , iis omnibus , qui in Italia de-  
 gunt , alterum ex illis temporibus im-  
 minere : utrum autem sit magis perti-  
 mescendum , expedire non possum.  
 Nam prius illud tempus , quod ante-  
 cessit , ab altero deinde proximo fuit  
 exceptum , unde vicissitudines omnes  
 illæ ortum habuerunt , quæ cunctis  
 rebus eam, quam cernimus adhuc, fa-  
 ciem induxerunt , abolita penitus , &  
 sublata jampridem forma , quæ tem-  
 poribus fuerat veterum Romanorum.  
 Sed nolo certè committere , ut totus  
 hic dies tribuatur nostris ærumnis,  
 calamitatibusque recensendis. Quare  
 veniam ad id , quod præcipuè me at-  
 tingit : nam quæ tu modò de me affir-  
 mabas,

niabas, ego minimè probo. Vide autem ne summa tua benevolentia erga me omnem modum excedat, teque in fraudem adducat: quandoquidem nullam in me tam insignem virtutem agnosco, ut cum tali viro, qualis fuit Articus ipsa re, videar comparandus. Illud tamen in præsentia nō dissleram, utrū cum eo componendus ipse, nec ne sim; propterea quod in hac disputatione si nonnihil versarer, meritò suspectus evaderem, quasi existimarem, ingenio, aut prudentia Pomponium æquari à me posse. Quod autem modò dicebas, nos quàm simillimos reddere, in eo similitudinem aliam nullam esse video, quàm cujusdam eventus. Nam, quemadmodum ille administrationem Reipublicæ attingere noluit; ita sponte à publicis muneribus ego me subduxi: sed rationes, & causæ non sunt eadem, quæ nos impulerunt ad optandum idem vitæ genus, quin immò planè sibi sunt adversæ, & contrariæ. Pomponius enim cum intelligeret suam Rempublicam corruptissimam esse, neque verò integrum sibi fore, ut formam pristinam eidem restitueret, ab eadem gerenda destitit, ne simul periret; siquidem Respublica, quæ non manet  
 in

in suo statu, perinde se habet, atque mare tempestatibus agitatum, cui si quis interea se, suaque committit, non habet inde facultatem arbitrato suo pedem referendi. Ego verò curam omnem civilium rerum non ob id omisi, quandoquidem nostra Respublica non est depravata, quin potius hac ætate (ni fallor) est omnium absolutissima, atque perfectissima, si fuit unquam aliàs, quippe cujus ratio est ejusmodi, ut excellentioribus institutis temperari nequeat, neque verò majori cum tranquillitate, & concordia geri, cum sit à seditionibus insitis planè disjuncta, omnibusque iis rebus, quæ florentissimis Civitatibus perniciem afferre solent, quodque longè præstantissimum est, optimorum, fortissimorumque civium magna copia floret, quorum sapientia, & virtute quàm felicissimè regitur. Quamobrem ipse mihi non parum congratulor, primùm quod in Italia præcipuè natus sim, hoc est in regione cæterarum principe, ac regina; deinde Venetiis, quâ in Vrbe multas ex illis virtutibus expressas licet intueri, quæ de priscis hominibus illis cum Romanis, tum Græcis, constanti fama, & omnium sermone celebrari solent.

Atque



Atque eo sanè fit, ut neque Lacedæmoniorum, neque Romanorum multum invidiam Reipublicæ: licet enim tot gentes, provinciæque ceciderint sub hujus imperium, quod omnes novērunt; non tamen idcirco minus beatam, felicemq; nostram ipse duxerim; quandoquidem non est in magnitudine Imperij publica felicitas sita; sed in ea re, ut pacatè, & tranquillè cives omnes vivant; quo in genere, si nostram Rempublicam dixerò Romanæ antecellere, puto equidem fore, ut nulli prorsus accusationi jure sim obnoxius. Ex his igitur, quæ disputavi, potes intelligere, iisdem rationibus me non adductum fuisse, ut hoc ipse genus vitæ instituerem complecti, quibus impulsus est olim Pomponius Atticus: Commemorare autem nihil modò attinet, quid me induxerit ad suscipiendam hanc rationē vitæ: quod si fortè cognoscere studeas, atque instare pergas, hoc unum certè in præsentia dixerò; ad hanc vitam liberam, & omnibus curis humanis expeditam, ipsâ naturâ me propensum semper existisse, eandemque libentissimè complexum fuisse; quòd certò scirem patriæ meæ nihil hanc rem vel officere, vel incommodare, cui quidem cum  
suppe-



suppetat ingens copia præstantissimorum civium, nihil opus est opera, vel industria mea. Præter hæc, alia non pauca possem adducere ad hanc ipsam vel causam, vel defensionem meam; verum tamen ea dixisse, quæ audisti, sufficiat. IOAN. Valdè mihi probantur isthæc omnia, quæ de te, atque Pomponio disseruisti, in quibus modestiam ingenitam tibi facilè cognovi. Sed in præsentia nolo ad tuas laudes prædicandas ingredi, cum præsertim ea non satis æquis auribus à te accipiantur, ut ego quidem arbitror; ea de causa quòd existimes, ibi non esse verbis, & sermonibus opus, ubi res ipsa loquitur, operaque extant. Enimverò si rectè sermones tuos ipse animadverti, dictum est à te modò, non habere te, quod Romanis ita multum invideas, & tantum non æquare cum illis cives tuos cæpisti. Dic ergo sodes; Esne tu revera in hac sententia, ut existimes, Rempublicam vestram cum Romana comparari posse?

TRYP. Ita planè sentio. Nam, quamvis imperium nostræ Civitatis, ut modò dicebam, amplitudini Romanæ respondere nullo modo queat; alia tamen, & satis quidem multa non desunt, quibus ea quoque multum superatur

ratur

ratur à nobis, unde compensatio quædam, & æqualitas oritur. Quidam autem ex iis, quorum monumentis res à nostra Republica gestæ commendatæ fuerunt, in quorum numero est, nequid te celem, M. Antonius Sabellicus, quem virum nomine coram aliis minimè appellassem, ne quis existimaret à me illum accusari; qui summa eloquentia nostræ Urbis res illustravit; fuerunt, inquam, nonnulli, qui Venetam Rempublicam cum Romana conferre voluerunt; sed in ea collatione instituenda non usi sunt ea prudentia, quam res exigebat. Nam bella nostra tantummodò cum Romanorum bellis contulerunt, quæ procul dubio vel intervallo quàm longissimo non possumus assequi. Neque verò quisquam est adeò rudis, atque rerum expers, quin, ubi collationem à Sabellico in historiis suis institutam legerit, eandem sentiat assentationem quandam manifestissimam esse, cùm tamen idem multa præterierit, atque missa fecerit, quæ satis confidenter afferre poterat, iisque fundamentis innixus utramque rempublicam citra ullam suspensionem assentandi inter se componere.

IOAN. Tui quidem hi sermones, Trypho suavissime, cupiditate sciendi  
 B magna

magna me incitarunt, quânam ratione vestra Respublica Romanam æquiperet. Profectò si rem ita se habere putarem, esset quòd animo ingentem voluptatem caperem, dum cogitarẽ, non esse damnanda tam facilè hæc tempora, quibus ejusmodi Rempubli-  
cam stantem intueamur, quæ minimè concedat antiquissimis illis, quæ sermonibus, & prædicatione cunctorum sunt adeò celebres. Quæso igitur, ne graveris, quando in sermonibus ejusmodi hic dies traducendus est, hoc ipsum, quod aiebas modò, mihi comprobare. ΤΑΥΡ. Nihil, quod tibi jucundum accidat, mihi grave duco: sed heustu, habesne compertum, quânam ratione Respublica à nobis administretur? quæ sit ejusdem forma? quæ temperatio? quæ leges?

IOAN. Equidem legi pridem quoddam Sabellici opusculum, in quo vestri Magistratus omnes percensentur: Percunctorum etiam sum à pluribus, modò hoc, modò illud: Sed tamen ex iis omnibus, quæ vel ipse legi, vel ab aliis accepi, nondum Reipublicæ vestræ administrationem planè sum assecutus, quemadmodum se habeat, & cuiusmodi sit. Atque ut dicam illud, quod ipse sentio, ille Sabellici libellus  
non



non est magno usui : Licet enim commemoraret , atque enumeret singulos Magistratus , tamen non subiicit oculis , neque exprimit ipsam formam , & coagmentationem totius Reipublicæ , seu temperamentum. TRYP. Non est alienum à veritate hoc , quod ipse dicis : Habet enim se Respublica quælibet ad instar cuiusdam corporis , sive ut verius dicam , ipsa est quoddam Corpus , à natura quidem ipsa præcipuè formatum , sed mox ab arte quoque multum expolitum : Siquidem quando natura hominem effinxit , universalitatem , seu communionem quandam formare instituit. Itaque cum singulæ Respublicæ sint quoddam corpus , necesse etiam est , ut sua membra singulis non desint , quibus membris quoniam mutua quædam ratio , & conjunctio debet intercedere , non secus atq; inter membra cuiuscunque corporis ; inde fit , ut qui hujusmodi conspirationem , atque societatem singulorum Reipublicæ membrorum inter se non cognoverit , ne corpus quidem ipsum intelligere valeat , quâ ratione sit constitutum , atque adeò affectum. Hoc ergo est , in quo Sabellici diligentiam , studiumque desidero , qui rametsi collegerit , atque recen-

fuerit omnes Magistratus ; non tamen aperit, quonam inter se modo sint apti, connexique, & quid, quantumque alter ex altero pendeat, ita ut absoluta, planeque integra conformatio Reipublicæ colligi inde valeat. Quapropter id principiò tibi cognoscendum fuerit, quemadmodum administratio nostræ Reipublicæ temperata sit; alioqui nihil eorum, quæ cupis, intelligere poteris. Nescio tamen, utrùm hæc omnia possint expediri commodè hujus diei duntaxat exiguo curriculo.

IOAN. Mihi quidem satis fuerit à te percipere genus ipsum administrationis in vestra Republica ; hoc enim percepto, facilè deinde cognoscere poterò, &, quibus in rebus ea vel consentiat, vel discrepet ab omnibus aliis, apud me statuere. TRYP. Rectè ais. Itaque sermonem instituemus de nostra Republica, qui tibi non mediocri voluptati futurus est administrationes varias Civitatum investigare, atque intelligere cupienti. Nam perspicies in hac nostra ratione præstantissimas leges, optima instituta, & prudentissimam rerum omnium temperationem: & quanquam singula, prout res ferret, atque exigeret, accuratissimè, atque exactissimè modò non observentur;



ventur; nihilominus hæc nostra civilis administratio non ita multis accusationibus, siue reprehensionibus patet. Cadit enim hoc vitium in formam Reipublicæ quamlibet, id quod exemplis cum Romanorum, tum Spartanorum apertissimè constat. Satis est autem universa, quæ contingunt, errata in hac Civitate non ejusmodi esse, ut aliquod insigne detrimentum importare possint.

IOAN. Perquam mihi gratum, jucundumque fuerit, institutiones hæc vestras probè omnes cognoscere, quas quidem ego non dubito præclarissimas esse. Siquidem imperium, quod in tam multa sæcula stabile permansit, nulla domestica impressione labefactatum, neque ulla vi insita, id profectò necessarium est, eximia quadam solertia, & admiranda providentia temperatum esse. Et quidem ipsi fortunæ magnas gratias habeo, quæ me in hunc sermonem opportunè adduxit, unde tibi data est occasio ea commemorandi, quæ diu, multumque intelligere mihi erat in optatis. Aggrediaris igitur, quando lubet, ad rem institutam; quandoquidem ad audiendum me quàm promptissimum, & quàm paratissimum habes. TRYP. Quamvis hoc

non utar cubiculo, tamen expedire arbitror, ut in eo maneamus, quod vergat ad septentrionem, eoque solis immodicos æstus non faciliè admittat; præterea verò hîc à domesticis tumultibus quàm longissimè absumus: iis autem quemadmodum afficiar, id genus vitæ, quod mihi sponte optavi, declarare potest. Vir optimus, & summa observantia dignissimus Petrus Bembus ob egregias virtutes non paucos habet è nobilibus viris, qui secum quàm libentissimè versari solent: immò nullus in hac Vrbe vir insignis est, qui salutandi causâ ad eum non accedat: Quod si alibi commoremur, fieri non potest, quin ij nobis obstrepant, atque incommodent, qui frequentare consueverant has ædes officii causâ. Quare permanebimus hoc in loco ab aliis sejuncti, ut institutis sermonibus totum diem tribuamus. IOAN. Valdè mihi probatur hoc tuum consilium; jamque ut differere incipias, avidissimè expecto. TRYP. Priusquam disputationem ingrediar, vos nonnullis de rebus commonitos velim, quæ quodammodo viam nobis munient ad id, quò tendimus. Nam quicumque cupit intelligere alicujus Reipublicæ gubernationem, aut est Civis, atque par-

ticeps

ticeps ejusdem Reipublicæ, aut est peregrinus. Si Civis est, oportet ut quinque cognoscat, & quàm optimè teneat, iu quibus consultandi vis tota versatur. Principiò Civitatis opes, atque facultates, nimirum quæ sint ejusdem vectigalia, nec non etiam sumptus. Deinde pacis, & belli universam rationem, hoc est, quibus armis vel instructa jampridem sit, vel instrui adhuc debeat; quæque bella superioribus ætatibus gesta fuerint, & quonam successu; quot etiam, quantæque finitimorum copiar, atque vires, ut quibus sit vel diffidendum, vel confidendum probè intelligatur; & quibus sive adjutoribus, & sociis in bello, sive etiam adversis, atque infestis oportebit uti. Adhæc autem quæ sit ratio, & facultas ipsius regionis tuendæ, hoc est, quænam ad id præsidia, & quot requirantur; quod ut cognoscatur, opus est habere perspectum quàm optimè regionis situm, & cujusmodi sit ille, animadvertere, utrum in planicie, an in monte; prope ne, an procul à mari collocatus; & an careat fluminibus, an potius abundet. Mox eorum, quæ importantur, & quæ exportantur, est habenda notitia, ut videantur quæ suppetant, quæve desint. Tandem



quoad ferendas leges is, qui velit administrare publicas res, nosse debet, quæ Monarchiæ, seu tyrannidi leges magis congruant; rursus quæ vel Aristocratia, vel Oligarchia, vel Democratia, vel Ochlocratia, atque ita singulis aliis imperii formis sint accommodatæ. Hæc igitur omnia civibus esse nota debent. Qui verò peregrinus, & non civis est, ante omnia cognoscere debet administrationis Urbanae totam rationem. Quare cogitanti mihi te non esse participem nostræ civitatis, cujus regimen à te ipso percipere valeas, antequam ea, quæ dixi, attingam, faciam ut intelligas, quænam sit apud nos ipsos ratio civilis administrationis: Deinde verò persequar ordine singula, quantum è re videbitur. Quod si fortè in his sermonibus aliquid audies, quod aliàs etiam memineras abs te auditum fuisse, quodque non magni momenti tibi videatur; nolim tamen, ut minus attentum te mihi præbeas: futurum est enim, ut singula in usum veniant, cumque magna parvis, & ignota notis conjuncta, colligataque sint; nihil omnino ex iis omittendum fuerit. IOAN. Dic, amabo, quicquid in rem visum tibi fuerit, mi Trypho: nam quæcunque protu-



protuleris, existimabo quàm prudentissimè & quàm optimè fuisse prolata. TRYPHO. Vrbs ipsa, Venetiarum nomine insignita, parvis aliquot insulis continetur, quæ positæ sunt in æstuariis maris Adriatici cōtra flumen, quod Patavinus agros interfluit, nomine Medoacum, quâ idem in stagna non ita pridem rectâ ferebatur. Qua in re animadvertere debes, hunc Italiæ tractum, quem veteres appellaverunt olim Venetiam, ita secundùm Adriæ littora depressum, & proclivem esse, ut propter aquarum magnam copiam ab iis fluminibus, quibus tota regio scatet, inveciam, & propter æstum maris, quâ litus patet, influentis, intra non exigua pars in paludem abierit. Est autem id omne spacium interceptum instar arcus, non quidem remissi, sed potius contenti, cujus arcus in ipsa continente similitudinem exprimit id, quod hîc stagna circumamplectitur undecunque concavum. Nervus autem est id, quod vocamus litus, quandam speciem præ se ferens aggeris crassioris, est etiam ubi latioris; inchoatur id ab ipso mari sive sinu Adriatico, & rectâ fere continenter procurrit, quoad infra Brondulam ipsam continentem attingat. Inrumpitur

alicubi tamen hoc ipsum littus, ut maritimos æstus cum accedentes, tum etiam redeuntés admittat, & fluminibus iis facultatem præbeat, quæ delabuntur in æstuaría, petendi mare, ut se exonerent: ideoque nonnulli existimant, hæc intervalla disjuncta nihil aliud, quàm ostia fluviorum esse, quæ modò vocari solent à nobis Portus, propterea quod ut cæteri Portus aditum præbent omnibus navigiis, quæ hucundiq; mercibus onusta còmeant, aut etiam hinc abeunt. In his autem præcipui sunt Portus ad Brondulum, ad Fossam Clodiam, ad Metamaucum, ad Castella gemina, ad D. Erasmi, ad littus, quod vocatur majus, & quod triplex portus. Quicquid igitur interceptum spatii continetur intra hunc aggerem, quem descripsi, atque continentem, id ipsum est, quod vulgo dicitur, æstuaría, sive stagna maris Adriani, quæ tamen aquis ubique ita non sunt obruta, quin extent ab ipsis, atque emineant certa quædam loca: hæ sunt Insulæ, in quas finitimi quique populi, ut Attilæ vim effugerent, olim sese abdiderunt, moxque coëuntes omnes, & in unum coacti, hanc urbis formam pulcherrimam tandem effinxerunt. Ea distat à continente, qua

quâ minimum quinq; millia passuum:  
 à littore autem ipso ferè duo. Priscis  
 temporibus longius aberat à conti-  
 nente, nempe ad decem millia pas-  
 suum, propterea quod æstuarium perti-  
 nebant usque ad eum locum situm ad  
 Medoaci ripas, qui tunc, ut plerique  
 arbitranrur, ob eam rem vocari sole-  
 bat. Ora lacus, modò corrupto voca-  
 bulo dicitur, Oriacum. Industria ma-  
 jorum nostrorum obstare non potuit,  
 quin id spaciū totum aggerendo flumi-  
 na complerent, quod inde ad pagum  
 Safusinas usq; intercedit, ubi navigia,  
 quæ Patavio solvunt Venetias, aut Ve-  
 netiis Patavium, operâ, & vi trochlea-  
 rum super aggerem quendam evecta,  
 qui ab urbe Medoacum avertit; hinc  
 ad æstuarium; illinc ad fluminis alveum  
 recta transmittuntur. Ipsa verò natu-  
 ra hujus urbis situm valdè tutum præ  
 cæteris omnibus effinxit: neque enim  
 duntaxat à continente, sed etiam à  
 mari, quamvis in aquis sita nullam  
 vim reformidat. Præstant autem id  
 ipsa stagna, quibus undique circa ur-  
 bem, & etiam intra navigatur, omni-  
 bus locis ita humilia, atque adeo de-  
 pressa, ut nisi parva quædam navigia  
 facilè non admittant: quibus sanè fit,  
 ut cum maris æstus maximè recedit,  
 plurima

plurima loca detecta conspiciantur. Si quis igitur à continente statueret Venetias invadere, ad copias suas traducendas sternere pontibus, aut rati- bus cogeretur, quicquid æquoris est interjectum inter urbem ipsam, & continentem; quæ res ob maximam operis difficultatem confici nullo modo posset. Quicunque verò ad eandem urbem invadendam cogitaret instruere, atque ornare classem intra ipsa æstuar- ia, huic objicerentur incommoda gra- vissima duo. Alterum, quod ob vado- rum humilitatem nihil loci posset ob- tinere ad navigia explicanda: ut enim æstu maris in accessu maximè se attol- lente, classis alicubi stare instructa for- tasse queat; paucis tamen horis eadem maximum periculum adiret, ne hære- ret invadis. Alterum, quod operam frustra, & tempus impenderet is, qui nautas nõ haberet valdè loci peritos: nam sæpe numero contingeret, ut ipsa navigia præter Euriporum alveum de- vecta, mox ab aquis in sicco destitue- rentur, quippe quæ vel cum maximè æstus intumescit, nunquam ita tollun- tur, ut quolibet navigandi facultatem integram relinquunt. Si quis autem conetur à mari Venetias aggredi, ob- jectum ante omnia æstuaria littus pe- netran-



netrandum eidem necessariò fuerit : obstructis itaque sive ostiis, sive portibus illis, quos suprà memoravi, aditus omninò intercluderetur ad ipsa æstuaria. Neque verò id efficere operosum esset, quoniam ea intervalla non ita multum lata, nec profunda sunt. Siquidem in urbis ipso conspectu is, qui appellatur, geminorum castellorum portus, eam profunditatem nō habet, quin majora navigia expectare oporteat, quoad æstus accedat, & quidem maximus. Sed aliud est præterea, quod obstat ingredientibus: nam quotiescunq; tempestatibus vel ad modicum tempus fuerit mare concitatum, ejusdem vina subeunt ingentem vicissitudinem ante ipsum portum undarum, ac turbinum vi impulsis, atque jactatis huc, & illuc arenis, ita ut quā patuerat aliquando facillimus ad urbem aditus, eādē postea contingat omnem obstructam viam esse. Quæ res necessitatem affert aliquot homines huic muneri præficiendi, qui cum tempestas desierit, ubinam ea reliquerit aditum patentem, exploratum eant, ut eum navigiis cū ingredientibus, tū egredientibus commonstrare valeant: in faucibus autem portuum cæterorum ædificari castella possunt, sive pro-

propugnacula, quæ tormentis instructa ab ingressu arceant. Quod si quis etiam classem in æstuaria transveheret, in easdem incurreret difficultates, in quibus cum versaturum superius ostendimus, qui classem intra ipsa æstuaria vellet adornare. Præterea verò in iis Euripis collocatæ, per quos accedere propius hostis niteretur, oppletæ ruderibus naves obfirmarentur, quæ bellicis tormentis oppidò munitæ, quoscunque infestos accedentes longius summovent. Quid? quod ii, qui ratibus, aut alia quacunque huiusmodi machinatione ad urbem appellerent, adversus eos valli per tota æstuaria depacti, certa quadam forma componi, statuique possent, quæ afferret iisdem gravissimum impedimentum; præterquam quod insensus hostis quæ irrumperet (nam fieri nullo modo posset, ut falleret, aliud emetiendo, atque aliud capiendo iter) excitari posset conjunctis navibus aliquod propugnaculum à lateribus adeò firmum, ac munitum, ut omnes id subire, immò accedere prope perhorrescerent; quâ ratione videmus Ferrariam, Patavium, & Crenam, aliaque nostris temporibus oppida communita. His de causis arbitror urbis nostræ situm ab hostili qua-

quâvis irruptione tutissimum esse. Rex Attila idcirco post Aquileiam everfam, cum liberiùs excurreret per hunc Italię tractum, qui Venetię tunc nomen obtinebat, eos omnes, qui huc se receperant, ut ejus impetum evitarent, aggre-diendos suis armis non existimavit. Pipinus autem Caroli Magni filius Obelerio Duce nono gerente rempublicam, qui aggressus est administrationem anno salutis 804, aggredi quidem nostram urbem temerè fuit aùs eâ classe, quam Ravennę apparatam instruxerat; sed ejus inconsulta temeritas, atque ámentia non alium eventum habuit, quàm commerita fuerat: à majoribus enim nostris magno cum dedecore fusus, amissâ classe, profligatusque fuit. Urbem porrò totam Euripus quidam, qui Canalis major à nobis dicitur, in duas partes secat; Altera pariter ad meridiem, & occidentem; altera spectat ad orientem, & septentrionem. Refert Euripus iste quadantenus serpentis formam, & antiquam literæ, S, notam imitari videtur, sed contrario modo descriptam, prout expressum hic vides; ubique satis profundus, & eâ latitudine, quæ flumen aliquod satis amplum æquet, quo non secus urbs ipsa discriminatur, atque

Arno

Arno vel Florentia, vel Pisæ, sive Tyberis Roma, sive Athesi Verona. Eiusdem origo prima ad Medoacum refertur, qui prius quàm ad Sasufinas cursu averteretur, in mare se profundeabat per illud ostium, quod appellatur modò Castellorum portus. Influunt in ipsum alii quoque propè innumeri Euripi patentes in latitudinem satis amplam, quibus nostra distinguitur, neque verò minus ornatur, quàm vestra urbs amplitudine, & pulchritudine publicarum viarum. Hi maxima ex parte non nisi cymbis perlustrari possunt; neque tamen aliquot desunt, qui habeant ab altero latere vias lapidibus stratas, sed quàm paucissimi vias exhibent ab utroque, quas appellamus vernacula lingua, fundamenta. Quam simillima forent hæc ei viarum generi, quod apud vos Arno imminet, crepidinibus demptis. Neque verò tantum Venetiis sunt hæc mari viæ; verùm etiam terra sunt illi, qui dicuntur Calles, non tamen satis aspectu elegantes, & pulchri: præterquam enim quod breviores plerunque sunt, & rectà non tendunt, non ita multos faciliè compertias, qui binos homines admittant unà parigressu incedentes, adeo coeunt in arctum, atque angusti sunt. Quoniam  
vero



verò intercurfantes Euripi paffim eos  
 interrumpunt, quo totam per urbem  
 facere iter pedibus liceat, adjunguntur  
 iidem, & continuantur ponticulis la-  
 pideis quamplurimis fuperinductis,  
 quorum licet numerus ingens, ea ta-  
 men non eft frequentia, quin sæpenu-  
 mero circuitus quidam capiendus fit,  
 vel ad proxima loca proficifcenti. Fre-  
 quentiſſimam verò, celeberrimamque  
 totius urbis regionem, in quam om-  
 nes mercatores confluunt, adeptam  
 Rivi alti nomen cum Regia via, quæ  
 ducit ad ædem ſacram D. Marci, atque  
 ipſum Ducarinm, pons è ligno publi-  
 cius tranſverſarius jungit, quo uno  
 maximum Euripum illum tranſcende-  
 re licet. Sed ne ſemper cogantur hunc  
 pontem adire illi, quibus huc, aut illuc  
 tranſmittendum eſt (quod certè nimis  
 incommodum accideret) pluribus lo-  
 cis certi quidam homines attributi  
 ſunt, qui eo genere cymbarum, quod  
 proximè explicabitur, quæſtus, & com-  
 pendii cauſâ quemlibet trajiciunt; un-  
 de nomina trajeſtuum locis ipſis indi-  
 ta. Cæterum qui præſtant hanc ope-  
 ram, inopes, & plebei ſunt, iſque man-  
 datur hoc munus à quodam Magiſtra-  
 tu, qui hanc ipſam rem curat, & om-  
 nes deſtinat ad trajiciendum alios aliis

locis: cautum est porrò lege, quot homines per singulas vices, & etiam quanta mercedula transportandi sunt. Quibus rebus fit, ut Euripi maximi transmissio neque difficilis ulli sit, neque sumptu gravis, tametsi præter eum pontem nullus alius suppetat. Hoc modo terrestre iter in urbe nostra conficitur, quam tamen etiam mari totam pervadere, & quidem majori quodam compendio, & commodo licet. Est nobis quoddam genus cymbarum ad id comparatum, quas Gondulas ipsi nominamus, eleganter, affabrèque factas, quibus sunt omnes Euripi perenniter instructi: utimur autem his, equorum, mulorum, ac rhedarum vice, quarum spectatur innumerabilis ferè multitudo. Nam cum longè plurimæ sint eæ, quas Patricii, & reliqui cives semper ad usus proprios instructas in promptu habent, tum multis partibus illæ plures adhuc sunt, quæ tenentur ab iis, qui inde lucrum quærunt. Urbis quidem ipsius pulchritudinem multò magis maritima, quam terrestri profectio contemplari licet; propterea quod Euripi latiores plerique sunt, & pulcherrima quæque ædificia secus ipsos exstructa, quæ licet eos, quos vocamus Calles, nonnunquam pro-

prospectent (nam singula utrinque possunt adiri, & à terra, & à mari) nihilominus ipsa facies ædificiorum, quæ præcipuè totius operis elegantiam ostentat, aquis plurimum incubat, & prospectum pandit, est ubi etiam pertineat ad aliquot Calles, quorum tamen angustia nimia facit, ut operis magnificentia non satis appareat. Cæterum magna sordium pars urbe tota per Euripos excipitur, æstuque maris abrepta fertur in altum; quanquam hoc Euriporum alveis nō sufficit prorsus evacuandis, proindeque danda est assiduè, prout datur, opera, ut excavato alveo penitus purgentur. Nihil de salubritate aëris modò attinet dicere. Priscis quidem temporibus, quod Vitruvius perhibet, habebantur omnium deterrima hæc loca palustria. Nunc inter omnes constat, Patavium, atque Venetias frui præ cæteris Italiæ oppidis aëre quàm saluberrimo. Argumento est, quod in utraque urbe plurimi affecta, & inclinata jam ætare senes reperiuntur, qui tamen & corporis, & mentis robore satis pollent. Expedita verò facilitas cuinam est ignota consequendi ea, quæ ad victum sunt necessaria? Autores ii, qui scripserunt olim de urbium situ, eas prudentissimè conditas

existimarunt, quæ non in maritimo littore, sed procul essent inde sitæ, minimùm sex, summùm decem passuum millia. Nimiam propinquitatem maris ea de causa non probant, incursionibus, & latrociniis piratarum ne sit urbs obnoxia: id autem intervalli, quod dixi, laudant idcirco, ne commoditatibus illis careat, quos mare suppeditat. Urbs ergò nostra cum posita sit intra æstuaria, maris opportunitate sanè quàm facilè utitur; quibus autem rebus est ab hostium aggressionibus, ut jam dixi; tuta; iisdem etiam piratarum incursiones non reformidat: cumque non procul absit à continente, non minorem inde, quàm si collocaretur in ipsa, fructum quoque capit, præsertim cum sit in urbis conspectu Italiæ feracissimus ager in ea regione, cui Venetiæ nomen quondam erat, idemq; passim distinctus pulcherrimis amnibus, cujuscmodi sunt, Tiliaventus, Liqueria, Anaxus, Silis, Medoacus, Athesis, qui omnes in æstuaria decurrunt; unde fit, ut non solum affluenter, atque copiosè; verum etiam tutissimè, atque facillimè in nostram urbem, quæ ad victum necessaria sunt, importari queant. Atque ita ex iis, quæ sunt hætenus exposita, colligere licet,  
nihil



nihil eorum in civitate nostra desiderari, quæ vel ad sui defensionem requiruntur, vel ad parandî victus facilitatem. Hic est Veneriarum situs; hæc opportunitates, de quibus ea duntaxat attingere volui, quæ magis ad rem fore mihi videbantur; quamvis autem te non latere quicquam ex iis scirent, prætermittere tamen nihil volui, nè redderetur explicatio mea quodammodo manca, & imperfecta. IOAN. Explorata mihi quidem erant ea, quæ de urbis vestræ situ commemorasti, quippe quam ipse non semel aditâ perlustravi; hæc tamen ipsa mihi jucundissimum fuit abs te modo audire; siquidem oratio tua renovavit eorum, quæ jam pridem conspecta fuerant, memoriam. Sed cur, amabo, dixisti, expositionem tuam mancâ, & imperfectam futuram, si descriptionem situs omisisses? TRYPHO. Non una quidam ex causa, & ratione: Nam cum de nostra republica sermonem habituri simus, consentaneum minimè dicebam ad ipsam aggredi, nisi prius aliquid egissem de sede, in qua est collocata; cum præsertim ad alicujus reipublicæ formam probè intelligendam permagni referat, quod spectat non ad mores tantum, sed etiam ad poten-

tiam, & opes habere cognitam, & perspectam naturam loci, atque situs, à quo continetur: quam ipsam ob rem ii, qui præcepta condendi urbes traderunt, permultum interesse docent, ubinam sedes eligatur, verum in colle, an potius in plano, propene, an procul à fluminibus, & à mari. Quid? quod omnium Philosophorum celebris est doctrina, universas artes, & disciplinas ab iis, quæ magis communia videntur, inchoari debere. Hoc autem posito, non video, quid magis commune possit esse in republica Veneta, quàm sedes ipsius urbis, cuius quidem ii non sunt participes tantummodo, qui rempublicam gerunt; sed etiam omnes incolæ, atque peregrini. Certè quicunque peritissimi artifices haberi volunt, aut pingendo, aut fingendo, hæc ipsa Philosophorum decreta sectantur, ut semper à quibusdam rebus communioribus initium sumant. Pictores enim antequam ullam imaginem certam ad vivum exprimant, ducere quasdam lineas ex arte solent, quibus adumbratur quædam communis effigies, minimèque distincta; mox paulatim eidem propria lineamenta inducunt, donec absolutam exhibeant singulorum membrorū conformationē.

Neque

Neq; verò sequuntur aliam rationem, qui statuas conficiunt. Nam si contemplari velimus aliquod signum erectum ex iis, quæ sunt adhuc rudia, & tantum inchoata, nobis quidem dicendum fuerit, caput, brachia, & crura, potius hoc loco, & illo futura esse, quàm hoc esse caput, & illa vel brachia, vel crura: adeò natura ipsa impellente cogimur non tantum in cognoscendo atque intelligendo; sed etiam in quovis opere faciendo à rebus communioribus ducere principium. Atque mihi hæ causæ fuerunt, à descriptione situs Urbis incipiendi, tanquam à re magis communi quàm cætera omnia. Hunc eundem ordinem in iis, quæ proxima sunt, etiam observabo: tractaturus enim de Reipublicæ administratione, principio de partibus ipsius in genere agam; deinde verò ad singulas earum conditiones explicandas veniam: Quare mihi non semel ad idem principium recurrendum fuerit; nescio tamen an ex animi tui sententia sit futurus hic ordo. IOAN. Quidni sit futurus? Omnibus in rebus summam quandam prudentiam adhiberi abs te video. TRYP. Dicam igitur eos omnes, qui Venetiis degunt, urbe jam quantum satis erat

à nobis descripta, tres in classes distributos esse, popularium, civium, & patriciorum: qua quidem in partitione scio me non à Sabellico tantum dissentire, qui duas priores classes inter se confundit, eodemque plebis nomine æqualiter censet; sed etiam à compluribus aliis, qui nihil tribuunt iis, qui non sunt Patricii, cæterosq; omnes habent populi numero, atque loco: qua de re fusius alibi. Ego tamen sum in ea sententia, ut existimem, eo modo, quo dixi, partitionem faciendam esse. Quare popularium nomine eos tantum accipio, qui dici solent communiter plebei, hoc est, qui sordidas artes exercent vitæ sustinendæ causâ, neque ullum ornamentum, aut honoris gradum adipiscuntur in civitate: Cives autem illos appello, qui geniti, & educati in hac urbe, non ipsi tantum, verum etiam & parentes & maiores eorum, magisque liberalibus artibus addicti, aliquid splendoris meritorè consecuti sunt veluti quodam gradu honoris conscenso; quo fit, ut communis hæc patria debeat eos amplecti tanquam à se ipsa genitos, atque procreatos: Patricii verò, seu Gentiles viri, ut à nobis vocantur, illi sunt, in quorum potestate, & arbitrio

est



est ipsa republica, totumque jus, & imperium cùm terra, tùm mari. Eorum nobilitas, quamvis clarissima sit; tamen ut magis atque magis omnibus pateat, de primordiis, atque incrementis nostræ civitatis statui quædam dicere. Quo tempore maximû belli terrorem toti Italiæ inferebat, prope diemque invâsurus ipsam dicebatur Attila Rex Hunnorum, fama constans est, eos populos, qui Veneti tunc appellabantur, apparatu tam magno exterritos, in æstuarium maris Adriatici commigrasse, & parvas eas insulas tenuisse, quæ positæ sunt inter ipsum littus & continentem. Autores hujus fugæ Patavini sunt habiti, & cum his Aquileiæ, & concordia cives, aliorumque oppidorum finitimorum; & alii quidem alias insulas infederunt. Urbis tamen ipsius prima fundamenta in Rivo alto Patavinos jecisse fuit memoriæ proditum anno salutis c d xxi, & quidem ipso die festo Annunciationis Deiparæ Virginis, qui celebratur viii kalend. Aprilis. Et quoniam motus, & aggræssiones Hunnorum tardius processerant; à primis enim rumoribus usque ad irruptionem ipsorum effluxère anni quatuor, & viginti, quod quidem temporis curriculum iidem consule-

runt ad instaurandas copias detrimenta-  
taque sarcienda, quæ subierant, & per-  
tulerant non modica, vel commisso ad  
Tolosam ingenti prælio cæsi, & profligati,  
vel perdomandis Illyricis, Dalmatis,  
atque Istriis in ipso adventu permultum  
occupati. Quapropter hac mora temporis  
interposita, atque interjecta, non multum  
incrementi civitas tunc accepit, quin etiam  
patrias sedes multi repetierunt; sed qui  
tenebant Rivum altum, nihil immutata  
sententia ibidem commorati perpetuò  
manserunt. Vbi verò tandem Barbari  
in Italiam ingressi Aquileiam vi captam  
everterunt, eo tempore Veneti quàm  
frequentissimi convenerunt ad æstuarium,  
& insulas omnes passim compleverunt.  
Sunt qui memoriæ traderint eo, quo dixi,  
Beatæ Virginis Festo die dedicatum  
fuisse templum D. Iacobo Apostolo  
sacrum, ab iis, qui tunc erant incolæ  
Rivi alti, primum extructum, unde  
civitatis ipsius ducta sunt primordia;  
veruntamen anno C D XLVI, cum  
Attila jam pervassisset, & pervastasset  
Italiam, earum civitatum, quas nominavi,  
populos in has insulas convenisse  
tanquam in tutissima loca, frequentissimoque  
omnium, qui adessent, habito concilio,  
tandem consti-

constitutum fuisse, ut domicilium stabile, atque certum ibi collocaretur, neque ullus reditus fieret amplius in continentem: atque hæc altera quodammodo statuuntur incunabula nascentis urbis ab his autoribus. Sed hæc opinionum variatio non est alicujus momenti, & nostra nihil penitus interesse potest: Illud enim exploratissimum, & certissimum est, ob Hunnorum terrorem confluentibus in dies magis, ac magis hominibus civitatem mirum in modum auctam, & amplificatam excrevisse adeo, ut non multo post armis decernere potuerit adversus Istros, atque Dalmatas, à quibus infestabatur, & victoriam consequi, atque etiam Belisario summo Iustiniani Imperatoris Duci auxilia non contemnenda suppeditare in obsidione Ravennæ contra Gothos, eo rerum eventu, ut Vitiges ipsorum Rex bello captus, transmissus ab eo fuerit victus ad Constantinopolim. Anno quoque ferè centesimo ab ipsa urbe condita, cum venisset ad Italiam vindicandam à servitute Gothorum Harses alter Dux ejusdem Iustiniani, non mediocribus officiis, atque copiis à nostris adiutus, ut aliquod monumentum harum rerum apud nos extaret, grati animi ergo

ergò duo fana curavit ædificanda ; alterum D. Theodoro martyri sacrum, ubi nunc ædes conspicitur D. Marci; alterum Divis Geminiano, atque Menæ; quod quidem erat olim in medio foro, sed ornandi, & amplificandi loci causâ mox dirutum. Vitali Michaëlio Duce denuo conditum fuit in extrema area. Permultum etiam civitas incrementi accepit ex infesto Longobardorum adventu post Narsetis obitum, cujus gentis immanitas efferata fecit, ut omnes undique certatim has in Insulas fugerent, ipsaque civitas longè, latèque propagaretur. Quinetiam paucis post annis cum Agilulphus Longobardorum Rex Patavium, atque Accellum funditus evertit, respublica multum crevit confluentibus incolis utrinque quarum ingentem vim, atque numerum neque Rivus altus, neque Insulæ proximæ capere amplius poterant, ideoque complere habitatoribus necesse fuit aliam Insulam, quæ Gemina eo tempore dicebatur, urbe non modò frequentiori, sed ampliori etiam reddita: quæ sanè in hoc statu permansit quietè, & tranquillè nullo bello gesto, præterquam quod à finitimorum injuriis acerrimè se, suaque defendit usq; ad illud tempus, quo Duces in



in republica cæptum est creari, qui fuit annus ab urbe condita cc lxxxii. Ab eo tempore paulatim vigor excitari, & egregia vis animorum sese efferre cæpit, maximorumque inimicorum impetu represso & imperium & robur simul amplificavit, ut cum Gallorum vim sustinuit & egregiè devicit Obele-rio Duce ix, cujus rei suprâ memini. Gessêre deinde majores nostri res maximas, & præcipuè mari, bellicque victores imperii sui fines latissimè protulerunt. Hinc ad res in continente animis conversi eos eventus, qui res humanas sequuntur, experti sunt in iis, quæ fuerant aggressi, ut omnibus est notum. Sed quoniam civitates amittunt veteres suos cives & novos asciscunt, ob domesticas seditiones, ob externa bella, aut etiam pestilentia: causâ: nostra civitas nihil ejusmodi est unquam passâ, ut in diversas partes, factionesque distracta, modò hanc, modò illam extrudere coacta fuerit, quod accidisse videmus ferè cunctis Italia: urbibus, quæ civilibus odiis atque armis se ipsos propè deleverunt. Externa verò bella ita propulsavit, ut existimationem, atque gloriam sibi comparaverit auctâ etiam ditione: pestilentia: vim duntaxat aliquando subiit, quemadmodum

admodum contigit Andrea Dandolo Duce LIV, qui ad id fastigium evectus est anno MCCCXLII, & in eo fuit usque ad annum MCCCXLV. Vnde conjecturæ locus relinquitur, hanc fuisse pestilentiam illam insignem anni MCCCXLVIII, à Boccacio vestro tantoperè celebratam. Eo quidem tempore lues pestifera civitatem nostram multum exhausit, ut ad recuperandam pristinam suam frequentiam, ac celebritatem necesse fuerit edicto quodam sancire, ut quicumque se conferret ad habitandum Venetias, is elapso biennio civis haberetur. Sed pestilentiaæ ea vis est, ut plerunque non sit exitio nisi plebeculæ, cui remedia illa præstò non sunt, quæ suppetunt, instructis, optimèquè paratis, à re domestica. Quo fit, ut facile existimem, eos omnes, qui munire se adversus ingruentem mali vim commodissimè poterant, eo quod opibus abundarent, ejus calamitatis expertes, præter paucos, fuisse. Non multi menses effluxerunt, ex quo mihi loqui contigit cum viro quodam patricio è civibus vestris, qui percunctanti mihi genus detrimenti, quod pestis ante biennium intulisset civitati vestræ, in hanc sententiam respondit; ipsam plebem miserè affectam, & afflictam

fictam esse, cæteros omnes prope incolumes evasisse, qui rebus necessariis ad vitam destituti non essent; ut ex iis, quæ narravi, constare putem, urbem nostram quàm frequentissimam per brevi evasisse: cumque calamitates illas minimè pertulerit, quarum occasione mutatis habitatoribus renovari debuerit, integrum, atque incorruptum genus id servasse, quod à primis autoribus suis acceperat. Hujus autem generis nobilitatem insignem esse suadet illa ratio, quod qui has in Insulas confugerunt, atque hoc ipsum civitatis corpus primùm efformarunt, eos veri quam simillimum sit extitisse domi suæ nobilissimos, aut certè quàm opulentissimos. Nam tenuiores, & qui non habetur aliquo numero, cum adjuvmentis opportunis instructi minimè sint ad vitam tuendam, facultatemque nullam habeant aliò commigrandi, loco se movere non possunt, & ideo quicquid vel boni, vel mali casus allaturus est, domi expectare coguntur. quod quidem & hac tempestate nostra in Gallia Cisalpina fieri videmus, ut bellorum tempestates effugiant non abjecti, & inopes, sed qui divitiis, & splendore generis plurimùm excellunt. Plebs tamen eò postea sese confert, ubi

que

quæ pertinent ad victum, melius, atque facilius existimat comparari posse. Quapropter ubi primùm ii, qui fuerant orti claro genere, vel opibus valebant, finitimis è locis convenerunt in hæc æstuaria, pro certo existimandum est, ingentem quoque vim plebeiorum non multò post eisdem sese adjunxisse, cùm spe commodorum allectam, tùm locorum tutissima habitatione. Præstant ergò nostri Patricii longè plurimum claritate generis, quippe qui referunt ejus originem ad eos nobilissimos, atque opulentissimos Viros, qui Barbarorum incursiones effugientes, constituendæ civitatis his locis primi autores fuerunt. Præstant etiam altera ratione, quod incorruptum, & sincerum quam maximè idem genus adhibita cura maxima præstiterunt, cum præsertim nihil unquam ex iis rebus passa fuerit civitas, quæ mutationis, aut innovationis afferre solent necessitatem. Accessit huic major etiam claritas, & existimatio, postquam majora comitia constituta sunt ad publica negotia gerenda, & administranda. Quis enim nesciat, eos qui publicis rebus minimè vacant, cum nihil omninò conferant ad augendam suam nobilitatem, eò sensim deduci, ut eam qua  
sunt



sunt præditi quoque amittant, vitamque agere cogantur deteriori conditione quàm mutæ pecudes, nihil altum, & sublime unquam cogitantes? Id quidem facilè in omnibus illis civitatibus cognosci potest, in quibus tyranni per violentiam rerum potiti, illud unum propositum habere solent, ut deprimant, atque abjiciant omnino homines eo torpore induc̃to, ut nesciant in vita sua vigilantne, an dormiant. Enimverò comitiis majoribus interclusis (expositurus autem sum loco suo, quo tempore fuerint instituta, & interclusa majora comitia) cum ad ea nullis in posterum aditus patuerit, nisi oppidò paucis, ut quindecim iis familiis, quæ causâ conspirationis Bajamontanæ, trigintaque iis viris, qui asciti sunt inter patritios Ligustico bello, & diversis temporibus quidam alii; hac etiam ratione majorem dignitatem, atque existimationem videamus eidem ordini partam, & comparatam. Sed ut hanc disputationem totam absolvam; tria mihi tempora præcipuè in nostra republica consideranda sese offerunt: primum totum id curriculum, quod ab urbe condita usque ad majora comitia constituta effluxit; quo sanè tempore majores nostri

gerentibus ipsam rempublicam vel Tribunis, vel Ducibus, ut suo loco dicam, non multum celebritatis, aut nominis consecuti sunt, satisque illis fuit acceptum à suis autoribus decus, & ornamentum, delatumque in hanc civitatem, minimè amittere. Altera tempora fuerunt à comitiis majoribus institutis, donec aditum contigit ad eadem obstrui: tunc enim ex administratione publicorum munerum facto veluti gradu cives ad amplitudinem majorem ascendere cœperunt. Postrema verò tempora deducta sunt hætenus à comitiis majoribus interclusis, quæ res contulit iisdem summam dignitatem, & ad id fastigium cunctos extulit, quodque eas rationes, quas commemoravi, prius attingere minimè potuerant. Si quid igitur in cunctis urbibus Italiæ manet, & viget antiquissimæ nobilitatis, id sanè, quod à te ipso percipere potes, in nostra eminet præcipuè, & excellit quàm maximè. Ii, qui modò vocantur cives, quicquid splendoris nunc habent, non nisi ab interclusis comitiis id adepti sunt. Nam cum res publicæ tunc omnibus communicarentur (quod quidem inferiùs efficiam, ut distinctè intelligas) verisimile est admodum, omnes eos, qui



qui præditi fuissent aliqua nobilitate, & virtute, tunc majoribus comitiis comprehensos fuisse, & si qui sunt exclusi, paucos extitisse: quod sanè indicat illa magna civium frequentia, quæ superioribus ætatibus in comitiis aderat. Quid? quod ex iis, qui fuerant exclusi, plerisque adhuc tributum fuit idem jus diversis temporibus. Vnde conjicere possumus eos, quos modò contingit nominari cives, vel tunc è plebe fuisse, neque in republica dignitatis ullum locum habuisse, sed ea, quæ nunc habent ornamenta, post ea tempora sibi comparasse; vel aliunde se contulisse in hanc urbem habitandi causâ, in qua tempore procedente nati sint eas facultates, atque opes, quibus honestissimi modò habitati, iis privilegiis ornantur, quorum causâ Veneti cives nominantur, unamque tribus ex partibus civitatis explent, summo quidem assensu totius reipublicæ, quæ cum res ita postulat, atque exigit, eorundem facultatibus, atque opibus perlibenter utitur, non secus atque nobilium, ac patriciorum. Plebei verò, quos populares nobis appellare libet, ingenti numero sunt, ex diversis generibus incolarum conflato. Nam plerique eorum sunt advenæ, atque pere-

grini, qui allekti cupiditate quæsius faciendi, habitatum veniunt; & quamvis in urbe diu nonnunquam morentur, in ea tamen nihil aliud, quàm in diem vivunt; aut etiam si quid lucri fortè collegerunt, id redeunt in patriam statim secum afferunt, quemadmodum fieri videmus à Bergomatibus, aliisq; hominibus exterarum gentium, & nationum, quibus est nostra civitas refertissima. Hoc ipsum sive plebeiorum, sive popularium corpus tenuiores opifices complectitur, innumeros propè, qui, quoniam suæ conditionis humilitatē nunquam supergressi sunt, idcirco nihil in republica juris habent. Est aliud quoque præter ea, quæ dixi, popularium genus, quo loco mancipiorum solemus uti, cujusmodi sunt, qui cymbas agunt, & cæteri id genus. De mercatoribus autem nil attinet dicere, quorum summa vis, atque adeò frequentia confluit ex omnibus regionibus in hanc ipsam urbem, quam ceu communem orbis terrarum mercatum frequentare solent propter ingentem maris opportunitatem, & pro iis copiis, quas afferunt faciendo quæstui, pecuniæque colligendæ strenuè dant operam: mox ubi visum è re sua fuerit, civitatem relinquunt, qua de causa



causa nulla pars ejusdem haberi debent. Haftenus de conditione incolarum verba fecimus : superest ut de reipublicæ administratione modò faciamus , in potestate nobilium planè constituta , nisi quod huic sermoni fortasse prævertendum putas. IOAN. Antequam pergas ad alia, hæc duo scire optarim; Vnum, quot sint in urbe ferendis armis idonei; Alterum, quot viri nobiles, seu Patricii. TRYPHO. Quanquam non satis accuratè, quæ rogas, explicare possum, neque verò multum ea faciunt ad rem nostram, dicam tamen id, quod ex aliorum sermonibus aliàs intellexi, quodque propius existimo ad veritatem accedere. Feruntur esse in urbe nostra xx. millia ostiorum, seu familiarum: moris autè est duos pro singulis ostiis homines accipere, quâ ratione possent in aciem educi xl. armatorum millia. Olim profectò (non satis explicatum habeo, quo tempore) cùm certâ ob causam, quæ memoriâ etiam excidit, ii qui tunc reipublicæ præerant, investigarent, quot homines apti bello inveniri possent, censa fuerunt capita xl. millia; qui numerus cum eo, quem retuli modò, perbellè convenit. Hoc itaque posito, nullus,

opinor , esse poterit fraudi locus, cum præsertim ex quo censa fuerunt ea XL. millia , civitas majori numero civium aucta videatur , neque ullus casus extiterit, quo sit infrequentior redditâ. Patritii verò tam qui comitiis dant operam, quàm qui iisdem abstinent, quod tamen fit à paucis , adjunctis quoque illis , quos abesse domo contingit sua, vel reipublicæ causâ , ut Præfecturas, & Præturas obeant in subjectis oppidis , aliisque publicis muneribus ejusmodi fungantur , seu terra , seu mari, omnes in unum coacti , prout affirmantes multos audivi , fuerint ad ter mille , paulò certè plures , aut pauciores. Sed omissis tandem disputationibus his de conditione plebeiorum , & civium incolarumque numero , aggrediamur reipublicæ gubernationem, quæ Patritios tantummodò continet, & præterea neminem , id quod antea monui. Præsumt ergò Patritii cum summo imperio toti civitati , & universis oppidis , quæ sunt in ditione Veneta cum in ora maritima , tum in continente. Res autem administrationis universa procedit hoc modo. Principiò statuerunt quoddam fundamentum , seu basim , quâ respublica tota sustinetur , hoc est majora comitia , quæ

quæ vernacula nostra lingua vocamus Magnum Concilium. Pendent igitur ab hoc fundamento, & basi cæteræ omnes partes ipsius reipublicæ, si non omninò, saltem maxima ex parte, & pariter continentur ipso Patricii omnes, quibus quidem eò convenire per ætatem licet: qua de re fusius alibi. Hinc oritur, & procreatur alterum Concilium permagna cùm autoritate, tùm existimatione, quod (ut cum Hetrusco loquar Hetruscè) *de Pregati*, materna verò nostra lingua dicitur, *de Pregai*, Latinè verò commodè potest appellari, Rogatorum Concilium, aut etiam senatus. Quænam verò sit ejusdem optandi ratio, & quibus ex Patriciis, & ex quo numero constet, quænam denique sint illius facultates, & munera, cuncta hæc explicabuntur uberius loco quidem suo. Rogatorum Concilium excipit Collegium, quod constat ex certo quodam numero Magistratuum, prout inferius intelliges. Tandem caput est omnium Dux, atque Princeps, qui gradus est eminentissimus in nostra republica, cujus præcipua membra sunt quatuor ea recensita, nempe Comitia, Concilium Rogatorum, Collegium, tandemque ipse Princeps. IOAN. Audivi sermonibus

usurpari quam frequentissimè nomina Decemvirûm, D. Marci Procuratorum, & Triumvirûm advocatorum, tanquam Magistratuum maximæ, ac summæ dignitatis, de quibus tamen tu nihil. TRYPHO. Non inficior, hos Magistratus honestissimos, & amplissimos esse; consultò tamen à me prætermissi sunt, propterea quod ex iis non conflatur ipsum corpus reipublicæ; nam cæteròquin obtinent summam dignitatem, & res publicas curant, si quis alius Magistratus. Dabo quidem operam ut planè suo loco intelligas, cujusnam modi sint, & quid habeant juris omnes hi magistratus, quorum meministi, & qua ratione conjuncti cum universa republica. Ut igitur eò revertar, unde oratio deflexit, totum Reipublicæ corpus & absolutum quaternis illis membris, quæ dudum exposui, pyramidique, si rectè animadvertas, quàm simillimum redditur, basi quidem, uti constat latiori præditæ, sed ubi assurgit, in arctum sensim coeunti, quoad in punctum quoddam terminata desinat. Itaque statuamus hujusce pyramidis basim, Majora Comitia, quæ latissimè patent, & continent omnes, qui nati sunt annos ætatis xxv. immò etiam nonnul-



nonnullos, qui pauciores; quam rem  
fusiùs infrà: neque enim consenta-  
neum fuerit, in eundem sermonem  
omnia temerè conjicere. Pyramis ar-  
ctari mox incipit in Rogatorum Con-  
cilio, quod reipublicæ membrum est  
præstantissimum propter gravissima  
negocia, de quibus agit: neque verò  
Patritios omnes admittit, ut majora  
Comitia. Fastigiatur inde pyramis  
provecta ad Collegium, quod quidem  
cætera membra multum supereminet,  
cum prospiciat, & consulat universæ  
reipublicæ. Tandem fastigium pyra-  
midis absolvitur in ipso Duce cujus-  
dam turbinis instar acuminati, qui po-  
situs est in summo, & in omnium  
conspectu. De cujus amplitudine, atq;  
dignitate nihil est, quod pluribus agā,  
cum nullus adeò sit rudis, tamque stu-  
pido ingenio, quin ubi Principis nomen  
tantùm audit, ibi summam honoris  
amplitudinem collocatam intelligat.  
Quamvis autem unà cum Principe  
sedcant ut Collegæ, sine quibus nihil  
geri potest ab ipso, Consiliarii; nihilo-  
minus si quis accuratè inspiciat, quan-  
to intervallo distat eorum dignitas à  
Principatu, non in summo fastigio py-  
ramidis illos collocabit, sed eodem lo-  
co, quo collegium fuit à nobis posi-

tum. Nam quemadmodum Consiliarii dignitas Senatoriam superat; ita etiam superatur ipsamet à Principe, qua ratione fit æqualis, & par omninò Collegio: Sic etiam Procuratores, Advocatores, Triumviri, & ipsi Decemviri, de quibus & tu meministi nuper, & nos acturi sumus posthæc uberius, non alio loco statuendi fuerint, quàm ubi Collegium; & id quidem ratione duntaxat illius honoris, qui tribuitur iisdem ob insignem existimationem, quam fuerunt adepti omnes hi Magistratus; alioquin enim membra reipublicæ nulla sunt ex præcipuis, sed præcipuis annexa; quam rem cognosces apertius, ubi me differentem de ipsis paulò post audieris. Hactenus quidem quod ab optimo pictore præstari dixi, hoc à me quoque præstitum opinor, uti fueram pollicitus. Siquidem ille antequam certam rei, vel personæ formam coloribus exprimat, ita quibusdam lineis communibus illam adumbrat, ut quædam species, & forma intuenti appareat; sic etiam ego delineavi nonnihil universum corpus reipublicæ, & rudi quadam Minerva, sed ita descripsi, ut ejus aliquam formam percipere commodè valueris, siquidem meis sermonibus aures, & mentem præbuiisti. IOAN. Ita prorsus

prorsus est, nisi fallor; & verò impres-  
sam in animo mihi habere videor ima-  
ginem quandam, & formam hujus  
vestræ reipublicæ. Puto etiam te rectè  
cæpisse à rebus communibus, ex qui-  
bus tota notitia pendet rerum singu-  
larum. Quod igitur est reliquum ad  
eas explicandas accedito: ego verò  
summa cum voluptate te loquentem  
audiam. TRYPHO. Quod quidem à  
te ipso meminisse debes, hætenus fuit  
actum de Venetæ urbis situ, & de in-  
colarum generibus, & quinam essent  
illi perspeximus, à quibus administra-  
retur respublica, cujus etiam formam  
quandam descripsimus, sed in univer-  
sum: Proximum est, explicare omnia  
sigillatim: Atque ut persequar omni-  
nò pictorum opus, quod mihi ad imi-  
tandum proposui, seu statuariorum,  
non semel ad prima initia recurram,  
quod & ipse perspicies. Dico autem res  
quatuor esse, in quibus est sita tota vis,  
& majestas reipublicæ; nimirum, Ius  
Magistratuum creandorum, Delibera-  
tiones omnes de pace, & de bello, Le-  
gum lationes, tandemque Provocatio-  
nes. Primùm ex his est in arbitrio ma-  
jorum Comitiorum, quandoquidē Ma-  
gistratus omnes in ipsis creantur. Ni-  
hilominus extant quædam munera, ut  
suo

suo loco dicam, quæ mandare, & com-  
 mittere, spectat ad Senatum, cujus et-  
 iam propriæ sunt omnes Deliberatio-  
 nes de pace, & de bello. Potest autem  
 Collegium Decemvirum, de quo non-  
 dum verba feci, his de rebus decernere  
 æquali potestate: veruntamen id non  
 est insitum ipsi reipublicæ, sed fit extra  
 ordinem, ut patebit inferiùs. E legum  
 lationibus aliæ sunt penes majora Co-  
 mitia, aliæ penes ipsum Senatum: pos-  
 sunt tamen etiam quædam leges ferri  
 ad Concilium x. virum. Provocatio-  
 nes autem tametsi non sunt in pote-  
 state majorum Comitiorum omninò,  
 tamen inde profectò magna ex parte  
 pendent. Dux unà cum suis Consilia-  
 riis, de quibus etiam, cum fuerit op-  
 portunum, nonnulla dicentur, adest,  
 atque præest omnibus rebus, quæ vel  
 à tribus iis Conciliis, quæ commemo-  
 ravi, vel etiam à Concilio Decem-  
 virum solent administrari; sed hæc ma-  
 nifestius suo loco. Et quoniam in pu-  
 blicis negociis omnia referuntur ad  
 Ducem, singulaque ejus nomine ad-  
 ministrantur, ipse Dux adhibitis illis  
 Magistratibus, quorum propria est  
 actio, refert unà cum illis ad Colle-  
 gium, quicquid est agendum, ibi-  
 que præsentē postea Ducē disputa-  
 tur,



tur, & singula momenta cùm rationum, cùm rerum quàm diligentissimè expensa, postremò deferuntur ad Senatum, cujus tantummodò est sancire, & decernere. Sed hujus administrationis ordo, atque tota ratio declaranda fuerit infrà loco suo. Cæterum quæ sunt hætenus exposita, nostræ reipublicæ corpus exhibent tantùm nudè, ac simpliciter: singula modò membra, singulæque partes suis veluti coloribus illustrandæ, & ornandæ sunt. Quapropter necesse est ad prima initia revenire, videlicet ad majora Comitia, ut singula in iis perlustremus, atque persequamur, nisi fortè sit aliquid, quod antea cognoscere velis. IOAN. Multa quidem mihi occurrunt de re quærenda: sed nolo meis importunis percunctationibus interpellare continentem orationem tuam, quæ quò longiùs procedit, atque excurrit, eò manifestiùs, & clariùs explicat ea, de quibus interdum mihi dubitare contingit. TRYPHO: Persequar igitur ordinem pridem institutum, & cum disputaturus modò sim de tota ratione majorum Comitiorum, referam primùm de ipsorum origine, quid ego sentiam, deinde cætera, quæ ad eadem spectant, attexam omnia. Puto equidem,

dem, quod ex annalium nostrorum monumentis colligere licet, non primis illis ab urbe condita temporibus à majoribus nostris instituta, quod plerique arbitrantur, hæc ipsa majora Comitia, quinimmò haud paucis post ætatibus ortum habuisse, quam rem facile tu quoque ipse conjicere poteris. Priscis enim temporibus urbs habuit Consules, exemplo quidem, ut existimo, Patavinorum, qui hujusmodi reipublicæ administratione tunc utebantur: sed progressu temporis, omissis Consulibus, singuli Tribuni creari cœpti sunt in singulis Insulis, qui non alibi jus dicebant, atque imperabant, quàm ubi creabantur: si quid tamen accideret, in quo communis omnium utilitas, atque salus videretur agi, conveniebant omnes Tribuni unà cum civibus suis Heracleam, quæ tunc erat in his ipsis Venetiarum æstuariis Insula posita inter littus, & eam continentis partem, quam utrinque flumina Liquentia, & Anaxus irrigant: Mutato nomine deinde fuit appellata civitas nova; sed his temporibus nulla prorsus est, adjuncta continenti, atque aggesta ferè quidem tota. Hac in Insula convocatis omnibus Tribunis habebantur deliberationes de negotiis publi-

publicis. Erat id Concilii genus, ut credi par est, temerè coactum: nihil enim adhuc ullis legibus sancitum erat, cur hi potius, quàm illi convocarentur, quemadmodum posterioribus temporibus definitum est. Sed cum Tribuni non satis pacatè administrarent rempublicam, iidem causam dederunt optandi Duces, qui cæpti sunt creari anno Christianæ salutis D CC III, juxta communio rem opinionem, anno CC LXXXII ab urbe condita. Porro eâdem ratione planè rempublicam gerere sunt aggressi Duces, quâ Tribuni solebant: nam quemadmodum ab his factum esse dicimus, ita etiam Duces aliquoties indicebant Cōcilium, quodque prius in singulos Tribunos distributum fuerat, vel imperii, vel existimationis, atque dignitatis, id uni donatum est, collatumque Duci, quæ res illius auctoritatem ad summum evexit. Argumento illud est, quod quamvis ex omnibus monumentis, quæ quidem ad manus meas pervenerunt, historiarum nostrarum, illud apertissimè constet, post creatum Ducem, nihilominus creari Tribunos nunquam desitos esse, à quibus in suis Insulis jus diceretur ut antea, ita tamen ut daretur provocatio ad Principem; Vix tamen horum

rum Tribunorum in historiis ulla fiat mentio, rarò quidem certè. Nam eo bello, quod majores nostri gesserunt ad Ravennam pro Imperatoris Exarcho contra Longobardos consilio Gregorii secundi Pontificis, Horleo Vrso Duce I I I. Tribuni quidam memorantur à nostris scriptoribus. Ita etiam bello, quod Pipinus Caroli Magni filius intulit Obelerio Duce I X, de nonnullis Tribunis itidem fit mentio: Aliàs autem ipsorum nomen audire nunquam certè memini; quo fit ut existimem hujusmodi magistratum tandem interiisse. Itaque Dux moderabatur universam rempublicam propria autoritate, quæ cum nullis frænis coerceretur, accidebat plerunque, ut nimis insolenter iis sese efferrent, qui eâ præditi essent. Quæ causa fuit post necem illatam tertio Duci, ut à nostris majoribus constitueretur, à Ducibus eligendis in posterum temperandum esse, & quidam novus Magistratus institueretur, qui Magister equitum appellatus est: neque tamen is Magistratus diuturnus fuit; nam quinquennio pòst finem habuit; & respublica delata est iterum ad Duces, quorù administratio turbulentior fuit iis de causis, quas dixi, usq; ad Sebastianum Zianum xxxix Ducem:



Ducem : unde accidit , ut ex ipsis Ducibus tres confossi fuerint , & novem excæcati in exilium pulsi. Post Vitalis Michaelii cædem , qui proximè Sebastianum antecessit , in creatione Ducis variatum est , & nova quadam eligendi ratione adhibita renunciatus est ipse Dux anno M CLXXIV. Ad quod fortasse , vel certè ad proximum tempus majorum Comitiorum principia referenda duxerim. Id autem in hanc sententiam me inclinem facit , quod in omnibus nostris monumētis scriptum reperio , idemque asserit lib. xi. suæ Historiæ Bernardus Iustinianus , quotquot ante Sebastianum Zianum extiterunt Duces , eos omnes quàm tumultuosissimè declaratos esse totius populi rumore , & acclamatione. Nam si tunc ea fuisset ratio Comitiorum , quæ fuit instituta , deinde , prout ipse percipies , nullo modo fieri potuisset , ut res perageretur tam tumultuosè ; sed quo modo cæteri omnes Magistratus , eodem creati & Duces fuissent in Comitiiis ipsis : nam neque rationi consentaneum videtur , neque verisimile , tanti honoris , & tantæ amplitudinis Magistratum temerè , & eâ quâ dixi perturbatione creatum fuisse , reliquos autem vel minimos tam pul-

chra, & decenti tamque accurata ratione deligi consuevisse. Præterea verò priusquam eriperetur ea facultas populo nominandi Ducis; Dux auctoritate suâ, quâ plurimum eminebat, suoque arbitratu, ut agebam modò, administrabat rempublicam, ita ut in societatem Principatus nonnulli etiam filios vocarent: Nam Dominicum Flabanicum Ducem xxix. scimus ejusmodi consuetudinem abolendam curasse. Quare quicumque monumenta evolverit historiarum nostrarum (atque id velim scias, ubi contingit à me laudari nostra monumenta, nullo modo id accipiendum esse de Historiis Sabellici, neq; de aliis hujusmodi scriptis pervulgatis; ab his enim non pauca prætermissa fuerunt, quæ fortassè multò pluris apud me sunt, quàm quicquid est ab ipsis memoriæ proditum: eos igitur de nostris rebus Commentarios laudo, qui apud nos manuscripti extant, sicut non ita pridem Nicolaus Leonicus ætatis nostræ maximum decus, & ornamentum exhibuit mihi quoddam fragmentum Historiæ Venetæ, unde multa percepi singularia) hæc igitur vetera nostra monumenta quicumque perlegerit, in iis vix unquam reperiet Magistratus ali-

alicujus mentionē factam, à quo certē res publicæ fuerint procuratæ. In Vitale Michaelio Duce, qui cæsus fuit, dum iret ad D. Zachariæ, & successorem habuit Sebastianum Zianum, invenio primū usurpari nomen hoc, *Signoria*, cui Latinè responderet vox, *Dominatio*, non ita tamen ut constet, quisnam esset is Magistratus, & quā auctoritate. Hæc enim verba tantummodò scripta comperio: *Dominicus Maurocenius Venetias pervenit, & exposuit coram Duce, & Dominatione.* In Sebastiano quoque Ziano, qui Vitalem proximè excepit, & magis accurata suffragatione Princeps est creatus, quā prius adhiberi consueisset, hanc ipsam Dominationis mentionem audio; sic etiam in Henrico Dandulo, qui Sebastiano successit, & in multis aliis deinceps animadverti ejusmodi Dominationis nomen expressum fuisse, quod ante Vitalem Michaelium ut prædixi, nunquam ipse legi. Quæ res facit, ut existimem, nullos Magistratus fuisse temporibus iis, quæ præcesserunt administrationem Sebastiani Ziani, præter eos, qui præfecti rebus privatis essent; & horum quidem electio, quod in quibusdam Commentariis nostris scriptum reperio, ad Qua-

tuor viros pertinebat, quibus id committebatur; sed à quibus, non liquet. Fuisse verò tunc aliquos Magistratus in urbe præter ipsum Ducem, vel ex eo constat, quod Dominicus Flabanicus is, quem memoravi, universam familiam, sive gentem Vrseolorum à Magistratibus, atque honoribus excludendam in perpetuum curavit: nam si nulli Magistratus omninò fuissent, quid attinisset ab illis Vrseolos excludere? Veruntamen ante Sebastianum Zianum publicos Magistratus non extitisse, hoc est, qui gererent ea, quæ ad imperium spectant, illud opinor, evincit, quod aliàs, ubi quicquã infortunii & incommodi accideret, quod Civitatem non mediocriter afficeret, non alius quàm ipse Dux incurrebat in odium, offensionemque publicam, eidemque communiter accepta ferebantur omnia, quæ reipublicæ contingerent, vel bona, vel mala. Quapropter in exilium sæpè numero expellebantur, aut palàm trucidabantur, quemadmodum Vitali Michaelio factum est, quem suprà nominavi. Nam publicum ærarium, quod Cameræ apud nos nomen habet, ob assidua bella gesta contra Græcorum Imperatorem Emanuelem, cum nimis exhaustum



stum esset, atque exinanitum, ea, quæ dicuntur à nobis Impræstita, primus excogitavit, nimirum edixit, ut unusquisque reipublicæ commodaret de certo quodam pecuniæ numero sibi constituto, pro quo singulis annis ab eadem caperet Vsuras Quincunces. Ea res tantam invidiam Duci apud multos conflavit, ut ipso Resurrectionis Dominicæ Festo die confossus ad pontem fuerit in itinere ad D. Zachariæ. Certè si Magistratus ulli tunc extitissent, qui unà cum ipso Duce reipublicæ præfuissent, quemadmodum tempestate nostra fieri videmus, tota vis illa non incubuisset in unum Ducem, sed alios quoque pervasisset, quos adjuutores, & socios nactus esset in gerenda republica; videmus enim contigisse id posterioribus ætatibus Duce XLV. Raynerio Zeno, qui creatus est anno MCLII. Nam Cretenſi bello, quo plurimùm adversos, infestosque Genuenses habuimus, immensis sumptibus in rem militarem factis, necesse fuit imponere civitati nova vectigalia, quæ res, simulatque præconis audita est vox, concitavit in universo populo tam ingentes tumultus, ut omnes infensissimis animis accurrentes Ducarium obsederint; neque verò mul-

titudinis impetus, & furor, vel ipsa  
præsentia Ducis, & reverentia potuit  
unquam reprimi: quare cum pedem  
referret intrò, abiretque è conspectu,  
plebs incitata privatorum ædes inva-  
sit, ex quibus aliquot diripuit & cæde  
vastavit. Hoc in tumultu populus a-  
cerbitatem odii sui in universam rem-  
publicam convertit, non solùm in  
Ducem, cum sciret, illum non reipu-  
blicæ Dominum, sed participem esse.  
Sed quo tempore Vitalis Michaelius  
administrabat rempublicam, ipse to-  
tam invidiam, culpamque sustinuit ex  
commodatis pecuniis uni sibi conflu-  
tam, propterea quod omnia versaban-  
tur in sua potestate. Temporibus qui-  
dem nostris respublica magnum vul-  
nus accepit anno M D IX. exercitu no-  
stro profligato per Ludovicum Galliæ  
Regem: consecuta est eam cladem de-  
fectio cunctarum urbium, quas obti-  
nebat ipsa respublica in Gallia Cisalpi-  
na. Nullus tamen extitit ob eam rem,  
qui raperet in invidiam Ducem Lau-  
redanum, cumque perferre sumptus  
ingentes cives cogerentur, nullus tu-  
multus in eum, nulla vox audita: non  
alia de causâ, nisi quod summa rerum  
non erat penes ipsum Ducem, sed erat  
in potestate publicorum Conciliorum,  
atque

atque Magistratum. Ut ex his, quæ disputavimus, satis constet, hos publicos Magistratus ante Sebastiani Ziani tempora nullos planè fuisse: Quod quidem si tanquam vero consentaneum statuimus, quis usus esse poterat majorum Comitiorum, quæ vel his nostris temporibus nullis aliis rebus, quàm Magistratibus creandis præstant suam operam? Hic aliquis excipiat fortasse, potuisse fieri, ut crearentur in Comitibus illi Magistratus, quos privatis negociis præpositos dicebamus esse: nam Civitatem videri, nunquam iis caruisse, quæ mercaturæ studium perpetuò coluerit. Sed tamen his respondere non est difficile, quàm absurdissimum fore, si Magistratus ejusmodi, qui præ aliis, qui summam rempublicam continent, exigui momenti sunt, tam exquisita diligentia, tamque accurata ratione delecti dicantur, cum tamen præstantissimus, atque amplissimus omnium Magistratus, hoc est ipse Dux adeò temerè, tumultuosèque consueverit à populo nominari. Quid? quod autoritas nostrorum Commentariorum ei sententiæ adversatur, in quibus, ut dixi modò, scriptum reperitur, hujusmodi Magistratus eligendi curam Quatuorviris



initio demandatam fuisse. Si quis autem urgeat, in capiendis consiliis de republica præstitisse suam operam ea Comitia Duci, certè non negaverim fieri potuisse, ut à Ducibus institutum fuerit quoddam genus Concilii, in quod adhibiti fuerint certi quidam cives, quibuscum illi sua consilia nonnunquam conferrent, id, quod paulò post apertius; sed nullo modo existimarim, tantum numerum civium non alià quàm consultandi causà cum Principe in unum locum coisse. Nam qui gubernacula tenet in civitate præsertim satis ampla, & frequenti, cujusmodi est nostra, assidue versari debet in consultatione: Quamobrem necessarium Ducibus fuisset quotidiana convocatione defatigare Comitia: Cives autem publicis rebus ut duntaxat intenti prorsus abjicerent curam suarum rerum, id certè fieri nullo modo unquam potuisset. Siquidem Magistratum vicissitudines non alià de causa adinuentæ sunt, nisi ut unusquisque in partem laboris, & sollicitudinis ita veniat, uti commodorum particeps est, oculique in republica. Præterea verò quisquis evolvit nostra monumenta supra tempora Sebastiani Ziani, paucos omninò cives reperit, qui publi-



publicis rebus operam navarint, & rebus gestis familias suas illustrarint, id, quod postea contigit. Ejus rei nulla potest afferri, præterquàm hæc, causa, quod vellent ipsi Duces arbitrato suo cuncta gerere, atque moderari. Sed posteaquàm majora Comitia sunt instituta, & suprema Ducis autoritas nonnihil temperata societate Magistratum, & Conciliorum; exinde cives rebus gerendis operam dantes estimationem, decus, & gloriam sibi compararunt: Vt hac in re Civitati, reipublicæque nostræ prorsus idem contigerit, quòd Romanæ olim, in qua familiæ civium splendore suo caruerunt, quandiu Reges habuerunt summum imperium. Quod ubi primum fuit extinctum, atque in ea deletum, statim magna celebritate cœptæ sunt augeri. Innumeros propè cives memorare possem citra tempora Sebastiani Ziani, qui rebus maritimis studentes classiumstrarum summum imperium habuerunt, & magno reipublicæ cum fructu, atque dignitate celebrem nominis sui memoriam posteris reliquerunt: supra verò tempora Sebastiani Ziani perquàm pauci rebus gerendis præfuisse narrantur. Dominico quidem Maurocæno xxxvii. Duce

invenio Dominicum Maurocænnum Ducis ipsius vel patruelem, vel filium, ut nonnulli sentiunt, unà cum Marino Gradonico præfectum Classi fuisse, quæ deducta est adversus Polanos, & cæteros Iserios. Vbi discessit à vita Ordelaphus Faletrus Dux xxxiv, ad Pannoniæ Regem, cum quo tunc erat bellum, tres Legati missi fuerunt, Vitalis Faletrus, Vrsus Iustinianus, atque Marinus Maurocænus. Vitali quoque Michaëli Duce xxiii classi, quæ proficiscebatur in Asiam, præfecti dati sunt Henricus Contarenus Episcopus Olivolensis, nec non filius Ducis. Præterea verò cum Dux esset Vitalis Faletrus, Dominicum Dandulum, Andream Michaëlium, & Iacobum Aurium comperio legatos ivisse ad Alexium Orientis Imperatorem. Sic etiam aliis temporibus alii memorantur, qui fuerint adhibiti ad tractanda negocia publica: sed omnes hi quàm paucissimi numero sunt præ omnibus iis, qui deinceps à temporibus Sebastiani Ziani clarissimi evaserunt ob administrationes reipub. Id verò factum est ab institutis Comitibus, propterea quòd dignitates, & munera publica, tum domi, tum foris in plurimos cives tribuebantur, unde plurimi quoque decus sibi comparare familiasque

que suas plurimū illustrare cæperunt ; quod vel hisce nostris temporibus fieri videmus. Atque hanc ipsam fuisse causam existimo ; cur antiquissimæ familiæ Patricii ordinis, præter oppidò paucas, quæ celebritatem adeptæ sunt à Ducibus editis, cujusmodi fuerunt, Baduaria, Mema, Contarena, Faletia, Maurocæna, Michaëlia, & nonnullæ aliæ, tam multæ verò, quæ fuerunt supra tempora Sebastiani Ziani versatæ, fuerint in ea obscuritate, ut aliquarum nomina vix ad nos pervenerint. Postremò tandem, quod meam sententiam maximè confirmat, hoc Gentilis hominis nomen, quod nobilitatis est proprium, in nostris monumētis nunquam usurpatur ante administrationem Petri Ziani Ducis XLII, qui patrem habuit Sebastianum Ducem sæpè memoratum. Eo Duce Creta Insula in ditionem Venetam cessit, quæ ut in reipublicæ fide melius contineretur, decreta est eò Colonia Venetorum civium, partim quidem ex iis, qui equo mererent, partim autem ex assuetis militiæ pedestri. Igitur in iis historiæ fragmentis, quæ sum nactus à Leonico nostro, hæc ita scripta reperi: *Postea verò decretum est in Gentiles homines, atque populares, qui se conferrent eò ad*

*habi-*

*habitandum cum suis familiis, Cretam Insulam totam tribuendam esse. Neque tamen arbitror tunc idem omninò significasse, quod nunc significat hoc Gentilis hominis nomen. Nam quæ temporibus illis Comitia erant (hæc autem quænam, & cujuscumque forent, efficiam ut suo loco intelligas) non admittebant id, quod modò est, inter patricios, popularesque discriminis: idcirco quæ vis appellationi Gentilis hominis subiecta est modò in aliis cunctis civitatibus, eandem crediderim tunc etiam in nostra fuisse, ut eo nomine cives illi significarentur, qui præ cæteris omnibus emerent, aut antiquitate generis, aut opibus, aut autoritate. Adeptus est autem principatum ipse Petrus Zianus ann. Christi M CC V, eodemque trigésimo post Sebastianum patrem, qui creatus fuerat anno M C LXXV. Quo quidem temporis intervallo conjicere possumus eligendi Ducis rationem correctam fuisse, ejus autem summam potentiam legibus latius temperatam; instituta quoque Comitia, cum cæteris Magistratibus; eoque magis, quòd in ejusdem Principis vita diploma quoddam confectum legi, pro Colonia Cretensi, in quo commemoratos inveni quatuor Consiliarios,*



liarios, binos Iudices, nec non Advocatores, de quibus erit sermo postea loco suo, primùm creatos fuisse temporibus Aurii Mastropetri, qui rempublicam administravit eo temporis intervallo, quod supra commemoratum est annorum triginta, & Sebastiano Duci proximè successit. Vnde colligere possumus, his iisdem temporibus majora Comitia ad magistratus eligendos constituta, stabilitaq; fuisse. Neque tamen inficias iverim, nomen Comitiorum superioribus etiam temporibus nonnunquam usurpatum legi, quod constat ex aliquibus Privilegiis Vitalis Michaëlii Ducis, quæ non ita pridem fecit, ut aspicerem, M. Antonius Michaëlius, Vir ob antiquam generis nobilitatem & ob ingenii, virtutumque maximarum ornamenta plurima dignissimus, qui diligatur, atque celebretur à cunctis hominibus. Subscribunt iis privilegiis trecenti ferè cives, quos ipse Vitalis Dux nominat Comitiorum participes. Sed cujusnam rei gratiâ, & à quo fuerint instituta ea Comitia, nihil est apertum. Equidem, si quid Comitiorum genus concedimus tēporibus iis, eorundem autores videntur Duces ipsi fuisse, ut quando-  
cunque sibi collibitum esset, uterentur

consilio, atque civium opera, non secus atque prisca Romanorum Reges, qui cum Senatu publicis de rebus agere solebant, sed ubi maximè videbatur hoc in rem suam fore. Ego verò cum de prima Comitiorum origine disputo, aliud Comitiorum genus accipi noluerim, quàm cui tributa est facultas creandi cætera Concilia, atque Magistratus, qui rerum cum publicarum, tum privatarum curam singuli suscipiunt. Nam quæ superioribus ætatibus erant, si tamen erant, existimo parum autoritatis obtinuisse. Minimè quidem id à veritate alienum puto, quod superiùs monui, speciem, & formam quandam Comitiorum apud Duces fuisse, quæ tamen tota penderent ex eorum arbitrio, nullamque aliam præstarent operam, præter eam, quam ipsi requirerent. Videtur enim æquitati consentaneum fuisse, ut qui summum jus, & imperium in republica haberent, eandemque arbitrato suo planè regerent, atque administrarent, iidem voluntates etiam civium longè plurimorum studerent aliquo genere obsequii sibi demereri, & ob eam rem Comiticia quædam indixerint. Sed multò magis illud me movet, quod non video, quò fieri potuisset unquam, ut  
maiores

maiores nostri tam admirabilem rerum ordinem, tamque pulcherrimam distribuendi honores, & munera publica rationem, hoc est ipsa, quæ nunc habemus constituta Comitia, nullo proposito sibi ad imitandum exemplo primùm excogitarint. Nam temporibus iis nulli dubium est, hujusmodi formam publicæ administrationis apud aliquas urbes, vel gentes nusquam extitisse, quæcunq; tunc omninò haud essent ignotæ. Atque ea, quæ nullo exemplo inducenda sunt, tot tantasq; difficultates secum afferre solent, ut plerunque rejiciantur, tanquam nimis ardua, quæque fieri vix, aut fortè nullo modo possint. Proficiscitur id ex ea re, quod homines in rebus singulis agendis nonnisi rationes illas & sequuntur, & probant, quas vel suo, vel aliorum aliquo periculo cognitæ, & perspectas habeant: paucissimi verò sunt, & semper fuerunt, qui nova comminisci, & aliis persuadere valeant: ideòque cum in republica contingit aliquid innovandum, instituta vetera semper ob oculos habentur, ad quæ de more cuncta referuntur, & ad propria quidem ubi suppetunt, secus ad aliena. Quare multi sunt autores, qui tradunt, Romulum suæ reipublicæ

exerc

exemplum de Græcis sumpſiſſe; & vos etiam ipſi anno Chriſti MCDXCIV, majora veſtra Comitia ad inſtar eorum, quæ ſunt apud nos, effinxiftis: Quinetiam anno M D II, uſi noſtro exemplo, ſummum apud vos magiſtratum, quem Confalonerium vocatis, ex annuo perpetuum efficere ſtatuiftis. Utinam verò in rem, atque fructum patriæ veſtræ, nec non ad totius Itali- ci nominis decus, & exiſtimationem ea mente quoque fuiſſetis, ut reipubli- cæ noſtræ cætera inſtituta, quæ non ſunt ita cunâis in promptu, & obvia, quemadmodum vel Ducis admini- ſtratio perpetua, vel ipſa Comitia non diſſimili ratione ſuſcipienda, imitatione neque complectenda vobis viſa eſſent. Nam veſtra civitas retinuiſſet liberta- tem ſuam, neque viciffitudines illas fuiſſet experta, quæ perniciem extre- mam tandem rebus intulerunt. Dico igitur monſtri, ac prodigii ſimile quid futurum fuiſſe, ſi majores noſtri ſine ullo exemplo, cum ordinare vellent ſtatum reipublicæ, ex ingenio tantum- modò ſuo depromptam repente attu- liſſent univerſam hanc rationem Co- mitiorum tam egregiam, atq; præſta- bilem, tamque humanitati aptam, & civium concordia: Quæ ſanè ratio

non



non modò liberam, perpetuoque incolumem nobis patriam præstitit ; sed etiam rebus semper in meliùs procedentibus quodammodo gradum eidem fecit ad eam, quæ nunc est, imperii amplitudinem, & auctoritatem. Quamobrem hæ duæ rationes à me proximè adductæ, præter ea pauca, quæ superant adhuc, monumenta, efficiunt, ut credi possit, aliquam Comitiorum formam extitissè supra tempora Ducis Sebastiani Ziani, unde maioribus nostris post Vitalis Michaëlii cædem, cum redigere ad meliorem formam rempublicam cogitarent, oblata fuerit opportunitas instituendi hæc Comitìa publica ad tribuendos honores, atque magistratus. Quapropter ut summatim comprehendam, in nostra republica tres rationes, sive formæ Comitiorum fuerunt ; prima, per totum illud tempus continuata, quo Duces regio ferè more dominabantur, usq; ad Ducem Sebastianum Zianum; altera verò, quam eo tempore institutam dixi. Hinc autem tertia promanavit, cui quidem anno Christi MCCXCVII, Duce Petro Gradonico fuit initium datum, eademque felicissimè respublica nostra gubernatur usq; ad hæc tempora. Itaque ii, qui Comitiorum

morem tradunt antiquissimum esse, si de Comitiiis alterius generis loquantur, quàm quæ postea creandorum Magistratuum causâ sunt adhibita, fortè non falluntur; alioquin in errore versantur. Nam, ut pluribus dixi, atque comprobavi, non nisi post Vitalis Michaëlii cædem ea sunt usurpata, quo tempore singula munera, & negotia publica directâ fuerunt ad certam normam, atque regulam, ut in civili societate quietè viveretur. Nescio verò utrum tibi satietatem, & molestiam attulerim tam longa disputatione de prima Comitiorum origine, de qua certè mihi fuit agendum, ne quid ex iis prætermitterem, quæ ad eam rem pertinent. Tu, qui singula momenta diligenter expendere soles, quicquid è re visum fuerit complectâre velim, cæteraque abjicias. IOAN. Equidem singula persequendo quò magis excutis, eò maiorem voluptatem capio ex sermonibus tuis. Morem planè mihi gessisti in hac tota Comitiorum percensenda origine: nam multa scitu digna nunc à te intellexi, quæ discrepant ab aliorum sententiis, & quidem plurimorum, à quibus affirmatur, ea, quæ nunc vigent apud vos maiora Comiticia, vetustissimis etiam

tem-

temporibus extitisse. Sed pluribus hac de re disputare nihil amplius attinet: satis est mihi quidnam sentias, ex ipso te audisse, quem rectè sentire mihi persuadebo, donec aliud occurrat, quod magis arrideat. Nunc autem intelligere cupio, quemadmodum existimes rem gestam esse, dum Comitia sunt instituta post Vitalis Michaëlii cædem. Ad hæc autem, quibus temporibus, & qua de causa postea fuerit ad ipsa Comitia interclusus, atque obstructus aditus. Nam qui fuerunt ab iis exclusi, permirum videtur, si passi fuerint æquo animo se spoliari, non tantum jure, quod haberent, creandi Magistratus, & Ducem, sed planè consequendi eos honores omni facultate: neque verò mihi aliquid in mentem incurrit, quod ipsos continere in officio potuerit. TRYPHO. Quamvis ex iis, quæ à me disputata sunt hætenus, hæc ipsa, quæ modò percunctaris, intelligi queant, saltem aliqua ex parte: Nihilominus ut animi sensum magis aperiam, quod à me satis arbitror demonstratum esse iis conjecturis, & argumentis allatis, quæ invenire potui; illud item repetam, majora Comitia tunc ortum habuisse, cum vis illata est, atque cædes Vitali Michaëlio, atque

ut ego quidem persuasum habeo, statim in ipsa creatione Sebastiani Ziani. Vtrum verò Comitia Ducis electionem, an ipsa Ducis electio Comitia potius antecesserit, in medio relinquo; sic etiamnum fortè simul utraque res extiterit. Nam aliquid unum ex his tribus factum videtur. Ergo qui tunc in republica valebant autoritate, siue jampridem, siue nuperrimè hanc ipsam adepti, hi multitudinis insolentia tanta perspecta, quæ fuisset ausa violentas manus injicere in Ducem, dederunt operam, ut vitiis omnibus, quæ videbantur hære in republica, sublatis è medio, præciderent omnes vias domesticæ seditionis. Erat autem vitium longè maximum in ipsa Ducis electione, quæ tanto, cum tumultu fieri solebat, ut dixi, atque iterum dicam: ex quo contingere poterat; ut dignus aliquis non magis quàm indignus ad summam amplitudinem pervenire posset, dummodò plebi, & populo gratus esset. Alterum quoque vitium positum erat in nimia potestate, & licentia Ducis. His duobus vitiis alia quædam non paucà conjuncta erant ex iisdem capitibus deducta, quæ civitati nostræ supremum exitium attulissent, nisi

oppor-



opportunitis remediis adhibédís ei prospectum fuisset. Quare prius illud vitium ita sustulerant, ut à plebis, & populi temeritate ad certum paucorum arbitrium transferrent omnem potestatem Ducis eligendi, ex uno quidem in alterum extremum subito delapsi. Hoc autem non alia de causa factum esse crediderim, nisi quod usu plerumque veniat, ut quicumque sibi aliquid minus utile quinetiam valdè noxium expertus ipsa re comperiat, ad extremum deferatur, atque deveniat ejus rei contrarium. Cum igitur ob ea, quæ dicta sunt, animadverterent ii, qui præsidebant reipublicæ, perniciosissimam rem esse Principis electionem temerariam adeò, & tumultuosam; amplexi sunt diversam rationem, atque omninò contrariam, ut paucis committerent id, quod erat universorum. Sic etiam unius Principis summam auctoritatem, quod erat alterum vitium simul corrigendum, adhibita Comitiorum frequentia moderati sunt ad cunctos Magistratus distribuendos, qua sanè re magnopere caverunt, nequid agendi libera, & integra facultas relinqueretur, eidem consulendo in posterum. Et eorum quidem Comitiorum totam rationem fuisse illam pu-

to, quæ postea diù permanſit uſque ad illud tempus, quo cæptum eſt intercludi; fuit autem huiusmodi. Singulis annis extremo mense ſeptembri ad feſtum diem Dedicationis Sancti Michaelis Archangeli bis ſeni cives deligebantur, bini è ſingulis tribubus (nam Civitas tota ſenis tribubus continetur) his autem, quod noſtra monumenta perhibent, fas atque integrum erat, ex univerſa Civitate ſibi cooptare à CDL. uſque ad CDLXX. cives, & ea conditione, ut ſinguli poſſent è familia ſua quatuor viros ſummùm aſciſcere. Ex iis autem omnibus in unum coactis conflata quidem majora Comitia, ſed in annumerant, quæ Magiſtratus omnes creabant, ut nunc moris eſt. Intra finem vertentis anni, Duodecimviri, quos dixi, rursus eligebantur, qui jus Comitiorũ tribuebant eodem modo in proximum annum. IOAN. Antequam tuum ſermonem ad alia conſeras, hi Duodecimviri, quibus collata erat facultas implendi Comitia, quonam modo, & à quibus deſignabantur? Præterea, ſi comitia nulla certa, & legitima ratione conſtabant ante Ducis Vitalis Michaëlii tempora, quosnam uſus afferre ipſa potuerunt ad altera formanda, recens, atque in-

stituenda? Postremò, cur Duodecim-  
 viris tributum erat à c d l. usque ad  
 c d lxx. cives nominare certo quo-  
 dam numero? TRYPHO. Nihil mihi  
 planè constat ex iis, quæ nunc percun-  
 ctaris: Dicam tamen ea, quæ proxi-  
 ma veritati censeo. Si concedere vo-  
 lumus id, quod admodum verisimile  
 mihi videtur & antea jam dixi, fuisse  
 rationem aliquam Comitiorum supra  
 ipsa tempora, quibus erat Dux Vitalis  
 Michaëlius, fieri potuisset, ut in iis  
 Comitiiis Duodecimviri primùm suf-  
 fragiis creati fuerint, vel sortitò educti,  
 quos deinde proximis annis ea Comi-  
 tia decernerent, quæ nondum munus  
 annum confecerant, paucis ante die-  
 bus. Quæ verò supra Vitalem Michaë-  
 lium dicuntur fuisse, quamvis earum  
 rerum, quæ tunc nullæ essent, imagi-  
 nem aliquam exprimere minimè po-  
 tuerint; tamen hæc hominibus eam  
 mentem satis fuit attulisse, ut aggressi  
 fuerint ad alterum quoddam genus  
 ipsorum concinnandum, atque absol-  
 vendum. Contigit autem, ut qui de  
 coërcenda nimia potestate Ducis pri-  
 mi laborarunt, & de tollendis iis duo-  
 bus vitiis, quæ commemoravi, cum  
 præ oculis haberent amplissimum  
 Concilium è lectissimis civibus pridem

institutum, in id ipsum transfundere cogitarint, quicquid autoritatis, atque juris Ducibus ademissent, ab uno extremo in alterum declinantes, quemadmodum superius admonui de creatione Ducis ea potestate nimirum, quæ nimia videretur, erepta uni, hoc est Duci, & plurimis tradita, existimarunt magis tranquillam, civilemque reipublicæ administrationem fore. Neque verò mirum cuiquam videri debet, si quicquid ipsi Duci detraxerant, sibi attribuerunt. Nam summa potestas in aliquem conferenda erat, eaque in unum quemlibet collata, vel singulatim, vel etiam unâ cum paucis, in easdem difficultates incurabat, id quod animadvertere quàm facillimum erat. His rationibus adducti rempublicam committere pluribus statuerunt: qua in re statuenda difficultatis adhuc nonnihil habebant, quod expedita non erat aliqua ratio, qua possent vel universi, vel certè maxima pars id obire summi juris, atque autoritatis, quod solus Dux exercere antea consuevisset. Ad id autem planè expediendum magno fuit usui vetus illa, cujusmodicunque fuerat Comitiorum à Ducibus adinventata ratio. Nam veri quàm simillimum eam quoque



que Duces non semel adhibuisse, ut aliquam à populo gratiam inirent, ubi munus aliquod publicum mandari oporteret, aut etiam aliqua deliberatio gravior habenda esset de bello, aut pace, aut aliis hujusmodi rebus. Itaque cum animadverterent ii, quibus erat curæ redigere statum reipubl. ad meliorem formam, id Comitiorum genus aptissimum, & opportunissimum esse tractandis, atque gerendis publicis negociis, facillimè persuasi sunt, ut transferrent eò universam autoritatem Ducibus ablatam. Et quoniam conventus ille constabat circiter civibus quadringentis, quemadmodum ex iis privilegiis potest intelligi, quæ superius attuli: ob eam rem potuit etiam fieri, ut per Duodecim-viros ferè totidem eligerentur, nempe quinquaginta, vel septuaginta supra quadringentos. Sed ut pluribus obsequerentur, instituerunt, ut hi singuli per Duodecim-viros electi facultatem haberent asciscendi tot è familiis suis, quot fuerunt expositi. Postremò verò decretum est ad magis conciliandos animos cunctorum civium, ut ea Comititia recens instituta, singulis annis quibusque instaurarentur, ut ii, quibus excludi cōtigisset præsentē anno, spem conservare

suam possent, ac referre in proximum, eaque ratione magis ac magis administraretur tranquillè respublica. Puto à me tuis postremis interrogationibus satis esse factum. Nam recensui tibi quicquid ex iis monumentis potui colligere, quæ nobis supersunt. Propterea si nihil est amplius tibi, quod requiras, alia prosequar, quæ restant adhuc ex iis, quæ primùm quæsieras, discutienda. IOAN. Prosequere, amabo: nihil est enim, quod te amplius his de rebus interrogem. TRYPHO. Perstitit igitur ea consuetudo singulis annis, quam dixi, majorum Comitiorum renovandorum, inchoata post necem Vitalis Michaëlii Ducis, hoc est ab anno M C LXX; vel, quod alii malunt, M C LXXV. quo tempore statuimus eandem invaluisse, multis verisimilibus conjecturis ducti; perstitit, inquam, ad annum usque M CC XCVII, qui fuit septimus annus administrationis Petri Gradonici. Erant ea tempestate Quadraginta-virali Collegio Præfecti, quemadmodum in Commentariis nostris scriptum invenio, Leonardus Bembus, & Marcus Baduarius, à quibus lata fuit huiusmodi lex ad idem Collegium; Ut quicunque eo anno maioribus Comitibus operam darent, aut saltem quadriennio proximo

proximo dedissent, hi tantummodò,  
 & eorum posterij juris id haberent, ita  
 ut nihil amplius esset immutandum,  
 secus atque consuevisset hactenus fieri.  
 Quæ lex à Quadraginta viris laudata,  
 receptaque maximo consensu, mox ubi  
 perlata est ad universa Comitia, non  
 aliam propensionem animorum in iis  
 quoque reperit, tantoque studio cun-  
 ctis ætatibus deinceps fuit observata,  
 ut quindecim familiis exceptis, quæ  
 causa Bajamontanæ conjurationis ascit-  
 æ sunt, trigintaque iis viris, qui pro-  
 fligato Genuensi bello id præmii, mer-  
 cedisque loco consecuti sunt, paucissi-  
 mis omninò contigerit eo jure donari  
 non tamen iisdem temporibus, neque  
 easdem ob causas. Hoc sanè pacto Tri-  
 stanus Savornianus in Patritiorum or-  
 dinem cooptatus est propter immen-  
 sos labores, contentionesque, quas ani-  
 mo constantissimo pertulit reipublicæ  
 causâ. Cujus familia licet in nostra  
 civitate novissima esset; nihilominus  
 Hieronymus ejus nepos Vir insigni  
 morum probitate, atque animi forti-  
 tudine præditus, hoc anno inter Sena-  
 tores locum obtinuit, quod munus, &  
 ornatissimum, & amplissimum est,  
 quemadmodum te non semel audisse  
 puto, & uberius explicaturus infra

quoque sum. Atque ita sanè Comitiiis interclusum fuit, quæ res in vulgari-  
 bus Historiis nusquam est expressa, sed  
 in iis Commèntariis tantummodò pro-  
 dita, qui domi conservantur apud  
 nonnullos Patricios, ut qui diligentis-  
 simus non fuerit, maximeque sollici-  
 tus nostris de antiquitatibus investi-  
 gandis, cum necesse sit in ignoratione  
 versari rerum plurimarum, quæ dignis-  
 simæ sunt animadversione, ac memo-  
 ria. IOAN. Ita quidem est, & idcirco  
 tibi gratias habeo, qui mihi commu-  
 nicandas duxeris tam benignè res adeò  
 memorabiles, nondum satis notas.  
 Quod nisi fortè contingat interroga-  
 tionibus meis interpellari à me nunc  
 orationem tuam, hæc tria quoq; mihi  
 exponere quæso ne graveris: Primùm,  
 quibus de causis adducti sint ii, qui se  
 præbuerunt autores, ut intercludere-  
 tur Comitiiis, atque illi, quibus excludi  
 contigerit, quonam modo id tulerint.  
 Vix quidem credam potuisse tantam  
 rem confici, nisi magna opportunitas  
 quædam affuisset. Deinde verò; Quid-  
 nam muneris tunc fuerit Quadragin-  
 ta-viratus. Tandem, Vtrum Comitiiis  
 interclusis eorum duntaxat habendam  
 rationem censuerint, qui fuissent electi  
 per Duodecim viros, an eorum etiam,  
 quos



quos iidem postea cooptassent, hoc est ex eadem familia binos, ternos, aut summum quaternos Viros, quos licuisse singulis nominare dixisti. TRYPHO. Hæ tuæ percunctationes nihil interpellant orationem meam: nam ea, quæ sciscitaris, ad rem spectant omnia. Quapropter eodem ordine respondebo, quo tu me interrogasti; Atque ut exordiar à primo, non extat in monumentis nostris aliquid expressum, quod occasionem, vel causam attulerit intercludendi Comitia: Quamquam credi vix potest, ut ipse modò aiebas, citra occasionem aliquam potuisse tantam rem confici. Posset hoc innumeris exemplis allatis à me comprobari, non earum modò civitatum, quæ sunt in melius, in quarum numero quoque nostram reponendam censeo, sed etiam illarum, quæ mutatae fuerint in deterius. Sed vel ipsius nostræ reip. vicissitudines, si animum advertas, hujus rei facere potuerint amplissimam fidem. Nunquam tamen me vel legisse, vel audisse memini, quæ causa extiterit, vel occasio intercludendi Comitia: immò verò neque mente, cogitationeque ipsa possum quicquam assequi, quod promanarit ex eo genere Comitiorum mali, vel incommodi,

unde

unde postea fuerit ortum innovandi studium. Sed ea ratione tantum crediderim persuasos fuisse, qui fuerunt autores ejus mutationis, quod viderent quotidie causam negociationis ingentem numerum advenarum in urbem confluere, quibus contingere potuisset non multis post annis, ut adipiscerentur jura Comitiorum, nec non Magistratus. Itaque ne permiscerent suum genus externo generi, atque ita nobilitas ejus contaminaretur, quam sinceram & integram conservare quam maxime optabant, inierunt consilium ita statuendi Comititia, ut modo audivisti, in quæ delectum civitatis florem totum coegerunt. Nullus enim Vir tunc, opinor, paulo insignior extitit, qui Comitibus iis quinquennialibus comprehensus non fuerit. Enimvero potuit etiam fieri, ut ambitio, & cupiditas plus habendi compulerit cives ad hæc innovanda. Nam publicis muneribus omnibus ad pauciores collatis, eveniebat, ut ad eos, qui participes eorundem futuri essent, plus emolumenti, atque dignitatis inde redundaret. Quanquam hæc omnia conjecturis innixa sunt: Nam de his rebus, ut prædixi, certi nihil constat. Cæterum eos, qui fuerunt exclusi, agere rem tulisse,

lisse, potest intelligi ex illa conspira-  
 tione, quæ ab interclusis Comitiiis  
 mox in lucem prodiit. Nihil enim  
 aliud ansam eidem præbuit, nisi quod  
 Marinus Bovonius, qui fuit primus  
 autor, & alii quidam cum eo cives  
 animadvertissent, sibi omnes aditus iri  
 præclusum ad publica munera: Sed  
 quemadmodum fuit inconsultum il-  
 lud facinus, atque temerarium; sic  
 etiam caruit prospero, ac felici eventu,  
 quinimmò peperit exitium autoribus  
 suis. Sed quoniam tota civitas erat in  
 maxima perturbatione ab interclusis  
 Comitiiis, ii, qui obtinebant rempubli-  
 cam, ita statuerunt, ut quicumque Co-  
 mitiis ipsis continerentur, singulis an-  
 nis subjici deberent suffragiis in Qua-  
 draginta-virali Collegio ad diem sa-  
 cram D. Michaëli. Siquis autem sal-  
 tem dimidiam partem suffragiorum  
 minimè ferret, is non admitteretur in  
 Comitiam per ejus anni curriculum, &  
 alius in ejus locum subrogaretur, ut  
 quidem verisimile arbitror. Fiebat au-  
 tem, opinor, ut nullus unquam à Co-  
 mitiis excluderetur, & ii, qui semel de-  
 lecti fuerant, semper approbarentur;  
 qua re consuetudo suffragiorum tan-  
 dem obsolevit, eademq; perpetuò Co-  
 mitia perseveraverunt. Quod autem  
 secundo



secundo loco quæstisti de collegio Quadraginta-virali, non aliud existimo fuisse, quàm capitale, de quo inferiùs agam. Faciunt ut mihi persuadeam id, tres omninó rationes: prima, quòd in confessio apud omnes est, hoc Quadraginta-virale Collegium antiquissimum esse, licet apud nullum scriptorem inveniam, quo tempore fuerit institutum: Altera est, quoniam superioribus ætatibus in gravissimis rebus cunctis versabatur, nō in judiciis tantummodò, immò Dux etiam cum illis conveniebat, atque præsens aderat: postrema ratio est, quoniam præter hoc ipsum nullum est aliud Quadraginta-virum Collegium, de quo fiat mentio. Nam Civilia utraq; multò post ipsum Capitale instructa sunt, id quod uberiùs suo loco. Ad id verò, quod postremo quæstisti loco, itidem respondeo, à me existimari, non eos tantummodò, quos Duodecim-viri delegissent, sed etiam cæteros, quos hi postea secum adduxissent, simul omnes majoribus Comitibus comprehensos fuisse. Quamvis autem quinquennalia Comititia in unum coacta videantur conflare multò majorem numerum Virorum, quàm modò sit: attamen cum facile credi possit, alternis annis semper eosdem



eligi consuevisse, hac ratione ex quinis  
 Comitibus bina superessent, ternaque  
 vacarent. Continebantur hoc numero  
 Patricii quater mille, & quingenti,  
 paulò plus, minùsve. Ne verò id ali-  
 cui mirum videatur, propterea quòd  
 hac ætate vix ad ter mille numeran-  
 tur, illud erit considerandum, interme-  
 diis ætatibus non paucas veteres fami-  
 lias intercidisse, quod animadverti fa-  
 cilè potest, & planè intelligi facta in-  
 vicem collatione utriusq; census ejus,  
 inquam, qui temporibus hisce nostris,  
 & illius, qui fuit habitus anno Christi  
 M C D XL. Quod autem facit, ut existi-  
 mem in numerum Patriciorum ascri-  
 ptos fuisse non solum cives à Duode-  
 cim-viris nominatos, sed etiam socios  
 omnes à nominatis ascitos, est, quòd  
 aliàs contigisset pluribus familiis, ut  
 in Patricios, & Cives divisæ abirent,  
 quæ tamen proculdubio sunt modò  
 quàm paucissimæ. Multò quidem plu-  
 res olim fuisse persuasissimum habeo,  
 sed earum plerosque extinctos fuisse.  
 IOAN. Fieri quidem potuit, ut illi, qui  
 populares evaserunt, minimè perre-  
 xerint antiquæ suæ nobilitatis decus  
 conservare, contra quàm factum est  
 ab ipsis Patriciis. Nam cui præcluditur  
 aditus ad gerendas respublicas, is illu-

strare suam familiam minimè potest. ac ne retinere quidem splendorem, si quem prius habebat. Quid? quod antiqua nomina familiarum fortasse commutata sunt, quæ res offundere solet ingentes tenebras, & ex certissimis res omnes quàm incertas reddere. Sed nisi grave tibi fortasse est, hoc mihi, quod item spectat ad rem propositam, edisseres velim: Homini-  
bus iis qui Comitiiis interclusi fuissent, licebatne Magistratus, & honores deferre? Neque enim videris mihi satis exposuisse, utrum cum ipso jure Comitiorum erepta quoque fuerit eisdem facultas obtinendi munera. **TRYPHO.** Novi quidem id explicatum à me non fuisse: sed neque modò tibi quærenti satisfacere possum, cum nihil ea de re mihi perspectum sit. Existimo tamen iis temporibus non fuisse præcisè vetitum, ne Magistratus his civibus mandarentur. Nam vel hac nostra tempestate pro comperto non habeo ejusmodi legem latam adhuc esse, qua fuerit exceptum, ne cives ulli nominarentur ab Electoribus, præterquam Patricii, aut ne ratio ipsorum haberetur in Comitiiis, si nominarentur. Quinimmo contigisse id non semel audio, ut patricius no-  
mina-

minatus fuerit ab uno Electorum, veruntamen ex reliquis Collegis tot non accessisse, quot opus est ad subeunda, & experienda comitiorum suffragia, qua de re proximè tractabitur. Quare possumus arbitrari cunctos Magistratus iis, qui Comitiorum jus haberent, communicatos fuisse, ceteros, qui fuissent exclusi, nunquam in partem vocatos. Sed res obductas, & circumfusas tot tantisque tenebris, quæso, ne scrutemur, & reliqua persequamur his prætermiſſis. Hæc apud nos Comitia, de quibus tam multa disputavi, cōstant ex omnium Patriciorum multitudine in unum collecta, iisdemque potest interesse quilibet ex gente patricia ad ferenda suffragia, modò tranſegerit ætatis annum vigesimum quintum, non tamen ante, quàm se doceat id ætatis esse; hoc est, Advocatorum tribunal adeat, de quo Magistratu postea nobis erit sermo, ibique alterius parentis, aut si neuter parentum fuerit superstes, ejus juramento, qui sibi cognatione quàm proximus, & quàm conjunctissimus sit, fides ampla fiat, annum quintum supra vigesimum jam exactum esse; duobus etiam testibus eodem adhibitis, qui certò asserant, ex omnium sermonibus,

communiqué ipsa prædicatione pro  
comperto se habere, legitimis natali-  
bus, & ex iis parentibus, quos nomi-  
nat, eundem procreatum fuisse: Qui-  
bus ita peractis, tùm demum cum  
cæteris convenire ad Comitia potest,  
ut dixi, & ferre suffragia. Cæterum  
ut etiam juniores habere queant ali-  
quem sensum civilis administrationis,  
prospectum est iis qui vigesimum an-  
num fuerint egressi, ne desit aliqua sal-  
tem ratio consequendi id, quod op-  
tant: eaque talis est. Pridie nonas De-  
cembris, qui dies D. Barbaræ sacer est,  
adolescentes illi, qui facultatem hanc  
sibi concedi cupiunt, coram Trium-  
viris Advocatoribus omnes conve-  
niunt, ut eos de vigintiannorum æta-  
te jam exacta doceant, ostendantque se  
non aliis, aut natalibus, aut parenti-  
bus ortos, quàm quos usurparint. Ejus  
autem rei fides eodem planè modo fa-  
cienda est, quem superius descripsi,  
mandaturque publicis monumentis  
apud eum Magistratum. Porro singuli  
adolescentes de natalium, legitimæque  
ætatis indicatione syngrapham acci-  
piunt ab omnibus Triumviris obli-  
gnatam, quam præbet unus à secretis  
alteri deferendam, qui fungitur eodem  
munere apud Quadraginta viros; at-  
que



que is eorum, qui syngraphas detulerunt, nomina singula parvo quodam in chirographo sigillatim describit, omnibusque iis collectis ad D. Barbaræ diem Principem, & Consiliarios adit (de Consiliariis; nec non de Quadraginta-viris loco suo fusiùs) quibus inspectantibus eos chirographos conijcit in urnam: cumque ex illis omnibus, qui recensiti fuerint, id quod animadvertendum in primis est, quinta pars ad Comitja debeat admitti: hoc tamen intelligi tantum debet, quando candidati plures non sunt quàm CL. in quo numero xxxi. quinta pars est; tot enim ad summum singulis annis admitti possunt. Quare non ampliùs habetur quintæ partis ratio, si quando Candidati excesserint hunc numerum CL. Quot autem nomina fuerint in urnam coniecta, totidem globuli argentei demittuntur in alteram, quibus inseruntur aurei globuli summum unus & triginta; sed pauciores, ubi Candidatorum quinta pars non attingit eum numerum, Educuntur inde sortitò per Ducem singuli chirographi ex urna priore, quibus eductis, absque mora nomen recitatur, quod est ibi scriptum, & ex altera statim urna globulus eximitur,

qui si fuerit aureis, intelligitur huic  
 jus ferendi suffragia comparatum esse,  
 quod nos materna nostra lingua, *Bal-*  
*lottare*, dicimus; apud nos autem dici-  
 tur, *Rendere il partito*: Sin argenteus  
 contigerit, inhil illi datur, sed spem for-  
 tis rejicere debet in sequentem annum.  
 Pergitur ordine suo deinceps alios chi-  
 rographos extrahere, subindeque glo-  
 bulos, modo quo dixi, donec omninò  
 globulis aureis urna sit exhausta; quos  
 qui sortiti fuerint, obtinent omnes fa-  
 cultatem conveniendi ad Comititia suf-  
 fragandi causâ. Fuerat id olim in more  
 positum, ut biennio priusquam suffra-  
 gia ferre possent adolescentes, Comi-  
 tiis interessent. His temporibus id in  
 usu amplius non habetur. Reliqui verò  
 omnes, quibus argenteum globulum  
 fors ipsa obtulit, coguntur annum pro-  
 ximum expectare, & æquo animo per-  
 ferre ejusmodi moram, nisi fortè vige-  
 simum quintum annum interim ex-  
 plexerint. Semel autem facta fide de  
 natalibus, & legitima ætate, non est  
 opus, ut iterum fides ulla fiat ab eo,  
 qui sortis periculum facere vult in se-  
 quentibus annis. Satis est iis de rebus  
 habere testimonium impetratum à  
 scriba Trium-virûm Advocatorum,  
 ordinique porrò insistere, quem du-  
 dum

dum exposui. Turbulentis verò temporibus ipsius reipublicæ consuetudo quædam obtinuit, ut jura Comitiorum cum facultate suffragiorum iis concederentur, qui suis pecuniis, & facultatibus ipsam adjuvarent, modò viginti annos nati essent. Quemadmodum factum cernimus hoc ipso anno, quo Patres iis, quibus nondum liceret per ætatem, censuerunt jus Comitiorum concedi oportere, si vel certum pecuniæ numerum liberaliter offerrent, donarentque reipublicæ, vel etiam commodarent aliquanto majorem summam, quam postea sine usuris recepturi essent. Altera quidem ex his rationibus à me traditis citra ætatem, possunt juniores obtinere jura Comitiorum; quæ res expediat, nec ne, in præsentia non disputo. IOAN. Expedire quidem ego censuerim: Nam, quemadmodum senioribus pulchrum, atque optabile est, corpore firmo, & salubri præditum esse; sic etiam junioribus optanda, & præstabilis est prudentia quædam senilis. Hanc verò sibi juniores comparare non possunt, nisi maturiùs, atq; tempestiviùs assuescant iis artibus, quarum studio, & exercitatione percipi potest. Sed amabo te, intermissam orationem revoca.



TRYPHO. Id quoque prætereundum minimè videtur, ubi contigerit, ut alicujus pater, & avus Comitibus nunquam vacaverint, eorumque nomina siue absentia, siue aliam quamvis ob causam nunquam in codicem publicum relata fuerint, prout in ætate indicata, ut monui, fieri consuevit; non posse jus Comitiorum unquam adipisci, quicumque ab his procreatus genitusque fuerit, nisi ad ipsos Triumviros Advocatores confugiat, eosdemque doceat, quibuscunque vel rationibus, vel argumentis commodè potest, ex ordine patricio majores suos extitisse, proptereaque in Patriciorum numerum se ascribendum esse: qua de re Triumviros quoque oportet ad Capitale Quadraginta-virum Collegium referre, cujus est omninò statuere, & pronunciare, sitne Patricius ille habendus, necne. Sed nequis impunè fucum facere aggrediatur, & per summam fraudem, atque malitiam ementiri audeat unquam patricium genus, lege cautum fuit, ut quingentos aureos apud Magistratum deponat is, qui ejusmodi iudicium subire velit, eorumque jacturam sustineat, si causâ ceciderit. Hactenus quidem exposui tibi, quinam sint illi, quibus ad nostra Comititia



mitia convenire liceat. Quod autem superest, agendum fuerit de ratione, qua Magistratus eligi consueverunt, in Comitiorum autoritate planè collocata, quod & antea monui. Siquidem rerum omnium publicam administrationem ad quatuor capita revocavi, quæ sunt hæc, Magistratuum creationes, Legumlationes, summæ Deliberationes de pace, & de bello, tandemque Provocationes : quorum primum dixi totum pendere ab ipsis Comitiiis. Sed ut faciliùs rem teneas, opus esse arbitror, ut ejus conclavis formam, in quo fit conventus, oculis tuis subjicere describendo moliar. Quod si tu coràm illud inspexisti, & singula, quæ sunt in eo, diligenter notasti, possum ab hoc opere & libenter supersedere. IOAN. Ego verò id, quod tu dicis, conclave coràm inspexi ; veruntamen ejus memoriam renovari mihi pergratum fuerit: vix enim fieri potest, quin aliquid exciderit mente præcipuum, atque singulare, cum præsertim tot, tantaque in hac urbe præclarissima contemplatus sim, quorum species, atque simulachra cogitationi obversantur simul & permista, & confusa. TRYPHO. Quandoquidem tu minimè abs re futuram existimas conclavis hujus,

quam audire cupis, explicationem, ejusdem formam tibi proponam quàm paucissimis potero. Ea verò quaternos angulos habet & quaterna latera, sed non æquali inter se magnitudine prædita, bina ex his sunt minora, bina tantò majora, ut excurrat in longitudinem spatium plus duplo, quàm in latitudinem. Hæc enim, ut aliquando me observasse numerando memini, non nisi duos supra triginta passus absolvit: illa verò protenditur usque ad passus LXXVI. Adhærent, & conjuncta sunt parietibus undique scabella quædam cum duobus gradibus, quorum alter cætera scabella, sive subsellia, quæ in æquo & plano conclavis disposita sunt, ita æquat, ut nihilò altius assurgat: alter verò gradus eminentior est, & quisquis in eo sedet, in conspectu cæterorum necessariò versatur. Tribunal autem Principis statuere mos est secundùm latera duo conclavis minora, sed prout exigere videtur anni tempus, alterutrinque. Porro nihil aliud est hujusmodi tribunal, quàm suggestum quoddam è tignis exstructum, quod à pavimento conclavis tantum extat, quantum prior ille gradus, quo ad scabella dicta conscenditur, alteri verò gradui itidem subjicitur, qui sedem

dem Principis sustinet incumbentem sibi. Porro in ipso Conclavis plano secundum longitudinem novem subsellia, sed duplicata constituta sunt, hoc est transversis, ad reclinandum dorsum, tignis intersepta, ne se tergo, & humeris utrobique sedentes contingant, quod quidem necessario fieret illis non intercedentibus. Habent autem alterum à fronte, alterum à tergo binis ex majoribus: latera verò minora conclavis à dextra, & sinistra. Fiunt autem ex his novem subselliis, unà cum duobus illis gradibus eminentiorum, quæ collocata diximus ad majora latera, decem planè ordines. Nam majus alterum latus cum suis sedibus, & ea subsellia, quæ illis proximè subiecta cernuntur, sunt unius ordinis, non tamen utraque pars ipsorum, sed altera tantum, ea nimirum, quæ superioribus ex adversa respondet. Aversa pars autem spectat ad secundum ordinem, unà cum dimidia parte alterius è regione siti. Eademque est omninò ratio cæterorum omnium. usque ad alterum majus in conclavi latus. Quamobrem si quis inter utrumlibet latus incedit, & subsellia proxima contingit, hunc habere unius, & ejusdem ordinis, alteram partem à dextris,

tris, alteram à sinistris, quibus continentur Patricii bifariam distincti, & adverso vultu sese invicem semper intuentes. Hi quidem omnes ordines sunt numero deni, verum coagmantur, & rediguntur ad majores quinos, quorum primus complectitur utrumque ordinem, quem secundum latera bina majora explicatū protulit: Alter verò duos ordines huic, atque illi proximè adhærentes, atque ita reliqui; qua ratione quintus duos ordines continebit in medio positos. Quotiescunque igitur ad urnam suffragiorum (quam rem infra meliùs intelliges) unus ex his quinis ordinibus accersiri solet, revera bini ordines accersiti habentur. Sed ne quid omninò prætermittam, patet ingressus ad conclave ipsum præcipuè januis duabus. Altera, si quis aspectum convertat ad id majus latius, quod lumen per fenestras admittit ad illustrandum locum, huic à sinistra spectandam se exhibebit in minori latere, verumtamen quàm proximè ad alterum majus. Est etiam quoddam ostiolum in ipso minori latere, quod Electoribus patet, ubi sunt creati ad renunciandos competitores, ut suo loco exponam. Altera verò janua conspicitur in eo majori latere, quod nullas fene-



fenestras habet, non procul ab altero minori. Et ejusmodi quidem est conclave, in quo Patricii ad Comititia convenire solent, ut Magistratus omnes creentur octavo quoque die, scilicet Dominico, quandoque frequentius etiam, ut Augusto, Septembrique mensibus evenire cernimus, quando Senatus deligitur, aliisque temporibus nonnunquam, prout usus requirit. Eligendorum porrò Magistratum apud nos hujusmodi est ratio. Electores primùm sorte ducuntur, quos Nominatores vos appellare consuevistis. Qui denique renuntiati fuerint ab his Electoribus, in Comitiiis ipsis debent suffragiis subjici, & qui plura ex his consecutus fuerit, ita tamen ut superet dimidiam partem, is obtinuisse dicitur Magistratum. Et quoniam singulis diebus Comitiorum, pauciores quàm novem Magistratus creare nunquam licet, Electores quoque noveni sunt necessariò creandi. Sed in nonnullis Magistratibus cum duo tantum competitores statuuntur, & in plurimis quatuor, singulis Comitiorum diebus contingere oportet, ut Magistratus optentur, aut ex alterutro genere, aut ex utroque permistè. Rarissimè quidem ex eo solum genere, quod binos habet tantummodò cōpetitores,

titores, sed tunc ordines Electorum nonnisi duo fiunt: aliâs autem semper quaterni, sive ex eo tantum genere, quod Candidatos quatuor exponit, sive ex hoc, & ex illo confusè Magistratus extiterint. Constant ordines Electorum singuli ex novem Patriciis, quibus quidem fors fuerit propitia, quos ordines appellare nos solemus *Manus*, adjecto numero primæ, secundæ, tertiæ, & quartæ, prout singulæ primo secundo, tertio, & quarto loco sorte fuerint ductæ. Prius quidem, si tibi videbitur, exponam, quonam modo Electores sortito ducantur, deinde verò creationem ipsam Magistratuum.

IOAN. Opus est, ut ad arbitrium tuum ipse totum me referam, qui nihil his de rebus exploratum habeam, præter id, quod abs te narrante percepi.

TRYPHO. Ergò quâ die sunt habenda Comititia, solet ære Campano quodam signum dari ad certam diei horam, nempe in ipsa meridie, neque verò pulsatio intermittit unquam, nisi hora absoluta, quo temporis intervallo in conclave id amplissimum, quod modò descripsi, conveniunt ex ordine patricio, qui Comitiorum jus habent. Nam fores ubi clausæ fuerint, clavesque ad Tribunal Principis delatæ, nulli patet amplius

ampliùs ingressus, præterquam illi, qui sit aut Consiliarius, aut Trium-vir ex Advocatoribus, aut Præfectus Decem-virum, aut postremò Censor. Convocatis, atque ingressis omnibus ingreditur Dux, quem Consiliarii deducunt, & ii Trium-viri, qui præsunt Quadraginta-virali Collegio, atque adeo nisi prius accesserint, tunc ingrediuntur terni Decem-virum Præsides, & Advocatores, nec non bini Censores, de quibus omnibus inferius. Omnes hi, quos dixi, præter eos, qui præfecti sunt XL-viris, induti sunt eo genere vestimenti, quod à nobis Ducale solet appellari, estque vel Coccinum, vel ex panno quovis, sed latioribus manicis, & qua manus exeruntur, latè diductis, dissimile nonnihil vestimentis iis, quæ nos privatim gerere consuevimus, è nigri coloris panno, collectis atque conclusis in arctum manicis ad manus. Sedet autem Dux in suo tribunali, quod medium positum est in altero latere minori, prout opportunitas vel æstatis vel hyemis requirit. Velim autè scias ea, quæ sunt in plano subsellia, ab utroque capite intercisa esse, sed ab altera semel tantum, ab altera bis. Illic à proximis subselliis dirempta est quædam pars sex ulnarum, non amplius.

Hic autem binæ partes æquali magnitudine præditæ, quarum ea, quæ media intercedit inter alteram priori locositam, quæ constituit caput, & inter reliquum corpus subselliorum, transferri solet ex uno loco ad alterum secundum anni tempus. Itaque semper est una tantum pars ab eo capite subselliorum, quod prospectat ipsum tribunal; ab altero duæ: & quotiescumque tribunal aliò transferendum est, amovetur ea pars, quæ caput ipsum efficit, & pertrahitur ad locum, quem tribunal vacuum relinquit. Ad continuanda porro subsellia inseritur ea pars, quæ peti solet ab altero capite subselliorum, nimirum ea, quam diximus huc atque illuc traduci: Altera verò pars, hoc est ipsum caput, retrahitur atque applicatur ad reliquum corpus, ut tribunali, quantum decet, spaciū relinquatur. Sedet igitur, quemadmodum dicere cœperam, Dux in hoc suo tribunali, & assident ipsi à dextra tres ex Consiliariis, & unus ex Præsidibus XL-virum: A sinistra verò tres alii Consilarii, & duo reliqui Præsides Quadraginta-virum. In extremo quoque tribunali bina sunt hinc, atque illinc aulæis instrata subsellia, in quibus sedet scribarum princeps, seu magnus



gnus Cancellarius, ut modò dicitur, atque alii ministri. Magistratus etiam illi, quorum meminimus, loca sibi destinata ad sedendum occupant. Nam Trium-vir ille Advocator, cujus prærogativa est per illam hebdomadam, & is ex Præsilibus Decem-virum, cui simile jus obtigit in suo Magistratu, conferunt sese ad alterum minus conclavis latus, ut in gradu eminentiori subselliorum, quæ conjuncta sunt parietibus, circa medium consideant è regione Ducis. Teget autem latus Advocatoris interior Decem-vir. A dextris autem horum, sed in majori latere prope angulum, tres Auditores veteres dicti sedes suas habent: Recentiores verò totidem in eorum conspectu, sed aliquanto remotiores ab altero angulo. Duo Censores deinde, singuli in altero majori latere ferè medii sedent. Reliqui duo Trium-viri Advocatores, duoque Præsides Decem-virum, eadem quoque majora latera, sed extrema, tenent juxta utrumque angulum, illi quidem à dextra Principis: hi verò à sinistra. Omnes hi Magistratus, quos dixi, in supremo gradu subselliorum collocati sunt, & ubi Collegæ pari dignitate unà sedent, semper honestiorem locum retinet is, qui major est

natu. Præbet autem id ingredientibus  
insigne quoddam spectaculum. Occur-  
rit enim primum Ducis ipsius aspectus,  
qui satis eminenti loco, ut dixi, so-  
lium suum habet. Singula porro con-  
clavis latera spectanda se offerunt,  
insignita præsentia tot Magistratum,  
ut quocunque intuentium oculi sese  
vertant, nihil aliud cernant, quàm  
magnificentiam, amplitudinem, ma-  
jestatem. IOANNES. Præter eam, quam  
modo dixisti honestatis, & ornamentis,  
intelligere velim, utrum alia fortè cau-  
sa extiterit, quæ majores vestros im-  
pulerit ad tribuenda certa loca Magi-  
stratibus iis, & quidem ejusmodi or-  
dine, quem exposuisti. TRYPHO.  
Alia certè præterea, & non una fuit.  
nam curare debent hi Magistratus, ut  
cum modestia, & cum gravitate sin-  
guli sedeant; illud autem præcipuè,  
ne quis, dum itur in suffragia, ver-  
bo aut nutu se, aut quemquam  
commendare audeat: quam rem præ-  
stare commodè non possent; si uno  
& eodem loco simul omnes sederent.  
Efficat insuper is ordo, ut cum præ-  
sentia tantorum Magistratum singu-  
læ partes conclavis ornatissimæ sint,  
nullus, quantumvis magna vir existi-  
matione, turpe sibi ducat in illis locis  
sede-

sedere, quæ procul absunt ab ipso tribunali Ducis. Ea re quoque fit, ut iuvenes senibus permisti propter reverentiam majori cum gravitate, & modestia sedere cogantur, quàm si forte ab iisdem sederent admodum disjuncti. IOAN. Nisi cœptam disputationem intempestive interpello, scire quoque velim, an ceteri Magistratus honestiori quopiam loco sedeant, quàm cives privati. TRYPHO. Nullis aliis Magistratibus præter eos, quos dixi, certus aliquis locus destinatus est, sed ubi collocatum est, quisque sedet: filii tamen, atque fratres Ducis eo non tantum vivente, sed etiam defuncto honestiorem quemdam locum habere solent; Equites etiam, & Doctores: inter alios verò nullum est discrimen. Pro suggesto, quo sustinetur Principis solium, in plano & æquo conclavis urnæ tres statuuntur: Eos pileos nos dicimus, quæ altiore basi sublata, tantum ab humo extant, ut nullus inferre oculos, & introspicere queat; præter id etiam sunt undique circumclusæ, & duntaxat in singulis duabus extremis urnis supernè quæ sunt obrectæ, duo foramina patent ad inferendas manus, ubi globuli fuerint extrahendi: Quæ verò media est urna, unicum tantum ha-



bet, sitaque est in ipso conspectu Ducis; aliæ propter scabellorum illorum suprema capita, in quibus modò dicebam scribarū principem, unà cum cæteris ministris confidere solitos. Injici porro solent in utramq; circiter octingenti globuli sigillatim, qui ex ære vel aurichalco conflati sunt argento super inducto. Nam cum mille, & quingenti ferè viri ex gente patricia Comiticia frequentare soleant, vel summum sexcenti, globulorum quoque numerus huic numero respondere debet. Argenteis globulis permiscentur sexaginta inaurati, hoc est, in singulis duabus urnis triginta. Quæ verò media est, habet quatuor supraviginti obductas argento, & triginta sex auro, in universum non plures quàm sexaginta. Convocatis igitur comitiis, & in unum coactis, ubi cuncti Patricii sedes quisque suas acceperunt, & conclavis fores opportunè conclusæ sunt, tunc scribarum princeps ex duabus concionibus propinquiorem ascendit (conciones autem sunt ferè in medio conclavi modico intervallo bina loca inter se disjuncta super alterum gradum subselliorum elata, quæ adhærent majori lateri lumina nulla habenti) & ex editiore loco illo pronunciat omnes  
Magi.



Magistratus, qui creandi sunt eadem ipsa die. Si qua lex quoque ferri debet, eam nominatim non exprimit, sed hæc tantum subjicit: *Et ea leges ferenda sunt, quam in rem visa fuerint.* His dictis ad tribunal confestim redit, proque ipso vocat Advocatores Triumviros, Decem-virum Præfectos, Censores, & Auditores cum Veteres, tum recentiores, & eos omnes sacramento jubet obligari, daturos pro viribus operam, ut leges Comitiorum omnes observentur; In quibus est unicuique loco suo sedendum, neque mutanda subsellia, certum ante tempus: Ne quis alia via, quam decet, ad Magistratus adipiscendos aspirare audeat, neque suam operam, & industriam alteri præstare, & alia id genus quam plurima. Exhibito sacramento referunt idem Magistratus sese ad loca tributa, & subinde consurgunt ex Consiliariis tres ætate minus provecti. Inter hos, qui maximus est natu, sessum abit pro media urna: Qui verò minimus est, pro sinistra: Tertius ætate media, pro dextra sedet. Occupant autem hi duo, qui extremas tuentur, utraque capita illorum subselliorum, quæ scribarum principi assignata sunt cum aliis ministris. Is porro, qui me-

dium locum tenet, Consiliarius paratum habet scabellum quoddam ante tribunal Ducis obliquè productum, quod capere debet etiam Electores, uti mox intelliges. Sortiuntur exinde, quinam ordines subselliorum ad urnas prius accessuri sunt, & à quo capite, & latere simul inchoandum: Quod fit eo pacto. Demittuntur in urnâ quampiam globuli argentei coloris numero decem: Ex his quini sunt insigniti numerorum notis, ita ut in singulis singulæ notæ reperiantur, ab uno usque ad quinque: Cuncti tamen habent hæc eadem verba pariter inscripta. *Caput ad Brolium, & latus ad D. Georgii*: Quini reliqui globuli habent easdem quidem singuli, singulas numerorum notas, sed non eadem verba. Nam loco eorum, quæ dicta sunt, in his omnibus legitur, *Caput ad Castellum, & latus ad D. Marci*. Sortes inde ducuntur, & quicumque globulus sorte obvenit, is docet, à quonam ordine subselliorum sit faciendum initium, & simul etiam à quonam capite, atque latere: Nam si globulo appareat, exempli gratiâ, unitas impressa, & in eodem legatur: *Caput ad Brolium, & latus ad D. Georgii*; Primum ordinem vocari perspicuè intelligitur

ligitur, & ab eo capite, & latere auspicandum esse, quod ipsa verba declarant. Tunc autem globulus alter conquisitus in urna eximitur, qui primi sorte ducti socius est, & gerit unitatem inscriptam unà cum his verbis; *Caput ad Castellum, & latus ad D. Marci.* Nam cum semel prima subsellia vocata sint, eadem bis accedere minimè possunt. Postea globulus alter sorte ducitur, qui proximo, & secundo loco vocata subsellia ostendit. Atque ita ducere sorte, & vocare pergunt, quoad Electorum numerus absolutus fuerit. Illud autem in primis est animadvertendum, quandocunque sors ad aliqua subsellia pervenerit, non simplicem, sed duplicem advocari ordinem. Siquidem conflare unum ex binis admonui superius, qui denis globulis inscripti appellantur latera. Progrediuntur ergò Patricii in suo quisque ordine ad alteram ex duabus extremis urnis, quæ sibi responder, & injecta manu globulum educit, qui si non fuerit auro, sed argento obductus, parata est ad urnæ basim alia quædam, in quam dimittitur ab eo, cui sors non processit, atque ad pristinum locum illicò reditur. Sin autem auratum globulum quis sortitus fuerit, tradit in manus

Consiliario propter urnam sedenti,  
 & ad urnam in medio sitam continuò  
 pergit, unde etiam globulum depromit,  
 qui si contigerit ex argento, posteaquam  
 exhibuerit eum Consiliario, qui in medio  
 sedet, infecta re itidem festinat ad locum  
 suum. Sin autem ex auro; recognoscit in  
 manus sumptum Consiliarius, & Patricius ille  
 tunc habetur in numero Electorum, atque in  
 primo ordine, qui sedere iubetur in  
 scabello, quod ante Ducis tribunal oblique  
 diximus protendi, converso tamen ad ipsum  
 Ducem obtutu, idque ex ea causa, ne quis illi  
 se commendare nutu valeat, aut alia quacunque  
 studii significatione. Præter hæc autem unus  
 ex iis, qui sunt à secretis, alta voce  
 pronunciat Electoris nomen, ut intelligant  
 omnes, qui sunt ex eadem familia, unum  
 ex ipsis in Electorum numero jam esse;  
 fratres etiam uxoris, socer, & sororii, &  
 qui excludi solent per eundem à sortitione,  
 sive ut apud vos dicitur, interdictum habent.  
 Sedet Elector, & cæteri deinceps quoad  
 omnes Electores creati fuerint, & in  
 sedendo principem locum tenet is, qui  
 major est natu. Quod si fortè contigerit  
 in primo ordine creando, ut ex eadem  
 familia bini sortiantur; qui posterior



sterior fuit, in secundum ordinem rejicitur, & asciscitur in ejus locum is, qui proximè succedit, neque amplius ulli Patricio, vel ex eadem familia, vel ex iis affinibus, quas recensui, datur ea die sortis ducendæ beneficio frui. Siquidem lege cautum est, ut in quatuor ordinibus Electorum, qui simul omnes triginta sex viros complectuntur, censeri plures non valeant, quàm duo ex una familia; neque tamen in eodem ordine: sed alter, in altero: Quapropter Electores novem ejusdem ordinis existere debent ex diversis novem familiis. His peractis ei, qui fuerit inter Electores minima ætate, defert syngrapham quispiam à secretis, in qua Magistratus omnes ea die creandi ordine suo sunt descripti; Est autem syngrapha sigillo publico munita, ne qua ratione corrumpi possit, & adulterari. Mox Electores dant obstricti juramento fidem, nullos alios à se nominatum iri, quam quos usui reipublicæ fore arbitrati fuerint, & quà proximum est, egrediuntur è conclavi, & in locum sese recipiunt ipsis contributum. Post hos novem Electores, qui nomine primæ manus, hoc est, primi ordinis donantur, alii novem statim creantur

pro secundo ordine, & eadem ratione deinceps pro tertio, & pro quarto. Singuli verò numero suo completo proficiuntur accepta syngrapha, ut dixi, in sedes constitutas. IOAN. In his omnibus, quæ de creandis Electoribus à te sunt dicta, quatuor ex animo meo scrupuli fuerint evellendi. Atque hic primus est. Dixisti modò in duabus extremis urnis recondi solere globulos, ad mille & quingentos, non accuratè quidem calculo subducto, sed quantum visu duntaxat æstimare licet. Fieri potest, opinor, quum ventum est ad ultima subsellia, ut nonnulli supersint aurati globuli adhuc sorte ducendi, neque tamen ex argento tot suppetant, quot accessuris ad sortiendū possint sufficere; Vnde mihi videtur fieri, ut quibus omnium postremis accedere contigit, illi non satis æqua conditione sint, propterea quod facillime duci possunt, ubi cum paucis argenteis, aurati globuli sunt relictī. Quapropter, si quid est à vobis hac in re cautum, intelligere cupio. Alter verò scrupulus est: Vtrum aliqua ratione data fuerit opera, ne quis Patricius venire possit ad sortitionem alio subselliorum ordine quàm suo. Nam dum revertitur ad sedendum, posset aliquis clan-

clanculum insinuare se in alterum sub-  
selliorum ordinem, nondum evoca-  
tum. Tertius autem est, an fuerit  
excogitatum aliquod remedium ad  
impediendas fraudes in globulis eli-  
ciendis. Possët enim quispiam tenere  
conditum in manibus globulum au-  
ratum, quem postea simularet sorte  
ductum esse; Postremò scire cupio,  
ecquid apud vos intersit auspicari sor-  
titionem ab uno latere subselliorum  
magis, quàm ab altero. Si quidem vi-  
dentur uno & eodem tempore simul  
utraq; tendere ad sortiendum, cum  
singula petant urnam, quæ responderet  
sibi; quæ tamen res in capitibus sub-  
selliorum minimè procederet. Itaque  
mihi causam edisseras velim, quæ ma-  
iores vestros induxerit, ut statuerent  
ordinem non inter capita solum, sed  
& inter latera. TRYPHO. Sapienter  
quæris; à me verò dabitur opera, ut  
hæc omnia quàm paucissimis tibi ape-  
riam. Quod igitur primo loco scrupu-  
lum injiciebat, verum est quicquid au-  
tumas. Nam plerumque accidit, ut  
cum iis, qui censentur ordine postre-  
mo, multò melius agatur, non semel  
etiam cum iis, qui postremi sunt in  
hoc ordine. Sed Consiliariorum ad  
urnas confidentium partes sunt, ubi  
sorti-



sortitio processit ad ultima subsellia, & spectat ad finem, observare, an globuli argentei, & Patricii ad sortes venturi, pari numero sint, & si qui defunt, supplere; si qui redundant, eximere. Nequis autem Patricius accedat ad urnas extra suum ordinem, lex est apud nos, quæ jubet in eos, qui subsellia permutant, & aliò se transferunt, animadverti quàm graviter, idque ab ipso primo Comitiorum exordio, donec fuerit absoluta creatio triginta-sex Electorum: nam postea licet omnibus ordinem mutare, & abire quò libet. Solent etiam, ubi subsellia completa sunt, occludi quædam ostiola, quæ sunt in capitibus, neque referantur antequàm tempus veniat exeundi ad sortes. Insunt hæc ostiola subselliis quibusque, exceptis binis secundum latera majora, quibus quidem ea de causa non fuerunt imposita, ne ministris, & aliis forent impedimento, quos frequenter oportet conclave ingredi, vel egredi, præcipue verò Patriciis ipsis, qui redeuntes à sortitione, ut ad sedendum se referant, per illud spacium transire debent, quod utrinque patet interjectum inter ea subsellia, singuli tamen per suum, hoc est, quod spectat ad suum ordinem, & quoniam posset etiam acci-



accidere (quæ res mihi nunc primùm in mentem venit) ut Patriciorum aliquis tentaret iterum ad urnas procedere in ordine suo, veluti si qui primo loco progressi sunt, iidem reversi minimè considerent, sed admixti ultimis insisterent; Ea fraus ne locum haberet, à majoribus nostris institutum est, ut aliquot ex ministris rogati quidem, sed capitis rubro integumento, comitentur in reditu postremos singulorum ordinum, eoque modo secernantur à primis ultimi. Quare nullus ex his potest illis se adungere, atque unà reverti ad periculum sortis faciendum. Ut autem nihil fraudis adhiberi queat in globulis auratis supponendis, ita cautum est. Apud nos plura genera sunt ejusmodi globulorum, quæ dissimilia satis apparent pro varietate notarum, quibus impressa sunt, nimirum Alphabeti literis; Injēcturi porrò globulos auratos in urnas ministri, ex unoquoque genere singulas capiunt (sex autem genere ferè) & simul omnes in urnam condunt, ut ex ipsis unus aliquis sortito ducatur, cujus nota indicet, ex quo genere globuli seligendi sunt, idque tunc usurpatur, atque in urnas infertur: Hæc autem inspe-  
ctante Duce, & Cōsiliariis omnia peraguntur.

guntur, & non alio tēpore, quàm ubi proximum est ad sortitionem venire. Quamobrem fieri non potest, ut aliquis noverit, qua nota globuli præcipue consignati sint, & ad fraudem struendam hac in re se comparet: nullam quidem posset aliam struere, quàm secum domo afferre globulum, & præbita specie quasi recens ex urna deprompserit, ostendere palàm, quem occultè gestabat in manu. Quapropter exhiberi solent Consiliariis propè urnas sedentibus, nimirum ut probè inspiciantur, & recognoscantur ab ipsis, utrum præditi sint tessera legitima. Priscis temporibus id in more positum erat, ut id globuli genus injiceretur, quod Consiliariis, & Duci potissimum placuisset. Temporibus nostris tota res permittitur sorti. Ultimo loco quærebamus de laterum distinctione. Non semel dixi, quotiescunque ex ordinibus unus accerferetur, duos ordines advenire subselliorum, qui dicuntur latera. Nunc quia posset evenire, ut duo ex eadem familia singuli quidem ad suas urnas, & à suo latere, sed pariter uno atque eodem tempore contenderent ad ducendas sortes, ne si fortè globulus auratus utrique simul obveniret, controversia oriretur, uter ad urnam  
in

in medio positam admittendus esset (nam simul ambo nō possunt ob commune genus) hac ergō ex causa statuerunt, ut ille priori loco veniat, cujus ordini, siue lateri fors affuerit, eoque globulum inauratum quoque sortiente, alter à sortiēdo exclusus ad sedendum revertitur; argenteum verò capiente, tunc ad urnam mediam admovet manum, ac tuetur suum locum. Videor mihi cuncta, de quibus ambigere te dixeras, satis explicasse: nisi quid aliud ambiguum superest, instituta persequar. IOAN. Nihil omnino, mi Trypho; persequere ut lubet. TRYPHO. Postea quam Electorum quaterni ordines eo, quo dixi modo creati secesserint, alius post alium in proprias sedes ( simul enim atque fuerit impletus primus ordo, abit in locum suum conclavi relicto, & deinceps alter creatur, intereaue ille suos Candidatos designat, quemadmodum explicabo ) tunc licet ad alia subsellia transire, si velit, patricio cuivis: Si qua verò lex ad Comitia perferenda est, hoc tempus opportunum habetur, dum magistratuum cōpetitores instituuntur, & modus talis est. Meminisse te credo id, quod antea dixi, ex nostris magistratibus alios esse, qui Candida-

tos quatuor ad summum admittant; alios qui non nisi duos: Quoniam verò nunc ex hoc genere, nunc ex illo, interdum etiam ex utroque simul Magistratus creantur: idcirco Electorum ordines plerunque certè quaterni, nonnunquam bini tantummodo statuerendi sunt. Sed faciamus quaternos ordines constitutos esse. Vbi primus in sede sua collocatus est unoquoque Electorum pro ætate capiente locum, unus à secretis nempe is, cuius hæ sunt partes, recitat cunctis audientibus eas leges, à quibus recedere non licet in Candidatis renunciandis: cæ non alia de causa institutæ sunt, quàm ut renunciatio sincerè fiat, absque furo, & dolo. Quibus perlectis novem globulos conijcit in urnam distinctos numerorum notis, quas gerunt insculptas. Tunc Electorum unusquisque, sed initio à senioribus ducto, ex urna globulum depromit, qui notat eum magistratum, in quo sibi renunciare Candidatum licet: Oportet enim vel unitatis, vel binarii, vel cuiuspiam alterius numeri, usque ad novenarium, deprompto globulo notam aliquam impressam fore: Cuicunque igitur Electorum unitas obtigerit, facultas datur eligendi, quem velit in eo magistratu, qui primo loco

scriptus



scriptus occurrit in syngrapha tradita juniori per scribam à secretis. Dicitur apud nos is Elector primam vocem, hoc est nominationem, seu nominandi facultatem habere : is qui binarium duxerit, secundam, atque ita deinceps: Quandocunq; verò creandi sunt undecim Magistratus, qui numerus est omnium maximus, qui creari possunt; ille, qui primum nactus est, habet insuper decimum; qui verò secundum, itidem undecimum. Licet autem Electoribus, quod est observandum, permutare, si velint, inter se Magistratum nomina, quæcunque sors obtulit: neque quicquam interest, sit ne primo, an secundo, tertioque loco scriptum illud nomen, cujus est permutatio facienda. Et quoniam pro iis, quos renunciarint, coguntur ipsi Electores præstare se vades, sive prædes, quos appellare vos consuevistis *Mallevadores*, Elector qui cum alio nomen permutavit, nihilominus obligatur, & præses esse debet pro eo, qui renunciatus fuerit ab altero permutante, idque præsertim ubi creantur magistratus, à quibus publica pecunia tractanda est. Quocirca qui permutationem facere instituunt, id oneris habent, ut præstent culpam illorum, quos minimè

nominarint. Ergò qui primum nomen adeptus est, hoc est, cui datum est à forte jus nominandi Candidatum aliquem in primo magistratu, qui cæteris etiam omnibus honestior habetur (nam diverso in honore sunt nostri Magistratus, & alius alio dignior & præstantior est) quòd si contigerit ab eo permutatum fuisse, Elector ille, qui subiit in eundem locum, primas tenet in nominando ex Patriciis, quemcunque libeat: Verumtamen is, qui nominatur ab eo, subjici debet etiam suffragiis cæterorum omnium, & ex novem, si non plura, saltem sex adeptus, nominationem suam ratam habet: Si quid autem ei numero desit, necessè est eidem Electori, ut alterum nominet, & eo fortè repulsam ferente, tertium etiam, & quartum, neque unquam desistat, donec aliquis approbatus fuerit aliorum judicio. Refertur autem hujus candidati nomen in syngrapham à scriba, qui est à secretis, qui supponit illud nomini Magistratus, diserteque exprimit dignitatem, si quam modò obtinet, vel aliàs obtinuit, & à quo fuerit electus, & in quonam ordine. Deinde pergit Elector alter nominare, is qui secundæ nominationis potestatem habet, & qui nominatus,

& ele-

& electus est, approbatur, & refertur in syngrapham sub magistratu, cujus effectus est candidatus nomine suo scripto. Primi quidem, secundique ordinis prorsus eadem est ratio: Sed in tertio, & in quarto variare sæpè contingit. Si quando enim creandi sunt Magistratus ex iis, qui tantum duos competitores admittunt, ii renunciari solent in primo, & secundo tantum ordine; quo fit ut Electores tertii, & quarti, nonnulli facultate eligendi careant, illi nimirum qui globulum duxerint, consignatum ea nota, cui nulla nominatio, siue magistratus respondet. Neque tamen omninò nihil præstiterit Electorem esse, quanquam fors nominandi potestatem minimè tribuerit: Nam cum subire Electorum suffragia debeant, quemadmodum explicatum est, omnes qui nominantur; eisdem si non eligendi, ac certè approbandi vel rejiciendi, quoscunque elegerint alii, suppetit facultas. Sicubi verò difficultas oriretur, & Electores inter se controversarentur, veluti si quis eorum vellet aliquem nominare, de quo ambigeretur, an suffragia ferri omnino possent, tunc ex Advocatoribus unus, itemque ex Præfectis Decem-virum eò conferre se debent, ubi

fuerint electores ii, & controversias  
ipforum judicare. Per hunc modum  
omnibus candidatis, siue competitoribus  
magistratum delectis, non licet  
Electo-ribus ad Comit-ia reverti. Datur  
hoc tantummodo Consiliariis, Præfe-  
ctis Decem-virum, Advocatoribus,  
& Censoribus, si quando Electores fue-  
rint. Illi porrò scribæ, qui singulis or-  
dinibus affuerunt à secretis, deferunt  
syngraphas ad magnum Cancellarium,  
in quibus ordine descripti sunt magi-  
stratus, infra quoque nomina singulo-  
rum Candidatorum, cum omnibus iis,  
quæ adjungi solita dixi. Est autem il-  
lud observandum, cum modò qua-  
tuor, modò duo tantum competi-  
tores in singulis magistratibus instituere  
liceat, prout vel ab omnibus, vel à  
duobus ordinibus duntaxat eligi con-  
sueverunt, tum pauciores etiam desi-  
gnare posse quàm quatuor, aut duos.  
Nam contingere potest, & sæpè con-  
tingit, ut plures ordines in unum Can-  
didatum, interdum etiam universi pa-  
riter conspirent; Quod ubi contingit,  
nihil obstat, quo minus de ipso suffra-  
gia ferenda sint, quamvis competi-  
tores tunc nulli appareant: Videtur enim  
quodammodo ipse sui competitor,  
quatenus à pluribus ordinibus desi-  
gnatur.



gnatur. Sed faciamus in unoquoque Magistratu singulos à singulis ordinibus electos fuisse, tunc quæri solet, utrum aliquo vitio laborent sive impedimento, quod quidem multiplex esse potest, aut quia tantum temporis nondum est exactum, quantum opus est ad consequendum alterum Magistratum; aut quia publicum munus obit unus ex conjunctis, per quem candidatus aliquis excludatur; aut quia de repetundis fuit postulatus, atque id genus alia, quæ cum publicis monumentis cõsignata sint, momento temporis eruuntur, atque in lucem veniunt. Si quis igitur compertus fuerit ejusmodi vitii, illius in suffragiis ferendis ratio non habetur: quod si ex cõpetitoribus quatuor terni excluderentur, is unus, qui relinqueretur, suffragiis impertiri non posset, propterea quod competitoribus omnibus careret; Atque hoc in genere documentum cujusdam loco accipere potes; Quicumque ab uno tantum ordine fuerit designatus, eum nisi competitor adsit, nullo modo suffragiorum compotem futurum, ne dum magistratus: Quicumque verò saltem à duobus ordinibus, etiam si bini competitores alii non admitterentur, quos reliqui bini ordines statuissent; posse

nihilominus ipsum absque competitoribus ob eam rationem, quam attuli, consequi magistratum, dummodo quicquam aliud ob stare non reperiat. Primarius ergò scriba recitat, & percenset ex scripto unà cum suis competitorib<sup>9</sup>, omnes magistratus, eo modo prorsus, atque ordine, quò descriptos dixi. Mox à capite orsus pronunciat competitors in primo Magistratu, qui etiam præstantissimus est: principem verò locum tribuit illi, quem exhibuerit primus ordo competitorum: accedente verò consensu fortè alterius ordinis, id etiam exprimitur: Ac ne quid ex omnibus his rebus te lateat vel minimum, accipe hoc exemplum: nam ita principiari solet à primario scriba. Andreas Grittus, fuit Patavii Prætor, Præde Georgio Cornelio filio Petri, in ordine primo: In secundo, Andreas Grittus fuit Patavii Prætor, Dominico Trivisano Præde: Atque hoc modo toties repetitur candidati nomen, quot numero sunt ordines, à quibus fuerit nominatus. Recensitis autem omnibus candidatis in eo magistratu, non hi tantummodo, quorum est res agenda, sed omnes etiam, qui sunt ex eadem familia, vel aliqua conjunctione arctiore, invicem



se excludunt, è conclavi egressi præstolantur alicubi interea, dum feruntur suffragia. Post eorum discessum, Scriba magnus alta voce simul omnes admonet, humano, divinoque jure præceptum esse, ut ei suffragentur, quem optimum fore ducunt, maximeque è republica. Quibus dictis primum candidatum exhibet: Tunc adolescentuli quidam, quibus id munus datur, festinant ad excipienda suffragia parvis quibusdam lata pilis ex albo lino confectis. Præferunt autem singuli binos loculos ligneos inter se connexos; prasinum, & album; hunc interiorem qui favet; illum exteriorem, qui rejicit candidatum: Qui sanè loculi ita fabricati sunt, ut nullus queat introspicere, & animadvertere, in utrum pila deciderit. Et quoniam conclave ipsum satis latè patet, & vix fieri potest, quin aliquod existat murmur, candidati nomen assidue iterari solet, dum colliguntur suffragia per eosdem adolescentulos: Collata verò, atque excepta deferuntur ad tribunal Principis, & quæ propitia sunt inferuntur in quoddam vasculum album; adversa in alterum prasinum: Recensent autem, & enumerant Consiliarii, illa quidem, qui sedent ad dexteram Principis; hæc

verò, qui sunt ad sinistram. Cæterum si pauciora fuerint propitia, quàm pro dimidia parte suffragiorum, nihil à Candidato potest obtineri: Sin autem plura, nihil prohibet, ideoque refertur in scripta, quot numero suffragia dimidiam partem superaverint. Inter suffragia numeranda cōpetitores alii, quos scriba magnus pronunciavit, ordine suo periculum faciunt, & qui plura supra dimidiam partem suffragia tulerit, hic superatis competitoribus obtinet Magistratum. Subinde verò per eundem Scribarum principem recitantur nomina competitorum in proximo Magistratu, qui statim foras abeunt, unàque omnes illi, qui per eos à suffragiis arceri solent. Qui verò primi excessèrant, denuo ingrediuntur. Idem prorsus adhibetur ordo in cæteris omnibus. Creatis autem omnibus Magistratibus, quicunque illos adepti sunt, palam à scriba magno commemorantur jubente coram Censoribus, ut se sistant, à quibus delatum iuramentum accepturi sunt, nihil eos fecisse contra quàm leges præcipiant, causâ Magistratus. Post hæc dimittuntur Comitia. Sed illud certè nullo modo est prætermittendum, si contingat, ut nullus candidatus exuperet dimidiam



diam partem suffragiorum in universis Magistratibus, ea die nihil omninò gestum, & creatum fuisse, cum omnes pariter exciderint à sua petitione. Quoniam verò Comitìa ultra solis occasum producere, & continuare minimè licet, antiquissima lex jubet, ubi advesperascit, ut eorum tantum nomina commemorentur, qui Magistratus adepti sunt usque ad illud tempus: Si qui verò suffragia nondum subje-  
runt, eorum non habenda est ratio: quò fit, ut minimè frui possint eo beneficio, quod propter nominationem Electorum consecuti fuerant: Siquidem proximis Comitìis alii competitores denuo instituuntur. Hujusmodi creandorum Magistratuum apud nos est ratio, in qua commemoranda certè fui longior, nequid fortassè prætermitterem, quin tibi explicarem: neque tamen scio, an adhuc meæ voluntati atque studio satis hac in re fecerim. Ex eo plane intelligam, ubi tu rem sic explicatam, & exploratam habueris, ut nullus amplius relinquatur dubitandi locus. IOAN. Quamvis accuratè satis hanc rationem persecutus fueris, duo tamen adhuc mihi restant, quæ intelligere cupio; Primum, quæ de causa scribarum princeps, ubi no-

men candidati alicujus edit, simul etiam recenseat honores, si quos olim obtinuit: Deinde cur Electoris quoque nomen referat. T&YRHO. Paucissima sunt ea, de quibus nunc quæris. Vnà cum nomine candidati percensentur ea munera, quæ superioribus temporibus, eidem mandata sunt, ad conciliandam majorem benevolentiam, & gratiam, ut appareat eo, quod nunc petit, non indignus esse, qui fuerit alio Magistratu aliàs dignus habitus. Fortasse quoque ob diversam causam: Nam fieri potuit, ut in obeunda, & administranda superiori provincia talem se non præstiterit, ut præsens meritò deferenda illi videatur. Quare non aliam ob causam recenseri solent honores atque dignitates, quibus ii sunt perfuncti, nisi ut renovata memoria rerum gestarum, faciliùs judicari possit, an præsentis quoque iisdem committendæ sint. Electorum verò nomina simul etiam eduntur, non propter eam rem tantum, quam superiùs tradidi, nimirum, quod ubi tractandæ sunt publicæ pecuniæ, is, qui candidatum aliquem approbatione sua laudat, debet pro ipso fidejungere, & peculatum præstare, si quem forte admiserit; verum etiam in cunctis



&is aliis Magistratibus, quibus nulla pecuniæ cura est, facile unusquisque intelligere, ac statuere possit, prosperitne bono publico ille, qui nominavit, arbitratus talem virum è republica fore, an verò amicitia, vel alia quacunque privata ratione fuerit adductus, ut eum potius, quàm alium nominandum putaret. Et harum quidem singularum rerum eas causas afferro, quæ verò mihi quàm simillimæ videntur esse. Meminisse autem debet in universis rebus publicis multa sancita esse, quæ cur ita sint, ne probabilis quidem ulla potest assignari causa, vel ratio, ne dum planè vera: Quod non iis modò Civitatibus usu venit, in quarum administratione sæpè fuit variatum; sed illis etiam, quæ semper iisdem cum institutis, tum legibus usæ viguerunt. Quamvis enim ea perpetuo manserint, & mancant, nimia certè vetustas obliteravit rationes, quibus adinventæ, primùmque usurpata sunt. Quare nihil est, quod mirum tibi videatur, si quid audisti à me, vel fortasse audies, cujus afferre causam nullam ipse possim. IOAN. Recte, prudenterque: Ego verò quicquam non requiro, nisi quod investigari, & cognosci valeat. Cedò mihi nunc quæ-

so, licetne quibuscunque contigerit Electoribus esse, competitores quoque fieri atque nominari, vel ab aliis, vel fortè etiam à se ipsis. TRYPHO. Vitrumque pariter licet; ideoque scribarum princeps, ubi nomen alicujus occurrit, qui se ipsum nominarit, & competitorum statuerit, ad hunc modum pronunciat. Andreas Grittus in ordine primo, ex semet ipso renunciatus, hisque cætera adjungit. Neque verò alienum est ab æquitate, ut qui alios, semetipsum quoque nominare valeat, ubi spes fuerit adipiscendi Magistratus. IOAN. Si rectè memini, nondum edisseruisti, quis Patriciorum numerus necessarius sit habendis Comitibus. TRYPHO. Rectè mones; neque verò mihi potuisset id in mentem incurre, nisi modò injectum fuisset ex hac voce tua. Quæ res manifestè ostendit, quanti referat in hujusmodi sermonibus interrogantis prudentia. Dicò igitur nullum certum numerum definitum esse, qui convenire debeat ad Magistratus instituendos: Vix tamen unquam contingere, quin conclave refertum sit maxima frequentia; Sed tamen ubi res alia transigenda foret, ut puta novæ leges ferendæ, aut habitæ deliberationes aliquæ sanciendæ, quibus



bus de rebus infrà commodius, nihil ex ipsis omninò confici peragique potest, nisi Comitiiis interfuerint saltem Patricii sexcenti. Quin etiam nisi quatuor è Consiliariis præsentes fuerint, nec Magistratus creare, nec aliud quicquam tractare, & perficere datur. IOAN. Hæc tota Magistratuum creandorum explicata ratio, potestne aliqua fraude adhibita depravari, & corrumpi, ita ut opes, & gratia, cæteraque huiusmodi, præter fas alicui patefaciant aditum ad Magistratus? TRYPHO. Quid tibi velis, intelligo: Sed quoniam hic non est locus, responsum differam. Plana res fiet, cum de Censoribus erit sermo. Quamobrem si nihil amplius restat, quod de Comitiiis majorib<sup>9</sup> intelligere cupias, perfuncti erimus hac laboris parte. Nam de præcipuis quibusdam, & singularibus rebus, quæ ad ipsa quoq; Comititia spectare solent, agendum nobis fuerit magis opportuno loco. Ab hac igitur nostræ Reipublicæ basi, sive fundamento factò veluti gradu conscendemus, si libet, ad Rogatorum Concilium, hoc est ad Senatum, qui Comititia proximè consequitur, ut superius dixi. IOAN. Quandoquidem ea, quæ ad Comititia facere videbantur, expli-

cata sunt omnia, per me non stat, quominus ad enarrationem proximam accedas, quandocunque libeat. Satis enim mihi à te factum cumulatissimè intelligo, neque verò mihi amplius quicquam in mentem venit, quod enucleari percunctando velim. **TRYPHO.** Concilium Rogatorum, paulo ante ut insinuavi, est unum è potissimis nostræ reipublicæ membris, quæ quatuor esse dicebam, nempe Majora Comitia, Rogatorum Concilium, Collegium, & Ducem: Agit enim, atque deliberat de omnibus gravissimis rebus. Constabat autem antiquis temporibus è Senatoribus tantum sexaginta: cœptum est addere postea nunc viginti, nunc viginti quinque, quoad postremò tandem sancitum fuit, ut ad illos sexaginta totidem accederent. Præbuit, opinor, accessionis faciendæ causam magnitudo, & frequentia negotiorum, quæ temporibus illis acciderunt, quibus lex est perlata, ut in deliberando singula eò magis excuterentur, quo consultationibus plures darèt operam, quemadmodum factum comperimus, ubi Creta defecit, Laurentio Celso Duce quinquagesimo octavo. Siquidem viri ex ordine Patricio viginti quinque Senatoribus aliis tunc adjuncti

adjuncti sunt : & non multò antea Ioanne Delphino Principe totidem fuerant asciti in eundem ordinem, sciendæ pacis ergò cum Pannoniæ Rege. Bello deinde Patavino, & non semel aliàs constat, idem factum fuisse varias ob causas, atque ita consuetudo tandem obtinuit, ut viginti quotannis cooptarentur. Auctus in duplum numerus tempore Michaëlis Sceni, qui fuit in ordine Ducum sexagesimus tertius: Ad extremum verò Francisco Foscari Principe crevit idem Adjunctorum numerus usq; ad sexaginta; Velim autem scias, non plures ex una familia quàm tres omninò inter sexaginta veteres Senatores locum habere posse: inter Adjunctos quoque duos; aliquando tres, si modo bini duntaxat fuerint in veterum numero. Atque ita complectitur Rogatorum Concilium hos centum, & viginti viros, quos commemoravi, propterea verò nonnullos magistratus; immò quædam alia concilia, sed non eodem jure. Sunt enim qui facultatem habent ferendi suffragium, quod vos appellare consuevistis (*Rendere il partito*), sunt etiam, quibus hoc non licet, sed honoris gratiâ datur interesse tantum, ut quæ geruntur in republ. intelligere valeant.

leant. Hi verò sunt, qui Senatum ingrediuntur cum ipso jure suffragii, Dux, tres Consiliarii, qui dicuntur inferiores, & duo Censores, qui postquam abierunt è Magistratu, tunc obtinere solèt jus ferendi suffragii. Tres viri, qui præsunt actis per Supracastaldiones; nam hi jurisdictione confecta veniunt in Senatum naçti jura suffragiorum ad quoddam tempus. Accedunt his tres publicorum vectigalium custodes, qui reddituum Gubernatores vocantur. Tres quoque rei frumentarię præfecti, quatuor salis procurando, tres urbani Quæstores, tres, qui veteribus rationibus præsunt inspiciendis, totidem, qui recentioribus. Tres Ædiles viarum, tres Navali præfecti, tres Quæstoribus præpositi, tres Magistratibus Decem, tres fisci Recuperatores. Quibus autem in Senatum venire licet, sed absque jure suffragii, sunt omnes hi, Collegium sapientum, Trium-viri aquis custodiendis, Concilium decem sapientum, Trium-viri valetudini tuendæ, Trium-viri vectigalibus, Magistratus is, qui mercibus advehendis præest, ex Alexandria, tres viri, ex Damasco duodecim, ex Londino totidem. Omnes hi, quos recensui, in unum collecti apud nos constituunt Senatum, five



sive Rogatorum Concilium. IOAN. Esset mihi multum in optatis aliquid intelligere de his Magistratibus, modò id opportunum tibi videatur. TRYPHO. Mihî constitutum est nihil de his dicere, propterea quòd nihil ad rem faciunt: intendimus enim ea commemorare tantummodò, quæ spectare possunt ad constitutionem universæ reipublicæ. Itaque ut propositæ narrationi insistam, Concilium Rogatorum ob id nominatur; quia priscis illis temporibus, ut plerique referunt, à publicis ministris convocabantur Patricii, & quodammodo rogabantur, ut accedere vellent ad consultationes, & deliberationes publicis de rebus. Creantur autem Rogati, sive Senatores, nimirum illi priores sexaginta, quibus hæc appellatio competit potissimum, eodem modo, quo Magistratus omnes in Comitiiis solent, & seni quidem singulis diebus, verùm capto tam maturè tempore, ut ante Kalend. Octobris omnes sint creati; qua die Magistratum ineunt. Cæteri sexaginta, qui dicuntur Adjuncti, uno eodemque tempore cùm in Comitiiis tùm in Senatu creari solent anni vertentis, idque fit hoc pacto. Tertio Kal. Octobris, qui dies Beati

Michaëlis Archangeli memoriæ con-  
 secratus est, cogitur, qui tunc est Se-  
 natus, & integrum est cuique, modo  
 jus suffragiorum obtineat, nominare  
 quem velit inter Adjunctos referri.  
 Porrò nominati omnes scripto man-  
 dantur: Proxima die Comitia majora  
 indicuntur, & unus ex iis, qui sunt à  
 secretis, cunctorum nomina publicè  
 recitat è scripto, & in urnam conjicit,  
 unde singula sorte ducit ordine con-  
 tinuo, pro quibus itur in suffragia, &  
 quicumque superaverit dimidiam par-  
 tem, ille novo Senatui adjungendus  
 erit. IOAN. Nōne posset accidere, ut re-  
 liqui repulsam ferrent ex iis, qui nomi-  
 nati sunt, ita ut ad complendum sexa-  
 ginta Adjunctorum numerum non-  
 nihil deesset? TRYPHO. Posset, tamen si  
 rarissimè; Tunc autem ii Senatores,  
 qui desiderantur, (semper enim pau-  
 cissimi sunt) eodem modo subrogan-  
 tur proximis Comitiiis, neque solet  
 aliter fieri, si quando priores illi sexa-  
 ginta, quorum præcipua est autoritas,  
 intra tempus approbati omnes non  
 fuissent. Sed ut redeam<sup>9</sup> ad ipsam rem;  
 Quicumque sunt hujus Concilii parti-  
 cipes effecti, cæteri Magistratus nihil  
 interest, quo tempore sint renunciati.  
 Ineuntibus enim novis Senatoribus

annu-

annumerari debent, quotquot versantur in iis muneribus, quæ modò commemoravi, & dum jurisdictionem suam ..... quandiu jurisdictionem minimè absolverint. Ea tamen absoluta, priusquam Senatores annum suum conficiant, statim locum relinquunt successoribus, qui simulatque approbati fuerint, veniunt in Senatum. Consuevimus etiam difficillimo reipublicæ tempore facere copiam Senatus aliquot Patriciis, qui publici ærarii inopiam sublevare voluerint privato suo censu, nimirum mutuando certo pecuniæ numero per leges definito, quæ tempus etiam constituunt, quo licet eo munere honorario frui, ne si fortasse solutio anticiparetur, amittere collatum beneficium intempestivè cogantur: Verum quamdiu pecuniæ restitutio facienda differtur, tamdiu nullus excludi debet à Senatu, idque perpetuò solemne est. Nunquam tamen illis communicantur jura suffragii, sed tantum patet aditus in Senatum, in quo nullam reipublicæ præstant aliam operam, nisi quod publicis negociis vacant intelligendis, atque illis perturbationibus audiendis, quæ in hominibus continenter excitari solent. Hæc autem consuetudo, si non

omnino saltem aliqua ratione videtur  
nō improbanda, quod inde non unum  
fructum publica res capiat. Nam præ-  
ter illud, quod civium pecuniis utitur,  
hoc etiam pariter conficit, ut junio-  
res (nam ejusmodi plerique sunt)  
maturè sibi usum rerum comparare  
queant, & ad summam virtutem tem-  
pestivè proficere: quod certe quàm ex-  
pediat reipublicæ, nullus non intelli-  
git. Convocari porrò Senatus, habe-  
rique solet, quotiescunque Collegium  
censuerit, prout inferius exponam:  
Magistratibus etiam, & Advocatori-  
bus datur; his, cum de re quapiam ad  
ipsum relaturi sunt: illis, cum legem  
aliquam sancire voluerint, & quoties-  
cunque Senatores convenire debent,  
ære campano semper id significatur;  
attamen etiam per publicos præcones,  
seu viatores accersiri solent. Enimi-  
verò capere aliquid neutram in par-  
tem licet: ita enim nos loquimur;  
hoc est decerni, & sanciri nihil omni-  
nò potest, nisi quatuor saltem Consi-  
liarii fuerint in Senatu, & ex omni-  
bus Senatoribus, quibus est jus feren-  
di suffragii, ad minus sexaginta: Sed  
vix unquam accidit, quin multo ma-  
jor sit frequentia. Agitur in Senatu  
de maximis & gravissimis quibusque  
nego-



negociis universæ reipublicæ, consultatur, & deliberatur de pace, de bello, de induciis, de fœderibus, de rationibus comparandæ pecuniæ ad usum reipublicæ; sed hæc omnia quomodo tractentur, expressè patebunt, ubi sermo nobis erit de Collegio. Leges quoque approbatæ sanciantur ab hoc ipso Senatu, de quibus primùm cognoscit ille Magistratus, ad quem pertinet ea res, cujus causa lex est jubenda, mox Collegium adit, atque ostendit ejusdem legis, vel utilitatem, vel necessitatem: Approbante Collegio tùm demum fertur ad Senatum, à quo nisi laudata fuerit, rata non habetur. Sancta verò præconis voce promulgatur, à quo tempore omnes eâ tenentur, & suscipit hanc curam Magistratus, qui fuit legis autor. Hoc modo Triumviri, qui nomen habent à pompa, propterea quod est eorum munus prospicere, in victu & vestitu modesta quædam parsimonia ut adhibeatur, non ita pridem novas leges condiderunt his ipsis de rebus, quæ postea sunt approbatæ à Senatu, & palam edictæ, neque nunc ulli ab earum observatione discedere licet. Quanquam à nobis interdum dari solet opera, ut non modò in Senatu, sed etiam in majoribus

Comitiis nonnullæ leges sciscantur: id opinor, est in arbitrio positum Magistratus, à quo lex fertur, & non alia de causa procurari existimo, quàm ut accedat eidem legi major quædam auctoritas. Ita Censores paucis ab hinc mensibus, qui Magistratus recens institutus est ad ambitionem Candidatorum nimiam coërcendam, jusserunt eam legem, ne quis congratularetur cuiquam Magistratum adepto. Quæ lex à Patribus comprobata maximo consensu, multò majori etiam in Comitiis stabilita est, atque hoc tempore observata quàm accuratissimè viget. Præter hæc autem pertinet ad Senatum, sive Rogatorum Concilium imperatoris electio, qui classi præsit, ubi aliquod bellum mari gerendum est, & legati optio, si fortè belli terrestris periculū imminet: pertinet etiam creatio trium Magistratuum, quos communi vocabulo sapientes appellamus, sed alios maximos, alios à continente, postremos omnium à mari: faciam brevi, ut hæc omnia planissimè intelligas. Modus eligendi, quos percensui omnes, talis est. Senatorum cuique datur nominare, quem libet, & pro singulis nominatis colliguntur suffragia, cui verò plura contigerint

supra

supra dimidiam partem , huic munus defertur. Sed quia non semel evenire solet , ut qui plurimorū iudicio aptissimus habetur , nihil oneris sustinere velit : exempli gratiâ , legati partes in exercitu , quin imò se molestissimè laturum significet , si quis autor esse velit ejus sententiæ ; propterea certa quædam ratio fuit à nostris inita , ut offensionis incurrendæ nullo periculo posset hic vir à Senatoribus nominari , neque res ipsa publica fraudaretur eo fructu , quem percipere meritò deberet è sui civis virtute. Iubentur ergò singuli Senatores in parvo quodam chirographo nomen illius scribere , cujus industriæ munus id committendum existimant. Collecta in unum chirographa reponuntur in urna , & singulatim per scribam magnum educuntur , & nomina descriptorum omnia publicè recitantur , & pro singulis ordine itur in suffragia , & in quemcunq; magis ea propenderint supra dimidiam partem , in eundem conferunt eam curam , & administrationem. Cæterum quando præficitur imperator classi , quisquis à Senatu designatus fuerit eo modo , quem dixi , postea debet etiam in Comitibus subire suffragia competitoribus attributis per quatuor Electorum or-



dines, ut explicatum est suprà ; munus autem imperatorium ei mandari solet, qui plura suffragia consecutus est, modò non infra dimidiam partem. Consiliarii tandem atque Censores partim creantur in Senatu, partim in Comitibus ; cum perventum eò fuerit, modum explicabo. Sunt enim quædam, quæ nunc exponere, neque licet, neque expedit, cum magis pendeant ab iis, quæ tradenda sunt, quàm ab iis, quæ sunt tradita. Quoniam verò cumulatè satis edisseruimus, quicquid spectare videbatur ad auctoritatem Rogatorum, sive Senatus, reliqua prosequenda fuerint, nisi prius aliquid occurrat, de quo percunctari velis.

I O A N. Hoc unum modò. Dixisti Senatores Kal. Octobris ingredi solitos ad capeffendam rempublicam. Est ne aliqua ratio, cur hoc potius, quàm alio tempore soleant auspicari ? T R Y P H O. Vnicam tantum rationem afferre possumus hujus rei, de qua nunc tu quæris, bella per æstatem geri solita superioribus ætatibus : nunc enim quemadmodum est videre, miles tam hyeme, quàm æstate continetur in castris : idcirco imminente hyeme Senatus publicam administrationem suscipiebat, ut æstate proxima ; deinde cum  
flagra-



flagraret bellum, satis instructus esset cum à notitia, tum ab usu rerum gerendarum: Nam si alio tempore, ut puta æstate ineunte, ad rempub. administrandam ingrederentur ii, qui succedere veteribus Senatoribus debent, incurrerent in principia belli, nulla præditi scientia, nulloque usu rerum, & fortasse non bene deliberando magnum aliquod detrimentum importarent ipsi reipublicæ. Hac, opinor, de causa majores nostri temporis id potissimum statuerunt. IOAN. Adhuc mihi duo subeunt in mentem quærenda. Primum, An qui fuerit in Senatu per annum, sive inter sexaginta primarios lectus, sive inter Adjunctos, idem proximo & in sequenti anno possit etiam esse. Alterum, Quomodo soleant in Senatu excipi suffragia.

TRYPHO. Quod attinet ad primum, scire debes, nullam à munere Senatorio vacationem necessario requiri, & ideo non modò in annum proximum, sed etiam in tertium, & quartum, continenterque deinceps prorogari posse, nullo discrimine inter primarios, & inter Adjunctos. Quisnam verò modus sit excipiendi suffragia, opportuno ac suo loco faciam, ut intelligas. IOAN. Igitur perge, quemad-

modum instituiti. TRYPHO. Excipitur Senatus ab eo, quod nominamus Collegium, estque veluti tertium membrum in nostra republica, & maxima cum honestate, tum autoritate: Constat autem præcipue tribus, ex his magistratibus, qui sapientes appellantur, aut Maximis rebus, aut Continenti, aut Mari præfecti, numeroque sunt sexdecim, primi quidem generis sex, cæterorum quinque singulatim: Accedunt his unà cum ipso Principe sex Consiliarii, tresque Præsides XL virum, proptereaque hi reipublicæ majestatem sustinent. Porro sapientes mari, qui vocari etiam solent, sapientes ordinibus, tractant ea negotia, quæ spectant ad res maritimas quacunque ratione, non modo belli, vel pacis. Sapientes verò continenti prospicere debent rei bellicæ & militiæ terrestri, nec non etiam paci. Horum præcipue partes sunt, eos omnes, qui reipublicæ stipendia merent, in albo recensitos habere, & curam ipsorum gerere. Cæterum ii, qui sunt sapientes maximis rebus, universa procurant, & domi & foris, iisdemque potissimum incumbit cura omnis pacis & belli, scribendi ad Principes, nec non respondendi, tandemque consulendi, & administrandi

omnes

Omnes partes reipublicæ: superioribus temporibus, quod prætermittendum non est, suprema quidem autoritas horum sapientum complectebatur universam administrationē cæterorum omnium, qui tamen attingere non poterant ea, quæ ipsi administrabant. Quare licebat maximis sapientibus agere cuncta negotia militiæ terrestris, adhibitis tamen sapientibus continenti, quibus eodem modo jus erat adjungere sese mari sapientibus, & unâ cum ipsis res maritimas pertractare, ita ut qui maximis rebus sapientes essent, iidem quoque præfecti haberentur tam continenti, quam mari. Sapientes autem continenti, maris etiam procurationem susciperent, & præterea aliud nihil. Temporibus nostris nonnihil variatum est in hac rerum administrandarum ratione paucis abhinc annis. Nam continenti sapientes publica lege redditi sunt æquales sapientibus maximis, quod quidem spectat ad rerum administrationem. Iurisdicção, & facultas tantummodo sapientum mari permanet iisdem limitibus circumscripta, quibus erat prius. Existere quidem initio non nisi sapientes maximis rebus; sed aucta republica & amplificato maris imperio cum publi-

publi-

publica negocia permultum incrementi accepissent; necesse fuit creare alios sapientes, quibus cura maris potissima mandaretur. Idem omninò contigit, ubi propagari cæpta est in continenti respublica, ut opus huic etiam esset præficere alios sapientes, quod quidem factum est eo tempore, quo primum Taurisum in nostram ditionem cessit. Cæterorum sapientum primordia originis nescio: quanquam majori existimatione, atque dignitate primis temporibus fuere sapientes mari, quàm continenti. Sed parto jam imperio terrestri, nostrorumque animis ac studiis ad continentem conversis, illi jacturam fecerunt suæ dignitatis, hi verò compotes facti sunt amplioris multò. Sapientes omnes eligi solent in senatu non alio modo, quàm Legatus copiarum terrestrium, quam rem exposuimus. Verùm te non fugiat, maximis rebus sapientem quemquam non optari, quin provecta jam sit ætate, maximaque virtute: Sapientes quoque continenti licet non eadem, magna tamen in existimatione versari, atque dignitate; multò quidem in minori sapientes mari, qui Magistratus hoc tempore nulli ferè est usui, nisi quòd exercitationis junioribus



ribus præbet opportunitatem: Nam si de aliqua re graviori est deliberandum, præsto sunt alii sapientes continenti, & maximis rebus. Commune id habent hi singuli Magistratus, ut eligant singulos Præsides, & præsticiant sibi, quorum munus durare solet ad septimum usque diem, quo tempore elapso succeditur. Refert is ad Collegium, atque commemorat quæcunque agenda spectant ad suum Magistratum. Res autem hoc modo peragitur. Collegium quotidie coit horis post ortum solis circiter duabus: meminisse autem debes in nomen collegii venire non modò tres Magistratus hos sapientum, quos diximus, verùm etiam Principem, & Consiliarios, nec non tres Præsides Quadraginta. virùm, qui quoniam ipsius reipublicæ majestatem referunt, appellatione Dominatus apud nos donantur, neque verò minus in collegium adhiberi solent, quàm in concilium Rogatorum, Decem. virùm, majoraque in comitia, ut nihil plane sit agendum sine ipsorum præsentia. Habet sanè Dux unà cum suis Consiliariis speciem quandam Regis, qui licet singulis Magistratibus negocia tribuat, ipse tamen adesse velit dum pertractantur, ejus tamen præsentia

non

ii

ii

ii

non efficit, quin ea penes illos sint, quorum arbitrio præcipue commissa fuerint. Sic etiam tres ii Magistratus, qui sapientes dicuntur, quanquam suis de rebus consultant coram ipso Principe, coramque tum Consiliariis, tum quadraginta-virum Præsidibus, nihilominus ea cura ipsis præcipue incumbit. Convocato igitur collegio recitari solent omnes litteræ ab eo tempore latæ, quo fuit proximè concessum; audiuntur quoque oratores Principum, si qui audiri postulant, tresque illi sapientum ordines ea tractant, quæ proprii sunt muneris, moventibus, & referentibus Præsidibus suis. Quod si aliqua deliberatio capienda sit de gravioribus rebus, quæ sapientum maximorum operam, & consilium expostulant, aut etiam sapientum, qui curant res continentis, possunt excludi sapientes mari, qui tamen his consultationibus interesse nunquam prohibentur, nisi fortè quid nimium referat, & magnoperè urgeat: cætera tantum audire debent, & in silentio versari: quod si velint aliquando sententiam dicere, nulla est ejus habenda ratio, dum ad Senatum refertur, quemadmodum cæterorum sapientum, & eorum, qui præsident quadraginta-

virali

virali Collegio, Consiliariorum quoque Principis haberi solet. Atque ut aliquo exemplo hujusce administrationis rationem totam accipias, faciamus aliquid esse deliberandum illis de rebus, quæ pertinent ad sapientes mari. Aggrediuntur hi sanè ad rem administrandam, sed prohibere non possunt, quin cæteri sapientes, si velint, omnibus intersint. Versantur igitur in ipsa consultatione; sed quid sentiant, exponere non ipsis tantum, verumtamen omnibus, qui sunt è collegio, datur. Prout autem vel omnes in eadem, vel alii sunt in alia sententia: sic etiam vel unà, vel singulatim ad Senatum referunt: licet enim singulis cum sapientibus, tum Consiliariis, multoque magis ipsi Principi, cum dissensit ab aliis, separatim ab ipsis rem quamlibet ad Senatum deferre. Cunctæ porro sententiæ unà cum auctoris sui nomine per eum, qui est à secretis, mandantur scripto; cumque nihil omninò sit deliberandum, quod quidem spectat ad publicam administrationem, absque consilio & approbatione Senatus, eo convocato accedunt ii Magistratus, sententias omnes descriptas secum deferentes, quas hoc ordine exponunt. Si quidem plures,

non una fuerint ( ponamus autem quatuoreffe ) simul omnes proponuntur, sed primo loco ea, cujus est autor præstantissimus Magistratus. Nam si qua proficiscitur à Duce, vel Consiliariis, ea cæteris omnibus anteferri debet: si qua itidem à maximis sapientibus, prius est recitanda, quàm quæ promanat à sapientibus continenti, qui præcedunt eodem modo sapientes mari. Si verò inter se non conveniunt hi singuli ordines, sed in eodem plures sententiæ fuerint ipsa de re, quæ suam administrationem attingit, illius sententia principem locum habet, qui præcellere inter collegas existimatur. Posteaquam verò de universis relatum est, si quis è numero sapientum velit contradicere, nullus è Senatoribus potest antevertere, primæ verò partes concedendæ semper sunt ei, qui præeminet auctoritate, atque honore inter sapientes: Deinde verò potestas fit cunctis Senatoribus oppugnandi, quicquid libuerit ex iis sententiis. Vbi verò satis accuratè disputatum est, singulaque momenta rationum maturius expensa, colliguntur suffragia pro cunctis simul ad hunc modum. Si quatuor sententiæ fuerint, ut esse posuimus, quatuor

viri



virī à Secretis prodeunt albo colore singuli gestantes loculum, præ manibus succedit alius à Secretis, unà cum præsino, postremo loco venit rubrum, qui præterdit. E quatuor illis, qui tenent loculos albos, primus alta voce pronunciat auctoris nomen, qui sententiam attulerit primo loco expositam: alter secundi auctoris, proximus tertii, & postremus quarti. Porro Senatores ipsi, in quemcunque loculum maluerit quisque pro ea sententia, quam laudant, suffragia sua conferunt. Siquis est forte, qui cunctas pariter improbet, is præsinum ad manus habet. Si cui nondum liquet, tantisper expectandum est, donec ad extremum ruber circumferatur, qui loculus appellatur à nobis, non sincerorum, hoc est illorum, qui neque damnant, neque probant ullam è sententiis. Collecta ad hunc modum suffragia postea numerantur, & cui plura delata propicia fuerint, ita tamen ut superent dimidiam partem, ea demum sententia firma censetur, atque rata, nec insuper opus est alia comprobatione. Sin autem dimidiam partem nulla supergrediatur, illius, quæ pauciora suffragia tulerit, ratione non habita, pro reliquis tribus iterum feruntur, nec alio certo modo,

quàm antea, nimirum adhibitis oculis tribus candido colore, unà cum prasino, atque rubro. Et si qua plura quàm pro dimidia parte tunc adipiscatur, sancita est: Alioquin altera quoque prætermittitur inferior suffragiis, & quæ supersunt, duæ tantum admittuntur, de integro binis oculis albis circumlatis, nec non prasino, & rubro. Quod si adhuc neutra potuerit assequi numerum definitum, quæ proprius inde abest, referri solet altera rejecta: Quare duntaxat adhibetur unus è oculis albis, non tamen sine prasino de more, atque rubro. Verumtamen si quod aliis sententiis, id huic etiam contigerit, ut nequeat attingere, aut superare dimidia suffragia, quod quidem accidit, ubi pauciora conferuntur in album, plura in alios duos loculos, nulla ex propositis sententiis approbationem habet, unde fit, ut nova consultatione, atq; relatione sit opus, cum res agitur admodum necessaria. Quod quidem præstari potest, vel eadem die, cum ipsi Duci, singulisque Consiliariis, Præsidibus quoque Quadraginta-virum, atque sapientibus integrum sit, ut diximus, de omnibus referre: Potest etiam id rejici in alteram diem. Sed profectò vix unquam evenit, quin è

tot sententiis, una tandem non comprobetur: Partes vernaculo sermone has appellare consuevimus: Quare licebit utroque vocabulo pro eadem re uti. Si tamen nulla sententia unquam sanciretur, & aliqua deliberatio foret expedienda, idque res ipsa necessariò tandem postularer, quid fieri soleat à nobis, tunc planius intelliges, quando sermonem habebimus de concilio Decem-virum. Sed illud prætermitti nullo modo debet, ubi primùm pro sententiis omnibus simul ineuntur suffragia, si plura quàm dimidia comperta fuerint in rubro, quem appellari dixi à nobis loculum minime sincerorum, hoc est eorum, quibus nihil liquet, tunc omnes illas sententias pariter excludi, ita ut pro nulla sit redeundum amplius ad suffragia, sed aliæ deliberationes instituendæ. IOAN. Quantum quidem ex tuis sermonibus colligere potui, mihi videntur hi sapientes auctores esse omnium sententiarum, quibus referendis præsumunt: nec enim alium quemquam video, qui facultatem habeat referendi, sed tantùm contradicendi. TRYPHO. Ita est, ut tu dicis. Sed quia fieri potest, ut aliquis sit in numero Senatorum, qui vel consilii, vel commentationis quid habeat in

usum reipublicę, quod nulli vel sapientum, vel Consiliariorum in mentem incurrat, is ut fructus minimè pereat, sancitum est, ut communicari ea sententia possit cum quolibet ex iis, qui referendi jus habent, ut in Senatu cum cæteris discutiatur. Sed ne ad Senatum feratur aliqua rogatio sine consilio sapientum, & eorum, quos dixi, præter quasdam alias rationes, de quibus aliàs, id ob eam rem præcipue constitutum est, ut perturbatio vitetur, quæ nimia foret, si liceret unicuique suam sententiam proferre singulis de rebus. Ad hæc autem verissimile non videtur, ut quæ prudentissimis & sapientissimis viris in mentem non veniunt, ex quibus sanè Collegium constat, eadem ab aliis intelligi, & cognosci queant: & quamvis hoc aliquando possit evenire, id erit vix unquam, ut meritò susque deque ferant; cum præsertim in rebus constituendis semper minoribus majora commoda sint anteponenda.

IOAN. Id modo superest, ut intelligam ad suum munus obeundum, quodnam tempus præfinitum sit hisce tribus ordinibus sapientum, & utrum simul, & eodem tempore cuncti deligantur. TRYPHO. Singulis tempus sex mensium est definitum; non tamen eodem



eodem tempore omnes eligi solent. Nam qui dicuntur sapientes maximis rebus, ii duobus anni temporibus eliguntur, & terni qualibet vice, sed intervallo trium mensium intercedente; sapientes autem alii continēti, & mari, licet etiam ipsi binis temporibus, parique intervallo, hoc ramen habet discriminis, quòd prima vice terni, altera bini designantur. Sicubi verò magna negotiorum moles, & multiplex urget, adjuncti sapientibus maximis, alij tres accedunt, quos extra ordinem sapientes nominamus. Hæc in hoc toto genere habui tibi cōmemoranda: Quod si præterea nihil requiris, ad reliqua pergami. IOAN. Ut sanè libet: nihil enim amplius intelligere cupio de istis sapientibus. TRYPHO. Pervenimus tandem ad supremum omnium Magistratum in nostra civitate, quem appellare consuevimus Principem, & Ducem: In hoc, tanquam in summo quodam apice respublica desinit, de cujus antiqua origine, & autoritate maxima, qua pollebat priscis illis ætatibus, & quemadmodum ea postremò temperata fuerit, superius abundè satis, superque egimus. Supersunt igitur hæc duo tantum explicanda, quo pacto videlicet eligitur, & qua modò sit prædi-

tus autoritate. Atque ut singula probe intelligas, post obitum Ducis statim ingrediuntur Ducarium sex Consiliarii, unà cum tribus Præsidibus Quadragenta-virum, de quibus dicam inferius. Natu maximus inter Consiliarios Produx appellatur: nam quædam administrat, quæ sunt ipsius Ducis, cuiusmodi est obsignare syngraphas exhiberi solitas iis, qui recens munera suscipiunt. Sed litteræ, quæ mittuntur ad Magistratum extra urbem, & ad omnes alios, Gubernatorum nomine scribi solent, quibus efferre Ducario pedem non licet, antequam Dux in demortui locum sit suffectus. Occludi solent etiam Ducarii fores, in quibus tamen ostiola quædam relinquuntur, per quæ tantum patet exitus, atque ingressus: Præsidia simul, & excubiæ nonnullæ adsunt potius ad inorem antiquum custodiendum, quàm quod iis sit opus: neque enim civitas magis afficitur in Principis obitu, quàm Patricii cujuslibet, qui privatus egerit: Quo fit, ut immutatum in ipsa quicquam non appareat: Et quanquam Magistratus nulli conveniunt ad jus dicendum, antequam Dux renuntietur; id habet eam causam, quod Patritiis in habenda electione plurimum occu-

occupatis, administrare quicquam minimè vacat. Porro Ducalibus vestimentis exornatum cadaver Ducis in eam, quam vocant, aulam Publicorum deferri mandatur, ubi triduum quiescit: bis denis autem Patitiis id munus datur, ut amicti veste coccinea deducant ipsum, & circumfedeant ibidem commorantes, quod munus etiam proximis diebus obire solent. His peractis celebratur funus tam insigni & magnifico apparatu, quàm decet amplitudinem tanti Magistratus. Ab exequiis altera die Comitia inducuntur, in quibus admonentur omnes à scribarum principe, cum sit initium faciendum creationis Ducis, primo loco quinos Correctores, & ternos inquisitores eligi oportere. Surgit inde Produx, & verba facit ad Concilium, collaudataque plurimum vita, & moribus, nec non administratione Ducis extincti, exhortatur omnes, ut in Principe statuendo reipublicæ utilitati, atque dignitati inservire studeant. Postea recitari jubentur ex scripto leges, quibus tota ratio continetur Ducis eligendi. Tandemque prorsus eodem modo, quo cæteri Magistratus, creantur quinque Correctores, tresque Inquisitores. Horum munus est perquàm diligenter inqui-

rere in vitam superioris Ducis, & acta  
universa, & observare, an discesserit  
aliquatenus à præscripto legum, &  
eum, si quid offendisse fortasse compe-  
riant, ilicò differre. Pœna, qua mul-  
tandus ipse foret, in hæredes transfer-  
tur; sed multa pecuniaria tantum ir-  
rogatur: nimis enim à justitia alienum  
esset, pro culpa, quâ Dux obnoxius pœ-  
næ videatur, hæredes nihil tale com-  
meritos acerbius plecti. Eiusmodi quæ-  
stio solet exerceri in Comitibus ipsis,  
quippe quæ gravissima ducitur propter  
eius personæ dignitatem. Nihilominus  
etiam posset eadem exerceri in Conci-  
lio capitali Quadraginta-virum, ut in-  
ferius docebimus. Dux Lauredanus ob  
insignem integritatem atque sapien-  
tiam dignus, ut ejus memoria cum  
maxima veneratione ab omnibus co-  
latur, tertius annus modò agitur ab  
eiusdem obitu, cum eâ ratione, qua  
diximus, condemnatus est, quod eam  
personam sustinuisse minùs liberaliter,  
& non satis pro dignitate reipublicæ  
judicatus esset. Quare ipsius hæredes  
coacti sunt multam dependere, quæ  
non minor erat aureis quingentis su-  
pra mille. IOAN. Videtur huiusmodi  
lex mihi non satis æqua, quia rationi  
consentaneum non est, ut ejus, in  
quo



quo nihil peccavit, aliquis pœnas luat. TRYPHO. Ita est: sed in hoc genere pœnam subit nonnisi quod obnoxium est, ipsa nempe hæreditas mulctanda, quam quicumque adit, ejus nomen præstare debet. Et verò prudentissimi fuerunt illi, qui hanc legem sciverunt, ex qua fit, ut Duces pareant ipsis legibus multò attentius, quippe quos non fugiat fore, ut hæredes plectantur ipsorum culpâ, quamvis effugerint ipsi animadversionem. Sed ad rem, quæso, nostram. partes Correctorum sunt videre, & animadvertere, an nova lege quapiam sit opus, qua sit obstringendus is, qui futurus est Princeps, & an aliquid vitii sit emendandum, quod extiterit in administratione demortui Ducis. Horum gratiâ statim ubi creati fuerint, sese conferunt in sedes attributas ipsis, & quoties opus est, iterant conventum, donec ea, quæ vel immutanda, vel prorsus innovanda videantur, habeant constituta. Quæ certè res expediri nequeunt adeò celeriter, quin triduum aut etiam quadri-  
dum ipsis impendatur. Rebus omnibus diligenter expensis, atque animadversis significant id Consiliariis, & Præsidibus Quadraginta-virum, à quibus inducuntur Comitia, more, & loco

usitatis. Congregato Concilio accedunt eò quinque Correctores, à quibus refertur de iis, quæ visa fuerint vel emendanda, vel in mores etiam inducenda, & singula vel approbantur, vel rejiciuntur suffragiis adhibitis: Quæ sanè ratione, quicquid opus habet emendatione, statim corrigitur, & si quid erutum fuerit, quod expediat reipublicæ promulgatione legis alterius, id facilè asciscitur. Postera die Comitia rursus convocantur, quibus, nisi trigesimum annum exegerit, nullus interesse potest, & opportuno tempore conclusis ostiis in conclavi numerantur omnes, qui eò convenerint, & in quandam urnam, Pileum, ut jam monui, dictam, sed ex eo genere, quod in summo apice tantum semel est perforatum, dejiciuntur aurei globuli triginta propriâ notâ insigniti, & ex argenteis tam multi, quot aureis conjuncti capita recensita æquant. Post hæc è Consiliariis minimus ætate contendit ad ædem sacram Divi Marci, conterminam conjunctamque Ducario, ut nosti, atque ubi ad aram maximam supplicavit, puerum, quem libeat accersitum in Comitia deducit, ut pro singulis Patriciis, quibus id per legem non licet, ne quis fraudi locus relinquatur, dum

acce-



accedunt ad sortitionem, ipse fortiatur. Antiquis autem tēporibus moris erat, ut quemcunque primum fors obtulisset puerum visum bonæ indolis, eum Consiliarius adduceret in Comitia, ut obiret hoc munus. Vocatur is puer modò Ballottinus, & in supplicationibus progredi solet ante Ducem, cui debet esse curæ, ut posteaquā pervenerit ad legitimam ætatem, ascribatur in eorum numerū, qui sunt à secretis. Perductus igitur in Comitia statuitur hic puer ante conspectum Præsidentum, Quadraginta virūm, & Consiliariorum, & unus, ex utroque nomine, cui fors contigerit, pro urna sessum ire pergit. Sortiuntur autem subsellia, quo singula debeant ordine ad urnam accedere. Verūmtamen in Magistratibus eligendis cum duplex ordo subselliorum semper accedat, cujus rei gratia binæ quoque urnæ statuuntur, in hac electione tanquam proprium & singulare notari debet, unam stare urnam, singulosque ordines subselliorum separatim accedere. Quamobrem sicuti aliàs pro quinis ordinibus duplicatis sortes injiciuntur, sic in præsentī, ubi Ducis electores erunt creandi, pro simplicibus decem sortes injici oportet, quæ deinceps educæ indicant, quinam ordines

in sortitione debent præcedere. Sed erit sciendum, ubi fors in unum ex iis quinque ceciderit, qui sunt ad D. Georgii versus, ex eo capite accessum fieri, quod Brolium spectat, contrà verò, ab eo, quod castellum, inchoandum fore, ubi fors alicui contigerit à latere D. Marci; Quam rem facilè abs te percipi, atque intelligi arbitror, ex ea conclavis descriptione, quam superiùs adduxi. Cujuscunque autem ordinis fors educta fuerit, Patricius ille, qui sedet in eo capite, à quo est inchoandum, surgit ex loco suo, & ad urnam tendit. Puer, qui assidet urnæ, depromit ex ea globulum ejus vice, quem demittit in urnam alteram infra pedes positam, si fuerit argenteus, Patricius ille, cujus nomine sortitio est peracta, exit è conclavi. Sin auratus obtigerit; Consiliario porrigitur ut notam inspiciat, & ejus Patritii nomen enunciatur per scribarum principem, idemque continuò medius inter duos à secretis deducitur extra conclave in quoddam cubiculum. Mox advocantur ad tribunal omnes, qui sunt ejusdem familiæ, nec non etiam patruus, avunculi, consobri-  
ni, socer, uxoris fratres, sororumque viri, & tandem omnes illi, qui fuerint ejus causâ à sortitione excludendi. Cum  
ad



ad tribunal venerint , à scriba numerantur, totidemque globuli ex argenteis ab urna eximuntur, omnes autem illi abeunt à conclavi , cum nihil aliud habeant exclusi à sortitione quod agant. Eadem ratione pergitur per singulos ordines succedentes , quoad aurati globuli triginta fuerint omnes educti, quos quicumque beneficio sortis assecuti fuerint , secedunt in idem cubiculum , ubi sese continent , interea dum ab aliis disceditur. Dimisso concilio unà prodeunt , & confident in conspectu Præsidentum , Quadraginta-virum, & Consiliariorum in binis subselliis, quæ sunt in medio sita, pares numero utrinque, postea coniectis in urnam aureis globulis novem, & uno super viginti argenteis , sortitioneque facta subselliorum, utrum inchoare debeat, atque unde , nam singuli ad urnam pergunt, unde singulorum nomine globulum depromit, quoad novem aureis fuerit exhausta, puer ille, quem dixi. Quibus argentei contigerunt, abeunt quo libet; Reliqui novem sortiti aureos ad cubiculum redeunt , ex quo, posteaquam convenerint omnes numero perfecto, traducuntur in alterum à Consiliariis, Præsidentibusque Quadraginta-virum , ubi sunt omnia in promptu

promptu ad usum necessaria. Hic ad electionis munus peragendum, ut decet, sacramento obligati tamdiu clausi manent, quoad elegerint è quadraginta familiis diversis Quadraginta-viros, quæ res hoc modò procedit. Simulatque Novem-viri conclusi fuerint, sortiuntur, quis eorum primas in nominando debeat obtinere, quis proximas, quis tertias partes, atque ita deinceps, juxta quem ordinem pronunciant, quoscunque libet: Suffragia colliguntur pro singulis, qui pronunciantur, & qui septem ex ipsis consecutus fuerit, habetur unus è numero Quadraginta-virûm. Omnibus his creatis res ad Consiliarios defertur, qui statim ea ipsa die, si ad vesperam multum non inclinât, aut certè postera, Comititia maxima indicunt. Quibus convocatis scribarum princeps accitis duobus à secretis ad Novem-viros accedit, à quibus accipit syngrapham, in quibus descripta sunt nomina delectorum Quadraginta-virûm, & ad Comititia reversus Consiliariis jubentibus eadem recitat: singuli, prout nominantur, adeunt tribunal, & è Comititiis transferuntur in alterum conclave: Si quem abesse contigerit, conquistum eunt unus è Consiliariis, & unus è Præfectis Quadraginta-



draginta-virûm, qui hominem adepti statim in Comititia perducunt, nulla colloquendi cum aliquo potestate facta, & exinde quò concesserunt omnes alii ex eodem numero; quo impleto demùm Comititia, neque prius dimittuntur. Et quemadmodum Triginta-viri superius dicti, sic etiam hi Quadraginta sistere se pergunt ante Consiliarios, & Præsides Quadraginta-virûm, atque in binis subselliis intermediis confident, & ad urnam evocantur sortibus eductis, in qua duo-deciginta globuli argentei inter aureos bisseños reconduntur. Illi, quorum nomine puer argenteos exprompserit, statim dimittuntur, hi, pro quibus aureos, in eundem locum, ubi Novem-viri antea fuerunt, aut aliò si libet, à Consiliariis & sociis deducuntur, & in electione jurati, prout superius est dictum, ibi se continent occlusis perpetuò foribus, donec Vigintiquinque viros elegerint ex totidem familiis inter se diversis, neque pauciora quàm novem suffragia singuli requirunt, qui postea creati nunciantur Consiliariis atque eorum sociis, qui statim habent Comititia, si fert ita tempus, aliòqui rejiciunt in diem proximam. Recitantur eo modo, quò superius ostendi, horum

Viginti-

vigintiquinque nomina per scribarum principem, quibus auditis ad tribunal singuli progressi dimittuntur ex Comitibus in conclave alterum, quemadmodum Quadraginta-viri antea nominati, & si quis non adest, accersitur eo modo, quo dixi, & ad Comitibus statim deducitur, atque inde ad aliorum conventum. Vbi verò coacti sunt omnes, è comitio disceditur, ipsi verò prodeunt in conspectum eorum, qui præsunt, & in sedibus suis collocati sortitò advocantur ad urnam, quæ continet novem aureos globulos, sexdecim argenteos: quibus hi contigerint, abeunt; quibus illi, permanent & conclusi ad instar aliorum, quos commemoravi, non paucioribus suffragiis, quàm septenis eligunt Quadragintaquinque-viros ex familiis diversis quadraginta quinque. Comitibus indictis hi quoque renunciantur, & omnes qui aderant, & qui aberant in unum coacti ea ratione, qua exposui; ubi Comitibus dimissa fuerint, accedunt ad Consiliarios, & alios, qui præsunt sedentque coram ipsis, & prout fors evenerit, ad urnam advocati se conferunt intra se cohibetrem undecim globulos aureos, quatuor trigintaque argenteos. Hos qui sortiti fuerint, quoquò libet profisciscuntur.



ciscuntur. Alii verò manent, qui iurejurando more cæterorum obstricti, eodemque modo prorsus occlusi saltem novem suffragia in unum conferentes eligunt quadraginta-viros, & unum præterea, qui sunt electores Ducis, ex aliis atque aliis familiis omnes separati. IOAN. Hæc res est admodum implicata, satisque longa, neque certe magno usui videtur esse. TRYPHO. Id verò disputare in præsentia nolim: nihil enim, ut præmonui, hodie à me accipies, quàm simplicem administrationem nostræ reipublicæ. Quapropter ut institutam narrationem prosequar, posteaquam advocatis comitiis Electores hi quadraginta & unus renunciati omnes fuerint, & in conclave sibi tributum introducti, quemadmodum est dictum; principio sacris opera datur ad implorandam cœlestis spiritus opem, & unusquisque solemni Sacramento se obligat fore, ut omnes rerum humanarum cupiditates abiciat, & eum tantùm deligat, quem prospexerit ornamento & usui futurum reipublicæ, & quæcunque dicta vel acta fuerint inter ipsos, nulli proditum. Post hæc autem nullis adhibitis scribis aut ministris ipsi soli includuntur, ita ut à nemine prorsus con-

M

spiciar

-0-

-0-

spiciantur, & primo loco tres Præsides optant ex Senioribus, quos Priores nominant, deinde binos à secretis, sed ex junioribus. Præsides eunt sessum, & ante se mensam quandam positam habent; in ea bini loculi cohærentes, atque conjuncti, cujusmodi Magistratibus creandis adhiberi diximus, quorum alter continet globulos quadraginta & unum, eadem nota insignitos, ne cui fraudi sit locus. Cæteri Electores occupant eas sedes, quas cuique libet. Illi duo, qui sunt à secretis, chirographa numero quadraginta & unum à se confecta & circumplicata cuique distribuunt, similiter globulos expromptos quadraginta & unum. Ordine verò ante Præsides ternos singuli evocati chirographum suum in mensa deponunt, in quo scriptum est nomen illius, quem Ducem optarint. Excipiuntur ea nomina ex chirographis per duos à secretis, adjecto numero suffragatorum unicuique. Vix autem unquam plura nomina excipiuntur, quàm sex aut octo, quia ferè non sunt plures ii, quos justè credi potest ad id honoris fastigium provehendos esse. Postea reconduntur in urna nomina descripta, ut ex ea sortitò educantur, & cui prima fors obtigerit, si forte

fortè unus est ex numero Electorum, emittitur ex templo in aulam quadraginta-viralem, atque inibi clauditur. Mox Electoribus singulis fit potestas accusandi hominem, quocunque nomine libet, & arguendi esse indignum tanto Magistratu. Si quid ab aliquo dictum fuerit, accuratè notant, & referunt in scriptum illi duo à secretis. Accersitur ille deinde, & in conspectum adducitur, omniaque eidem objecta recitantur ex scripto; purgandi quoque, si velit, datur sui locus; quo facto iterum egreditur in eandem aulam, idque toties fit, quoties aliquis superest, qui accusare velit, aut ipse se tueri pergat. His peractis itur in suffragia, quibus omnibus latis, conveniunt universi Electores ante ipsos Præsides, quorum natu maximus adhibita quadam virgula numerat suffragia, quæ vel propitia, vel adversa fuerint in utroque loculo. Nam si quinque supra viginti suffragentur ipsi, Dux habetur statim, nec alteri suffragari licet. Sin aliquid desit huic numero, depromendum est alterum nomen ex eadem urna, in qua conjecta sunt nomina sortienda, una cum numero suffragatorum, quot cuique fuerint; continuatur hic ordo, quoad peruentum



fuerit ad aliquem, qui vigintiquinque suffragia saltem adipiscatur. Fieri quidem potest, ut nullus tot assequatur, sed ubi res hæc evenit, necessarium est Electores tamdiu clausos detineri, totiesque nominationes iterari & suffragationes, donec aliquis extet, in quem inclinet is numerus., qui modò dictus est. Hæc autem ratio fuit eligendi Ducis, usque ad creationem hujus, in qua nonnihil est variatum. Non enim fuit ille Dux prius renunciatus, quàm cæteri omnes competitores suffragia subirent. Quare si quis eo posterior in sortitione extitisset, & tamen obtinisset ampliora suffragia, Dux habitus esset, & non ipse vigintiquinque suffragia, primùm licet assecutus. Hoc itaque pacto, ut diximus, creato Duce permulta sunt, quæ fieri solent honoris causa; Primum illud, quod Electores per scribarum principem, qui de more nunciùm hoc præfert, certiores faciunt Consiliarios & Præsides Quadraginta-virùm, quem creaverint Ducem, ipsiq; accedunt ante alios omnes ad congratulandum, & æs campanum pulsari jubent, nisi intempesta nox fuerit. Quo signo propinqui omnes, & amici exciti ad salutandum Ducem properè conveniunt. Interea moneta

recens



recens cuditur, & ipsius nomine signatur. Proximum his est, quod Electoribus Dux adhibitis in ædem Divi Marci descendit, atque ubi devotè supplicatum est, unà omnes in pulpitem ascendunt; natu verò maximus ad populum verba facit, qui convenire solet in templo maxima frequentia; narrat in mortui Principis locum alterum suffectum, quem multis laudibus ornatum palam ostendit, ingentes acclamationes & plausus referentem, incertum approbationis lætitiæque argumentum. Tunc ipse quoque Dux alloquitur populum, optimeque sperare jubet de suo principatu. Vbi peroravit, ex pulpito descendunt, & Principem deducunt ad aram maximam, ubi delato à Basilicæ Procuratoribus sacramento jurat in leges, & accipit vexillum de manu illius, qui vices Primicerii ex officio gerit. Atque ita certo pecuniæ numero ad altare oblato procedit ad ingressum atque aditum chori, & ibi duobus comitibus non amplius ascitis, quorum alter sustinet vexillum, alter, qui sanguine aut certè necessitudine conjunctissimus est, argenteum craterem defert aurea & argentea pecunia quàm maximè refertum, in qua nomen est inscri-

ptum atque facies Ducis à nautis, qui versantur in Navali reipublicæ : in ligneum pulpitem sublatus egreditur ex templo, & per aream totam circumfertur eo, qui craterem tenet, in plebem nummos assidue passimque spargente. Exhausto cratere, qua patet ostium regium, ingreditur in Ducarium, atque ubi pervenit ad primos scalarum gradus, ex pulpito defilit. Conscedenti verò præsto sunt Consiliarii & Præsides Quadraginta-virum, qui adventum præstolabantur, occurrentes in medio ascensu, & excipientes enitentem ad summos gradus, ibique unus ex Consiliariis, qui ætate cæteros præcedit, imponit ejus capiti pileum, quem Duces gestare solent. Hinc ad publicorum aulam contendit, in qua commoratur aliquantisper, & sedet in quadam sella in eum usum parata. Tandemque ad suas ædes ab iisdem deducitur, quibus una cum Ducario traditis, confestim disceditur. Hæc igitur in novi Principis creatione solent honoris causâ officia præstari. Sed majestatis plurimum ei præterea conciliant ea, quæ à communi usu longè distant, ornamenta vestium, in primis ipse pileus apice perinsignis, qui non nihil ab occipitio in altum assurgit,

git, deinde intra pileum velamen album ex lino, quod totum caput circumtegit, protentis ad aures, & pendentibus inde vittis collo tenus. Ad hæc oculos hominum convertit is, quem gerit, amictus, nullis manicis impeditus, uti nostræ togæ, sed perquam similis illi vestimento, quod vulgo pallium dici solet, eaque longitudine, ut usque ad talos demittatur. Circumplexat autem collum appendix rotunda, quæ pertinet usque ad cingulum undequaque, & preciosis, quas fulcit, pellibus obducta. Vestes omnes contextæ de more sunt ex quolibet genere pannorum, cujusmodi sunt ea, quæ vocantur, Velutum, Rasum, sericum Damascenum, & Braccatum, tela quoque cùm aurea, tùm argentea. Quotiescunque progreditur in publicum, æs campanum insonat, & præferuntur aliquot vexilla in altum sublevata: clangunt etiam buccinæ quædam insigni magnitudine. Succedit porrò pulvinar, sellaque aurea. De Musica re nihil dico, quæ communis est omnibus in Italia Principibus. Procedit inde sub umbella tandem Dux ipse, utrinque bini Oratores præcipui latus ejus tegunt, alii à tergo stipant. Hos prosequuntur ad tricena paria

nobilium virorum , qui Ducalibus vestimentis omnes induti sunt ex Cocchino confectis , aut alio genere panni. Ille, qui exterior incedit in primo pari, sustinet elatum ensen , quem præ manu gerit. Hæc autem omnia præbent ejusmodi spectaculum , quod reverentiam non minus , quàm admirationem iniicit. Temporibus certè nostris Andreas Gritus , qui ornatus est tam insigni dignitate propter eximias singularesque animi virtutes, non parum adiicit huic pompæ ornamentis & magnificentiæ ex ea dignitate , nec non venustate , quàm habet summam in aspectu. Enimverò , quod animos contemplantium mirum in modum pascit , est illud , quod cuilibet tunc in mentem subit, nulla violentia id honoris à civibus exprimi , quemadmodum in tyrannide fieri solet , sed ultrò deferri Principi ex legum præscripto & ex instituto reipublicæ , quæ jubet illum omni genere observantiæ coli; id verò tam severè à cunctis exigitur, ut è Patritiis quidam subierit gravissimam pœnam, non alia de causa, quàm quod à Principe dicta sententia de nescio qua re, his verbis ad eum usus fuisset; Serenissime Princeps nugaris. Quæ sanè visa sunt è triviis desumpta, & mi-



& minimè digna, quæ jactarentur in eam personam. Hæc habui dicere de Principis electione, necnon de summis honoribus, qui eidem habentur. Reliquum est, ut de Consiliariis quoque disseramus, qua sint autoritate in republica, & quas partes habeant, si tamen nihil tibi superest, quod requiras amplius. IOAN. Antequam pergas ad alia, cedo mihi quæso. Quantum temporis tribuitur huic electioni? TRYPHO. Consideranda fuerint in ipsa tria temporis curricula. Primum ab obitu Principis usque ad initium Electores instituendi. Alterum ab hoc initio, usque ad suum finem. Postremum ex quo Electores concludi solent, usque ad creationem. Primo tempore iusta persolvuntur, ac eliguntur, cum Inquisitores tum Correctores, qui vel multum, vel parum temporis conterere possunt, dum suum munus obeunt; prout etiam vel multa vel pauca sunt ea, quæ indigent correctione & institutione. Alterum certè curriculum non est valdè longum, quandoquidem universæ sortitiones atque electiones, donec unus & quadraginta Electores designati sunt, absolvuntur quàm citò, neque tamen his pauciores impendi, quàm quini dies

possunt , propterea quod Comitia quinquies indicere est opus. Postremum verò tam longum , quàm breve contigerit : Nam inter Electores , ubi sunt coacti , incidere multas controversias est existimandum , quæ aut citò dirimi possunt , aut in longum duci. Verumtamen intra senos atque octenos dies , quin expedita fuerit electio , nunquam intellexi. Est etiam quando celerius multò res conficitur , pro sensu atque animo Electorum , qui variè est affectus. Tu , qui Romæ versatus es diu , optimè rem nosti. IOAN. Sed prætermisissè videris illud , quod adhuc scire aveo. An Inquisitoribus definitum sit quoddam tempus ad suum munus præstandum. TRYPHO. Vnius anni curriculum tribui solet , intra quod conficere debeant suam Iurisdictionem. IOAN. Ne graveris etiam exponere , si quid habes , cur solemnes tot ritus adhibeantur , ubi Dux est creatus , exempli causa : Cur alloquatur populum in Divi Marci. Cur ad publicorum aulam deducatur. Et præterea , si alicunde tenes , undenam ea insignia , quæ Duci præferuntur , à te modò exposita. TRYPHO. Cur alloquatur Dux populum ex eo loco , quem dixi , non plane novi. Rationi tamen

con-

consentaneum hoc ipsum videtur, ut dum spectandus exhibetur ipsi, verba faciat, & in spem optimæ administrationis omnium animos erigat. Cur deducatur ad aulam publicorum, causam nullam habeo, nisi fortè id propterea institutum fuit, ut imbecillitatis humanæ memoria ipsi renovetur. Ut enim antea memoravimus, cum Principem ex vita discedere contingit, illius funus in eandem aulam deferitur. Insignia porrò, quæ recensuimus, fama est ab Alexandro tertio profecta esse, cujus non modò dignitatem, sed etiam salutem adversus Ahenobarbi Frederici furorem respublica texit. IOAN. Nostin' verò, quo tempore sumpserit initium ejusmodi electio Ducis tam ordinatè instituta. TRYPHO. Referam id, quod ex nostris monumentis hausi. Quemadmodum superius explicatum est, penes populum erat potestas eligendi Ducis, & acclamationibus quibusdam res peragebatur tumultuosè. Obtinuit mos ita creandi summum Magistratum usque ad tempora Sebastiani Ziani, qui post illatam Vitali Michaëlio necem ab undecim viris Dux creatus est, ut nonnulli memoriæ prodiderunt suffragatione Tringinta quatuor virum id munus ad-

ptis, qui prius beneficio sortis instituti fuerant. Aurius, Mastropetrus, & quaterni proximi Duces per Quadraginta viros electi fuerunt, hoc modo. Ex universis civibus quatuor optabantur cives. Ab his eligebantur postea Quadraginta viri, quorum singulis licebat, ubi simul convenerant, eum Ducem nominare, quem existimaret tantæ amplitudinis gradum conscendere oportere. Omnes, qui nominati fuerant, subiiciebantur suffragiis; is autem Dux erat, qui majori cumulo competitores deiceret. Primus omnium Dux eo modo & ordine, quem diximus, Marinus Maurocenus electus est anno MCCLI. Cæterum in quibusdam nostris commentariis, quod animadvertere debes, à Sebastiano Ziano usque ad Petrum Gradenicum de cunctis electionibus Ducum hæc habentur verba: *Dux iste creatus est per electionem, & comprobatus per populi acclamationem.* Ad ejusmodi probationem pertinere censeo, quod Electores in Divi Marci pulpitem ascendant, & à se Ducem creatum in publicum enuncient, atque tunc ingenti clamore edito ad declarandam animorum lætitiā electio Ducis palàm approbetur à populo. Quæ sanè res cum  
mini-



minimè necessaria sit, tamen conser-  
 vatur & adhibetur magis cerimoniae  
 cuiusdam loco, quàm alia ex causa.  
 Fortassè necessaria res erat antiquis  
 temporibus, quibus obtinuerit mos  
 ita faciendi, ut contineretur in officio  
 populus electione privatus. Hæc habeo  
 dicere de his rebus, & nihil aliud præ-  
 terea. IOAN. Cumulatissimè mihi satis-  
 factum arbitror ex iis, quæ à te accepi.  
 Perge, quæso, ut instituisti. TRYPHO.  
 Quemadmodum dicebam, in persona  
 Ducis positum est supremum impe-  
 rium Venetæ reipublicæ, in qua solus  
 apparet rerû ipse Dominus. Sed quam-  
 vis obtineat tantû amplitudinis, nulla  
 tamen res est, in qua liberam atque in-  
 tegram potestatem habeat. Nihil enim  
 statuere potest, quantumvis minimû,  
 & multò minus præstare ac exequi,  
 nisi adsint illi Consilarii, qui sex nume-  
 ro sunt, ex singulis tribubus, & ex ho-  
 nestissimis quibusque Patriciis delecti  
 accuratè, quandoquidem summa di-  
 gnitas Magistratus hoc ita requirit.  
 Non eliguntur hi seni simul eodem  
 tempore, neque eodem momento in-  
 eunt Magistratum, sed eliguntur du-  
 plici vice, terni, alio atque alio tempo-  
 re, vel ex iis tribubus, quæ sunt ternæ  
 citra, vel ex iis ternis, quæ sunt ultra  
 maxi-

maximam Canalem. Modus autem hic est, ut exposui superius: Ex cunctis iis Magistratibus, qui in Comitiiis maioribus creari solent, alii quatuor competitores desiderant, alii tantum duos. Quoniam igitur hic Magistratus unus ex iis est, qui per majora Comitia renūciatur, ad alteram classem pertinet, nimirum ad priorem; sed Rogatorum Concilium ex singulis tribubus unum legit, qui suffragia deinde subit omnium in Comitiiis, quæ certè convocare solemne est, quādocunque tres Consiliarii fuerint eligendi. Vbi verò quatuor Electorum ordines absoluti sunt, & in sedes attributas singuli coacti, ut eligantur competitores, quemadmodum exposui modò, per aliquem à secretis significatur unicuique, qui Rogatorum Concilium ingreditur cū jure suffragii, ut ex conclavi, in quo habentur Comitia, transeat in alterum quodam intervallo disjunctum, ubi Senatus de more cogi solet. Posteaquam omnes convenerunt, accedit eò Dux adhibitis unà Consiliariis, nec non Præsidibus Quadraginta-virūm, & eam tribum sortiti, ex qua primus fit eligendus Consiliarius, quisque nominat eum, quem maxime cupit. Omnes, qui nominati sunt, describun-  
tur,

tur, & pro singulis ordine suo suffragia feruntur. Qui plura supra dimidiam partem fuerit consecutus, is electus est Competitor. Modus autem hic eligendi per concilium Rogatorum, dici solet scrutinium. Redeunt porrò Senatores unà cum Duce ad Comititia, & Competitores renunciati per quater-nos Electorum ordines, suffragia subeunt eo modo, quo dixi, singuli. Cui plura suffragantur, modò superent dimidiam partem, Consiliarius ab omnibus habetur. Evenire potest in Comititiis, ut unus tantummodò competitor nominetur, atque interdum non alius, quàm qui in Concilio Rogatorum fuit renunciatus. Id ubi evenit, pro uno tantum illo debet iri in suffragia, tametsi id nemini conceditur, qui competitore careat. Nam quicumque in diversis conciliis renunciatur, is videtur quodammodo secum ipse competitor esse, idque verisimilitudinis nonnihil habet. Is igitur unus Consiliarius evadit, si præter dimidiam partem suffragiorum saltem unam assequitur. Ferè autem semper usuvenit, quod etiam observare debes, ut etiam quando plures uno Competitores habentur, hoc autem accidit plerunque, tamen ille Magistratum adipiscatur,

qui

qui à Senatu Competitor electus est. Id ex eo fieri puro, quod existimari soleat, eum, qui ab ipso Senatu productus est, præ cæteris esse dignum eo Magistratu, utpote comprobatum iudicio tot numero Senatorum, quemadmodum ex iis, quæ disserui, non latere te arbitror. Præterquam quod is, qui in Senatu renunciatur, minus est de ambitu suspectus, quàm qui ea ratione, quam dixi, in ipsis Comitibus, quod quidem facile animadvertere potes ex te ipso. His etiam accedit, quod quicumque in concilio Rogatorum suffragati sunt homini, suffragantur eidem quoque in majori concilio; ut ex omnibus his causis atque rationibus is, qui creatus fuit in ipso Senatu, plurimum approbari soleat etiam in Comitio. Sex igitur hi Consiliarii semper assident Duci, & cum ipso res omnes peragunt præcipue non publicas, cujusmodi est, audire postulata, publicas literas omnes resignare, privilegia indulgere, & id genus alia, quæ tamen ab ipso Duce perfici non possint, nisi adsint unà quaterni Consiliarii: possunt quidem ab ipsis, si fortè Dux absit. De rebus omnibus ad Comitiam referunt, quæ præcipua est ipsorum auctoritas; Possunt etiam ad Senatum referre, & ad Concilium



cilium Decem-virum. Qui tamen ad Senatum præcipue referunt, nimirum sapientes, de quibus memini, & qui præcipue ad Decem-viros, hoc est eorundem Præsides; his ad majora Comitia referre nullo modo licet. Quare Consiliariorum autoritas multò major est, quàm sapientum, & eorum, qui Decem-viris præsident. Est tamen animadvertendum, integrum fore, vel uni Consiliario, etiamsi nullus alius cum ipso conveniat, referre cùm ad Comitiam, tum ad Senatum; sed non ita ad Decem-viros, nisi tres accedant; quo fit, ut quatuor simul convenire oporteat. Annuum est munus ipsum Consilarii, quod tamen non obitur, nisi menses octo; Quatuor impenduntur alii Quadraginta-virali Collegio, quod capitis judicia exercere solet. Sedent in eo perpetuo tres Consilarii, qui vocari solent Inferiores, dum inibi sedent. Liberum verò est ipsis huic Collegio interesse, vel primos quatuor menses, vel quatuor extremos, vel etiam ex his atque illis menses pariter binos. Quare quicumque inferior Consiliarius existit, necesse est ut fuerit, vel esse debeat quoque major, sive superior, proindeque sint omnibus temporibus noveni Consilarii, ex iis unà

cum Duce sedent assidui seni, & in collegio Quadragenta-virali hi terni, quos dixi. Quandocunque verò iidem abeunt Magistratu, aut certè pergunt, ut sedeant unà cum Duce, tres ex eo numero qui assidebant, se conferunt ad Quadragenta-viros, aut exacto Magistratu, tres alii denuo sunt creandi. Scire quoque debes, unà cum Duce & Consiliariis tres ex Quadragenta-viris Capitalibus pariter sedere, quos vocare consuevimus Capita Quadragenta-virum, qui binis tantum mensibus sunt in hoc honore; cum de Collegiis Quadragenta-viralibus agam, melius id intelliges. Quapropter Dominationis nomine intelligi solent, Dux unà cum senis Consiliariis, prætereaque terni Præsides Quadragenta-virum. IOAN. Cedo, priusquam ad alia transeas, cur tres Consilarii sedent inter Quadragenta-viros, & tres horum Præsides cum Duce & Consiliariis? TRYPHO. Quod in nostris commentariis invenire potui, hoc in causa est. Antiquis temporibus Dux atque sui Consilarii interesse consueverant iudiciis Quadragenta-viralibus: Marcus autem Cornelius, qui anno MCCCXLV. Dux creatus est, ob negotiorum ingentem multitudinem, quorum copia in dies

magis

magis augebatur propagata republica, permisit eam curam his Consiliariis quos dixi. Tres itidem Præsides Quadraginta virum Duci assident cum ipsis Consiliariis, ut, quemadmodum Quadraginta-viratus comunicat cum iis, qui reipublicæ præsumt, ob illos tres Consiliarios, qui inter ipsos versantur; sic etiam ii, qui summum locum obtinent, aliquam habeant communionem cum Quadraginta-viratu, tribus ejus Præsidibus in confessum receptis; atque ita vicissitudine quadam altera pars interfit alterius munerum functionibus, quippe quæ conjunctæ erant invicem ante Ducem Marcum Corneliū. Ut autem modò perstringamus, quicquid superest de Duce: is, quemadmodum aiebam, cum suis Consiliariis adest in Collegio, in Senatu, necnon in Comitibus, quin etiam in concilio Decem-virum, de quo agendum proximè. Referendi verò potestatem habet ad singula Concilia, nimirum ad Comititia, ut Consiliarii; ad Senatum, ut sapientes; ad Decem-viros, ut eorundem Præsides. Nam cunctis iis Magistratibus comitem se adjungere potest, qui sunt Principes atque Præsides Conciliorum; quo fit, ut nulla res agatur ipso non præsentē, pariter-

que ipse unus nihil per se agere possit. Omnia quæ tractantur negocia, ejus nomen præferunt, literæ, privilegia, scriptaque alia publica, tamquam foret ipse tantum autor; cuncta scribuntur illius nomine: Externæ quoque epistolæ missæ vel à Principibus, vel ab Oratoribus, qui ubique locorum agunt, dantur omnes, & perferruntur ad ipsum Ducem. Quando contingit sapientes mari, seu continenti Præfectos, aut etiam alios Magistratus ad eorum legatos, vel Duces, vel alios publicos ministros aliquid scribere, hoc modò subscribitur; *Andreas Grittius Dux Venetiarum, &c.* Eadem ratio adhibetur in quovis alio scripti genere, qualia sunt diplomata, privilegia, obligationes, leges, & alia. Concilium Decem-virum, de quo proximus erit sermo, variat hanc formam, & duplici ratione describit. Aut etiam universum Concilium scribit, tuncque ita subscribunt: *Andreas Grittius Dux Venetiarum, &c. cum Concilio nostro Decem-virum.* Aut soli principes Decem virum, hoc est ii, qui præfecti sunt eidem Concilio, uti mox dicetur, & utuntur ea forma: *Andreas Grittius Dux Venetiarum, &c. cum capitibus Consilii Decem-virum.* Respondentes,



dentes , prout viderint subscriptum  
fuisse , ita superscribunt. Sed ut per-  
sequar institutam rem, octavo quoque  
die , ut puta Mercurii , consuevit no-  
ster Dux inferius descendere eo tem-  
pore , quo dicitur jus à Magistratibus,  
& circumlustrans ambulacra duo, in  
quibus eorum sedes sunt collocatæ , ad  
singulas inhihet gressum , Magistra-  
tumque ibi sedentem justitiæ commo-  
net. Si quis autem est, cui jus obtinere  
suum minimè videatur , tunc adit sup-  
plex Ducem , & totam rem exponit.  
Qui si iudicat supplicem illum injuria  
affici , statim imperat illi Magistratui,  
ut jus ipsi reddat ; alioquin arguit im-  
meritò conquerentem, & administra-  
tionem captam persequitur. Varia-  
tum est in hoc ordine à quibusdam  
Ducibus , qui statuta die noluerunt sem-  
per fungi eo munere , ut improvisti  
Magistratibus incumberent. Negocio-  
rum multitudo fuit in causa nonnun-  
quam, ut intermitteret Dux hunc mo-  
rem in aliqua hebdomada. Ut autem  
Dux pro dignitate sui Magistratus ho-  
norificè ac magnificè satis agat, annua  
pensio ei persolvitur aureorum ter  
mille , nec non quingentorum , sed  
quatuor variis temporibus convivia  
debet celebrare, festo die sancti Ste-

phani unum, Divi Marci alterum, Ascensionis tertium, postremum die sancti Viti. Ad hæc convivium mos est vocare Patricios diversis ætatibus. Quapropter ad primum adhiberi solent, præter Consiliarios, Præfectos Quadraginta virum, Advocatores, & Præsides Decem-virum, illi quoque, qui sunt ætate admodum provecti. Ad alterum porrò, qui sunt minus affecta; sic ad tertium, & quartum natu minores ordine, graduque suo semper invitantur; idque ita institutum est, ut ætas quælibet Patriciorum convivorum minimè sit expers. Præter hæc unicuique Patricio, qui Comitibus intersit, munus quoddam impertire Dux quotannis debet: non multis ab hinc annis præbere singulis mos erat quinque anates marinas. Exhibetur modò certum monetæ genus, quod ejus rei gratia cuditur. In altera parte Divi Marci vexillum Duci porrigentis effigies impressa. In altera nomen Ducis est inscriptum, & ejus administrationis quotus annus, ita: *Andrea Gritti Venetiarum Principis munus, Anno 1111*. Nunc plene habes, quicquid ad præcipuas facit nostræ reipublicæ partes, quibus, ut accepisti, publicæ administrationis ordo totus continetur inter

se col-



se colligatis atque implicitis, ea ratione, qua est dictum. Restat, ut verba faciamus de Concilio Decem-virum, de Procuratoribus, Advocatoribus, Quadraginta-viris, atque de Censoribus. Sed nescio, an satietate tam longæ orationis sis adhuc defatigatus. IOAN. At istuc mihi verbum est à te præreptum. Major enim est linguæ labor in differendo, quàm aurium in audiendo, si rectè opinor, quæ jucundissimis sermonibus admodum levantur. TRYPHO. Ita est planè, ut dicis, nisi quod affirmas de auribus, istuc ipsum de lingua dici quoque potest; idque ipsa re nunc intelligo. Nam quamvis modò sit hora tertia, ex quo loqui cæpi, nullo tamen labore sum defessus, tantum oblectationis capio ex hac re, de qua colloquor. Et profectò nullum sermonis genus majorem voluptatem iis animis affert, in quibus enitet aliquid generosum, quàm ubi de istiusmodi republica agitur, quæ si non planè & omninò (ne videar huic nostræ administrationi fortè nimium tribuere) at certè majori ex parte est rectè instituta. Quando igitur audire tibi non est grave, persequar ea, quæ supersunt adhuc exponenda. IOAN. Persequere amabo; nihil est

enim , quod mihi gratius accidere  
queat. TRYPHO. Quod superius ad-  
monui, reipublicæ universus ordo po-  
situs est in præcipuis partibus iis qua-  
tuor , quos dixi , Concilium Decem-  
virum , de quo sermo habendus , licet  
unum sit ex membris maximi mo-  
menti , nihilominus est quid annexum  
magis , quàm præcipuè insitum , & ad  
Dictatorem , ut puto , quàm proxime  
accedit , qui dicebatur apud Romanos  
in magnis periculis. Hoc interest, quod  
Dictator creari solebat quibusdam mo-  
dò temporibus turbulentis , Decem-  
viratus in nostra republica semper ad-  
est , eademque pollet suprema autori-  
tate , qua Rogatorum Concilium , &  
civitas universa ; nam decernere po-  
test de rebus publicis , utcunque libet,  
nec ulla est, unde pendeat superior po-  
testas. Non tamen uti solet hac auto-  
ritate , præterquam in rebus gravissi-  
mis , quibus alia ratione non facile  
subveniri potest , quales occultæ deli-  
berationes sunt de bello inferendo , de  
pace componenda , clandestinæque  
omnes transactiones , aut pertracta-  
tiones expeditæ , missiones legatorum  
in castra. Quæ certè si in Collegio exa-  
minarentur , ac deinde in Senatu deli-  
berarentur , ubi deliberanda jure opti-  
mo



mo forent, non iis rationibus fortasse, quas tempus exigeret, hoc est non silentio, neque promptè, ac celeriter administrarentur. Cum adhuc essem adolescens, tamen rectè memini eo bello, quod in Clusentinis finibus cum vestra republica gessimus, pace tua dixerim, duos ex Oratoribus vestris in nostram urbem venisse, Paulum Antonium Soderinum, & Ioannem Baptistam Rodolphum ( nisi fortè mihi exciderunt eorum nomina ) homines, ut à nostris fuerunt habiti, multis egregiis ornamentis animi refertos, ad conuenta cum nostra republica facienda missos, quæ cum omninò tam Dux, quàm Collegium inire vellet, antequam fama recens in vulgus manaret de classe, quàm Turca instruebat adversus rempublicam, ne si ea perveniret ad aures Florentinorum, ii convenire ampliùs nollent, prævidentes nos gravi bello mox implicitos fore, cumque in Senatu res obtineri non posset, tandem in concilio Decemvirum fuit ad finem perducta. Acceptis postea literis, quibus apparatus Turcarum significabantur, nullus fuit, quin probaret eam deliberationem. Quod exemplum commemoravi, ut faciliùs intelligeres, cujuscmodi sit au-

toritas hujusce concilii, & quibus in rebus ab eodem usurpari soleat. Itaq; ubi Collegium decrevit aliquā rem transigere, sed quam occultissimè, ut exempli gratiā; si videretur è republica icere aliquod fœdus cum Rege Galliæ, aliove Principe, ac republica, ad aliquod aggrédiendum perinsigne facinus, sed oporteret omnino rem in occulto esse, quoad conficeretur; tunc Oratoribus, & hominibus iis, quorum opera necessaria esset in eo negotio, literæ mitti solent ita subscriptæ; *Andreas Grittius Dux Venetiarum, &c. cum nostro concilio Decem-virūm*. Eadem quoque superscribuntur ab iis, qui respondent, & eorum literæ perferuntur ad Decem-virūm principes, qui veniunt in Collegium, unde tum excluduntur tres Præfecti Quadraginta-virūm, tresque sapientes mari, ita ut illis ingredientibus hi statim exeant. Ab his res eatenus pertractatur, atque agitur, quoad ipsa deliberatio sit expedienda. Neque tamen hæc pertractare & agitare est ipsorum tantūm, sed ad sunt etiam alii ex concilio Decem-virūm à tribus suis principibus accersiti. Vbi verò deliberatio fuerit habenda, præter Ducem, & Consiliarios, universumque concilium Decem-virūm,

nec-

necnon sapientes maximis rebus atque continenti, necesse est, ut Quindecim-viri interfint, qui dicuntur Adjuncti, & Trium-viri Advocatores, & novem Procuratores. Quoniam verò hi quatuor supra viginti sunt his temporibus, ut jam explicabitur, quinam deliberationibus interesse debeant, per concilium Decem-virum sunt delecti. Veruntamen jus ferendi suffragii non est æquè omnibus. Id enim datur solum ipsis Decem viris, Adjunctis, Duci, atque senis Consiliariis. Omnes autem, qui concilii Decem-virum sunt participes in unum collecti, appellatione non alia continentur, quàm concilii Decem-virum cum Adjunctis, quod tamen nunquam cogi solet, nisi de rebus gravissimis sit deliberandum, & quidem ad ipsius reipublicæ summam pertinentibus, quæ aliòquin in Senatu disputandæ essent, sed propter eas causas, quas attuli, hoc in concilio tractantur aliquando. Quidam sunt auctores, institutum fuisse concilium Decem-virum, quo tempore cæsus est Dux Vitalis Michaëlius ad eos coërcendos, qui aliquid molirentur contra rempublicam. Aliqui ejus originem referunt ad tempora Petri Gradonici. Autoritas initio perexigua fuit, auctaq; deinde

deinde paulatim existimatio. Nam præter crimina læsæ Majestatis, & perduelles omnes, in quos animadvertit, vindicat etiam sibi horum criminum reos, adulteratæ pecuniæ, præposteræque libidinis. Ad hæc aliquam tractat pecuniæ vim, quæ repræsentatur à Quæstoribus, & etiam aliunde. Habet quoque in navali triremes proprias his duabus characteribus insignitas C & X. quæ indicant, illas esse penes Capita Decem-virum. Tormentorum præterea bellicorum curam omnem gerit. Enimverò ad aliquid deliberandum ex iis ipsis de rebus cōveniunt ipsi tantum Decem-viri, præter Consiliarios sex, & Principem, nemine alio adhibito; quod Concilium Decem virum simplex appellatur. In publicis autem rebus, non in his, tantummodò obtinet eam auctoritatem, quam superius exposui, & quæcunque occultè peragenda sunt, præcipuè administrat. Quapropter à nostris majoribus sancitum est, ut in eo sapientes maximis rebus, atque continenti, Advocatores, & ex Procuratoribus novem convenirent, & Quindecim-viri Decem-viris adjungerentur. Cujus quidem Magistratus summa potentia quandoque tam insignem invidiam eidem conflavit, ut

aggrè



agrè admodū successores fuerint impetrati: Sed huic malo tandem occurrerunt ii, qui ad gubernacula reipublicæ summi viri sedebant. Pervicerunt enim contentendo quàm maximè, ut lex ea ferretur, qua cautum est, ut antequam successores designati essent, Decem-viri non abirent suo Magistratū. Constat is ex Patriciis numero decem, qui eliguntur in Comitibus ea ratione, qua cæteri. Singulis mensibus ex eo numero tres sortiuntur, qui vocari solent Capita Decem-virūm. Horum trium singulis hebdomadibus unus est Præfectus, qui majora comitia ubi celebrantur, in conspectu sedet, necnon ex adverso Ducis. Penes hos insignia sunt ipsius Magistratus continenter quem regunt, indicendiq; concilii partes præcipuas habent, ad quod ipsi referunt, non tamen valent per se singuli, sed simul omnes, aut bini saltem. Debent autem octavo quoque die convocare concilium, hoc est alios septem, aut etiam frequentius rebus ingruentibus, de quibus oporteat consilium capere, & deliberare. Antiquitus nullum certum tempus definitum erat, quo concilium ejusmodi indiceretur. Sed quoniam, ubi Decem-viri conveniebant, in magna perturbatione civitas

tota

tota versabatur, non sine gravi causa convenire ipsos rata, id, quod diximus, tempus definire placuit, ut amplius non teneretur ea sollicitudine. Quando verò sententia de aliquo ferenda est facto rei capitalis apud ipsos reo, & propter aliquod crimen, ex iis quinque dictis, in custodiam tradito, non datur eidem reo ad concilium pro se verba facere, neque adhibere patronum aliquem ad suam causam tuendam, sed ante Præfectos ipsos duntaxat sistitur, & quicquid expressum fuerit ab eo, literis mandatur; de quo demum ad concilium per eosdem refertur, & tunc opus est, ut unus eorum suscipiat partes hominis tuendi, alioqui patrocini-um & defensionē habere nullatenus potest. A Decē-viris provocare ad alios non licet, neque verò immutari aliquid in sententiis latis, præterquam vel ab ipsismet, qui tulerunt, aut à successoribus, si quid in eis immutandum fortè videatur. Eorum verò Præsides atque Præfecti sunt ii, qui conclave, in quo habentur Comitia, præsentia sua ornant, eo, quo dictum est, ordine circumsedentes; in Rogatorum quoque concilium non ipsi tantum, sed alii quoque septem Decem-viri omnes cooptantur. Munus autem annuum est  
hujus



hujus Magistratus, quo abeuntibus alterum inire continuò licet, quod etiam sapientibus, & Consiliariis, ut præmonui, datur; omnes enim hi Magistratus sapientes maritimis, terrestribus, maximisque rebus, Consilarii, Decemviri, Advocatores, arque Censores, impedimentum nullum sibi mutuò inferunt; quin absoluta confectaue jurisdictione ex uno in alium transire cuique sit integrum; quin etiam si qui in minori Magistratu versatur, majorem adeptus nihil obstat, quin hunc statim ineat, priore neglecto. IOAN. Necessariò consequens est his rebus, quas disleris, omnes eos Magistratus, quos enumerasti, ex ipsa vicissitudine imperii gerendi, penes oppido paucos optimates redactum iri. TRYPHO. Recte quidem colligis, idque à nobis ita prædicari solet, quotiescunque Patricius aliquis eò pervenerit, ut sapiens continenti perficiatur; sanè quàm rarò evenire posse, quin assequatur adhuc aliquem ex iis Magistratibus. Sed ad rem propositam. Intellexisti concilium Decem-virum membrum quoddam à republica divulsum esse, immò verò sejunctum ab eadem omninò, neque verò alio vinculo, quàm quod ut cæteri Magistratus per Comitia creantur.

De

De quo cum satis multa dicta fuerint, restat, ut de Procuratoribus aliqua dicamus. Est Magistratus is in nostra civitate maxima cum honestate, tum existimatione, quamvis ex eorum numero non sit, in quo ratio sita est nostræ administrationis; sed quia nonnisi cum vita hæc dignitas terminatur, sicut illa Ducis, idcirco magno in honore atque precio habetur. Præter hæc quoque Magistratus antiquissimus est, & attulit usq; ad nostra tempora eam existimationem. Nullus enim fuit unquam in nostra republica vir nobilis magnæ autoritatis, quin honestari voluerit hac dignitate, ut perpaucaissimi Duces sint renunciati, ex quo primùm traditur eadem instituta, qui non extiterint prius in hoc numero atque loco. Vnus priscis temporibus erat Procurator, ut ædis Marcæ res omnes procuraret, & sacras opes custodiret, idcirco creatus. In obitu deinde Sebastiani Ziani, qui multos fundos legavit ædi Sancti Marci, ut distribuerentur per Procuratorem in pauperes fructus inde percepti, cum unus tam multis negociis par esse nō posset, necesse fuit alterum Procuratorem institui, qui Sebastiani Ziani legatum procuraret. Auditis autem in dies multiplicatisque legatis,



gatis, tertium anno MCC LXX, oportuit creari, quo tempore Dux erat Raynerius Zenus, eaque ratione visum est negocia distribui, ut unus eorum templum, & sacras opes curaret; alter ea, quæ ab incolentibus urbem citra magnum canalem; tertius domum, quæ legata essent ab aliis incolis ultra eundem canalem. Nos ea consuevimus nominare de Citra, & de Ultra. Eodem quoque Duce Raynerio Zeno quartus electus est, & additus illi collega, qui res templi curabat. Bini alii creati sunt ejusdem rei gratiâ, cum Dux esset in republica Ioannes Superantius. Sed ubi Franciscus Foscarus Dux est dictus, anno MCD XXIII, terni sunt adjecti. Quare Procuratorum numerus ad novem excrevit, ex quibus tres procurabant res ædis Marciaæ cum sacris opibus; tres legata in regionibus, atque tribubus ternis citra canalem; tres reliqui in aliis, totidem ultra ipsum canalem, quemadmodum etiam fieri consueverat, cum tres solum erant. Cæterum anno MD IX, cum à Ludovico Franciaæ Rege nostri exercitus ad Abduam fusi fugatique sunt, compulsæ quærendæ pecuniæ gratiâ respubl. fuit ad ejusmodi honorem tribuendum iis, qui certum pecuniæ numerum eidem

mutuò concederent. Exinde tam insignis accessio facta est, ut in præsentia sint numero quatuor & viginti. Omnes autem hi, qui superioribus novem accesserunt, alii in alias ex iis tribus procurationibus tributi fuerunt. Eorum administratio, ut exposui, versatur in distribuendis legatis. Habent etiam jus & auctoritatem compellendi hæredes, ut ejus, à quo instituti fuerunt, voluntati pareant. Ducalibus indumentis ornati incedunt famulorum aliquo subsequente; à cunctis Magistratibus datur eis locus, nisi in proprio confessu; in supplicationibus quoque, dum procedunt sociati cum Præfectis Quadraginta-virum, & Consiliariis per singula paria, claudunt ipsorum latus à læva gradientes. Assignantur Procuratoribus ædes ad habitandum, aut certè annua pensio aureorum sexaginta. Inter Senatores cuncti numerantur; non item inter Decemviros, sed tantum novem, qui ex singulis procurationibus terni ab eo concilio eliguntur. Ad alium verò Magistratum ipsis aditus non patet, præterquam ad unum ex his duobus, aut ad maximis sapientes, aut ad Decem-viris Adjunctos. Sed quo tempore summus præfectus classis, vel legatus in castris  
eligen-

eligendus est, lex ad Senatum fertur, ut etiam Procuratorum omnium ratio haberi queat. Quod quidem ea de causa institutum fuit, ut per viros magna existimatione & autoritate res bellicæ gererentur, quales existunt ii, qui hac dignitate sunt præditi. Majoribus autem Comitiiis interesse non possunt, una Principis electione excepta, quæ singulari quadam lege fuit concessa. Superioribus temporibus moris erat, dum comitia majora celebrarentur, eos interea versari ac morari in atrio Ducarii, & nisi dimissio concilio inde non discedere, ut præsto essent ad occurrendum, si quid mali accideret. Et fortasse quoque fuit hoc ipsum in causa, cur interdictum sit eis comitio à majoribus nostris. Sed in præsentia consuetudo hæc obsolevit conveniendi, commorandique in atrio Ducarii, donec habentur comitia, daturque illis opera. Id ex ea quiete ac tranquillitate profectum est, quam in nostra republica contemplari licet, ex qua certè fit, ut nullus putet in civitate posse accidere aliquid ejusmodi, quod præsentiam Procuratorum, opemque desideret. Atque ut omnia, quæ dici possunt in hoc genere, absolvam, nullus est in republica alius Magistratus, quem

nostri Patricii tantopere expetere soleant. Vereor tamen, ne plurimum detrahatur ejus dignitati. Nam qui non nisi multum provecta ætate, spectataque virtute hominibus honor tribuebatur, hoc temporibus nostris permultos vidimus, qui nullum privilegium haberent virtutis atque ætatis. Id verò temporum malignitati fuerit ascribendum, quæ necessitatem hanc reipublicæ imposuit maximis difficultatibus implicitæ, graviterque affectæ. IOAN. Cur hic Magistratus sit in ea opinione, causam nullam video. Fructus enim utilitatis ex eo perceptæ, cum habitatio duntaxat, vel annua pensio sexaginta aureorum suppeditetur, tantus esse nequit, ut expetendus omnibus idè videatur. Sed nec etiam video, quomodo habeat hæc administratio tantum dignitatis. Quamvis enim veniant in Senatum, communis est ejusmodi honor cum tam multis aliis, ut tantæ amplitudinis esse causa præcipua non debeat. Vnum est tantummodò, quod magni faciendum existimarim, in concilium Decem-virum ascribi, quemadmodum ostendisti; sed tamen id novem duntaxat impertiri solet, quos etiam ætate, partaq; existimatione antecellere par est opinari. ΤΡΥΦΟ. Rectè

ais,



ais, idque monere institueram, sed memoria excidit. Quod verò spectat ad Magistratus autoritatem, necnon dignitatem, crediderim, acceptas illis referendum esse, qui sunt insigniti hoc honore, perfunctique hoc munere. Iis enim mandari consuevit vel ad hoc usque tempus, qui cùm prudentia, tùm probitate celeberrimi sunt. Quo fit, ut primarios viros ex Patriciis nostris hac dignitate ornari perpetuò contigerit, proptereaque etiam ex ordine procuratorio fuisse, quicunque ascenderunt ad summum apicem reipublicæ. Nam sæpenumero ita evenire videtur, ut artes, atque scientiæ aut nobiles habeantur, aut viles, pro eorum conditione, qui ipsas profitentur. Hactenus recensui, quicquid mihi venit in mentem de procuratoribus dicere, neque succurrit quicquam aliud, quod narrare valeam. Quare, nisi quid superest, de quo etiam dubites, rationem judiciorum explicare incipiam, ubi certè, quidnam rei sint Quadraginta-viralia Collegia, Triumviratusque Advocatorum, necnon Auditorum cùm Veterum, tùm Recentiorum, & cujusmodi sit Præfectura Quadraginta-virûm, & Collegium frugibus providendis, tandemq; de Consiliariis inferioribus, nonnihil intelliges.

Hæc omnia cū sint invicem conjuncta atque colligata, propterea simul de omnibus disserendū fuerit. IOAN. Nulla mihi dubitatio residet, aut scrupulus, qui sit evellendus, in iis rebus, quæ pertinent ad Procuratores. Quapropter expecto ut edisseras, quæ preposuisti; arbitror autē & auditu, & notatu quàm dignissima esse. TRYPHO. In nostra civitate tria sunt cōcilia, quæ singula cōplectuntur XL Patricios viros, ideoque nominantur XL-viratus. Primò ut auspicemur ab eo, qui est minima dignitate, nomē est XL-viratus civilis novus; hic civilibus causis audiendis vacat, sed externis tantum. Nam id genus provocationis eo deferri solet, quod à sententiis provincialium Magistratum datur. Alter appellatur XL-viratus civilis vetus, qui civilibus causis urbanis operā impendit, urbanorumq; Magistratum sentētiās omnes, quando provocatum fuerit ab ipsis, aut rescindit, aut sancit. Tertius est capitalis XL-viratus, quippe qui rei capitali unus est præfectus, urbanaq; & externa pariter cognoscit, nō à provocatione modò, sed re planè integra, hoc est antequàm judicarit ullus Magistratus. Est aliud præterea concilium, seu collegium, quod nomen habet à frugibus, ex tam multis Magistratibus

tibus coagmentatum, ut duo supra viginti conveniant Patricii viri; quoniam verò ii, qui præfecti sunt frugibus, inter hos censentur, propterea concilium hoc nuncupatur collegium frugum. Quadraginta-viratus creandi est ejusmodi ratio. Per majora Comitia Quadraginta-viri eliguntur, qui exegerint omnes trigessimum ætatis suæ annum; nullus enim est capax hujus Magistratus, qui nōdum emensus fuerit id curriculum temporis; cæteros autem Magistratus quilibet obtinere potest, simulatq; pervenerit ad annum vigesimum quintum. Non absolvitur hæc electio una tantum die; sed octonis diebus, ita ut singulis eorum eligantur quini. Hi Quadraginta-viri primò ingrediuntur ad cognoscēdas provocaciones externas, quod munus est Quadraginta-viratus civilis novi, in quo versantur judices menses octo; alii quadraginta creantur statim ab eo tempore, qui succedunt primis; illi verò transeunt in veterem civilem Quadraginta-viratum, cui dant operam itidem menses octo; & ad extremum evadunt judices capitales, conficiuntque jurisdictionem in tertio Quadraginta-viratu, postquam elapsi fuerint octo menses reliqui; succedunt autē alii prorsus eodem modo.



modo. Singula Quadraginta-viralia concilia tres Præfectos habent seu Præsides, & duos Propræfectos, qui honor est bimestris. Illi à nobis vocari solent, capita Quadraginta-viratus Civilis novi; capita Quadraginta-viratus civilis veteris; & capita Quadraginta-viratus rerum capitalium. Ex his postremi sunt, quos convenire cum Duce, & Consiliariis superius est dictum, & cum iisdem gerere personam Venetæ reipublicæ. Hi Præfecti, & etiam Propræfecti hoc pacto eliguntur. Vbi Quadraginta-viri Civiles novi creati sunt, qui post octo menses evadunt veteres civiles, & post alios octo iudices capitales, paucis ante diebus, quàm ineant Magistratum, in conspectu Ducis & Consiliariorum, necnon etiam Præfectorum Quadraginta-virum, qui omne nomen Dominatus apud nos habent, in altera urna reponuntur quadraginta chirographa singulorum nominibus inscripta; in altera quoque globuli sexdecim aurati inter alios viginti quatuor obductos argento. Permixtis confusisque omnibus de industria quàm maximè, ex urna priori chirographum sortito depromitur, & recitatur id nomen, quod est in eo scriptum. Deinde globulus elicitur ex

secunda,



secunda, qui si est ex argento, nihil ob-  
tinet ille, cujus nomine fuit elicitus; sin  
ex auro unus, habetur ex Præfectis  
Quadraginta-virûm binis primis men-  
sibus; alter, extremusque Præfectus  
non alia ratione colliguntur. Ad pro-  
ximos binos omnes quoque instituun-  
tur eodem tempore atque modo tres  
alii Præfecti; sic etiam alii, atque  
alii tertio, & quarto loco, ut futuri sint  
omnes numero bis seni. Post hæc tam  
diu chirographa pergunt ex urna sua  
educere, quoad aurei globuli, qui adhuc  
sunt reliqui quatuor, depromantur ex  
altera. Qui sortiti hos fuerint, nomi-  
nâtur Præfecti pro re nata, & sunt qua-  
tuor numero, quorum partes & officia  
jamjam explicabo. Simul etiam duo  
Propæfecti, atque hoc modo crean-  
tur. Omnia nomina, quibus nihil ob-  
tigit, sunt autem quatuor ac viginti,  
coniiciuntur in urnam. Globuli quo-  
que undecim aurei, argenteis tredecim  
permixti, demittuntur in alteram. Sin-  
gula deinde chirographa extrahuntur,  
singulique globuli. Quorum nomina  
incidunt in aureos, hi sunt Propæ-  
fecti, primum par ad duos primos  
menses, alterum ad duos proximos;  
ita tertium, & quartum. Tres autem  
ultimi sunt pro re nata Propæfecti.

Quapropter eodem tempore unà designantur, qui futuri sunt cùm Præfecti, tùm Propræfecti tam binis primis mensibus, quàm reliquis, usque ad octo deinceps. Quibuscunque obtigerit in Quadraginta-viratu civili novo, ut instituantur Præfecti atque Propræfecti, sive sollemnes, sive pro re nata, retinent eundem gradum in Quadraginta-viratu altero ac extremo. Siquidem, ut diximus, Quadraginta-viri civiles novi, octo mensibus exactis, evadunt Quadraginta-viri civiles veteres, & post alios menses octo, Quadraginta-viri Capitales. Sedent igitur ii, qui dicuntur Capita Quadraginta-viratus civilis novi, in honestissimo ejus concilii loco, cujus sunt tanquam Præsides. Autoritatem verò habent statuendi de forma judicii, tollendique omnem controversiam atque contentionem de causæ agendæ ratione, si qua oriatur; ut, exempli gratiâ, si veniret in disceptationem; Vtrum hæc illi causæ prævertenda esset, an hæc, & illa scripta essent recitanda, & cætera id genus. Præcipuæ tandem eorum partes sunt, iis, qui controversias habent, legitimo tempore atque ordine copiam facere concilii. Quapropter summo mane singulis diebus, ante-

antequam Quadraginta-viri confideant, ipsi præveniunt, ut ejusmodi controversias audiant, atque dirimant. Propræfecti quidem idcirco instituti sunt, quò si quis ex Præfectis recusaretur ut Iudex parum æquus, & addictus alterutri ex partibus, siue necessitudinis, siue alterius cujusque rei gratiâ, qui subiret ejus locum, iudex minimè deesset. Pro re nata creantur adhuc Præfecti, ut in promptu sit, qui succedat, si quis Præfectus obtineat, atque ineat alium Magistratum: semper enim alium capere, si libet, sed eo, quem gerit, deposito, cuiq; licet. Quod si usu veniret, ut Præfecti solemnes fierent omnes, qui erant pro re nata, & tamen adhuc esset opus alio; tunc res ad sortem revocatur, ac unus ex iis debet eligi, quibus in sortitione prima nihil obtigit. Eadem ratione si Propræfectus abiret suo Magistratu, ut gereret alterum, qui Propræfectus erat pro re nata in ejus locum succedit. Et si aliquis ex his desideraretur, fieret id, quod diximus, de Præfectis pro re nata. Sed postquam octo menses fuerint elapsi, Quadraginta-viri civiles novi transeunt in locum Quadraginta-virum civilium veterum, & alii Quadraginta-viri recens creantur futuri iudices

ces in *Quadráginta viratu civili novo*. Quicunque igitur primo, secundo, tertio, & quarto loco *Præfecti*, sive *Propræfecti* per duos menses fuerant in *Quadráginta-viratu civili novo*, eodem planè ordine, atque eadem auctoritate sunt in altero proximo *Quadráginta-viratu*. Porrò mensibus octo itidem transactis hi, qui erant *Quadráginta-viri civiles veteres*, evadunt *Quadráginta-viri Capitales*, necnon *Quadráginta-viri civiles novi*, postmodo fiunt veteres, & alii *Quadráginta-viri novi* sunt creandi. Qui erant in *Veterum Præfecti* atque *Propræfecti*, sunt adhuc eodem ordine *Quadráginta-virum Capitalium*. Sed hoc tantum interest, quod horum *Præfecti* non in concilio, sed cum Duce, *Consiliariis*que sedent, quod superius exposui. In eorum autem loco sedent inter iudices *Capitales tres Consilarii*, qui dicuntur inferiores, unà cum tribus iis *Præfectis*, qui succedunt proximis mensibus, ex quibus unus quidem supra, alii verò duo confident infra ipsos, sed non semper iidem; nam singulis hebdomadibus sedes permutantur, vicissimque locum superiorem tres illi obtinent. Quapropter *Præsidium* loco sunt in *Quadráginta-viratu* ipsi *Con-*  
*filia-*



filiarii, unà cum Præfectis autoritate legum referendarum, ut dicemus, præditi. Adhæc in Comitibus creantur tres Magistratus, qui causas omnes præferunt ad Quadraginta-viros, singuli verò ad id concilium, quod sibi est attributum. Primus continet Trium-viros Advocatores reipublicę, à quibus causæ perferuntur ad Quadraginta-viros Capitales. Alter Trium-viros Auditores veteres, qui causas ad civile concilium vetus afferunt urbanas. Tertius Trium-viros Auditores recentiores, qui externas inferunt in novum Quadraginta-viratum. Sanè Trium-virum Advocatorum Magistratus maxima est autoritate in nostra republica, & non nisi viris conceditur, qui & matura ætate, & probitate, & prudentia spectabiles habeantur. Præcipua cura ipsi incumbit, ut leges non violentur; quapropter in judiciis reo semper adversatur. Si quis autem in civili disceptatione causâ cecidit, tam actor, quam reus, & sententia lata est à provinciali Magistratu, nimirum, vel à Prætoze, vel à Præfecto, qui mittuntur ad urbes, atque oppida regenda Venetæ ditionis. Hic Auditores recentiores adire potest, eosque omnibus iis argumentis, quæ sunt idonea fidei faciendæ

ciendæ edocere potest, de injuria quam existimat sibi illatâ. Agitur verò causa partium apud hos Auditores, quomodo acta fuit ad priorem judicem, proferunturque eadem tabulæ atque scripta, eadem testimonia, quoad saltem unus, si non simul omnes, intercedere statuat: intercessio ipsa refertur in publicum codicem. Vbi lis æstima- tur majoris, quàm trecentis aureis, causa perferenda est ad Quadraginta- viros civiles novos; & qui reus erat ante judicem priorem, siquidem pro- vocet ipse, hic evadit actor; alter ex actore fit reus, tametsi neuter eorum nomen suum mutat. Nam qui reus erat initio, vocatur adhuc reus, atque ita etiam actor. Sed quando Auditores intercedunt, notari debet ab iis bime- stre spacium non amplius concedi pro- vocanti, intra quod si copia non fiat eidem concilii aliqua de causa, futurum ut adversarius conetur exequi senten- tiam judicis prioris. Quapropter is, qui ab Auditoribus obtinuit, ut inter- cederetur, ubi animadvertit se concilium consequi non posse intra tempus sibi præfinitum, confugit ad Præfectos Quadraginta-virum, ut de interces- sione proferenda concilium consulant, à quo uno id præstari potest, & præ-

terea

terea à nemine. Atque ita demum prorogatur intercessio ad duos alios menses ; & etiam si contingeret hoc tempus elabi non audita causa , potest eodem modo impetrari alia prorogatio , atque alia. Sed quemadmodum causæ tractantur in hoc concilio , planius , ut intelligas , hæc præterea dico, Reum, nempe illum, de quo præjudicia sunt facta ab altero iudice, simulatque ab Auditoribus impetraverit intercessionem, contendere ad Præfectos Quadraginta-virum, ut fiat copia concilii. A quibus certè fit , modò aliæ causæ, quæ præcedant , non sint impedimento ; aliòqui facere recusant, comperendinantq; ad triduum, neque enim possunt ultra hoc tempus , quod omnium longissimum atque summum est, quod audiendis causis tribuant Quadraginta-viri. Sed ubi demum concilii copia facta est, adhibitis iis patronis, quos libet, eòdem procedit, & jubet eos pro se verba facere, aut ipsemet verba facit. Actor etiam , nempe ille , secundum quem pronunciata fuit altera sententia, aut ipse causam agit, si mavult, aut causidicos adhibet, sed nullus est, quin causidicos adhibere malit. Præstant eam operam , aut cives , aut viri nobiles , qui profitentur hanc facultatem  
cùm

cùm tuendi, tùm accusandi, mercedis causâ, prout vel à reis producuntur, vel ab actoribus. Advocati ut juris periti sint, minimè requiritur, nec etiam, ut illi facultati unquam operam dederint. Satis est, ut in decretis atque sanctionibus reipublicæ sint egregiè versati. Scias autem velim, antiquissima quadam lege cautum fuisse, ne quis habeat orationē ad Magistratum, qui non sit vir Patricius. Ideoque ejusmodi Advocatos in comitiis vigintiquatuor institui, ex his tantum quatuor iis curiis, quæ sunt apud Rivum altum; iis verò, quæ sunt in ipso Ducario, cæteros attribui. Si quis alteri litem intendit, aut in ipsum infertur, necesse est, ut alicujus opera ex ipsis utatur, & certam quandam mercedem eidem persolvat. Necessitas autem huic vicissim imponitur, ut pro eo diligenter causam agat, à quo mercedem accepit. Sed ejusmodi consuetudo in præsentia admodum non tenet. Nam quamvis adhuc in more sit Advocatos creare; perpauca tamen causis agendis vacant, utilitatis, quam tamen percipiunt, fructibus contenti: Solet enim mandari hoc munus ferè tantum junioribus. His igitur opibus destituti, qui habent controversias, ad aliorum

patro-



patrocinium necessariò confugiunt. Atque ita cum magna sit paucitas eorum, qui profiteri velint hanc artem, ex patritio genere, permiffa est aliis ea cura, contra quàm lex præcipiebat. Sed ut ad rem institutam, locus, ex quo verba faciunt Advocati, satis eminens est. Ad pedes Notarius adest Quadraginta-virum, qui præ manibus tenet eas tabulas, quæ sunt exhibendæ, frequenter verò inter orandum recitare jubetur aliud atque aliud caput, hoc aut illud scriptum. Singulis partibus ad causam dicendum præfinitum est certum sesqui-horæ spacium, excepto eo tempore, quod recitandis tabulis atque scriptis datur. Quapropter interea dum loquitur Advocatus, stat horologium, in quo arena defluit; inclinatur autem in latus, dum Notarius legit, ne quid ex constituto tempore depereat. Vbi repetitur oratio, de integro erigitur, ut magna quædam similitudo his nostratibus Advocatis cum antiquis Romanorum Oratoribus intercedere videatur. Posteaquam singulæ partes allegarunt sua jura, & & nihil aliud superest, quàm ut feratur sententia, ex Quadraginta-viris unus natus quidem minimus singulis iudiciis ejusmodi sacramentum defert,

sic eum judicaturum, & recta conscientia persuaserit. Exinde suffragia adhibentur ferendæ sententiæ, quæ colliguntur in tribus loculis, unâ coagmentatis. Quicunque priorem sententiam rescindunt, inferunt in primum: in proximum, quicunque comprobant, quod laudare nos dicimus. Quibus nondum liquet, hi non sinceri appellantur, & in extremum loculum deji-ciunt globulum, quem habent. Si plures numero sunt eorum, qui laudant, quàm qui rescindunt, neutroque inclinant suffragia; causa tunc est peracta, lataque est contra reum, hoc est eum, qui provocavit sententia. Quod si ea, quæ rescindunt, superant alia duo conjuncta; tunc intelligitur sententia prior nullius esse roboris, rediturque ad eundem judicem, si libet ab eo, qui gravem rem ducit. Nam Quadraginta-viri nihil aliud, nisi quod prioris judicis ipsam sententiam antiquant, aut irritam faciunt. Fieri autem posset, ut nonnihil æqui contineret ejus postulatio, secundùm quem lata fuerat altera sententia. Quapropter ut obtineat, si quid esset æqui, potest iterum venire ad eundem judicem, novaque afferre postulata, & eodem planè ordine liti ac judicio persequi.

sequi. Verumtamen si nulla pars alias utrasque superat, hoc etiam altero iudicio res non definitur, proinde de integro causam agere oportebit non alio quidem ordine, quàm fuit explicatum. In hoc autem iudicio, quod est tertium, non habenda est ratio eorum, qui non sinceri vocantur. Quibus enim bis audita causa, tamen nondum liquet, pro certo existimari potest, fore ut amplius non liqueat. Quare spectatur eorum numerus modò, qui probant aut improbant, causaque demum obtinetur per eos, utri superaverint. Hac itaque ratione plurimùm tribus continuatis iudiciis causa, cujuscunque generis ea fuerit, expediri solet. Antea spectare consueverat adhuc in tertio iudicio, si quibus etiam non liqueret; atque ideò non superante una reliquas duas partes, nihil eo iudicio decretum existimabatur, & opus erat orationem dictam iterare, eodem quidem ordine, sed ad multo plures iudices. Accedebant enim Quadraginta-viri Capitales. Sed eo tempore, quod notari debet, Quadraginta-viri civiles novi nulli adhuc erant. Quare quicquid per eos nunc administratur, id administrari per veteres olim consueverat. Illud quoque

prætereundum minime fuerit, ea die, qua prima iudicium inchoatur, nihil aliud agi, nisi quod ipsa causa breviter proponitur; hoc est breviter ostenditur, cuiusmodi sit ea res, de qua est disceptandum, nullaque alia re audita itur in suffragia (vernacula nostra lingua *Ballotta* nomine utitur, idque etiam ego dum loquerer Hetruscè, toties usurpavi, ut existimem in numerum Hetruscorum jam receptum esse, donatumque ipsa civitate uti novum civem) sed unusquisque globulum eò iniicit, quo solent ii, quibus res nondum liquet. Reliquis diebus Advocati orationem habent pro suis quisque partibus, & eo, quo dictum est ordine, cætera procedunt. Postremo iudicio, quod prætermitti non debet, utrisque non semel tantum verba facere, sed quotiescunque libet, toties etiam licet, dummodo sesqui-hora non præterlabatur ad singulos cives, eademque die sententia plane terminetur. Quare interdum usu venit, ut partibus, orationem sæpius iterantibus, totoque marutino tempore consumpto, necessarium sit terminandi iudicii causâ, ut Quadraginta-viri conveniant rursus post meridiem. Si litis æstimatio quinquaginta quidem excedit, sed non au-

reos



reos trecentos , admissa provocatio per Auditores pertinere intelligitur ad Collegium frugum ea de causa institutum , ut ab aureis quinquaginta usque ad trecentos omnes causas , tam externas , quàm urbanas tandem definiat. Alternis porrò mensibus , eas vicissim audit , & res aguntur eadem ratione atque ordine , quo apud Quadraginta-viros , nullo intercedente discrimine , nisi quod oritur à numero. Siquidem Collegium frugum conflatum est ex iudicibus viginti-duobus , cum bis viginti contineat Quadraginta-viratus. Quod si is fuerit infra quinquaginta aureos , neque ad Collegium frugum , neque ad Quadraginta-viros deferitur , sed Auditores ipsi pro sua potestate minimis hisce causis finem tunc imponunt , quandocunque tres simul , hoc est omnes conveniunt ; aliòquin aliud iudicium convocari solet , si altera pars petat ex tribus Magistratibus coagmentatum , nimirum ex Auditoribus cùm veteribus , tùm novis , & ex iis , quos vocamus Cataveres ; omnes autem collecti sunt novem iudices , ex quibus minimè septem adesse oportet , si sententia est ferenda , aliàs non fertur. Est autem rata ea sententia , quæ superat dimidiam par-

tem suffragiorum. Verumtamen si tres Auditores simul, omnes nempe consentiunt, opus est, ut æquo animo rem ferat is, qui causâ cecidit. Atqui scire id oportet, si fortasse contingat, ut ne unus quidem ex Auditoribus velit intercedere, duobus mensibus elapsis, qui petit id, huic licere ad Quadraginta-viros ita demum accedere, si deponat eam pecuniæ summam, quæ Auditori persolvitur. Solet autem æstimata lite pro centenis quibusque aureis certum quid ei persolvi, dum tamen intercedat. Eo non intercedente ubi provocatio datur, pertinet id pecuniæ genus ad ærarium publicum. Nihil autem obtineri potest, nisi ea pecunia deposita fuerit, ac duo menses elapsi. Enimverò si controversia fuerit inter cives, hoc est urbana, qui provocare intendit, Auditores veteres petit, à quibus quandocunq; provocatio admittitur, aut imponitur liti finis, si minoris ea ducitur aureis quinquaginta; aut alterutro debet introduci, à quinquaginta ad trecentos aureos, in collegium frugum supra trecentos ad Quinquaginta-viratum veterem civilem, non alia ratione, quàm fieri diximus ad novum. Verùm Capitalis de rebus omnibus cum urbanis, cum ex-

ternis



ternis pariter cognoscit, neque modò causas & crimina delata ex provocatione, sed etiam ea, de quibus nullum præjudicium est factum. Nam quæstiones universæ maleficiorum constitutæ sunt de more in hoc ipso concilio, præterquam furti simplicis, cædisque non certo consilio factæ, quæ pertinent ad Trium-viros nocturnos; vulnerum quoque in alia parte, quàm in facie: hæc enim à Quinque-viris paci permitti solent. Quicumque igitur provocare instituit ab aliquo Magistratu, vel urbano, vel provinciali, confugit ad Trium-viros Advocatores, qui diligenter animadversa causa, & re probè inspecta, an sit intercedendum, maturè deliberant; si visa fuerit intercessio non impertienda, omnesque pariter conveniant in hac sententia, remedium aliud nullum superest, quàm alios Advocatores præstolari. Sin autem intercessioni locus fuerit, qui satis est, ut ab uno eorum præbeatur, eodem ordine atque ratione omnes res procedunt, sicut in cæteris cōciliis Quadraginta-viralibus, non alio discrimine, quàm quod in illis Auditores veteres ac novi, postquam intercesserunt, nihil aliud curant, partesque ipsæ accedunt ad Quadraginta-viros, adhibitis patronis sive causidicis.

In hoc autem Trium-viri Advocatores non solum intercedendo provocationes admittunt, sed etiam patroni munere funguntur ad XL-viros, causa per eos introducta. Qui verò provocavit, si reus erat, fit actor, tamen si non alio, quàm rei nomine vocetur. Patrocinantur autem ipsi, vel omnes Advocatores, aut certe ille unus, qui decrevit intercessionem; sed qui apud priorem judicem fuerat actor, hic mutatus in reum, quamvis actor maneat revera atque ita nominetur, aut ipse suam causam agit, aut adhibet Advocos, quod in binis aliis Quadraginta-virum conciliis fieri solet, idem quoque hic peragitur, atque eodem modo, quoad sententia feratur, aut secundum, aut adversus reum: illud, ubi ea rescinditur, fieri solet; hoc, ubi comprobatur sententia judicis prioris; adhunc tamen redire non amplius licet, quemadmodum in civilibus causis evenire solet, quandoquidem statuunt ipsi Quadraginta-viri, an reus plectendus sit, & qua ratione plectendus. Res autem hoc modo procedit. Advocatores, ubi fuerit antiquata sententia, quam prior iudex tulit, referunt ad concilium ea de re, utrùm reus aliqua pœna dignus videatur. Si per plures obtineat, ut impuni-

tus



tus discedat, eo ipso censetur statim absolutus. Verumtamen si plurium suffragatione affectus non fuerit impunitatem, Advocatores, Consiliarii inferiores, & Præfecti concilii sententiam rogant (præter hos autem nullus alius rogare potest) qua pœna videatur ille afficiendus. Potest quidem fieri, ut omnes in eadem sententia conveniant; sed quandoque habent varias discrepantesque sententias: nam singulis referre de pœna pro suo arbitrio datur. Pro singulis itaque sententiis colliguntur suffragia, eaque sancitur, in quam propenderint suffragia majoris partis, atque ita prout eadem jubet, reus pœnam subit. Nonnunquam contingit, ut aliquis injustè damnetur à Magistratu, quo post provocationem absoluto, ejus injustitiæ pœnas nullus sit, qui pendat; Hoc enim in Magistratu ipso certum ponitur, erroris causam præbuisse non malitiam ullam, sed vel opinionem, vel rei fortè culpam. Præterea verò integrum est ipsi Magistratui, qua ratione cæteri se defendunt, suum judicium tueri. Quod si contigerit hominem condemnatum fuisse propter falsum testimonium, quod aliquis dixerit, aut aliam accusatoris fraudem, quæ Magistratum in-

duxerit; puniri solent illi testes, atque accusatores ea ratione, qua dictum est, dummodò sistentur; aliôqui publica voce præconis evocati citantur, quod à nobis stridare vulgo dici solet, hoc est certū tēpus definire, quo se sistere debeant. Intra hoc nisi se sistant, legitimè damnari solent, hoc est bona publicantur, ipsi verò mulctantur exilio, tandemque afficiuntur iis pœnis, quas ipse leges statuerint in reos contumaces; hoc autem modo cum omnibus agitur, qui se non sistant citati. Sed multa pertinent ad hæc judicia singulari ratione, quæ in præsentia mihi satis minimè succurrunt. Ne graveris quæso tu interrogare, si quid habes minus perspectum. IOAN. Nisi tibi grave accadat respondere, mihi quidem gratissimum fuerit percunctari. Cedo igitur, si quis provocat à provincialibus Magistratibus, qui adesse nequeunt, ut suam sententiam tueantur, quonam modo res transigitur? TRYPHO. Hac ratione. Aut ipsa controversia est inter actorem, & reum; ut si quis de illata vi postulatus condemnaretur; aut inter Magistratum, & eundem reum, quemadmodum sæpenumero fieri solet, ut dentur occulta judicia, quibus à iudice maleficii reus peragatur. In priori non est

est, quod Magistratus ipse laboret de sententia tuenda, cum ad illum spectet, secundum quem lata fuit. In altera controversia, si reus provocat, Magistratus verò ipse constituit adesse, expectandum erit, donec jurisdictionem conficiat, ut tunc demum adsit. Quòd si adesse negligat, permittere potest, ut Quadraginta-viri videant, statuantque quid juris, atque ita causa transigi potest atque terminari. Hoc autem quod dixi, commune est omnibus causis, in quibus agitur res capitis, aut etiam civilis. IOAN. Cedo adhuc; quando Magistratus illi, qui sunt in provincia, sententiam tulerint contra aliquem egestate afflictum; nam controversiæ non minus inter pauperes, quàm inter locupletes oriuntur, facinora quoque cum ab his, tum ab illis æquè perpetrantur; sed tamen pauperibus, quia sumptus sustinere non possunt, non suppetit ea facultas, ut Venetias petant, siue causæ civiles fuerint, siue capitales, quia sermo est pariter de omnibus; habetisne igitur aliquid hac de re constitutum, quo liceat illis obtinere jus suum, quibus inopia moram infert atque impedimentum? TRYPHO. Maximè verò; Neque est, quòd ipse putes, majores nostros huic rei minimè suc-

succurrissè, cui succurrendum maximè fuerat, si cuivis alii. Nam multis partibus sunt plures egeni, quàm divites, id quod omnes norunt; sicut autem majorem numerum constant, ita minus ambitionis morbo laborant. Quamobrem si datur ipsis tranquillè vivere à nemine oppressis, in eo plane acquiescunt, neque turbas excitant; quo fit, ut ii, qui student novis rebus, ambitione adducti quiescere cogantur, dum cernunt illos quiescentes. Quod si contra fiat, atque inopes malè accipiantur, oritur inde seges magna seditionum, plurimumq; tumultus consequuntur, ubi ansa præbetur, nisi eorum, qui præsunt, vigilantia citò hæc mala sedentur. Argumento id est, quod civitates invadere statuentes, summi belli Duces potissimum in eam spem sunt erecti, ex eo quod viderent, populos malè acceptos non probè in suum Principem animatos esse. Prudenter itaque majores nostri operam dederunt, ut non minus pauperibus, quàm divitibus per leges ipsas licerèt suum jus obtinere. Sanxerunt enim, ut Triumviri Auditores novi ditione Venetam universam in continente biennio quoque lustrantes peragrarent, & commorarentur ubique locorum aliquantisper,



ut si quis esset, qui ad eos provocandi gratiâ conferre se non potuisset Venetias usque, is ejusmodi facultate minimè careat. Dant igitur operam Auditores omnibus iis causis, quæ ad ipsos delatæ fuerint, tam capitalibus, quàm civilibus audiendis, ex quibus omnibus eæ literis consignantur, quæ saltem uni, si non pluribus visæ fuerint cum æquitate, & justitia conjunctæ. Venetias reversi referunt ad Quadraginta-viros ea ratione, quâ est dictum, ad capitales, quæcunque capitis censentur; res autem alterius generis ad civiles novos. Quo fit, ut non solum Trium-viri Advocatores, sed etiam Auditores novi in capitali Quadraginta-viratu causas persequantur, sed non alias præter has, quas modo recensui. Et quia nimis longum atque etiam operosum esset, Auditores obire provincias maritimas, quadriennio quoque mos est creare Duum-viros, qui Syndici maritimi à nobis appellari solent, ut oppida & urbes, cunctaque adeo loca perlustrant, quæ in Dalmatia, in Illyrico, atque in Græcia obtinet respublica, præstaturi eadem, quæ Auditores in continenti, relaturi quoque post reditum ad Quadraginta-viros vel capitales, vel civiles novos, prout

cau

causæ exegerint, quos quidem agunt non secus, quàm Advocatores. Itaque Syndici causam pro reo dicunt; contraria pars adhibet Advocatos, ut dixi, aut ipsa pro se verba facit. Eas verò causas, quæ intercedunt reo cum Magistratu, antequam jurisdictio conficiatur, agere non licet, nisi Magistratus ipse assentiatur, quod superius monui.

IOAN. Hæ controversiæ, quæ oriuntur ex provocationibus, possuntne ab aliis cognosci, quàm à Quadraginta-viris? TRYPHO. Possunt, sed non omnes.

Nam de civilibus Senatus cognoscere potest, non item de aliis. Quænam verò sit ratio cognoscendi, jam intelliges. IOAN. Ad Quadraginta-viralia concilia spectantne aliæ causæ, præter eas, quæ deferuntur ex provocationibus? TRYPHO. Utique spectant, sed non ad aliâ, nisi ad capitale, quod etiam cognoscit, atque statuit de re adhuc integra, quemadmodum solet prior iudex, ut superius dixi: Exempli gratia; si quis vitæ, aut fortunarum, aut existimationis discrimen, sive detrimentum aliquod subierit, licet huic pergere ad ipsos Advocatores, & adversarium eorum criminum postulare. Causa verò suscepta per eos agitur, ut exposui superius. Multa præterea in

hoc

hoc Quadraginta-virali concilio pertractari solent, quæ suscipiuntur ab Advocatoribus collegio jubente: ratio verò est hujusmodi. Fieri posset, ut aliquis ex iis, qui maritimis rebus præfecti sunt, aut legatus in castris, aut orator apud Principes, aut quilibet alius Magistratus non obiret publicum munus ex præscripto, atque ex formula. Hæc ubi comperta fuerint ex literis, aliisque nunciis, quos de more venire omnes in collegium paulò ante admonui, licet unicuique eorum, qui interfunt, adversus ipsum sententiam dicere, necnon referre ad collegas alios de eadem. Si quis autem ita ferat, velintne Magistratum non solum abrogari, verùm etiam illi mandari, ut se Advocatoribus tradat, & permittat; idque sancitum fuerit in Rogatorum concilio, prout explicavi, aut etiam in concilio Decem-virum (siquidem rata sunt ab alterutro comprobata, & jussa) reo tunc imponitur ea necessitas, ut se Advocatoribus sistat, à quibus oppugnari debet non secus ac nocens; causa verò agitur ea planè ratione, atque ordine, quo supra memoravi, aut in cōcilio Quadraginta-virum, aut in Senatu, aut etiam in majoribus Comitibus, pro Advocatorum arbitrio, à quibus jussu collegii suscepta



res fuerit. Ejusmodi sanè causa erat Angeli Trivisani, qui post acceptam cladem in Pado à Ferrariæ Duce negligentia reus factus est, accusatusque ab Advocatoribus ex autoritate collegii, imò verò eorum, qui reipubl. præsidet (hoc enim rectè dici potest) pœnas quoque dedit. Non dissimilis fuit causa Ducis Lauredani, de qua supra memini; neque verò illa Ducis Antonii Grimani, sed non paucis antè annis, quàm perveniret ad eam summam dignitatem. Hic imperator ornatissimæ classis adversus Turcas in crimen vocatus est, quod cum hoste manum cōserere noluisset, eoq; inspectante amissa Naupactus esset. Vtraq; verò causa cūm propter objecta crimina, quæ levia nō erant, tūm propter eorum, quorum nomina delata fuerant, summam dignitatem, rejecta fuit ab ipsis Advocatoribus ad majora Comitia. IOAN. Nondum certè dixisti, quisnam ferre valeat ad majora Comitia, aut ad Rogatorum concilium, quandocunque ejus generis causæ inibi tractantur.

TRYPHO. Ita est, sed nihil tibi omnino deperiit: nunc enim ad hæc omnia explicanda ingredior. Ad ea concilia, quæ commemorantur abs te, Advocatores, aut eorum loco Auditores novi,

Syn-



Syndicique maritimi, quorum auctoritas est in causis provincialibus, Dux etiam, & Consiliarii, & Præfetti Quadraginta-virum, de pœna, quæ sumi debet, jus habent ferendi. Cæteris omnibus, quocunque in Concilio res agatur, in aliquam sententiam ex his discedendum fuerit. IOAN. Quando contigerit aliquem comprehendi, atq; in manu esse, ut quæstiones de ipso sint habendæ, vel tormentis, vel alia ratione, quodnam genus instituti atq; juris apud vos est? TRYPHO. Præclarum sanè, atque ejusmodi, ut nihil eo melius, opinor, queat excogitari. Vbi res & causa delata fuerit ad Trium-viros Advocatores, sive integra, quemadmodum fieri solet in priori judicio, sive ex provocatione, sive ex auctoritate collegii, accuratè res ab iisdem expendi solet, suisque ponderibus atq; momentis examinari. Si fuerit gravis atque ejusmodi, ut existimandum sit, aliquod periculum imminere, nisi celeriter & quam occultè res ea peragatur, jus est ipsis per se jubendi, ut comprehendatur reus, sed non jus, eum in custodia retinendi amplius quàm triduum. Cum autem quæstionem de homine oporteat habere, petendi sunt Quadraginta-viri exposita causa, ut quoad ipsa probè

cognita fuerit , ac dijudicata , per eos potestas fiat hominis retinendi , necnon in ipsa quæstione tormenta admovendi. Quæ sanè potestas fieri solet, modò assentiatur major pars Quadraginta-virûm. Veruntamen si causa tanti momenti non fuerit, ut opus esse videatur tam magna celeritate , ac silentio , solent Advocatores petere à Quadraginta-viris , ut liceat sibi reum comprehendere ; qua facultate impetrata non requiritur ampliùs alia , ut quem comprehenderit, retinere possint : sufficit enim jus prehensionis datum , assentientibus Quadraginta-viris ex majori parte. Fit exinde potestas quæstionis habendæ , quæ facta potestate comprehendendi sive retinendi, negari non solet. Quæstionibus præest Collegium quoddam, quod conflatum est ex duobus Consiliariis inferioribus , totidemque ex Iudicibus nocturnis, atque ex uno Præfecto Quadraginta-virûm , & ex uno Advocatore , qui coram omnibus à reo quærit. Is autem si causam suam tueri conatur, rationes & argumenta undique conquirat , testes quoque cæteraquæ omnia , quibus innocentiam suam comprobare possit. Tunc autem , si quatuor è Collegio saltem id censeant, admo-

admoventur tormenta , ut sensus doloris atque cruciatus ab eodem exprimat , quod proposito solum metu tacere constituit. Habita verò quæstio per unum à secretis refertur in codicem , & promulgatur ex more ; nimirum copia fit illius cùm patronis rei, cùm Advocatis etiam pro contraria parte, si qua modò est , tandemque omnibus , qui cupiant legere , aut videre. Postea reditur ad ipsos Quadraginta-viros , & eo , quo diximus ordine , cuncta peraguntur. Advocatores ipsi reum quàm acerrimè oppugnant, qui vicissim adhibet Advocatos , ut suam causam orent , alteroque , vel summùm tertio iudicio, ad extremum aut absolvitur, aut condemnatur. Post damnationem verò pœna definitur, quam pendere debeat , ex Advocatorum sententia , vel certè Consiliariorum inferiorum , vel Præfectorum Quadraginta-virùm, qui cum illis confident , ut necessariò sit ea pœna subeunda reo , quam maxima suffragiorum pars constituerit. IOAN. Si contingat , à Quadraginta-viris minimè dari jus comprehendendi , aut etiam retinendi , quando jubentibus Advocatoribus reus datus in custodiam fuerit , quid tunc agi solet ? TRYPHO. S



Quadraginta-viri non tribuant jus prehensionis, gravius quicquam de reo consuli non potest: alterutrum enim poni necessario debet, aut hominem in nulla re quicquam nocuisse, aut non ejusmodi, quæ digna sint animadversione tanti concilii, sed ad Magistratus minores de jure spectent, nimirum vel ad Trium viros nocturnos, vel ad Quinque-viros pacis. Eadem ratione, si quispiam in custodiam tradatur, quem retinere per Quadraginta-viros non liceat, restitutus in integrum, atque liber abit, inhibito Advocatore, nequid ultrà pergat.

IOAN. Prout singula mihi occurrunt, dubitationemque identidem afferunt, sic in iis percundationes varias interpono, ut mirum non sit, si nonnunquam complector ea, quæ non satis inter se cohærent. Cum igitur fines imperii, ditionisque vestræ satis latè patere sciam cùm terra, tùm mari, nec non satis amplam, & frequentem esse urbem, tanti imperii sedem, existimo necessario fieri, ut magni concursus fiant ad iudicum tribunalia. Quapropter explicari mihi, atque edisseri cupio, quisnam ordo, & quænam ratio soleat adhiberi, ut citra perturbationes res expediantur. TRYPHO. Ratio,

& ordo



& ordo ejusmodi est. Causæ omnes, verbi gratiâ, delatæ ad Advocatores, per unum à Secretis excipiuntur, literisque mandantur, primo, secundo, tertio loco, ac deinceps, prout singulæ deferuntur. Quo verò ordine sunt exceptæ literisq; mandatæ, eodem planè inducuntur in Quadraginta virale concilium; nec alius ordo in secundo, ac tertio judicio, quàm in primo statuitur. Prærogativæ tamen privilegium est certis causis, quæ licet postremæ fuerint, cunctis anteferuntur. Huiusmodi sunt in carcerem conjectionum, sepulturæ, medicinæ, farinæ ex farinaria taberna, mercedis pupillorum, conjunctorumque causæ, utpote si pater in judicio disceptaret cum filio, aut frater cum fratre; Procuratoriæ tandem, hoc est quæ ad Procuratorum pertinent administrationem. Hæ sunt causæ, quæ cæteras omnes debent antecedere: quæ donatæ fuerint hoc privilegio præter eas, non memini. IOAN. In quolibet concilio Quadraginta virali evenire posse arbitror, ut extremo judicio utraque adæquet urna, tàm quæ rescindit, quàm quæ stabilit aliquam sententiam, ita ut nihil omninò constituatur. Cedo ergò, si quod remedium comparatum h-

betis, ne sententia, cùm id evenerit, relinquatur anceps atque incerta.

TRYPHO. Si fortè, quemadmodum ais, neq; rescindatur sententia, neque comprobetur, & res civilis agatur, permutantur judicia, succeduntque concilia Quadraginta-virùm civilia, alterum in alterius locum. Quod si contigerit aliquid ejusmodi in Collegio frugum, causæ provinciales atque externæ ad Quadraginta-viros novos; urbanæ verò ad veteres sunt reiiciendæ, orandæque de integro, quemadmodum in Quadraginta-viralibus conciliis fieri diximus. Enimverò si paria numero fuerint etiam tunc suffragia, in majoribus Comitiis lex ea ferri debet, ut Rogatorum concilium de ipsa recognoscat. Lege sancitâ causa agitur in Senatu, atque in eo demum terminatur. Atque ita controversiæ ex provocatione delatæ ad Quadraginta-viros, perveniunt etiam ad Senatum, quam rem antea declarare tibi pollicitus fueram. Sed tamen ubicunque capitis res agitur, à Quadraginta-viris toties iterantur suffragia, quoad in alterutram partem denique propendeant. Igitur quæ ad Quadraginta-viros capitales causæ deferuntur, has oportet ab iisdem expediri omnino.

Verun-



Veruntamen te latere non debet, fieri quoque posse, ut alterutra urna, quæ damnat, & absolvit, plus uno tantum suffragio nihil habeat; quod si accidat, neque rescissâ, neque comprobata habetur sententia; ideoque rejicitur ad alios Quadraginta-viros eâdem ratione definienda, quæ fuit jam exposita. Id autem institutum est ob eam rem à majoribus nostris, ne quis ab uno tantum judicaretur: hoc enim existimabant nullo modo consentaneum esse. IOAN. Est ne tibi aliquid compertum de primordiis horum conciliorum Quadraginta-viraliū, & Advocatorum, & Auditorum veterum, atque adeò novorum. Adhæc, quidnam majoribus vestris causæ fuerit, ut hos Magistratus instituendos putaverint, atque illa concilia. TRYPHO. Dicam tibi, quodcunq; mihi est in comperto. Trium-viros Advocatores quidam ferunt institutos esse, cum Dux esset in republica Aurius Mastropetrus, qui creatus est anno MCLXXVIII. Quadraginta-viratus Capitalis, quo tempore fuerit institutus, nunquam intellexi. Videtur hoc verisimile, non aliam fuisse illi originem, quàm Advocatoribus, à quibus causæ deferuntur ad Quadraginta-viros. Sed neque à veri-

rate fuerit alienum, Advocatores aliquanto prius extitisse, & ad majora Comitia ferre consuevisse, quæ paulò antè, ut differuimus, instituta fuerant. Postea verò confluentibus causis & multiplicatis, nimis grave ac molestum visum esse, tam frequenter & crebrò convocandis Comitibus, à privatis negotiis homines distrahere. Hac de causa eam cogitationem susceptam, tanquam omnium optimam, ut alterum quoddam concilium institueretur, præficereturque huic potissimum curæ audiendi provocationes. Quanquam multi adhuc Quadraginta-viralis hujus concilii originem ad superiora tempora, multoque antiquiora solent referre. Sed alii viderint, quænam sententia propiùs ad veritatem accedat. Antiquitus vacare solebat hoc concilium tam civilibus, quàm capitalibus rebus audiendis, de quibus omnibus Advocatores ad ipsum ferebant. Hi verò cum tantum oneris sustinere non possent, multiplicata civitate, necnon aucto imperio, cum etiam causæ in dies magis abundarent, propterea veteres Auditores instituti sunt Andræa Dandulo Duce, qui creatus est anno MCCCLII. ut omnes causæ civiles, & urbanæ, &

pro-



provinciales in Quadraginta-virale collegium ab ipsis introducerentur. Propagatis autem imperii finibus in continente, quo tempore Dux erat Michaël Stenus, qui creatus est anno mcccc, adeoque strenuè ac feliciter rempublicam gessit, ut in ejus ditionem atque potestatem magna ex parte redegerit, quæcunque in Gallia Cisalpina modò tenet oppida; cum itaque permultum causæ crevisserent, ex hac propagatione necessarium fuit alios Auditores creare, qui novi, hoc est recentiores nominati sunt, ut introducerent causas civiles provinciales. Et quia tot, tantisque negociis expediendis satis non erat unus Quadraginta-viratus; institutus fuit is, qui dicitur vetus, ad cognoscendum pariter de causis externis, atque urbanis omnibus, per Auditores veteres atque novos introducendis. Contigit hæc institutio temporibus Francisci Foscarì, qui creatus est Dux anno mcdxxxiii. Temporibus verò tandè nostris Quadraginta-viratus civilis novus insuper accessit, cui permissæ fuerunt provinciales, urbanae verò causæ veteri duntaxat relictæ. Antequam novus Quadraginta-viratus adhiberetur, ita res se habuerat. Auditores cum veteres, tum novi,

si quæ lites æstimabâtur minoris quàm aureis triginta, has omnes transigere solebant, sed quique suas. A triginta usq; ad aureos trecentos causæ omnes pertinebant ad Collegium frugum; supra hunc numerum statuebant veteres Quadraginta-viri, quos adire oportebat: Auditores autem veteres urbanas, & provinciales causas novi introducebant. Hi quoque pariter atque illi, quod notare debes, non solum provocationes admittebant intercedendo; verùm etiam se interponebant, atque orabant ad civiles Quadraginta-viros, quemadmodum ad capitales modò solent Advocatores, causas eorum omnium, pro quibus intercessissent. Sed his temporibus nihil aliud præstant Auditores, quàm intercessionem; cætera permittunt, ac relinquunt eorum industriæ, quorum præcipua res atq; utilitas agitur. Id, quandoquidem primùm mihi nunc occurrit, te celare nolui. Advocatoribus autem res capitales, sicut in præsentia sunt, ita etiam curæ tunc erant, easdemque in concilium Quadraginta-virum Capitalium introducebant eadem planè ratione, qua modò solent. Ex his ergò intelligere potes, ex quo novissimus Quadraginta-viratus insti-

tutus

tutus est , haud ita multa immutari contigisse de instituta ratione judiciorum. Cæterum de Collegio frugum nihil habeo dicere , quod quidem spectet ad initium, atque ejus originem : nunquam enim legisse me recolo , aut ab alio accepisse , quibus temporibus institutum fuerit ; non dico de iis Magistratibus , ex quibus constat , verùm de re conflata, coagmentataq; ex ipsis, cui nomen est hoc tempore Collegium frugum . Conjecturæ tamen cuidam locus est, aut non multò ante, aut certè paulò pòst exordium illud habuisse, quàm vetus Quadraginta-viratus institutus esset. Verumtamen hac in re diutius non est insistendum, quæ ignorata nihil omninò detrimenti , comperta nihil utilitatis poterit asferre. Hoc unum prætereundum minimè duxi, cum magna sit occupatio in propriis rebus eorum Magistratuum, ex quibus Collegium conflatur, proptereaque difficile admodum convenire possint nostrates homines ; hac re animadversa , ut judicia sint magis expedita , minusque incommodi percipiant ii, qui controversantur, in ea cogitatione diu multumque versari, ut per majora Comitia Triginta-viris electis , quemadmodum in omnibus

Magi-



Magistratibus fieri consuevit, ad obeundum hoc ipsum munus Collegii frugum, præcipuum quoddam Concilium instituatur, quod in nulla alia cura sit occupatum, voceturque concilium Triginta-virum. Persequentes autem opere id, quod animo cogitant, brevi quoque perfecturos persuasissimum habeo. Hac de re certè monitum propterea te volui, ut nulla caperet admiratio, si quando audires, Collegium frugum tandem obsolevisse. Expone, si quid habes præterea, quod quærendum putes. IOAN. Dixisti antea, certum quemdam numerum pecuniæ Auditores ab iis, qui controversias haberent, accipere solitos. Recensito mihi nunc accurate ac disertè, quodnam laboris atque industriæ præmium percipere debeant non solum Auditores ipsi veteres ac novi, sed etiam Advocatores & præterea iudices, quos equidem arbitror multum laborare in obeundo, ac præstando munere, prout decet. TRYPHO. Ut de Auditoribus cū veteribus, tum novis primo loco dicam, qui iudicio repetunt aliquid, hoc est Actores, & urbanos Magistratus cū primū adeunt, quanti res controversa æstimata fuerit, tantū persolvere debent iisdem certo quodam

nume-



numero pro centenis quibusque aureis definito, ac tributo; nos appellamus Carattos id pecunię genus, quod etiam ab iis, qui provocant, Auditoribus, dummodo provocationes admittant, præberi solet, ubi tamen Quadraginta-viri sententiam rescindunt. Quando-  
cunque id contingit, iudices priores, quicquid acceperant pecunię ab iis, qui contendebant, restituere coguntur ipsis Auditoribus, qui certè non sunt participes tunc illius lucri, cum sententia fertur à Quadraginta viris contra provocantes. Magistratibus autem, qui sunt in provinciis, à contendenti-  
bus in iudicio quicquam non persolvi-  
tur, sed à provocantibus tantum Au-  
ditoribus novis, impetrata nimirum intercessione, rescissaque sententia. Trium-viris Aduocatoribus, præter id stipendium, quod ex ærario publico, sed exiguum ferunt, nonnihil cedit in lucrum ex impositis mulctis, nec non ex iis rebus, quæ fraudatis portoriis, siue importando, siue exportando fue-  
rint interceptæ; ut, præterquam quòd honestissimus est hic Magistratus, non parum fructus quoque afferat & emo-  
lumentum. Quadraginta viri ex quo-  
libet Quadraginta-viratu, quotiescun-  
que conventus eorum celebratur, ter-

tiam partem aurei nummi singuli lucrantur. Omnes quidem mane de more convenire solent; sed ubi conveniunt à prandio, ex eo quod res ita ferat, XL-viri civiles nihil ampliùs habent; capitalibus tantum stipendium duplex obtingit. Ad hunc verò quasi calcem spatio decurso (nunc enim in hujus rei memoriam incurro) obitoque triplici Quadraginta-viratu, & transactis partibus, nemini licet in numero eodem reponi, præterquam octo mensium intervallo; tamdiu reditus intercluditur ad eam petitionem. Cedo modò si quid aliud occurrit. IOAN. Cujusdam Magistratus nocturni meministi, ex quo duo cum collegis cæteris præessent capitalibus quæstionibus, cum de reis haberentur; sed quis foret hic Magistratus, non exposuisti. TRYPHO. Non inficior equidem; nam id prætermisi, ut non interromperetur narratio, quæ instituta esset. Sex viri Patricii in custodia urbis collocadi, ex singulis tribubus eligi singuli consueverunt, qui omnes communi nomine vocantur judices nocturni, propterea quod nocturna maleficia puniebant olim; sed hac tempestate nonnulla certè, quæ nocte; non pauca tamen, quæ luce palàm committuntur, jure suo

suo vindicant ; cuiusmodi sunt illæ fraudes atque fallaciæ, in quas impellit aut pecuniarum aviditas, aut alii pravi cæcique animorum motus. Cœpit hic Magistratus creari , quo tempore Dux erat in republica Marinus Maurocænus; atque initio duos habuit, quorum alter citra canalem , ut dicimus , hoc est maximum Euripum; alter verò ultra nocturnas vigilias agebat: his porrò quatuor adjecti sunt , Duce Raynerio Zeno . Sex tanquam primarii Duces sunt ipsis tribùti, qui tot ministros atque satellites sub manu habent , quot necessarii putantur ad præstandam operam. Tres ex his Ducibus unà cum suis cohortibus pernoctant ad Ducarium , & ad D. Marci vicinitates & confinia quoque obire soliti. Totidem alii versantur in Rivo alto, finitimaque loca itidem perlustrant . Curare debent , nequid mali accidat in urbe, ne quis offensionem alicunde accipiat; armatis, quibus intervenerint, arma detrahunt , & quoscunque deprehenderint in facinore, è vestigio comprehendunt, traduntque in custodiam ; fontes autem ab ipsis iudicibus nocturnis iudicati plectuntur , ubi delicta pertineant ad eum Magistratum; aliòquin eorum arbitrio permitti debent , qui

legitimi sunt iudices ad ea constituti. Sed mei consilii non est, hujus Magistratus, neque alterius cujusque singula persequi. Hanc enim disputationem aggredi nolui, quia longior est, neque id modò, sed etiam quia, cùm ab urbe diu multumque absim, ex usu atque fori consuetudine eam notitiam non habeo, quæ necessaria est ei, qui alterum condocet. Futurum est aliquando, ut Venetias adeas; ibi reperire non paucos, & facilè poteris, qui tibi planè rationem Magistratuum explicent; & si omnes alii defuerint, certè noster Hieronymus Quirinus nunquàm tibi deerit, vir non minus humanitate atque comitate, quàm insigni doctrina & facundia ornatus. Veruntamen si quid habes adhuc ambiguum de judiciis, explica: nam si præterea nihil ambigis, aliqua de Censoribus dicam, quos in extremam narrationem ea de causa rejeci, quòd minus pertinere videbantur ad ea, quæ sunt dicta. De his igitur agendum fuerit, modò tu ita censeas.

IOAN. Ego verò censeo, nam rationem judiciorum, quam probè explicasti, ita cognitam perspectamque habere me puto, ut nihil sit relictum, de quo amplius addubitem.

TRYPHO. Bini sunt Censores, qui Magistratus non ita pridem



dem institutus est ad coërcendam ambitionē Patriciorum. Antequam verò hi Censores crearentur, Trium-viris Advocatoribus, & Præfectis Decem-virūm iis, qui sedent in eminentissimo loco Comitiorum, dum Magistratus eligebantur, id erat curæ, ne quis ambitione sua corrumpere jura, eamque reipublicæ operam sedulò navabant, ut opes, aliaque adjumenta corruptelæ id genus nemini viam struerent ad eos Magistratus, quos aliòquin obtinere, & assequi nunquam potuissent. Itaque posteaquam electi erant Magistratus, nondum Comitiiis dimissis investigabant, an aliquid animadversione atque pœna dignum commisissent ii, qui honores fuerant consecuti. Deprehensos autem in crimine reos peragebant, quemadmodum in judiciis fieri supra dixi, tanquam legum, & reipublicæ status eversores. Sed cum in dies augeri ambitio planè videretur, tandemque allatura perniciem cōmunibus rebus, nisi remedium opportunum adhiberetur, recens hic Magistratus institutus est, cujus est ea cura præcipua, ut inter viros Patricios ambitum coërceat. Sed ut in eo, quod tibi tum pollicitus, fidem meam liberem, clandestinæ certorum hominum conspiratio-

nes, qui venalia cum haberent suffragia, quæstum faciebant, hujus Magistratus creandi causam attulerunt. Hi cum ambitiosissimis quibusq; coitione facta, qua die Magistratus erant tribuendi, constitutam inter se rem jampridem habebant, in quem omnium suffragia convertenda essent: poterant autem licitantibus duplex obsequium præstare. Nam si quis beneficio sortis consecutus fuerat arbitrium, potestatemque nominationis (qua ratione, dixi) is autem aliquem ex iis nominabat, in quem constituissent ea die suffragia conferre. Omnes alii deinde suffragabantur, ut electio in Comitiiis comprobaretur. Sunt, qui hac re facta perperam animadversa, cum etiam intelligant, apud nos moris esse, ut Magistratus aliquando venales proponantur, in eam sententiam sunt adducti, ut censeant labefactatum iri statum reipublicæ, & in tyrannidem aliquam degeneraturum, sin minus hac ipsa, filiorum saltem ætate. Veruntamen quando Censores instituti sunt, nihil ejusmodi vereor, animi securus; nequa perniciēs ingrueret inde, formidarem, si hac tempestate Censores nulli essent. Quibus hoc mihi persuadeam, intelliges aliàs, quandoquidem hæc considerare

rare

rare non est hujus loci. Superfedere tamen nolo commemorationi explanationiq; ejus cùm rationis, tùm usus, quo venales haberi solent nostri Magistratus, ut si quatenus aliquid detrahit virtutibus, atque opibus adjicit, ex quo fieret, ut attentiores ad has homines evaderent, remissiores autem ad illarum studia, non sine maximo publici boni detrimento, propterea videatur hæc consuetudo non satis probanda; intelligas tamen aliqua ratione defendi, tolerarique eam posse. Quando aliqua necessitate respublica urgeatur, ii, quorum interest operam navare faciendæ pecuniæ, utpote collegium, quemadmodum explicavi, & etiam Concilium Decem-virûm, præter alia, de quibus cōstituerint vel ad Senatum, vel ad Comitia referre, nonnunquam de his referunt, ut vel ii, qui futuri sunt Senatores, data pecunia, vel quatuor Procuratores, aut sex eligantur, aut alii denique Magistratus illis tribuantur, qui suis facultatibus opem reipublicæ tulerint. Leges autem ejusmodi ferri possunt tam ad majora Comitia, quàm ad Senatum. Sed quotiescunque Senatus-consultus fuerit, consuli debent præterea majora Comitia, quæ tamen possunt ejusmodi sancire incon-

sulto Senatu. Quicquid igitur Comititia decreverint, exequendum erit; aliæ verò ineundæ rationes, si quicquam non sciverint. IOAN. Antea dixisti, quantum universa respublica, tantundem posse quoque concilium Decemvirum. Quidni ergò ferantur ejusmodi leges ad Decem-viros, eorundemque autoritate jubeantur? TRYPHO. Ius omne Magistratum creandorum est penes Comititia, cætera Decem-viri summam habent auctoritatem. Quæ causa est, cum refertur ad Senatum de aliqua re simili, ut semper ea conditio sit adjicienda, referendi postremò ad ipsa Comititia. Re comprobata planeque constituta, ubi visum maturum fuerit eos Magistratus creare, qui committendi, concredendique sunt civibus, ærarii publici inopiæ subvenientibus; principiò quaterni ordines Electorum sunt, quemadmodum in creatione qualibet fieri solet; & quia contingit nonnunquam, quod superius monui, ut non plures ordines, quàm bini competitores renuncient, hîc ad renunciationem quatuor adhibentur. His autem competitoribus alii adjiciuntur ea ratione, quam Scrutinium appellari dixi, per Rogatorum concilium renunciati. Nam dum ab Electo-

ribus .



ribus datur opera, ut eligantur ac nominentur candidati sui, interea secedunt in conclave proximum, in quo concilium Rogatorum de more cogitur, omnes, qui jus suffragiorum habent in Senatu. Quicumque autem nominari cupit, ad fores accedit, & eum, qui est à secretis, ea de re monet. Nomina eorum in chirographa singula inferuntur, & educuntur ex urna sortis ipsius ordine subjicienda suffragiis ab egressu statim. Candidatus porro statuitur ejus Magistratus, quisquis ita suffragia propitia tulerit, ut superet eorum dimidiam partem. Renunciantur hi postea in ipsis Comitiis; sed antequam pro ullo contingat in suffragia ire, is liberaliter offert reipublicæ, quicquid eidem commodare statuit, aut potest, supra id, quod fuerit præscriptum atque constitutum. Atque ita demum suffragia conferuntur, additura, adjudicaturaque illi Magistratum, in quem plura collocata fuerint, modò non infra dimidium. Est ubi minora pollicitus obtinet Magistratû, siquid habet insigne ad existimationem, & decus. IOAN. Quænam pecuniæ summa præstitui solet ejusmodi Magistratuum creationi? TRYPHO. Maxima nunquam definitur, sed mi-

nima tantum , eaque pro temporum  
conditione ita variatur, ut modò plùs,  
modò minùs mutuum detur . Hoc  
anno, cum pecuniis multis opus esset  
reipublice ad sustinendos bellicos sum-  
ptus, quos ideò facit, ut legitimo Prin-  
cipi Mediolanum restituatur , lex in  
Comitiis lata fuit , ut certi quidam  
Magistratus illis mandarentur , qui  
commodarent ipsi reipublice de du-  
centis aureis : supra id licet unicuique  
polliceri, quantum libet. Cum primum  
ejusmodi mos obtinere cœpit, consti-  
tuebatur id, quod prætereundum non  
est , ut Magistratus traderetur etiam  
nihil pollicenti, modò dejiceret alios,  
qui pollicerentur, supra dimidiam par-  
tem pluribus suffragiis; quod certè non  
semel quoque usu veniebat. Sed com-  
petitor is erat ex eorum numero , qui  
renunciabantur per quatuor Electorũ  
ordines. Nam per Senatum nullus, nisi  
ea conditione , ut pollicendum quid  
esset, nominabatur. Et quia contingere  
potest, ut Senator evadat, ubi pecunia  
in Senatum patefacit aditum , is qui  
Senator aliò qui creatus non esset, præ-  
teritis aliquibus ex illis , qui futuri  
erant , ut in hunc numerum omnes  
referantur , qui communi opinione  
videntes habentur (nam Senatorium  
munus



munus est ejus momenti, quod tibi compertum esse persuasum habeo) per majora Comitia hi quoq; asciscuntur, ubi creandi sunt ii, qui vocantur Adjuncti, non quod ulla lex cogat, aut jubeat eos eligi, sed quia in ejusmodi re quilibet ita fieri oportere intelligit. Mos hic habendi venales Magistratus, sed falsò ita dictus, anno MDIX, cœptus est haberi, quo tempore nostris copiis fuis fugatisque in prælio cum Aloysio XII, Regæ Galliarum gesto, coacta fuit respublica sustinere se, quibuscunque rationibus fieri potuit. Veruntamen, quod animadvertere potes à te ipso, non satis est ad assequendos Magistratus polliceri pecuniam, sed oportet etiam competitores superare suffragiis; nec unquam nisi difficillimis temporibus ea res usurpatur; quo fit, ut corruptelæ genus minimè videam, quod à nonnullis prædicari, immò fingi solet, neque tamen id approbare velim ea de causa, quam dixi. Nihilominus aliquid concedendum videtur conditioni temporum. IOAN.

Ne graveris, amabo, illud mihi exponere, cur in creandis Magistratibus pecuniæ causa præter eos competitores, qui legitimi sunt, alii quoque per Senatum constituuntur; & cur ii Magi-

stratus, qui non plures exigunt quàm duos, quatuor ordinibus Electorum opus hoc tempore habeant. TRYPHO. Hæc propterea fiunt, quòd ad rempublicam deferuntur eò plura & majora, quòd major & frequentior numerus est competitorum. Postremis autem Comitiiis, id quoque scias velim, pronunciari palam eos Magistratus, qui creandi fuerint in sequētibus pecuniæ causâ, quò suppetat unicuique tempus dandi operam, ut eam, quam expetit, sibi dignitatem comparet, cùm procuranda impetrandaque à Senatu electione, tùm providè atque maturè iis expediendis, quæ sibi adjumento futura sunt ad id, quod intendit. Sed eò redeamus, unde sumus digressi. Quod in conclavi describendo supra monuimus, in quo Comitia majora celebrantur, sedent Censores in loco eminentiori, atque his temporibus obeunt sustinentque eas partes, quæ Advocatoribus, & Præfectis Decem. virûm commissæ antea fuerant. Sed emendandi atque corrigendi præterea jus habent, quicquid pravi usus, & corruptelæ ambitionem inducit. Quapropter legem quandam tulerunt propè ante biennium, quacum iis, qui obrinerent Magistratus, consuetudo congratulandi

fuit



fuit omninò sublata. IOAN. Tantone reipublicæ detrimento erat, ut effer ea consuetudo latâ lege tollenda?

TRYPHO. Erat cûidam potius dedecori, quàm ulli detrimento. Creatis enim Magistratibus, qui voti compotes fuerant, illicò certum aliquem locum insidebant, in quo Patricii vel omnes, vel maxima ex parte, dum egrederentur conclavi, in ipsos inciderent, & congratulationes vulgò concelebantur, cum quisque videri vellet honoris autor, etiam si cunctis opibus adversatus esset. Quo in genere satis multa intercidebant vulgarium hominum magis imperitiæ, quàm gravitati patriciæ verba accommodata. Nunc igitur obsoleta sunt hæc studia, atque hic pravus usus abolicus est opera Censorum, atque diligentia, qua certè futurum esse persuasum habeo, si modò is, qui rebus omnibus prospicit, constitutum id habet, ut aliquot secula vigeat ea respublica, quæ ornata est optimis institutis, & sanctissimis legibus, ut si non aliud, saltem documenta præbeat, quemadmodum se gerant, atque regant civitates Italiæ, ne qua tyrannide opprimantur libertate amissa; futurum, inquam, existimo Censorum industria, ut depellantur à repu-

blica omnes illi morbi, quibus aliqua pars ejusdem affligi posset. Hactenus ejus administrationis universa ratio, qua sustentantur res omnes publicæ, fuit à nobis exposita, & singula quæque tam accuratè explicata, ut oppidò pauca, ni fallor, prætermiſſa fuerint. De singulis Magistratibus, ut prædixi, nihil quidem agam; alius erit de his omnibus diſſerendi locus, aut certè poteris ab iis quærere, & audire commodius, qui probè gnari sunt harum rerum, Venetias profectus. Nunc eſſet habendus sermo de iis quinque rebus, quæ debent eſſe compertæ cuilibet homini, qui veniat in communionem ipsius civitatis; sed nollem tibi molestus eſſe tam longa oratione. IOAN. Sermones tui mihi eſſe graves nullo modò poſſunt, quandoquidem aviditas audiendi plurimùm augetur eorum, quæ tu commemoras, grata quadam varietatē. Argumenti præterea genus ipſum tam grave, ut nullus ſit tam degener, abjectoque animo, quin ejus deſiderium atque ſtudium facilè commoveat, attentio- rem me reddit, efficitque, ut moleſtia & ſatietas, ſi qua oriri poſſet, convertatur ad animi fructum atque voluptatem. Quamobrem niſi tu labore diſputationis

tationis

tationis hujus defessus es , per me licet expedias omnia , quæ dicenda sunt.

TRYPHO. Facile patior omne id absolvi , quod est institutum , cum præsertim hac die ipse mihi videar ad hanc disputationem maximè paratus. Fieri posset , ut non essem ita promptus aliàs. De iis igitur quinque rebus , quas commemoravi , quantum pertinet ad rem nostram , dicam , neque singula persequar. Vniversum imperium nostræ reipublicæ , quod neminem præterire persuasum habeo , duabus omninò partibus continetur , quarum altera spectat ad continentem , & ad mare altera. Vtrinque sui fructus uberes ac multi ; sed uberrimi atque plurimi sunt ex continente , præcipueque ex regione Longobardorum , in qua , præter alia non exigua , septem nobilissimæ urbes sunt in nostra ditione , Tarvisum , Patavium , Vicentia , Verona , Brixia , Bergomum , & Crema. Mari quoque respublica nostra dominatur in Cyprio , in Creta , in Corcyra , præter alias Insulas ; oramque maritimam tenet Illyrici , Dalmatiæ , & Histriæ satis longo tractu , in quo non paucae sunt urbes , & quàm plura opida , ex quibus emolumenta non modica nostra civitas capit. Ejus autem .

vectigalia amplissima sunt atque multiplicia, utpote rebus omnibus, quæ vel importantur, vel exportantur, imposita portoria, inter quæ centena millia florenorum affert, quod pro vino duntaxat solet exigi; adhæc scriptura maris, atque continentis, Decumæ, & Census patriciorum, omniumque civium. Est hoc tributum genus illi persimile, quod à vobis Arbitrium appellari audio. Sunt enim multi ex Patricio, atque ex civium ordine, qui licet fundos atq; agros minimè possideant, negociationis tamen causâ sunt locupletissimi. His ergò pariter, atque illis hoc tributum imponitur, quod tantæ apud nos nomen habet, hoc est æstimationis; quandoquidem singulorum opes atque facultates de more taxari debent, id est æstimari, & quanti res uniuscujusque fuerint æstimatæ, pro eo constitui, quid illi dependendum sit. Assèveranter à multis affirmatur, ex omnibus vectigalibus urbis, maris, atque continentis, in annos singulos supra ducenta millia decies aureorum colligi. Reditus nostros annuos summatim descripsi: siquid magis enucleatum distinctumque cupis, tabulæ accepti consulendæ sunt, & rationes ipsæ, quæ referuntur à vectigalium Præ-

fectis,



fectis, investigandæ. Sed quemadmodum res urbanæ pariter, atque externæ fructuosissimæ sunt, ita etiam non modici sumptus, qui jugiter fiunt. Principio terrestrium copiarum ducem continua stipendia merentē apud nos habemus, cui præmia satis ampla constituta sunt, & iis cohortibus militum, quas non paucas conducit. Hac dignitate fuit ornatus à nobis propè ante biennium Franciscus Maria Roboreus Urbini Dux, vir & rerum bellicarum scientia, & insigni prudentia, præter alias innumeras animi virtutes, celeberrimus imperator hujus nostræ ætatis, in cujus industria & fide ita conquiescimus, ut quandiu copiis ille nostris præest cum summo imperio, si qua vis inferatur alicunde, non reformidemus. Adhæc afficiuntur à nobis continuo stipendio mille gravis armaturæ milites, paulò plus, minusve, prætereaque is peditum numerus, qui par esse possit custodiendis omnibus iis locis, quæ tenenda præsidiiis nostris firmandaque ducimus, non modò cum bellum aliquod ingruit atque viget, sed etiam ubi conquievit planè, & res sunt tranquillæ. Multis quoque strenuis hominibus merces tribui solet, quorum opera atque studio, cum res ita

postu-

212 uis

postulat, exercitus nostri conscribuntur atque comparantur. Omnes eæ copiæ, quæ sunt paratæ & instructæ, in ea Lõgobardicæ regionis oppida tribui solent, quæ vel assidua custodia & præsidio indigent, vel quæcunque pertinent ad victum, commode suppeditant; ubi gerendum bellum fuerit, illinc evocantur, & quo necessitas magis urget, eò proficiscuntur. Ad tuendam insuper ditionem maritimam ab injuriis omnibus, denæ, aut duodenæ triremes sunt semper in promptu, quæ distributis invicem partibus maria percurrunt, & Cyprum, Cretam, & Corcyram, aliasque Insulas, & loca magis opportuna de more circumfident. Singulis autem trirémibus sunt quinquaginta sedilia, in unoquoque tres remiges collocantur ita, ut omnes hi numero sint centum, & quinquaginta; sed accedunt illis homines bello apti non pauciores quàm octoginta, neque plures quàm centum. Precium remigibus non ita magnum tribui solet. Triremes enim certis in locis instruuntur, ut puta in maritimis oris Dalmatiæ, & Illyrici, quarum incolæ non modò re tenui, sed omninò angusta, conducti parva mercede se remigiò addicunt. Bellatores autem trirémibus im-

impo-

imponendos opus est eodem stipendio donatos augere, quo cæteros operam navantes in militia terrestri. Sumptibus igitur omnibus in unum collatis, qui solent in remiges, in milites, in commeatum, cæterosque apparatus continenter insumi, menstrui cujusque spacii habita ratione, prope septingentis aureis constiterint singulæ triremes. Non exiguæ præterea sunt impensæ, quæ fiunt in tuenda belli navalis plurima instrumenta; res tibi, de navali cum audies, multò magis patebit. Cæterum quod vectigalia reipublicæ plurimùm exhaurit, montis, ut modò vocant, triplicis est ratio, nimirum veteris, novi, atque adeò novissimi. Vetus autem originem suam ducit à temporibus usque Vitalis Michaëlii Ducis, qui montis hujus instituendi primus autor fuit, ut sustineret sumptus immensos in eo bello factos, quod adversus Emanuele Imperatorem tunc gerebatur; vocatur hic alio nomine, Imprestita, nempe Commodata. Alter bello Ferrariensi mons habuit exordium, Ioanne Mocenigo Duce, patrum nostrorum ætate. Tertius demùm post annum MDIX. exercitibus nostris profligatis ab Aloyfio XII. Galliæ Rege, singuli porrò montes nihil aliud sunt, quàm

quàm acervus & cumulus eorum pecuniarum, de quibus maximis reipublicæ necessitatibus à Patriciis, & civibus nostris commodatum fuit. Quæ necessitates, quia multæ frequentesque fuerunt, idcirco montes hi cuncti, sed præcipuè duo primi, evaserunt quædam immanis & immensa moles. Quapropter in usuras, quæ solvuntur semissis & quadrante, maxima pars nostrorum vectigalium abit; ex quo fit, ut coacervare pecuniam vix unquam possit, quamvis propter amplitudinem imperii sit copiosa respublica. Veruntamen ut sui fructus essent illi usui, consueverunt maiores nostri, ingruente bello, Montis veteris usuras neutiquam pendere; confectio quoque ipso bello non præsentis anni, sed ejus, quo solutiones conquieverant, habere rationem, atque ita deinceps intermissas pensiones proseguere. Quare posterius est hic mons annis quadraginta, & etiam aliquanto amplius hac tempestate. Novo quidem Patricii nostri admodum prudenter biennio antè consuluerunt; atque prospexerunt. Usuræ quoque Montis hujus multæ residebant, & quando suis creditoribus erant persolvendæ, non præsentibus, sed exactæ numerabantur, qua ratione fieri



fieri videmus nunc in Monte veteri. Ut ergò tantum æris alieni conflatum dissolverent, suisque vectigalibus permitterent reipublicam frui, importunissimo fœnore tandem liberatam, lege lata sanxerunt, ut nihil penderetur in posterum usuræ amplius nomine; quæ verò deberentur antea, nondum persolutæ redigerentur in unum, unâ cum sua sorte. Quo fit, ut quisquis habet pecunias creditas huic monti, eidem referantur accepta, unâ eâdemque ratione tam caput ipsum, quam fœnus ex ipso profectum; id autem, quod singulis annis pensitari solet, à creditoribus ipsis numerandum sit in aliqua parte pecuniæ, quæ debetur sibi, non in alicujus pensionis atque fructus loco. Qua ratione respublica paulatim recreatur, onere gravi levata æris alieni, brevique universa nomina expedirentur, si continuarentur adhuc aliquot annis solutiones. Sed in qua vicissitudine sint omnia, tu vides, bellorumque continuatione quanti sumptus faciendi, ut nec tibi, nec ulli mirum videri debeat, si non dissolutum fuerit, quicquid superest æris alieni, non modo, sed instituendi præterea nonnulli alii Montes: ex quibus unius rationem propè initam audio, qui no-

mine subsidii appellandus sit, ut subsidio sit ad eos sumptus sustinendos, qui subeundi nobis necessario sunt. Sed ut regrediar eò, unde sum digressus, pensiones à duobus hisce Montibus solvendæ, quam ratione convertantur in usum reipublicæ ex iis, quæ dicta sunt, constare tibi satis arbitror. IOAN. Nihil fallor, eo tempore, quo gerendū est bellum, nihil à monte veteri penditur cuiquam, sed ita resident usuræ, quæ interea debentur, ut si eo anno, quo solutiones intermissæ fuerint, debitiones fortè supersint annorum quadraginta, tertio quoque duorum, si eadem intermissio procedat, quæ certè nullis temporibus est definita. Mons novus etiam quicquam solvere non cogitur, sed cum modus aliquis factus sit usuris ejusdem, nullam omninò jacturam subire potest, nisi quatenus non dissolvit ea, quæ jampridem debet. Quibus in rebus nihil aliud incommodi cernitur, præter allatam creditoribus moram exigendi. Veruntamen ipsa res exigit, & æquitas suadet, ut æquo animo perferatur, si quid incommodat in communibus reipublicæ difficultatibus. Relinquitur autem Mons tertius, nempe novissimus, de quo tu nondum quicquam edis-

edifferuisti. TRYPHO. Non est, cur aliud quicquam de hoc monte dicam præter id, quod huic uni contingit ex omnibus, ut usuras quincunces continenter solvat. IOAN. Estne locus aliquis negociationi relictus in his vestris montibus, quemadmodum Genuæ, & Florentiæ consuevit relinqui?

TRYPHO. Nostri montes non secus ac aliæ omnes merces liberè comparari, & vænire possunt. Veruntamen duo primi sunt minima fide, quia sæpè contingit, ut nihil pensitent, interceptis à republica fructibus. Novissimus continuata pensitatione unus tuetur suam fidem. Nunc ubi de reipublicæ vectigalibus atque sumptibus egimus, progredientes ulterius loquemur de bello, & de pace. Requirit hæc disputatio prius eam cognitionem, quibus armis nostra respublica sit parata, & instructa, & unde suppeditentur eidem res omnes bellicæ; quæ faciam ut intelligas, & alia quædam opportuna. Quis, quantusq; solemnis apparatus sit militiæ omnis tam maritimæ, quàm terrestris, ex iis, quæ dicta fuerint, prope modum cognovisse te arbitror. De apparatu, qui fit extra ordinem, nihil attinet dicere. Nam quotiescunque opus est augere militibus copias ter-

restres, eo mercenario genere uti consuevimus, cujus hac tempestate in Italia usus est assiduus. Neque necessaria est ea cura comparandi arma suppeditanda militibus, atque tribuenda: quicumque accedit, ut stipendia faciat reipublicæ, secum defert ea, quæ sunt illi necessaria. Satis est providere iis rebus, quarum magnum est opus, tormentorum bellicorum, in maxima copia pulveris, & nitri, omniumque instrumentorum, quæ apta sunt vel oppugnandis, vel tuendis arcibus, in quibus rebus comparandis nostra respublica, adhibita summa diligentia, nulli sumptui parcit. Navali bello, quemadmodum superius exposui, triremes nostras adornamus in certis locis, ubi quàm exigua mercede & pretio invitati gestiunt homines in remigum numerum adscribi. Ad præliandum verò illos adhibemus, qui terrestribus præliis quoque habentur apti. Et quamvis ii sint cum iis armis, quibus opus habent; nihilominus quia nonnihil discriminis inter ea, quæ pertinent ad pugnae varium genus, intercedit; ideò respublica curat, & dat omnem operam, ut abunde copioseque admodum sit parata his omnibus, ne quid postea sibi defuit ad tuitionem, cum necessitas urget.



urget. Si quando verò classēs emittendæ, maritimæque vires essent adaugendæ, nihil incidit opportunum huic rei, quo careat respublica. Est in urbe, nequid te lateat, certus quidam locus, in quo triremes, & navigia cuncta fabricantur, & quæ necessaria sunt bellicis, apparantur omnia, vernacula lingua vulgo, *Arsenale*, dictum, muro- rum ambitu continente circumvalla- tum, ex omni parte clauso aditu, præ- ter unam portam, & quâ navigiis in- gressum, vel egressum aperit Euripus; tanta verò elegantia, necnon amplitu- dine, ut introeuntibus urbis speciem referat æqualem, immò fortè mayo- rem, ut profectò autumo, quàm ve- strum illud oppidum in via, quæ Pisas ducit: recolo me ibi fuisse multis ab- hinc annis, cum suscepissem iter causâ perlustrandi Pisas, Lucam, atque Ge- nuam, cum tota ora maritima; est autem quod accepi, nomen oppido illi Empolis. Distinctæ sunt porro sedes in nostro navali pro vario genere, at- que copia rerum instructarum, alibiq; alia coagmentantur, & elaborantur. Loca tributa compingendis navigiis sunt quædam spatia, quæ à nobis, *Volte*, hoc est fornices nuncupantur, super- impositis tectis ad arcendos imbres,

qui defluunt pariter à dextris , atque à sinistris. Tàm verò singuli latè atque longè patent, quàm moles ejus navigii pòscere videtur, quod inibi asservatur, sive fabricatur. In plures ordines ea spatia distributa sunt, non æquali numero , sed prout in longum protenditur is locus, in quo sita sunt. Non multis ante diebus cum Venetiis essem, de integro contemplandi cupido me incessit, quicquid erat apparatus in toto navali; neque verò grave mihi duxi, cunctos eos ordines singulatim adire, & coram invisere, ut commodè cernerem genus omne navigiorum, quod sub tectis esset, aut inchoatum, aut omnino perfectum; ejusmodi sunt & triremes, & biremes, & phaseli, & quinqueremes onerariæ ad merces convehendas ex Beryto, Alexandria, Africa, atque Belgio, quamvis Belgica negociatio in præsentia refrixit. Duo quoque Bucentauri, quod navigii genus in ceremoniis tantum solemnibus adhiberi solet, principibusque viris suscipiendis, quo tempore statuunt ad urbem nostram proficisci; sunt etiam quædam triremes insignitæ his duabus literis, C. X. quæ concilii x-virum nota est, ostenditque, eas in concilii illius potestate, prætereà verò nullius

Magi-



Magistratus esse; quod quidē ea de causa institutum fuit, ut si quid accideret improvisum atque inopinatum, semper essent ad man<sup>9</sup> promptæ aliquot triremes. Cūcta verò navigia nō sunt instructa, cūm alia sint inchoata, paulatimq; absolvantur, alia, quæ vitium fecerunt, reficiantur; sed urgente necessitate brevi adornarentur; siquidem nihil aliud opus esset, quā fabrorū, operariorumque numerum augere. Sunt præter hæc apparatus cuique suæ tributæ sedes, utpote tormentorum bellicorum, & utriusque generis armorum, quæ ad vim cūm inferendam, tūm propulsandam necessaria sunt, anchorarum, gubernaculorum, malorum, velorum, & rudentum. Sunt etiam certa loca illis destinata, qui candentes laminas tractant, ut thoraces conflent, & feramenta, cum clavis quælibet fabrefacientibus, quæ ad navigiorum fabricationem necessaria sunt. In apparatu quoq; bombardarum, maximam vim reperi omnium tormentorum & majorum, & minorum, cujuscunque generis, utputa quas vocamus moschetras, falconetas, cannone, dimidiata, quadrantia, colubrinas, sacros, & his similia; continenter autem recentia conflare solent, & eorum materia in

hunc usum converti, quæ non sunt accommodata militiæ hujus nostræ ætatis, cujusmodi majora tormenta non pauca vidi ex eo genere, quod coagmentari & compingi solebat, cujus antiquis temporibus usus frequens erat; minora quoque navigiis tunc imponi solita magno numero inspexi ex ferro, quasi decurtata. In armamentario sunt arma, quibus instruuntur armatorum dena millia quolibet momento, multoque plures adhuc, necessitate imminente. Ad arcendam vim comparata sunt quædam capitis, atque pectoris integumenta, nec non thoraces multi ex eo genere, quod militiæ terrestri modò nihil esset utile. Ad inferendam quoque plurima spectantur, inprimis magna vis eorum, qui dicuntur sclop-pi, unâ cum eorum pyxidibus atque retinaculis, squari, machinæ, veruta, enses graviores, balistæ, Scythicæ arcus, omnia singulari apparatu collocata, & ordine. Longum esset particulatim universa consequi. Tu cum eas Venetias invisurus es, coràm inter cætera hoc ipsum navale, in quo contemplari poteris hæc à me recensita, & alia multa, quæ prætereo consulo, ne molestior sim. Hoc unum tamen silentio non est transcendendum, in Ducario propter



pter Ducis habitationem apparatus armorum quemdam conservari, qui satis esse queat hominibus armandis propè mille & quingentis, ob eam rem à majoribus nostris institutum, ut facillè coërcerentur, atque opprimerentur, si qui contra rempublicam fierent domestici imperus, qualis fuit conspiratio Baiamontis Theupuli, quo tempore Dux erat Petrus Gradonicus, inauguratus anno M C C X C; & quam Marinus Falerius iniit, Dux quinquagesimus quintus, electus anno M C C C L I V. Fuerat autem id consilii Baiamonti Theupulo, ut auxiliis popularium instructus Ducarium invaderet, ibique Ducem obruncaret, & quoscunque Patricii generis viros posset comprehendere, ut occuparet tyrannidem nostræ civitatis. Sed imbrium magna vi de cœlo ingruente, quibus ita conjurationis participes impediti fuerunt, ut minimè ad tempus adfuerint, factum est, ut consilia & conatus omnes ad nihilum reciderint. Nam Duci & Patriciis omnibus datum inde fuit, ut maturè consulerent capiti, atque rebus suis, & ipse Dux conjuratorum cum fugæ se daret per eam viam, quæ ab æde Marcia fert ad Rivum altum, à muliere interiit lapidea pila desuper ex

fenestra ictus. Marinus autem Falerius cum Dux esset, non contentus eo fastigio, tyrannidem cogitabat, Patri-  
ciisque viris eadem moliebatur. Sed unius ex conjuratorum numero pro-  
ditus indicio, amisit eam vitam, qua minimè sunt digni homines nefarii, siqui conantur opprimere patriam suam tyrannide. Ut igitur impressio-  
nes ejusmodi prohiberentur, majores nostri statuerunt, & dederunt ope-  
ram, ut semper instructum esset Ducarium ea copia armorum, quæ cunctis ad tuitionem atque custodiam oppor-  
tunè suppeterent. Quod autem spectat ad bella, quæ gessere majores nostri, fuerunt ea solemnia reipublicæ, atque continentia cum Imperatoribus Græ-  
cis, & Vngaris Regibus, sed antiquis temporibus, non recenti hominum memoria. Nam posteaquam Turcæ in Græcia dominati sunt, non minùs Vngari, quàm nos ipsi coacti fuimus eorum vim arcere atque propugnare; quapropter amplificatio imperii nulla deinde contigit; sed quicquid insula-  
rum tenemus in Ionio, & Ægeò mari, oppidorumq; in maritimis Istriae, Dal-  
matiae, Illyrici, & Peloponnesi, id eorum bellorum præmium fuit, quæ con-  
fecta sunt olim contra Vngaros, &

Græcos.

Græcos. In Syria quoque commisimus multa prælia, non modò cum populis alienis à Christiano ritu, sed etiam cum Liguribus, sive Genuensibus, in qua dimicatione & concerratione tam aduersa fortuna semel usi fuimus, ut cogitandum fuerit de laribus defendendis; ad extremum tamen insigni virtute atque fortitudine Victoris Pisani, Caroli Zeni, Iacobi Cafalli Veronensis, & aliorum præterea Ducum, vicimus egregiè. Posthæc in Gallia Cisalpina bella inchoata sunt, in quibus multa secundissima nobis evenerunt, eaq; cum imperii propagatio, tum opus accessio, quæ Christianis Principibus omnibus formidolosissima evasit, & necesse fuit illis unà fœdus icere, molientibus eam suspectam vim nonnihil deprimere; hinc Abduana clades illa, & imperii amissio, quantumcunque nobis fuerat in Longobardorum regione. Tandem cunctando fortunæ vim ita fregimus, ut propè amissum imperium omne receperimus, recuperata quoque pristina dignitate; inde factum est, ut Francisco Rege proximè in bello capto, illius potentiam atque minas minimè horuerimus, qui terrorem incutiebat Italix, Gallixque universæ, immò verò eidem in præsentia bellum indixerimus.

mus, cujus exitus felices quidem auguramur, si modò in pulcherrimam hanc provinciam perbenignè intendere superi adhuc propitii, & volentes omnes constituerint. De finitimorum viribus nihil attinet dicere, quæ omnibus sunt perspectissimæ, maximeque cognitæ. Quis opes Turcicas ignorat, quot, quantæque sint? iis porrò ditio maritima reipubl. quaquaversus universa circumcluditur, & circumsedetur. Germaniæ verò, quantumvis magnæ, cum distractæ sint, hoc tempore non videntur valdè formidandæ, & qui res omnes illius provinciæ, rationesque tenent, facillimè animadvertere & cognoscere potest, ægrè admodum eas in unum contrahendas esse. Quæ si dissociatæ non existerent atque dissipatæ, nulli dubium est, quin multò plus terroris atque adèò periculi impenderet ab iis Italiæ, quàm ab ipsis Turcis. Sed percensere atque enumerare omnes eas rationes, quæ me in hanc sententiam adducunt, nimis longum esset. De Mediolano sollicita non est admodum respublica, nisi quando est in ditione atque potestate aut Galliarum Regis, aut ullius potentissimi Principis; tametsi res ita comparatæ sunt ejus principatus, ut non parum habeat nego-



negocii, quisquis eum possidet, in dominatu retinendo, atque defendendo. Reliqui sunt Mantuæ pariter, & Ferrariæ Duces, quorum opes atque vires tantæ non existunt, ut pertimescendæ sint à nobis, id quod omnes vident. De custodia regionis, atque tuitione (nam tertio loco superiùs hæc proposita fuerant) audisti, quam ratione, & quibus præsidiis terrestria, atque maritima quæq; tueamur, cum modò versaremur in ea narratione; quapropter nihil ampliùs fuerit hac in re immorandum. Hoc unum, quod quidem te latere nolo, tantummodò dicam, cum maiores nostri cognovissent, id re ipsa experti; amitti posse vel unica clade accepta, quicquid esset imperii sibi in continente, ab iisdem consilium initum fuisse, cunctas urbes atq; oppida ita muniendi, ut direptionibus & rapinis hostium non paterent, si quando exercitus reipublicæ dissipati essent. Quamobrem ab anno M D IX, usque ad hoc tempus, sex urbes communitas adeò firmavimus, nempe Taurisum, Patavium, Veronam, Brixiam, Bergomum, & Cretam, ut inexpugnabiles modò à cunctis habeantur. Bergomi munitiones sunt minùs aliquantò firmæ, quàm cæterarum urbium, ob col-

lis propinquitatem. Sola Vicetia relinquatur immunita, quę licet habeat collem quemdam ita sibi imminentem, ut magno sit impedimento ejus munitioni, nihilominus Bartholomęus Livianus, qui reipublicę copiarum summus dux fuit, exemplar quoddam effinxerat, atque excogitarat, quò tuta redderetur eadem ab hostium injuriis. Lemniacum oppidum inter Patavium atque Mantuam ad Athesim situm, in eo numero putatur, quo sunt quęque opportunissima, & qui pręsunt reipublicę, quemadmodum audio, assiduè instant atque urgent, ut communia-  
tur. Quarto loco rerum, quę importantur, atque exportantur, consideranda vis, atque genus fuerat. Hęc quoque non indigent propè ulla explicatione, cum manifestissima res sit, atque omnibus pateat, urbem nostram, quę in mari posita est, opus habere conventis universis rebus, quęcunque pertinent ad hominum vitam sustinendam, quippe cui plurima cum terra, & nulla cum aqua ratio, & communicatio necessaria palàm intercedit. Quę solent exportari, non alia sunt, quàm panni sive serici, sive lanci, alięque mercēs permultę variorum generum, solertia laboreque artificum nostrorum confecta.

fecta. Plurimas etiam mercatores convehentes inferunt ex Africa, & Alexandria, nec non ex Beryto, quæ postea diffundi solent per has omnes provincias. Ultimo loco proposita erat legum latio; quæ res spectat ad aliud genus disputationis, quod esset instituentum, si tu intelligere cuperes, utrum reipublicæ nostræ ratio sit simplex, an composita; cuiusnam verò formæ, si simplex, aut in quam magis propendeat, si composita; quæ tecum ipse cogitare potes atque examinare, cognitis & perspectis rebus omnibus, in quibus est posita. Quod si alterius audire malis hac de re sententiam, cumulatissimè tibi satisfieri poterit à Nicolao Leonico Duce Patavino, qui cum sit insignis Philosophus, & peritissimus omnium, multò amplius differet his de rebus, quàm quilibet alius. Exposui tibi administrationem nostræ reipubl. quàm brevissimè, & quàm facillimè fieri potuit. Si quid amplius desideras, polliceor, atque adeò recipio, non recusaturum me hos ipsos sermones repetere, quoad omnia probè comprehendas, atque ita percalleas, ut communicare possis eadem cum amicis tuis. IOAN. Satis est, superque factum desiderio meo, & puto me institutionem



nem vestræ reipublicæ non minùs tenere, quàm si ego educatus in ipsa, atque natus essem. Propediem me Venetias iturum confido, ibique à nobilissimo viro Hieronymo Quirino, privatorum Magistratum quænam sit jurisdictio, intelligam. Post hæc à Nicolao Leonico percunctor ea, quæ modò dicebas: non enim decet laborare ac defatigari unum tot in rebus. Certè quicquid laboris hodie causa mea suscepisti, de hoc plurimùm te amo, plurimumque debeo. Quod si pateretur id amicitia nostra, pollicerer tibi vicissim, quicquid operæ ac studii ab amico gratissimo carissimoque proficisci potest. Quibus dictis omnes illicò surreximus, & ad viridarium perreximus, in quo invenimus Bembum cum aliquot nobilissimis viris deambulantem, atque conferentem. Ad hos progredientes quoque nos adjunximus, atque una circuivimus totum viridarium sæpius. Inclinatam verò cernentes ad vesperam diem omnes postea discessimus, & admodum læti ex eo congressu domos nostras revenimus.

F. I. N. I. S.



I N  
DONATVM IANNOTIVM  
E T  
CASPAREM CONTARENVM  
Cardinalem,  
D E  
REPVBLICA VENETA,  
N O T Æ.

A D  
*Eruditissimum Virum, & Sena-  
torem Amplissimum*  
DOMINICVM MOLINVM.



LVGDVNI BATAVORVM  
Ex Officinâ ELZEVIRIANA,  

---

cld Io c xxxi.





*Eruditissimo Viro, atque Veneto  
Senatori amplissimo,*

DOMINICO MOLINO,

NICOLAUS CRASSVS

S. P. D.

**O** Fero tibi, Moline, Senator amplissime, Notas, quæ iussu, & auspiciis tuis ad Iannotium, & Contarenam conscriptæ sunt: exiguum profectò munus, sed multis nominibus tibi debitum. Tu namq; literatorum Mæcenæ, & Princeps, eorum omnium, quæ studiis atq; doctrinis dediti sunt, scripta iure quodam tuo tibi vendicas. Cum verò nihil Patriæ libertate, atq; amplitudine sanctius & antiquius habeas, hæc nostra qualiacunque sint, quæ ad Venetæ

T 2

reipu-

reipublica splendorem, & dignitatem pertinent, tibi quidem uni, & hercule merito tuo debentur, præterea nemini. Quid? quòd tu non solum in causâ fuisti, ut huic operi manus admoverem, sed multa adiumenta subministraſti, ut à te profectum opus, ad te reverti meritissimo videatur. Accipe igitur ab homine, qui iam inde à patre, & maioribus est in are tuo, æternum hoc non grati minus, quàm devincti animi testimonium: cumque pro ingentibus meritis in me tuis, viriumque mearum imbecillitate non sim solvendo, concede saltem, ut levi hoc munusculo omnia tuâ causâ & velle, & debere non modò fatear, sed etiam profitear, & præ me feram. Vale.



IN DONATVM IANNOTIVM,  
ET CASPAREM CONTRA-  
RENV M Cardinalem,

D E

R E P V B L. V E N E T,

N O T A.



NOT. I. *Et quoniam sermo  
primùm habitus fuit, &c.]*  
De Veneta republica tria  
proponit Iannotius tra-  
ctanda, quæ totidem dia-  
logis complecti instituerat. Ex his de-  
siderantur postremi duo, aut non editi  
in lucem, aut ab implicito occupatio-  
nibus aliis nunquam conscripti. Ve-  
runtamen ea, quæ altero dialogo de  
singulis Magistratibus fuerant expli-  
canda, memoriæ prodidit eruditissi-  
mus, atque illustrissimus vir Caspar  
Contareus, ex quibus expleri pote-  
runt ea, quæ desunt huic loco: quod-  
que pariter dialogo tertio disputan-  
dum fuerat de genere, sive forma Ve-  
netæ reipublicæ. Nos ejusdem Contra-  
reni opinionem explicaturi pertracta-  
bimus, ut huic quoque desiderio satis  
à nobis fiat.

NOT. II. *In quorum numero est,*

T 3

no

*ne quid te celem. M. Antonius Sabellicus.*] Satis acriter Auctor hoc loco perstringit Sabellicum, quem apertissime assentationis nomine condemnat; qui, ut vulnus altius infligat, talem civem, & Patritium Venetum, qualis Trypho Gabriellus fuit, summa opinione integritatis, atque innocentiae hæc differentem inducit, quæ tamen ab eo profecta nullo modo existimo, sed ab ipso Iannotio in Sabellicum non benè animato, qua de causa, incertum: non enim decet iudicium interponere in re minimè nota. Ab Iannotio certè, quod constat, Bodinus hausit, vir doctrina varia, & multiplici, magnaue eloquentia, sed præcipiti nimis ad res innovandas ingenio, & ad optimis quibusque auctoribus detrahendum maximè proclivi. Insectatur is quam acerbissime pluribus in locis, sed præcipuè cap. 4. suæ methodi Antonium Sabellicum, quem incessit his verbis. *Quis autem risum tenere possit, qui Sabellici scripta legat, ubi Venetorum bella cum Romanis gestis comparat. At ne Donatus quidem Iannotius civis Venetus istam comparisonem ferre potuit. Equidem Bodino Iannotius eam gratiam debet, quod Venetus civis è Florentino sit repente factus: quamquam id ut*  
 memo.

memoriæ lapsus excusari potest. Illud autem quam ratione excusari poterit, hominem, qui prudens atque sapiens haberi velit, ab alieno sic pendere iudicio atque sensu, ut temerè sententiam ferat incomperta re, aut certè non probè cognita, matureque perpensa. Nam si Bodinus ea, quæ Sabellicus scripsit, non oscitanter legisset, hanc Iannotii censuram minimè probasset, neque virum innocentissimum irrisisset, ne risus in se tandem consequerentur. Sed audiamus ipsum Sabellicum suis verbis loquentem. Volumus enim, ut non alius, quàm ipse, causam suam agat, & seipsum vindicet à calumniis per injuriam imposita. Hæc igitur ait in præfatione, seu proœmio suæ historiæ rerum Venetarum. *Fuerunt populorum quorundam, qui imperio quandoque potiti sunt, res, quis nesciat? magnificæ & amplæ, vel in primis Romanorum, quibus splendore ac magnitudine eorum, quæ foris gessere, strasse cedimus: verùm sanctitate legum, juris æquatione, innocentia, cæterisque sanctioribus institutis res Venetæ cum Romanis collatæ non modo non deteriores illis, sed longè etiam, adfit modò æquus iudex, meliores reperirentur. Fatur ergò Sabellicus ingenuè id, quod*

res est, neque amplitudine imperii, neque rerum gestarum gloria Romanæ reipubl. Venetam exæquandam; alia tamen quædam esse, quibus eadem meritò videri queat non solum par, sed superior; cujusmodi sunt sanctitas legum, juris æquatio, innocentia, innata libertas, quin etiam originis primordia, quæ probat honestiora multò accidisse, & nobiliora Venetæ urbi, quàm Romanæ. Hæc autem, præterquam quod ab omnibus uno fermè ore celebrantur, sunt ferè eadem, aut certè non diversa multum ab iis, quæ Iannotius hic tradit, ut satis mirati nequeam, quid illi venerit in mentem, accusare Sabellicum plane sibi consentientem. Nam licet idem non semel in suis historiis inter se contulerit gesta utriusque reipublicæ, nullibi tamen, quod sciam, vel potentiam, vel imperium æquavit; sed in quibusdam rebus tantum eventa, pericula, labores, consilia, fortunæ varietates, atque id genus alia notavit, in quibus cum multa inveniret inter se quam simillima, operæpretium duxit, quam speciem & similitudinem in iis cognovisset, eandem quoque spectandam aliis exhibere. Hac ratione ductus Decadis primæ libro secundo bellum à Gallis Senonibus urbi



urbi Romæ illatum, quod ad sedes Capitolas usque pervasit, composuit bello, quo Galli, Pipino Duce, in intima hæc æstuaria penetrarunt, imminentes Rivo. Alto, quo tanquam intutissimam arcem, Metamauco relicto, Veneti Magistratus, & cives omnes commigrarant. Cum autem multa percenseret in ea collatione, quæ viderentur utrinque esse quam simillima, id, in quo tam Romana fortuna superior, quàm virtus apparuit, minimè prætermisit, immò verò prædicavit iis verbis: *Verum in eo Romana virtus clarior, quod hostes ad unum cæsi sunt.* Sic etiam initio primi libri secundæ Decadis bella descripturus contra Genuenses suscepta, præfatur, ea simillimam videri sibi habere speciem cum iis, quæ Romanus populus cum Carthaginensibus olim gessit. Enumeratis autem iis, quæ conflare hanc similitudinem sibi viderentur, tandem ita concludit. *Eventus si non idem, non tamen omninò diversus. Excidit Carthago illa ingens: superba Genua abjectis armis, quia plus non potuit, victoribus Venetis perpetuò cæsit.* Quid habent hæc verba, quod justè reprehendi valeat? Nonne sincerè veritatis expressam confessionem continent? Vbinam

assentatio? Vbi mentiendi libido? Non erat igitur, cur Iannotius iniquè carperet: multoque minus, cur Bodinus irrideret, & petulanter inveheretur in virum innocentissimum, qui satis bona fide Venetos cum Romanis contulit.

NOT. III. *Cum tamen idem multa præterierit.*] Quid præterierit Sabellicus, nescio; illud verò scio, memoriæ commendasse quamplurima, ab ipsa veritate, mirum, quantū disjuncta, & procul remota: non quidem dedita opera, absit ab innocentissimo viro tantum criminis, sed quia natus alieno solo, & ab iis monumentis destitutus, è quibus veritas erui solet. Illud verò non satis mirari possum, multos fuisse rerum Venetarum scriptores, qui ex eo non pauca ejus generis transcripserint: longum esset recensere, quoties historicus ille offenderit. Sed exemplo esse possunt, quæ de Francisco Dandulo Duce litteris mandavit, cui cum paternum esset, & avitum, ac gentile cognomentum Canis; fabellam ex eo haud inveniustam aut concinnavit, aut transcripsit: Ducem ipsum, antequam Principatum adeptus esset, ad Romanum Pontificem oratorem, ut eum Venetæ reipublicæ, cui sacris interdixerat, conciliaret, cum neque  
audiri,

audiri, neque coram admitti ab irato Pontifice posset, clam accessisse, dum ille pranderet, prostratumq; sub mensa, uti canes soliti sunt, & pedes amplexus quaecumque petebat, obtinuisse, indeq; Canis cognomentum nactum. Attamen scimus nos, & cuilibet facile notum esse potest, non modò ex iis litteris, quæ anno à Christo nato 1280, Ioh. Dandulus Dux dedit ad externos Principes, in quibus disertè scripsit. *Ordinamus Nobiles, & sapientes viros Marcum Quirinum, Ioannem Canem Dandulum, & Iacobum Theupolum Ambassadors, &c.* & ex iis, quæ Petrus Guilombardus in suorum temporum historia memoriæ tradidit. *Franciscum Dandulum, filiumq; D. Ioannis Canis electum fuisse Ducem 8 Ianuarii 1328.* quæ cuncta litteris consignavit Franciscus Sansovinus: sed multò magis ex multis antiquissimis contractibus, & testamentis Dandulæ gentis, & ex publicis fastorum tabulis, quæ consilia vocant, non modò patrem, & avum Francisci ipsius Ducis, sed plures alios ex ea familia Canes appellatos: Quæ cuncta apud se habet Dominicus Molinus, Senator amplissimus, & cui res publica literaria non minus, quàm Veneta plurimum debet.

NOT. IV. *Nam perspicies in hac no-*  
*straratione.*] Si quid Iannotius culpat,  
 id quàm avidissimè arripit, sed nō tam  
 facilè assentitur Bodinus, si quid ille  
 probat. Nam propensissimus est ad  
 maledicendum, quod sanè ingenii quo-  
 dam vitio, sive morbo facit; præcipuè  
 verò quodam odio imbutus in rem-  
 publ. Venetam nihil non agit, ut ejus-  
 dem existimatione imminuat, & splen-  
 dorem obscuret. Itaq; quam præstan-  
 tissimam affirmat Iannotius, & ex an-  
 tiquis rebus publicis nulli inferiorem,  
 hanc ipse infra omnes abiicit, abje-  
 ctamque obterit. *Aut, inquit, præ-*  
*stantia Venetorum est in bellica virtu-*  
*te, aut in legum æquitate, aut in im-*  
*perii magnitudine, & opibus, aut in*  
*artium varietate.* Hæc à se ita enu-  
 merata cuncta iisdem detrahit, tametsi  
 non nihil hære cogitur in legum præ-  
 stantia. Sed veritas facilè contra ho-  
 minum ingenia, calliditatem, soler-  
 tiam, contraque fictas omnium insi-  
 dias se per se ipsam defendit. In enu-  
 meratione sua prætermisit Bodinus u-  
 nam ex partibus præcipuis, quæ quia  
 in civili administratione cuncta sibi  
 vendicat, à Philosophis appellatur ci-  
 vilis virtus, aut etiam absolutè virtus:  
 Callidè verò satis, atque fraudulenter  
 id,



id, quod erat caput, subjecit tanquam appendicem, cum ait: *Veneti si qua virtute, profecto consiliis, & prudentia præstant; aliarum virtutum laudem, nec illis eripere, nec concedere velim majorem, quam aliis.* Ab homine vel invito hanc vocem veritas expressit, ut, dum tribueret Venetis id, quod erat maximû, cogeretur approbare ex ea confessione summam reipub. præstantiam atq; dignitatem, in qua potissimum vigeret, ac eniteret ea virtus, quæ, ut docet Aristoteles III. Politicorum, cum tam parentibus, quàm imperantibus aliæ sint communes; ipsa duntaxat imperantium propria virtus est. Attamen Bodinus eam non attingit, nisi per quam leviter: inter præcipuas partes certè non enumerat: quanquam ea, quæ recenset omnia, sunt quasi asciticia, nihilque, excepta præstantia legum, reipub. insitum. Nam bellica virtus eatenus est necessaria, quoad incolumitas reipub. ac dignitas defendenda est acriter: alioqui pro animi libidine lacescere bello, & immerentes vexare non censetur æquum, & multo minus liberos homines libertate spoliare. Quo fit, ut etiam propagare imperium, quod gloriosissimum habetur, finitimasque regiones

giones ditioni suæ adjungere, multo sæpius aliquid criminis, quàm laudis veræ habeat. Cur autem Veneti suum imperium latius non protulerint, causas multiplices atque varias copiosè refert vir liberalibus disciplinis, & eloquentia nominis, quàm generis splendore, & amplissimis dignitatibus nobilissimus Paulus Paruta in suis disputationibus politicis, quas Italicè scripsit. Sed caput illud est; suis contentos fuissè, aliena nunquam appetivissè priuscos illos Venetos, quippe qui non alia de causa in æstuaria cõvenerant, quàm ut hostium impetus effugerent, pacatèque viverent: id verò moderationis, atque justitiæ, non imbecillitatis, aut desidiæ argumentum est. Siquidem classes instructissimæ, longeque ornatissimæ frequenter emissæ, & omnes apparatus bellici paratissimi: resque tot, tantæque præclarè, fortiter, & feliciter gestæ, quibus omnes historiæ refertissimæ sunt, satis superque mendacii, immò verò summæ malevolentia & livoris coarguunt Bodinum agentem, *Venetos bellica laude omnibus ferè populis inferiores esse.* Quod si perpetuo bello pacem præverterunt, & non nisi provocati maximis injuriis, aut religionis, & Italica libertatis causa

ani-

animum induxerunt, ut arma tandem  
sumerent, facile quoque deponenda,  
ubi res & occasio ita postularer; opti-  
mo consilio sunt usq; , & adducti ea ra-  
tione, quod, ut Aristoteles ait, 7. Polit.  
*Finis belli pax est, atque ocium negotii.*  
Qui verò solent incertis belli casibus  
se, suaque comittere, plurimùm etiam  
à fortuna pendere coguntur, & peri-  
clitari sæpè de salute, non de imperio  
tantùm. De Venetis opibus, quas idem  
Bodinus extenuat, dum publici ærarii  
inopiam quandam causatur, dabitur  
aliàs differendi opportunissimus locus.  
Sed profectò Bodinus ostendit, quam  
parum sapiat, qui pacis diuturnæ com-  
modis florentem Rempub. non di-  
stinguit ab ea, quæ tunc erat, cum  
Iannotius hæc scriberet, triennio tan-  
tum post obitum Ducis Leonardi Lau-  
redani ex diuturnis bellis afflicta, plu-  
rimumq; exhausta. Ferri autem nullo  
modo debet, neque potest, quod ait de  
religione, atque interserit alieno loco;  
complexus enim enumerando cam  
minimè fuerat: sed cum sciret, hoc  
nomine Venetos plurimum gloriari,  
quod religionem sinceram perpetuò  
coluissent, in qua esset eorum Respub.  
educata, & orta, conatus est hanc illis  
laudem eripere, aut certè imminuere,  
dum

dum ait, *Venetos non curare magnopere, quam quæque religionem privatim colat*, idque ex eo colligit, quod Pontificibus quæstiones impietatis ademerint. Vtrumquæ falsum; nihil enim adimi cuiquam potest, quod ei nõ fuerit permissum; permitti verò non potuit, antequam fuerit institutum. Quæstiones autem impietatis in Venetia ditione jam inde ab anno 1289, à Christo nato haberi cœptæ, Marino Mauroceno Duce, non quidem ex Pontificis Max. decreto, aut sacræ, ut vocant, inquisitionis tribunali erecto: sed pro Veneta pietate, quod os maximè debet obstruere Bodino, ab ipso Duce probo viro ex reipub. decreto constituti, ut Annalium verbis utar, pro inquirendis hæreticis, quos invētos, & Prælatorū judicio damnatos, Dux comburare teneretur. Tribunal verò, quod modò videmus, non ita longo intervallo permissum est Ecclesiasticis viris: Sed ubi primū à Senatu concessum, ea cautio est adhibita, ne specie religionis innocentes oppressi, vel in discrimen capitis adducerentur, vel bonis atq; fortunis everterentur. Quapropter optimo consilio institutum fuit, ut ex ordine Patritio tres viri designarentur summa cū dignitate, tūm prudentia præ-



præditi, qui rebus omnibus adessent, iisque probè cognitis, tum demum pronuciari sententiam permetterent, cum res teneretur, omnisque fraudis aut malitiæ suspicio abesset. Nam semper Venetæ reipublicæ id propositum fuit, ut exteros etiam & peregrinos, nedum cives suos, præstaret ab omni violentia & injuria tutos, & ne calumniis atque fraudibus locus ullus esset, quibus innocentium hominum vita periclitaretur, aut existimatio graviter offenderetur. Hinc ea libertas tanto perè celebrata, quæ communis est omnibus iis, qui Venetiis agunt, in earum rerum, quas quisque possidet, tuta possessione, & in tranquillitate quadam animi sita, quæ nullas metuit insidias, nullam vim reformidat, & quacunque ratione libet, suam vitam instituit; quandoquidem in tam ampla civitate ac negotiosa, nulli aut pauci sunt, qui actiones hominum vel malignè, vel curiosè observent. Bodinus autem, qui perversè cuncta interpretatur, hanc vivendi, prout dixi, liberam facultatem flagitiorum licentiam vocat, & impunitatem; perinde ac si apud Venetos nullæ pœnæ constitutæ essent, quibus homines à facinoribus abstererentur, nullaque animadversione

fontes plecterentur. Atqui de legum ipsarum æquitate & præstantia, quia nihil habebat, quod reprehenderet, eum maximè cuperet, rem dissimulandam putavit, atque id tantum protulit, ex moribus civium eandem fore intelligendam: eos tamen quin prudentiæ nomine plurimum commendaret, vi veritatis impulsus, ut dixi, facere non potuit. Ultimum enumerationis membrum fuit artium varietas: sed artium nomine non tantum opificia, verùm etiam, ut paulò post explicat, mercaturam accipit, quæ certè multum confert ad rerum affluentiam & copiam, cujus rei gratia civitates frequentari solent. Navarunt huic operam prisca Veneti, atque ita navarunt, ut non modò quàm affluentissimam & copiosissimam, sed commune quoddam emporium orientis, occidentisque constituerint eam urbem, in qua nihil erat initio ex iis, quæ spectant ad victum, præter salinas, & piscationes. Quamvis autem, ut sunt res omnes humanæ vicissitudini obnoxia, ex quo patefacta est Lusitanis navigatio in Indiam, negotiationibus aromatum interceptis, quæ juxta frequentes erant, atque quæstuosæ, non nihil in urbe Veneta refrixerint mercaturæ studia: non  
tamen



tamen hæc ita intermissa, & abjecta sunt, ut veterem suam celebritatem civitas amiserit, quæ plurimum adhuc frequentari solet, non solum à finitimis populis, sed à remotissimis gentibus. Cives profectò Veneti non tam multi, quàm olim maria navigando transmittunt, & ad longinqua loca proficiscuntur mercaturæ causâ: sed nunquid reipubl. dignitas in eo posita est, ut sui potius cives mercaturam exerceant, quàm convenæ, atque exteri? Si Bodinus hoc ita sentit, fateri etiam debet, universa opificia, quæ cum mercatura conjungit, ut inde colligat argumentum reipubl. benè constitutæ, non ab aliis, quàm ab iis, qui gubernacula tenent, exercenda, quod certè non minus absurdum, quàm ridiculum foret. Sed profecto non sanæ mentis argumentum est, quæ adventicia & adjuncta sunt, illa consecrari, quæ verò penitus rem attingunt, non commemorare. Debuerat Bodinus in rebus iis recensendis, ex quibus præstantiam reipubl. spectari oporteret, Aristotelis mentem ac judicium sequi, qui scripsit Polit. 4. *Cujuslibet civilis administrationis tres partes sunt, quæ si rectè se habeant, necesse est, ut ipsa quoque civilis administratio rectè se habeat, & alia*

*distinguatur ab alia, quatenus harum singula distinguuntur. Ex his verò tribus partibus una est, quæ de publicis rebus deliberat; altera, quæ continet Magistratus, tertia, quæ judicia. Quoniam igitur cõsistit excellẽtia cujusvis reip. in iis tribus rebus, quæ sunt planè insitæ: age videamus in ipsa Veneta republica, quemadmodum singulæ se habeant, institutæque sint. De prima sic ait ipse Bodinus. Iam verò in consiliis de republica capiendû, atq; omninò in bellis suscipiendis, in percutiendis fœderibus, in tuenda pace, magna prudentia utuntur. De postrema quoque ita scribit. Hoc etiam magna laude dignum est, quod socios, & inquilinos summa juris æquabilitate fovent, peregrinos quoq; summa prosequuntur humanitate, &c. Medium tantum culpat, atque reprehendit iis verbis. Nullum reipub. malè constitutæ argumentum Platoni majus videtur, quàm Magistratum, & medicorum multitudo, quæ nusquam major fuit, quàm olim apud Athenienses, & his temporibus apud Venetos. Atque ita ex iis tribus capitibus, quibus administratio civilis tota continetur, in Veneta republica duo Bodinus probat, unum tantum improbat, multitudinem scilicet Magistratum, ex qua domi-*



dominandi libidinem, & opum quærendarum cupiditatem augeri docet; furta præterea, sordes, & corruptelas omnes plurimum inde ali: miratur ad extremum, cur Veneti, qui tam sapienter omnia, non patiantur etiam Censores creari, ut olim Romani, & his quoque temporibus Lucenses, & Genuenses. Quæ certè res arguit, eum reipubl. Venetæ rationem probè non tenuisse, neque satis attentè legisse hæc, quæ tantopere jactare solet ab Iannotio scripta, ex quibus faciliè cognoscere potuisset, Censores apud Venetos non desiderari, & non modò rationem, compescendi ambitus, sed etiam sordes & corruptelas, initam fuisse. Nam præter Censores ipsos, qui in ejusmodi inquirunt, instituti sunt etiam Triumviri, vulgo dicti Syndici, quorum munus est expendere, utrum res à Magistratibus actæ fuerint ex legum præscripto, & an peccatum sit aliquid per malitiam & fraudem ab iis, qui in provinciis publica munera exercent; quod etiam Triumviri Advocatores, ac Decemviri, summus reipubl. Magistratus, non raro cognoscunt, & si quid commissum fuerit, maxima severitate coërcent. Ad immoderatum verò luxum Magistratus creatus est, qui dicitur

ad Pompas, cujus etiam Iannotius ipse mentionem facit: ex quibus manifestum est, locum non habere, quæ Bodinus adjecit Venetis Magistratibus. Quod si vel cunctis vitiis remotis, in ipsa multitudine Magistratuum aliquid adhuc vitii residere putat, coargui facile potest hac ratione: quia multò celerius, expeditius, ac etiam melius res conficiuntur, quò plures operi manus admovent, & auxilio subeunt. Quapropter Aristoteles docet *Polit. 4*, in parvis civitatibus necessitate quadam fieri propter hominum paucitatem, ut uni Magistratui plura munera committenda sint, quod ait idem prorsus esse, ac *facere, ut Magistratus instar pyramidum earum sint, quæ multa lumina sustinent*; Sed in magnis urbibus, ubi magna est civium multitudo, oportere munera distingui, & plures Magistratus institui duplici de causa; altera, quia multi cives Magistratus adipisci non possunt, ubi Magistratus pauci instituti sunt; altera, quam superius attigi, quia *melius unumquodque opus absolvitur eo studio, quod in una tantum re ponitur, quàm eo, quod anxie in pluribus versatur*; ex quibus ita concludit: *quapropter nihil obstat, quominus plura studia, potestatesque aliquid jubeant*

*jubeant, non enim invicem se impediunt.*

Præsertim ubi res omnes prudenter ordinatæ sunt, & omnis multitudo convenit, atque in unum conspirat, quemadmodum Venetiis præclare institutum videmus, ut universa judicia tam de capite, quàm de fortunis, quæ per inferiores Magistratus exerceri solent, postremò referantur ad unum Quadraginta-virale collegium, cujus est ejus rei cognitio, & supremum arbitrium. Oportuerat igitur Bodinum, ne quid inconsultè proferret, non tantum descriptiones Magistratuum varias intueri, & reipubl. partes, quàm multæ sint: sed præcipuè observare, quàm forent eadem aptæ, connexæque ad invicem: & quam compositè, & concinnè singulæ distributæ; quo certè in genere plurimum excellit, & admirabilis Veneta respubl. meritò videtur. Confutatis à nobis, & rejectis iis, quæ temerè Bodinus reprehendit in Venetis Magistratibus, quorū varietas, numerus, & ordo magno publicis rebus ornamento est, ac emolumento: nulla non erit optimè constituta ex iis tribus partibus, quæ ab Aristotele commemorantur, ut præcipuæ, & insitæ: proindeque universa respubl. absoluta. Sunt præter hæc alia duo, non

quidem ut ipsæ causæ, sed effectus, & signa, ut Aristoteles ait Polit. 3. *Reipublica benè composita*: Vbi Carthaginiensium rempubl. utroque hoc nomine laudat, quod illius ordo diu integer permanferit, quodque nullas pertulerit seditiones memoratu dignas, nullamque tyrannidem. Hæc autem in Venetam rempubl. maximè conveniunt, de quibus extat præclarum Iannotii testimonium.

NOT. V. *Siquidem imperium, quod in tam multa secula, &c.*] Reipublicæ Venetæ præstantiam asserit Iannotius, & arguit ex iis duabus rebus, quæ consequuntur administrationem optimè ordinatam. Bodinus autem, ut hæc utraque Venetis eripiat, persuadere conatur, eos imperium stabile nullum habuisse ante Caroli & Nicephori tempora, quin etiam libertate donatos primum tunc fuisse. Ad hæc Iannotium adducit infra, sentientem, extitisse in Ducibus ipsis summam potestatem, & plane regium statum usq; ad tempora Sebastiani Ziani, annum scilicet à Christo nato 1175, quo tempore magnum concilium stabilitum ait; unde numerat usque ad tempus, quo ea scriberet, non plures, quàm annos circiter 360, qui certè numerus exiguus admodum est



est præ ævo millenario, quod jampridem sustinet; superavitque ipsa respub. penè altero seculo. Objicit etiam bella civilia media in urbe gesta, conjurationesque Bovonianas, Falerianas, Theupulanas, Bajamontanas, nec non graves & diuturnas; sic enim habet; *Iustinianorum, Scævolarum, Ieliorum, Bassærum seditiones, exilia, clades, atque insuper octodecim Duces supplicio, vel exilio affectos.* Iannotius quidem infra pauciores numerat (libet enim ὕστερον ἑστέρον respondere) sed hoc nihil refert; demus etiam multo plures necatos, vel extrusos fuisse: id profecto arguit, non fuisse in Ducibus regiam potestatem, ut Bodinus ex Iannotio tradit, cujus quidem rationes, seu verius conjecturæ sunt refellendæ suo loco: id in præsentia sufficiat tantum adnotasse. De seditionibus autem, & conjurationibus illud modò dixerim, quod Aristoteles de Carthaginensibus, *neque ullam seditionem extitisse memoratu dignam, neque ullum tyrannum.* Bajamontanam tantummodo conjurationem excipio, ex qua periculum ingens conflatum erat rei publicæ, quanquam non fuit in animo conjuratis libertatem evertere, sed inimicos, & adversarios depellere à gubernat.

bernaculis: quo fit, ut ea quoque non adversus patriam, sed adversus Ducem, privato nomine cōjuratorum hostem, habita fuerit. Gravissimum tamen inde incendium exarsit, quod non sine sanguine, & quorundam exitio restingui potuit. Cætera omnia conatus quosdam tantum habuerunt, qui maturè admodum sunt oppressi, priusquam erumperent, & aliquod vel minimum detrimentum reipubl. inferrent: neque verò tam multa fuerunt, quàm videri ea cupit, dum plura ex uno Bodinus facit, sed non benè. Nam Theupulanas, & Bajamontanas conjurationes, tanquam res omninò diversas distinguit ac separat, quia etiam multitudinis numero recensitas memorat, & præterea bella civilia media in urbe gesta, quæ quò plura videantur, adjicit etiam, *sæpè*: cum tamen in urbe non nisi semel fuerit dimicatum; idque in ipsa conjuratione Bajamontana, sive Theupulana, quæ non fuit alia atque alia, sed prorsus eadem, & una, ab eo, quem sibi Ducem conjurati præfecerant, nomina hæc adepta, Bajamonte ex Theupula nobilissima, & vetustissima gente. Reliquæ conjurationes sunt duæ, videlicet Bovoniana, & Faleriana, quæ sub ipsis initiis vindicatur

catæ nihil omninò obesse reipubl. potuerunt. Nam quæ antiquissimis temporibus proditæ fuerunt Scævolarum, Iuliorum, Basiliorum, aliarumque nobilium familiarum privatæ concertationes & digladiationes, hæ conjurationum loco atq; numero haberi non debent, propterea quod sibimetipsis, non reipubl. perniciem struebant. Atque ita summum fuerunt tres conjurationes, à quibus tamen ipsa respubl. nihil damni accepit; & ex his una tantum memoratu digna in tot annorum curriculo à reipubl. emenso, quot exacti fuerunt ad hæc nostra tempora, jam inde ab anno c D XXI, quo primum ea cœpit. Sed quia Bodinus hoc illi decus invidet, & pariter in dubium revocat diuturnitatem illius libertatis, hæc nobis à calumniis hominis fuerit vindicanda, qui duntaxat ad tempora Caroli, & Nicephori, quorum pactis accepisse Venetos libertatem ait, Venetæ reipubl. ortum, ac primordia rejicit: prius autē, quasdam rerum publicarum formas singulares fuisse, & à dispersis huc atque illuc in scopulis habitatum, quod tamen nullo modo probat, nec probare potest: verumtamen postulat, ut sibi tanquam Xenocrati injurato fides habeatur. Quia  
tamen

tamen apertissimè refellebatur creatione Ducum, qui cœpti sunt eligi anno D C X C V I I, vel ut ipse habet, anno D C C V I à Christo nato, conatus est, ut usurparet hæc tempora, tanquam prorsus eadem, intervallum interjectum quoque è medio tollere, quod tamen non erat minus uno seculo. Quid prodigiosum, & portentosum magis fieri queat, non video: sed facilè in angustias compellitur, qui regium tramitem deserit, & diverticula quærit. Quare tenetur Bodinus, nec evadere potest, quin republ. fuerit, ubi primum reipubl. Dux præfectus est. Nam postea Metamaucum ab Heraclea translata, tandemque à Metamauco in Rivum altum, Ducatus sedes nihilo magis remp. immutare potuit, quàm regnorum status ipsi Reges, ubi domicilium & sedem collocare statuunt modò in hoc, modò in illo suæ ditionis oppido. At enim, inquit Bodinus, saltem priusquam Dux unus crearetur, cujusque pagi suum jus erat, & imperium ab aliis divisum. Quis autem hoc ait? Siquidem ex antiquissimis annalibus licet intelligere, antequam Duces in republ. instituerentur, penes Magistros militum summum imperium fuisse, *qui Magistratus*, ut scribit Andreas



dreas Dandulus, *tribunatus* major erat  
*secundum Græcorum usum*, proindeque  
universæ reipublicæ præsidebat, ac tri-  
bunis omnibus. Vbi verò Dux institu-  
tus est, summum quidem jus, quod  
prius obtinebat, amisit, sed retinuit  
adhuc auctoritatem proximam à Duce;  
constat id apertissimè ex eo, quod an-  
nales scribunt, cum fines Veneri Du-  
catus essent statuendi ex fœdere inter  
Luitprandum Regem, & rempublicam  
inito, rem transactam esse per hos  
utrosque, Paulum Ducem, & Marcel-  
lum magistrum militum, qui eidem in  
Ducatu proximè successit. Urso quo-  
que, tertio Duce, interempto, cum  
illius administrationis pertæsum esset,  
credibile admodum est, ad antiquam  
reditum fuisse, magistroque militum  
imperium denuo restitutum, quoad  
iterum Ducem præfici reipublicæ pla-  
cuit. Ea verò semper una fuit eadem-  
que, quamvis aliis temporibus alios  
Magistratus habuerit, & ante Duces,  
vel Magistri militum præfuerint, vel  
tribuni: quorum nomina si vetustas  
obliteravit, nihil est admirandum, quæ  
Regum potentissimorum memoriam,  
immò verò gentium, & nationum,  
quamplurimarum omninò delevit. Cui  
verò Italiæ calamitates continuaren-

tur, à Barbaris miserè affectæ atque laceratæ, satis habebant sua pacatè ac tranquillè tueri, quicunque administrabant ea tempestate apud Venetos summam rerum, quæ tunc angustissimæ erant, atque tenuissimæ : quare in tanta barbarie, quæ tunc ubique vigebat, dum optimæ artes atque litteræ omnes conticescerent, unde res præclarissimæ interciderunt, quid mirum, si Venetæ nonnihil obscuratæ sunt? superest tamen epistola Cassiodori, quæ de priscorum Venetorum vita non pauca tradit, laudat nobilitatem, celebrat industriam, effert maximis laudibus innocentiam, & integritatem, attingit etiam nonnulla de administratione civili, de quibus alius erit dicendi locus. Extat etiam altera epistola Honorii Pontificis anno DCXXX. ad episcopos Istriæ, & Venetiæ scripta, in qua de Veneta republica fit mentio : unde apparet, Bodinum falsò tradidisse, plures eo tempore fuisse respublicas, & non unam tantum : quam hæc duo cohærere inter se non possunt, quæ manifestissimè pugnant pactis Nicephori, & Caroli (sic enim ipse ait) *Venetos libertatem primum accepisse, & habuisse formas reipublicæ antea singulares.* Nam quomodo non

tantum una respublica; sed plures apud illos erant, qui ea libertate carebant, quam nondum acceperant? Scitum illud est, mendacem esse memorem oportere, ne se ipse prodat. Fœdere quidem inter Carolum, & Nicephorum icto, cum omnes imperii provinciæ dividerentur, illud cautum fuit, ut Veneti libertatem suam retinerent, & propriis uterentur legibus, sicut antea solebant, utrumque imperatorem æquè ac simul reveriti, sed sive bello, sive pace censi neutrius partis, ut disertissimis verbis planè scribit Blondus, qui ex antiquissimis auctoribus se accepisse tradit. Verumtamen ob mercaturæ studia, quibus erant addicti, & propter ingentia commoda & emolumenta, quæ percipiebantur ex navigationibus in Orientem, unde res omnes cùm privatæ, tùm publicæ plurimum augebantur, visi sunt Veneti propendere cunctis temporibus magis in partes Orientalis, quàm Occidentalis imperii.

N O T. VI. *Portus ad Castellagemina.*] Castellorum portus scriptoribus multis est ad D. Nicolai, nomenq; sumit ab antiquissimo templo, & cœnobio Monachorum sancti Benedicti. Castella verò sunt eo situ, atque artificio

ficio constructa & communita, ut na-  
ves atque triremes, si portum ingredi  
velint, per viarum ambages non semel  
proram puppemque, & latera certissi-  
mis tormentorum ictibus necessario  
exponant.

NOT. VII. *Vbi navigia, quæ Patavio  
solvunt Venetias.*] Vt Medoacus amnis  
commode inserviret navigationi, nec  
tamen in æstuaria, quibus maximè res-  
publica consultum vellet, irrumperet:  
ad Lizlafusinam usque pars fluminis  
deducta erat; unde Clodiam versus  
traducebatur, ut in mare influeret:  
Dividebat eo loci Medoacum amnem  
ab æstuariis solidus agger, qui in cunei  
modum surgebat: machina ibi con-  
stituta tanta latitudine, ut commodè  
cymbas, & majora navigia, quæ flu-  
mina percurrere solent, recipere pos-  
set: ex hac trochleis, & ductariis fu-  
nibus demittebatur instrumentum  
quadrangulare, ex asseribus compa-  
ctum, multoque ferro munitum, quod  
currum vocabant; & cum ad aquam  
pervenisset, ita immergebatur, navi-  
culisque substernebatur, ut super ipso  
facile sponte sua constitui, atque fir-  
mari possent: Quo facto à duobus, vel  
pluribus hominibus, pro ponderis ac  
navigii magnitudine, trochleis ipsis,  
& du-



& ductariis funibus sensim trahebatur ad summum cuneum, moxque in aliam partem demittebatur, donec ad aquam perveniret: tunc verò, supernatante cymba, retrahebatur ad summum aggerem, ut quocunque accederent navigia, vel in Medoacum amnem, vel in æstuaria, ad ea evehenda demitteretur; pari namque ratione utrinque trahi, ac demitti facillimè poterat. At superioribus annis totus agger cum machina sublatus, sic enim æstuariis conducere visum est. Pars verò fluminis novo alveo navigabili, multò antequam ad Lizlafusinam pervenerit in mare, Clodiam versus derivata, atque adeo ne influere possit in æstuaria; quæ nunc novo Euripo Mauritianum usque perveniunt, novis machinis, quas Portas appellant, separata.

NOT. VIII. *Calles non ita multos facile comperias, qui binos homines, &c.]* Noctu, prout credo, Veneram urbem perlustravit Florentinus scriptor, aut potius scribere voluit, paucissimos esse calles, qui binos, aut etiam ternos homines pari gressu unà incedentes non admittant. Multæ sunt etiam viæ per amplæ, quas Venetiarum vulgus *Salicatas*, vel *Piscinas* appellat; multas

plateas, quas *campos* dicunt, & Sansoninus in iis, quæ de Veneta urbe scripsit LV recensuit.

NOR. IX. *Pons è ligno sublicius transversarius jungit*, &c. Existimant aliqui, sed perperam, fabricam hujus lignei pontis fuisse antiquissimam, repetendamque à priscis temporibus urbis conditæ. Veruntamen locupletissimus testis est Andreas Dandulus, cum nonnisi anno XII. Raynerii Zeni Ducis inchoatam, antea verò nihil penitus extitisse, quo pars utraque urbis continuaretur, intercurrente maximo Euripo determinata, quemadmodum his locis omnibus, quæ nunc vocantur *Trajectus*. Pons autem hic a *moneta* primum nomen invenit, propterea quod exemisset onus persolvendæ monetæ, hoc est exiguæ illius mercedis ex naulo, quod modò assè Veneto solet æstimari, semissè paucis jam annis, dimidio autem minus erat antiquis temporibus, quemadmodum scriptum reliquit idem Andreas Dandulus. Non prius igitur, quàm anno millesimo ducentesimo sexagesimo quarto pons, cujus meminit Iannotius, hic ex ligno factus. Anno







triginta cancellis ligneis circumseptus ad latera utrinque. His autem postea revulsis & dissipatis, cum mortalium multorum perniciē & strage, qui Fridericum Imperatorem urbem ineuntem conferti conglobatique simul in eo ponte spectabant, cancellorum loco officinæ sunt excitatæ, & in duos ordines divisæ, ponte in latitudinem aucto. Temporibus autem nostris ex Senatus Consulto pons ligneus omnino sublatus, & recens alter ex Istriano lapide fabricatus est: cujus anno à Christo nato millesimo quingentesimo octogesimo octavo fundamenta posita palis ex ulmo sedecim pedum altitudine, hinc & illinc impactis, pari fermè numero contignationes è larice desuper injectæ, crassissimis trabibus invicem compactæ, & connexæ: in iis ingentia marmorum fragmina ingesta & conferta, interstratis lateribus alternis, cæmentoque oblitis. His fundamentis jactis operosa moles elegantissima specie, & prospectu pulcherri-  
ma, in unum fornicem protenta maximum & amplissimum, non minori

descensus visitur. Regia tamen, seu media via, multo paucioribus gradibus aditur; reliquæ à lateribus duæ, pluribus, sed humilioribus pro varia trans-euntium opportunitate. Latera duo, quæ Euripum prospectant, perpetua columnarum serie ex Istriano marmore exornata.

IANNOT. Dicam igitur eos omnes, qui Venetiis degunt, tres in classes distributos esse, Popularium, Civium, Patriciorum.

CONTARENVS libro quinto de Republica, pagina trecentesima vigesima tertia; & libro primo, pagina ducentesima sexagesima octava.

NOT. X. Tripartita hæc divisio passim Venetiis auditur. Auctores etiam illi, qui bipartito diviserunt, ut Contarenius, in nobiles, atque populares, coacti sunt inde populares dividerè in duos ordines, infimæ plebis unum, honestioris generis alterum. Quamobrem satius erit hanc divisionem retinere, quam Triphoni Gabrielio acceptam refert Iannotius. Non me latet, in primis controversum esse, an, qui Venetiis appellari solent cives, re vera sint cives. Nam quia suffragium non ferunt in deliberando, & nullius publici

publici Magistratus insignia gerunt, propterea civium albo plerique illos exemerunt. Enimvero quæ varios populorum mœurs, & leges perscrutâti in historia occurrunt, fateri cogunt, non unum, sed permulta genera civium, ac diversa existere, ita ut civis definitio afferri nulla possit, quæ in omnes, qui dicuntur cives, ex æquo conveniat, sed prout in iis evenit, quæ analoga vocant, potissimum genus definitione propria explicandum sit, unde genera inferiora suo quæque ordine propriam rationem desumant eò evidentius, quò propiora fuerint præcipuo illi generi. Quapropter Aristoteles non cuncta civium genera (id enim tanta in varietate quâ poterat?) sed civium genus omnium longè præstantissimum definitione sua comprehendere instituit: cujus principis generis habita ratione difficile non foret intelligere cætera. Quo fit, ut meritò vel malignitatis, vel inscitiae damnetur Bodinus, qui temerè in re tam aperta maledicere ausus est Aristoteli. Non enim ubique nationum, & gentium, quod satis constat, iisdemque temporibus, eodem jure cives perpetuo extiterunt. Athenis Solonis lege sancitum erat, ut ab honoribus & Magistratibus arceretur

quarta civium classis, quæ multitudine  
 tres alias classes longè superabat, non  
 tamen excludebantur à judiciis, & à  
 jure concionis habendæ. In Romana  
 quoque republica contigisse legimus,  
 ut quidam optimo jure censerentur ci-  
 ves, quidam mediocri, quidam deter-  
 rimo; cujusmodi fuisse cùm alios po-  
 pulos, tùm Cerites accepimus, quibus  
 sine ullo suffragii jure data civitas fuit.  
 Qui vero dicuntur Venetiis cives, sive  
*Cittadini* ( ut vocis ipsius propria vis  
 materna lingua exprimatur ) quin ci-  
 vium numero habendi sint, negari  
 non potest, non quidem optimo jure,  
 quo duntaxat ii, qui nobiles sive Pa-  
 tritii vocantur; sed medio quodam  
 jure, & satis honesto. Nam præter ar-  
 cana reipublicæ, quæ cuncta eis con-  
 creduntur, obeunt etiam gravissima  
 munera persæpe in republ., funguntur  
 legationibus, quas vulgò Residentias  
 vocant, apud Duces, & proreges, mul-  
 tosque etiam principes, qui non sunt  
 infra regale nomen, & fastigium: ex-  
 ercent extra ordinem apud Imperato-  
 res ipsos, & supremos principes am-  
 plissima munera. Quin etiam ad ex-  
 pediendas & conficiendas res maximi  
 ponderis, horum civium fideli opera  
 respublica utitur, quod ex annalibus



Venetis, ac etiam ex vulgatis historiis in promptu est cognoscere. Quid? quod Iannotius inferius tradit, se non habere compertum, legem ullam existere, qua fuerit olim cautum atque sancitum, ne cives ulli nominarentur ab Electoribus, præterquam Patritii, aut ne ratio haberetur eorum in comitiis, si nominarentur: quod nos etiam nullo unquam tempore decretum invenire potuimus: Trierarchos quidem hoc ex ordine creatos aliquando legimus, & Cameracensi bello unus ex reipubl. ducibus fuit Aloysius Dardanus, qui legati nomen obtinuit Oriaci, & Mirani, totiusque illius continentis tractus, qui in proximo erat. Quod si aptitudine & facultate potius gerendorum munerum, quàm actu ipso gerendi, civis definiri debet (alioqui senes, & pueri cives non existerent, & ea pars civium non modica, quæ consulto abstinet honoribus) non video, quid repugnet, quominus ii, qui dicuntur cives, tales verè existant, & ab omnibus haberi, & possint, & debeant. Distinguenda sunt tamen hîc duo genera civium. Vnum, quod ab origine dicitur, atque in illos convenit, qui non modo patrem, avum, & proavum civem habuerunt, sed præterea sordidas

artes nunquã exercuisse tam se, quàm omnes illos probare possint; quod quidem apud Advocatores trium. viros fit solemni ritu, & publicis tabulis consignatur ejus rei memoria. Alterum genus est eorum civium, quorum majores non constat extitisse cives; ipsi tamen in urbe vel nati sunt, vel educati, vel, quod postremò lege definitum est, decennium saltem Venetiis commorati domicilium ac sedem ibidem fixerunt. Fruuntur ii sanè privilegiis Venetorum civium in portoriis, & vectigalibus potissimum, quæ dimidio minora persolvunt, quàm advenæ atque exteri. Veruntamen, ut à sordidis artibus abstineant, nihil est necesse. Non enim iis patet aditus ad ampla illa munera, quæ civibus ab origine permittuntur, præterea nemini. Caput hujus ordinis Magnus est Venetiarum Cancellarius, cui publici tabularii, suprema cura demandata est, & arcanis quibusque non modo Senatus, sed etiam concilii Decem. virum, & collegii præest, nihilque, quod veniat in deliberationem, aut in judicium, eum latet. Is togam Senatoriam, laxioribus manicis, purpurei aut violacei coloris, pro temporibus gerit, & maximo est in honore, quoad vivit, atque

que existimatione, ut Patritii omnes non gravatè ipsi locum cedant: post obitum verò publico funere effertur, quod frequentes patres, ac Dux ipse de more deducunt. Secundùm Magnum Cancellarium Quatuor-viri eminent, qui à secretis Decem virùm appellantur, atque aliis omnibus antecellunt dignitate. Succedunt alii xxiv qui Senatus excipiunt arcana, nec non acta describunt, & rerum maximarum consiliis interfunt; præter hos nulli ad secreta reipubl. admittuntur. Alii tabellionum, seu scribarum Ducalium tantum munere funguntur, qui dicuntur vel ordinarii, vel adsciti extra ordinem. Nam triplex ordo inter publicos scribas omninò intercedit, quorum ultimus gradū facit ad medium, & medius ad primum, factò prius tamen eruditionis atq; ingenii periculo. Licet iis porrò, qui cum imperio in provincias Patritii mittuntur, aut oratores destinantur ad maximos Principes, ex ordine scribarum medio unum, aut alterum secum ducere, qui litteris conscribendis inserviat. Inferioris ordinis adhibere aliquem non licet, nisi per Decem-virale concilium fortè copia fiat. Habent præterea cives ii, qui Originarii Venetiis vocantur, præter

eas, quas superius dixi, legationes, extra urbem alia non pauca honesta munera. Magnus regni Cretę Cancellarius habitu, incessu, & dignitate Veneto similis ex eorum ordine legitur, idque à majori Patritiorum concilio: Præfectus arcis Cremę, metallorum fodinis Vicarius, qui à Decem-viris olim, nunc à Senatu eliguntur, & alii non pauci. Plebei homines in urbe Veneta tertium locum tenent, qui, prout diversis artibus & negotiis vacant, in varia quoque collegia tribuuntur: ex his tamen alia sunt necessaria, alia libera. Nam cunctis opificibus imposita est necessitas non modo profitendi suam artem, quam in publico exercent, sed nomina etiam dandi in unum collegium, quod sortitur appellationem suam à genere opificii. Ejusmodi igitur collegia necessaria voco, in quibus is, qui principem locum obtinet, dici solet Gastaldio, qui cum assessoribus suis (vulgo *de Banca* vocant) jus habet non modò convocandi collegii, sed etiam ferendarum legum, vel abrogandarum, prout collegii utilitas, & ratio temporum postulat: leges tamen ab illis propositę, & consensu majoris partis è collegio firmatę, nisi ab Ædilibus sancitę, & approbatę fuerint, nihil roboris habent,



bent, quinimo irritæ censentur: Hæc igitur collegia tot numero existunt, quot genera opificiorum publicè exercentur. Quæ verò pietatis ergò duntaxat instituta sunt, quæ multò plura existunt, hæc libera nuncupo, propterea quod nonnisi volentes admittunt, nolentes non cogunt. In singulis templis, & sacris ædibus, quæ sunt longè plurimæ, binæ minimùm Fratriæ, vulgo scholas vocant, sive Confraternitates; altera, quæ sanctissimi nomine sacramenti insignitur; altera, quæ Deiparæ Virgini est dedicata: sed præterea vix ullum delubrum aut sacellum extat, in quo Viri sancti alicujus celebritas non recolatur: ex quo fit, ut horum Collegiorum prope infinitus sit numerus, in quibus omnibus plebei homines honores adipiscuntur. Patritii namque, & cives, licet pro eorum pietate in collegium cooptentur, & stipem conferant, à dignitatibus abstinent. Obtinent verò cives sex amplissima collegia; sex urbis regionibus attributa, & magnarum scholarum titulo donata. Ex his binæ sanctissimæ Virgini consecratæ sunt; una quidem Charitatis nomine antiquissima, altera verò Misericordiæ addito cognomine: binæ quoque duobus Evangelii scriptoribus

ribus dedicatæ D. Ioanni, qui Apostolorum omnium Christo fuit charissimus, & D. Marco civitatis Venetæ patrono; totidem duobus cœlitibus Rocco, & Theodoro. Cooptare licet in has omne genus hominum, Patritii tamen suis honoribus contenti, ut civibus imperii speciem aliquam relinquant, quamvis in societatem adsciti, ad honores non admittuntur. Qui præfunt his collegiis, magno sunt in pretio, magnique custodes vocantur; eorum spectatæ fidei, atque integritati ingens pecuniæ numerus conceditur ex piorum hominum legatis atque largitionibus, tum ad inopiam & miseriam pauperum sublevandam, tum ad nubiles virgines collocandas. Assident iis alii nonnulli in eodem suggestu cum discrimine dignitatis, quæ vocabulo ipso designatur, Vicarii, Scribæ, Syndici, Decanorum, & Adjunctorum. Nonnulla verò tractandi, & conficiendi magnus custos cum illis, qui sibi assident, jus integrum habet: sed in rebus maximi ponderis ac momenti majus concilium convocare solent; cujus illi omnes sunt participes, quicumque perfuncti sunt munere aliquo in societate; nam qui nullos gesserunt honores, lege à concilio arcentur. Atque



que hæc de civibus , ac popularibus dicta sunt.

I A N N O T I V S. De Primordiis , atque incrementis nostræ civitatis, &c.

C O N T A R E N V S Pagina 10. lin. 27. In quibus mediis, ea regione, quæ Rivoaltus, &c.

N O T. XI. Multa fuerunt in stagnis oppida condita , multæque variis temporibus insulæ frequentatæ ab iis populis , qui barbarorum immanem sævitiam atque tyrannidem fugiebant: nihil tamen & celebrius & antiquius eo, quod stabile domicilium ac sedem præbuit libertati , Caroli Magni temporibus gremio suo complexum, quicquid per omnes insulas erat dissipatum. Huic igitur ad non obscurum futurorum omen, proprio Rivoalti nomine insignitæ insulæ, accepta Venetæ urbis origo non injuria refertur cum dignitatis, tum antiquitatis habita ratione. Nam prima inter omnes alias coli, & frequentari cœpta, quod perfugium tutissimum contineret adversus effera gentium impetum, primas quoque semper obtinuit, præterquam iis paucis, quibus Heraclea , & Metamaucum annis floruerunt. Cæterum de urbis origine fuit opinio duplex ,  
quæ

quarum alteram jamdiu comprobavit communis assensus ; anno scilicet quadringentesimo vigesimo primo, urbem conditam festo dte Annunciationis Deiparæ Virginis, qui dies urbis natalis semper habitus, solemni, & maxima religione à Venetis cultus. Altera verò opinio, quam sequi videtur Contarenus, ad Attilæ irruptionem usque rem protrahit, quasi vis alia Barbarorum nulla fuerit antea, qua mortales compelli potuerint ad hæc æstuaria, nihilque trepidatum temporibus illis, quibus Alaricus, Ataulphus, & Radagastus, ingentes copias secum in Italiam trahentes, terrorem & cladem plurimam Venetis intulerunt. Equidem si Alarici unius expeditio prima, qua Gotthis, Hunnis, & Alânis in societatem ascitis per saltus Tridentinos Venetiam irrupit xiv. Kal. Septembris, anno cdi. formidolosa cunctis Italis adeo usque fuit, ut quia à periculo & metu longius aberant, de Italia deferenda seriò cogitarent, adeundisque insulis Corsica, Sardinia, & Sicilia; quo animo Venetos extitisse tunc existimandum, quorum agros pervaserat tantus ille furor, urbesque omnes vel affligerat, vel planè subegerat? Nonne quod alii cogitabant, oportuit eos facere,



cere, ut uxores, & liberos, & fortunas suas in insulas transportarent, atq; eo promptius, quo pariter & periculum, & perfugium propius? Ergo ab honestissimis civibus frequentata, exinde nonnihil accessionis ad celebritatem, æstuaria cum suis insulis consequi cæperunt, antea non nisi à pauperibus, abjectisque hominibus, cujusmodi piscatores, & navicularii, habitari solita. Continuata posthæc Italiæ infortunia per alias próximas barbararum gentium irruptiones, quibus exposita Venetia prima semper fuit, accolæ impulerunt æstuariorum, ut mapalia, seu tuguria plura ædificarent, quò se reciperent, urgente aliquo discrimine. Non tamen probare possum eorum sententiam, qui periculi ab Attila imminentis declinandi causâ, nescio quem regem Patavii primum novæ urbis fabricandæ consilium cepisse, memoriæ prodiderunt: & quosdam etiam è suis civibus Rivum altum misisse magnis opibus, & consulari potestate præditos, quorum etiam nomina, si diis placet, recitant ex quodam vetustissimo monumento in tabulario Patavino, ut ajunt, reperto, quod quidem non gravabor adducere hoc loco, ut omnes videant, quanti quanti facien-

dum

336 IN DONAT. IANNOT.  
dum sit, expressum totidem verbis ex  
sermone vernaculo.

Anno à Christo nato CDXXI. ultimo  
verò Innocentii Papæ primi ex Apono  
oriundi, cum maxima gloria & felici-  
tate floreret Patavinum regnum, ad-  
ministrantibus rempublicam Galiano  
Fontana, Simone Glaucone, & An-  
tonio Gaulo Lovanio Coss. Honorio, &  
Theodosio Arcadii filio imperantibus:  
per Consules, & Senatum Patavinum  
decretum fuit, ut principes aliquot viri  
ex omnibus delecti ædificarent urbem  
propè Rivum altum, cogerentque in  
eandem omnes ex circumjacentibus in-  
sulis, & unum esset potius oppidum por-  
tuosum, quàm multa, ubi stationem ha-  
beret classis apparatus, maritimisque re-  
bus jugiter assueta, ad custodiam portus,  
perfugiumque, si quod bellum ingrueret,  
exhibendum longe tutissimam: Gottho-  
rum enim multitudine, insolentiaque  
perspecta tenere sese adhuc memoria,  
illos unà cum rege suo Alarico Italiam  
ingressos, reliquisse eam rapinis atque  
incendiis vastatam, ipsamque urbem  
infesto agmine petiisse, & direptioni  
mandasse. Quare præter eos motus,  
quos aliàs attulissent Gotthi, cives Pa-  
tavinos perceptis conatibus iis, qui ex  
Australibus, & Occidentalibus regio-  
nibus

nibus tunc per eos gliscerent, timore adductos statuisse, vel eo ipso anno CDXXI. XVII. Kal. Aprilis urbem condere, in qua perfugium compararetur, & portus juxta fluminis ostium, coacta universa multitudo in eum locum, cui nomen Rivo alto ex insula, & stagnis, atque adeo ex tota provincia. Urbem porro Venetias nominatum iri, biennioque prefuturos operi eo transmissos consules, à quibus fundamenta jacta VIII Kal. Aprilis circa meridiem: primos autem prefectos operi consules Albertum Faletrium, Thomam Candianum, & Zenonem Daulum: alteros consules Lucianum Paulum, Maximum Lucium, & Vgonem Fuscum.

Hoc dicitur exemplum esse illius monumenti, quod ex nescio quo Patavino tabulario fuerit depromptum, cum tamen ipsum Patavium dirutum, & solo æquatum sine ullis habitatoribus diutissimè manserit, & usque eo rerum Patavinarum memoria interierit, ut ne Patavini quidem ipsi negare audeant, quod à viris gravissimis testatum accepimus, ejus urbis nullam prorsus exstare memoriam ante Eccelini tyranni crudelissima tempora. Quid? quod in nostris Annalibus scriptum reperimus, Patavinos suis ora-



toribus ad Narsetem missis, dum Rāvennam per hæc æstuaria contenderet, id ab eo contendisse summo studio, sed frustra, quod antea non semel, & ab Odoacre, & à Theodorico; uti paludium stagnorumque possessione, quæ per injuriam sibi erepta criminabantur, Veneti deicerentur, atque expellerentur. Non igitur urbis conditores, sive primi auctores, quin potius hostes Patavini fuerunt, quoad oppugnati à Longobardis, & Patavio everso coacti sunt ad illos confugere, à quibus dissidebant. Quin ergo monumentum hoc falsum fictumque fuerit, nullus dubito: sed quia Scardeonio atque nonnullis rerum nostrarum scriptoribus imposuit, Veneti; nominis calumniator post homines natos nequissimus, ut libertati Venetæ notam inureret, hoc ipso tanquā firmissimo innititur fundamento, Patavinis subjectam ab ipso natali fuisse rempublicam nostram, operæ pretium existimo, decretum hoc, quod circumfertur ineptissimè & absurdissimè concinnatum, examinare: quot enim verba, totidem sunt expressa mendacia. Primum est, ultimum annum Innocentii primi à Christo nato fuisse cxxxī. cum ejus obitus contingerit quadriennio ante: successit



Zosimus, qui obiit anno duodevigesimo extremo: creatus fuit anno proximo Bonifacius primus, cujus anno post altero urbis fundamenta posita.

Alterum: Innocentium Pontificem fuisse oriundum ex Apono, qui locus à Patavio abest passuum quatuor millia. Impudentia scriptoris eminentis, aut summa imperitia, ut Patavinum faceret Pontificem; Aponum, sive Apontensem pro Albano ridiculè accepit.

Tertium: tunc regnum Patavinum ullum viguisse, quo tempore Imperatores rerum potiebantur: id verò nullus, quantumvis hebes & rudis, ignorare potest; licet ut muniat undique causam, perbelle mendax iste cum ipso regno, senatum, consules, cives Patavinos, rempublicam confundat.

Quartum: antequam Rivus altus edificaretur, hoc est, annum cxxx. extitisse complura oppidula per hæc stagna dispersa, ex quibus tunc una demum civitas coaluerit. Contigit hoc satis longo intervallo post, nimirum anno dcccix. Heraclea primùm, & Equilio funditus everfis: deinde Albiola, Clodia, Metamauco, & aliis, unde plurimum incrementi Rivo alto accessit, quemadmodum ex omnibus annalibus clarissimè constat. Sed ante

annum CDXXI. nullum erat in his paludibus oppidum, ac ne in summis quidem. Nisi quis velit ea, quæ Strabo scripsit de Aquileia, Adria, & aliis oppidis, quæ tunc temporis mari alluebantur ad Metamaucum, Heracliam, Equilium, & alias insulas, ineptissimè, ut scelestus nebulo fecit, atque prodigiosissimè traducere.

Quintum: inane studium ad custodiam & tutelam portus, cum nullæ barbarorum copię maritimæ forent, non modò classis apparandæ, sed urbis condendæ; præposterumque ac perversum illorum consilium, qui minimè consulerent suæ incolumitati inter agrorum & urbium sævas direptiones, cum Alaricus & Ataulphus essent in Italia, cæteræque imperii provinciæ omnes bello arderent, à tyrannis fædissimè laceratæ. Sed cum summa pax & tranquillitas ubique vigeret, Italia, Gallia, & Hispania proximè pacatis, barbarisque omnibus compressis, ac tyrannis deletis, de quibus Imperator Honorius triumpharat anno CDXVII. tunc intempestiva formidine fugam adornarent, hosce nullo apparente, ne dum insequente.

Sextum: ex Australibus regionibus, atque Occidentalibus ea tempestate  
Gottho-

Gotthorum motus auditos; qui stabili fœdere cum Romanis juncti, Alanos, & Vandalos in Hispania multis præliis attriverant, & certam demum Gallix partem possidendam acceperant, beneficii præmiique loco ab Imperatore, cui strenuam fidelemque operam, si unquam aliàs, præstabant. Auctor hujus ementiti decreti, quis ille fuit, cum audiret, à doctis viris scriptores quosdam amentix reprehensos immaturè nimis causatos Hunnicos terrores; pro Attila & Hunnis subjecit Gotthos & Alaricum; astutè quidem, sed non satis aut consultò, aut scitè. Nam licet aggressiones Gotthorum urbis novæ origini multò, quàm Attilæ irruptio, propiores fuerint: uterque tamen timor intempestivus, ac nullus; ille, quia jam desierat, hic, quia longum aberat, Attila nondum, aut vix dum in lucem suscepto, & Romano Imperio post diuturnas ærumnas, & calamitates ad spem amplitudinis pristinx reviviscente.

Septimum: tunc statim Rivo alto inditum Venetiarum nomen ex illo Patavinorum Senatus consulto, quod nomen perspicuè vetera monumenta docent omnibus initio pariter com-

mune fuisse, quæcunque continerentur his littoribus atque stagnis oppida; multo autem post, ut proprium, Rivo alto tributum, quàm migrationes eò fierent ex omnibus insulis. Etenim multæ sunt veteres sanctiones, multa privilegia, quæ leguntur edita, & data in urbe Rivo alto. Seroque admodum hoc ipsum Venetiarum nomen tam longè latèque patens olim, quam stagna omnia, & littora in Rivi alti unius terminos concessit, secus atque præ se fert hoc Patavinum decretum imperitissimè confictum, & omninò falsum.

Sicut ergo constanti civitatis opinione urbis conditæ dies est VIII kal. Aprilis, ita ex Patavino decreto id contigisse nemo sanus est, qui dicere possit: ex nostris Annalibus liquidò constat, quam ratione divino potius, quàm hominum consilio nova civitas ad Rivum altum constituta fuerit. Ceperat ibi vicus esse satis frequens, non modò piscatoribus & naviculariis, sed multis aliis mortalibus in unum coactis, postquam Venetiæ urbes Alaricus, & Radagasius cum ingentibus barbarorum copiis invaserant. Ex arundinibus & asseribus cunctæ habitationes, una duntaxat fuerat ex lateribus structa,

quam



quam incolebat illius fabricator Entinopus Cretenſis. Contigit, ut incendium repentè coortum, ventis favientibus, quaquaverſum propagaretur, & vicum abſumeret. Remediis ad flammam inhibendam omnibus tentatis, operiſque inani labore defatigatis, converſus ad cœleſtē opem implorandam, qua erat Entinopus ille religione ac pietate, ſolemni voto palā ſeſe obſtringit & obligat, ſi cohiberetur ilicò flammarum furentium impetus, offerre ſe ad conſecrandum tantum ſoli, quantum ſatis foret ad rem divinam peragendam, cujus rei gratia ſuſcipere cogerentur itineris atque incommodi plurimum univerſi incolæ, templa delubraque adituri longo intervallo diſjuncta. Conceptis precibus & votis præter omnium ſpem ſubito flamma ſubſtitit, ac incendium recedit, largiſſimis imbris, ut fama, cœlitus effuſis. Atque ita, quò ſe voti religione ſolveret, in area ſuæ habitationis, quæ conflagraverat, Entinopus ſacellum ædificavit, & D. Iacobo Apoſtolo dedicandum curavit, inſigni celebrique admodum cerimonia, quippe cui dederint ſimul operam Episcopi quatuor, Severianus Patavinus, Hilarius Altinas, Iucundus Tauriſanus, & Epodius Opi-

terginus: ac ne quid omni fausto & læto deesset, Felix ille sacerdos nominatus dicitur, cui primùm sacelli cura demandata fuerat. Dedicationis autem dies festus, & ædificationis principium planè idem fuit, sed unius anni curriculo intercedente, quod omnia monumenta vetera testantur, utrumque VIII kalend. April. contigisse, quæ lux orbi jucundissima, & sanctissima illuxit, cùm optatissimi nuntii ad beatissimam Virginem, tùm inauditi inexplicabilisque sacramenti, quod humanam divinamque naturam simul copulavit. Vnà ergo cum tanti mysteriorum memoria, & cum novo templo illius urbis primordia jure consecrata, cujus foret ea laus unica & præcipua, quod nullis unquam profanis ritibus & superstitionibus, Christianæ tantum religioni nomen suum dederit, in qua orta, educata, & aucta perstabit æternum fixa, necnon consenescent. Novi porro fani aut sacelli exædificatio, circumfluentibus undique finitimis, ut ejus opportunitate uterentur facilius, tanti momenti fuit ad Rivi alti frequentiam, ut civitatis nomen, & famam inde habere cæperit, aucto magnopere numero ædificiorum, quæ circumcirca in dies excitabantur. Superve-

pervenerunt postea misera illa tempora, quibus Attila rex Hunnorum aggressus Italiam, nobilissimas quasque urbes Veneriæ deformavit, & diruit. Tūc oppida multa in stagnis simul inchoata; Gradus ab Aquileiensibus; Capulæ à Concordiensibus; ab Altinatis Torcellum, Majorbium, Boreanum, & Amorianum; ab Atestinis, proximisq; montis Silicis civibus Clodia, Metamaucum, Philistina; & ab aliis alia, quibus postea relictis ob Pipini Regis, & Gallorum aggressionem, omnes in Rivum altum convenēre. Et urbem satis antea frequentem, frequentissimam, & incolis refertam iustę magnitudinis constituerunt. Ex his apparet, Contarenum hīc incrementum potius & amplitudinem, quàm ortum urbis respicere, dum Attilæ adventum commemorat, cum multo ante, anno scilicet c d xxi, condita fuerit, quod etiam publica fide & auctoritate statuitur, quę ab eodem anno enumeravit semper annos urbis conditæ.

NOT. XII. IANNOTIVS. *Gallorum vim sustinuit, & egregiè devicit.*

CONTARENVS. Pag. undecima, lin. 19.

His ipsis temporibus Beati, Veneriarum Principis, auspiciis & ductu parta est insignis victoria, quæ cunctis ferè celebrata scriptoribus, à quibusdam in dubium revocatur. Sed Annalibus Venetis antiquissimis, atque probatissimis, & monumentis amplissimis hujus pugnae, quæ multiplicia supersunt ad hæc usque tempora, nescio cur aliqui minorè fidem tribuendam censeant, quàm plebejo & rusticano sermone conscriptis ab ignoto auctore, nescio quibus Francorum annalibus, unde Aimonius, sive Annonius, Rhegino, Ado, & quidam monachus ex cœnobio Engolismensi, qui vitam Caroli Magni per annos digessisse traditur, non modò hauserunt rem gestam, & sententiam, prout ipsi tradunt: sed etiam verba ipsa fuerunt mutuati, & quod ridiculum est, eodem propè ordine structa, & collocata. Quamvis intuentibus rem totam probè & accuratè, à nostris annalibus, Franci, etiamsi veri essent annales, & eo tempore scripti, nō omninò dissentiant, quatenus ajunt, à *Pipino Venetiam subactam*. Nam ejusmodi famam per Galliam increbuisse, credendum ex eo, quod plurima Veneta oppida Pipini armis capta, Metamaucum quo-

que



que ipsum occupatum fuerat, ubi usq;  
ad eum diem imperii Veneti sedes erat  
collocata. Accessit huic etiam causæ  
Venetorum Ducum, qui exulabant,  
Obelerii fratrumque ad Gallos trans-  
fugium, quod nomine deditiois fuit  
ab ipsis acceptum. Propterea conati  
sunt Franci non modo victoriam, sed  
gloriam quoque subactæ Venetiæ sibi  
vendicare : quibus nos hæc opponi-  
mus, & regerimus. Primò, irritum &  
inane omninò fuisse, per Duces trans-  
fugas & perduelles quicquid fuerit ge-  
stum. Deinde, quamvis oppida multa  
capta eversaque fuerint, ab his tamen  
calamitatibus Rivum altum, cæteras-  
que finitimas insulas intactas mansisse,  
quò Dux, & omnis Magistratus ex Me-  
tamauco, ingensque Patritiorum nu-  
merus, ex omnibus insulis communi  
consilio commigraverat. Postremò,  
quod ipsam causam & rem totam  
continet, cum Pipinus in intima sta-  
gna sese insinuaret, ut extremam bello  
manum imponeret, capta Rivo alto,  
accepisse illam memorabilem cladem,  
multis Francorum millibus deletis, at-  
que trucidatis, coactumque Venetis  
finibus abscedere irritò conatu. Sed  
operæ pretium fuerit hæc altius repe-  
tere, totamque rei gestæ seriem ob  
oculos

oculos ponere, ut omnes probè intelligant, & apertè videant, nullam fuisse causam justam & legitimam Carolo Sigonio doctissimo viro inhibendi assensum, & in medio relinquendi rem, ut minus compertam; neque Cæsari Baronio Cardinali ita pertendendi, ut etiam coarguendos existimaret nobiscum sentientes. Quid enim perversi, & malevoli scribant, susque deque. Cum igitur è vita migrasset Obeliatius, qui Olivolensis Episcopus primus ordine fuerat, alteriusque suffiendi gratia in demortui locum, comitia popularia solemniter haberentur, Ioannes, & Mauritius Duces, ille pater, hic filius, opibus & gratia connixi, quam maximè poterant, Christophorum quendam Græcum, cui studebant impensius, annos duodeviginti natum eò fastigii extulerunt. Res indigna visa Tribunis, multisque optimatibus, quorum omnium auctoritate ac potentia fretus, conscientia quoque stimulante, cuius est vis maxima, Ioannes Gradenſis Patriarcha, vir optimus atque innocentissimus, ut adolescentem consecraret, adduci non poterat; tantumque abfuit, ut Ducibus obsequeretur non modò precibus, sed convicio propè assiduo agentibus, ut pro ea

per-

persona & dignitate, quam sustinebat, cum etiam grandis admodum natu foret ac provecta ætate, liberius utrumque admonitum palàm increparet. Hinc novi ac inauditi sceleris violentia exarsit, ingentium calamitatum & malorum origo. Impotens animi, & furore præceps adolescens instructo navigio, patre Duce connivente, cum satellitibus Gradum derepentè advolat, & Pontificem nihil minus suspicantem opprimit, injectisque manibus sacrilegis ex altissima turri, quæ sacris ædibus imminebat; namque illò confugerat; deturbatum in caput præcipitem agit. In tanti sceleris memoriam proditur divinitus factum, ut saxa respersa tam altè cruorem imbibierint, ut nullo modo potuerit unquam elui, multaque secula hominibus spectaculo fuerint. Atrocitas facinoris hujus allatura fuerit non minus filio, quàm patri supremum exitium, nisi re maturè composita, sese ut culpa eximerent, in quosdam è satellitibus crimen conjecissent, infamiam tamen declinare nunquam potuerunt, neque invidiam, & odia cunctorum civium, qui studia suffragiaque sua illi detulerunt, quem scirent omnium infensissimum Ducibus futurum.

rum, Gradenſi Patriarcha renunciato, qui arctiſſima propinquitate interemptum attingeret, Fortunato nepote, opinor, ex fratre. Quin nova diſcordiarum ſemina excitanda forent, veteraque plurimum augenda, nulli dubium erat: Patriarcha Ducibus diffidere, Duces Patriarchæ, utrinque ſuſpiciones fraudum, atque inſidiarum. Opportunitas tantum expectabatur, quam antecapere unusquiſque pro virili ſtudebat. Sed Fortunatus gemino ſtimulo incitatus, & perſequendæ necis patruo iniquiſſimè allatæ, & avertendi periculi, quod ſcirent imminere ſibi, mirum ni occuparet, atque antevertiſſet. Obelerius tribunus Metamaucenſis, & optimates nonnulli, coitione facta de necandis aut extrudendis Ducibus, agitabant conſilia. Fueritne Patriarcha ipſe auctor, non expeditio, ſocium quidem ſe præbuit, non modò hortatorem. Nihil propius erat, quam ut res ex voto ſuccederet, niſi delata per certos iudices ad Duces præcaveri potuiſſet. Conjurati conjeſti in magnas anguſtias de relinquenda patria omnes cogitarunt, non tamen inconſultò ac temere, ſed re conſtituta, ut Patriarcha in Galliam proficiſceretur, ad Imperatoris Caroli  
auxi-



auxilium fidemque implorandam ; Obelerius, & cæteri audaces, atque manu prompti Taurisium se reciperent imminentes Ducibus, si qua daretur opportunitas ex vicino oppido : quæ spes atque expectatio minimè fellit. Audito enim Obelerium in propinquo esse, non solum propinqui, affines, amici, clientes, sed etiam quotquot in Duces fuerant concitati, vel offensione aliqua accepta, vel studio ipso partium, ad ipsum profugiebant ex urbe clam noctu ; ea res ingentem trepidationem Ducibus iniecit, ne aut ab omnibus destituerentur, si res ad manus veniret, aut cunctando diutius domi opprimerentur, incerti quosnam caverent, aut fideles haberent in urbe sibi omnium maximè suspecta. Quapropter obsistere Obelerio non ausi vim apertam paranti, jamque arma inferenti, turpiter excidunt patria, atque dignitate. Re pervulgata & comperta conjurati appropierant, Metamaucenique omnes effusi obviam Obelerio civi suo reduci gratulâtur, & faustis vocibus, & ominibus Principatum destinant, quam certè paulò post obtinuit in conventu publico, insulanorum pariter omnium accedente consensu. Dux Obelerius declaratus ad  
firman-

firmandas opes pro magno negotio habuit exorare populum, ut adjuutores, & collegas sibi habere liceret Beatum & Valentinum, fratres minores natu. Mox datis literis ad Fortunatum Patriarcham de re feliciter gesta certiorrem facit, ne pergeret Imperatoris animum incendere amplius; Gallicis auxiliis nihil opus fore, quamprimum iter maturaret, & sedem repeteret. Hinc planè intentus in eam curam cogitationemque, ut Principatum sibi ac suis stabiliret; quo dignitatis recuperandæ Ducibus extorribus aditum omnem præcluderet, atque spem præcideret, Heracleanæ urbi, ex qua illi traxerant originem, machinatus excidium, ad extremum attulit, specie tuendæ pacis & tranquillitatis, bellorumque civilium semina tollendi inter cives Heracleanos & Equilinos assiduè vigentium, qui capitalibus odiis inter se dissidebant, trahebantque alias civitates omnes in suas partes. In publico igitur conventu ea lex fuit perlata, qua funditus eversum oppidum utrumque, & incolæ universi migrarunt, quò cuique libitum. Res tranquillæ futuræ videbantur, sublatis undique causis omnibus turbarum, concorditer administrantibus fratribus rempublicam, ex

Gallia

Gallia reverso pridem Fortunato, amplissimis Privilegiis à Carolo impetratis, quorum exemplum est videre apud Andream Dandulum. Sed unus adhuc hærebat scrupulus, unus ille timor, qui Obelerium, & fratres non benè habebat, ne puiſi Duces quandoque restituerentur, idque in gratiam Imperatoris Constantinopolitani, qui sæpè contenderat hanc rem satis vehementer, cum duceret alienissimum à sua dignitate, non minus supplicum, quàm suam negligere causam: cum eos habuisset semper conjunctissimos, acceptoque beneficio confideret magis fore obnoxios. Hac de re Obelerium sollicitum nuncius recens perculit; Constantinopoli classem instruì, in Dalmatiæ mittendam ac Venetiæ oras; quam primum navigatio tuta crederetur. Quapropter rebus suis diffidens, & magnopere anxius cum Fortunato Patriarcha rem totam confert, aliis quoque amicorum præcipuis in consiliùm adhibitis: id inter omnes convenit, nihil amplius cunctandum, sed externa præsidia citò comparanda, quibus adversus ingruentem vim sese præmunirent. Itaque licet hyems immineret quamproxima, unà in viam se dant Obelerius & Bea-

Z

tus,

sma,

-1003-

tus, adituri Carolum, minimo fratre Valentino domi relicto, propinquorum & amicorum præfidiis peregre in instructo. Tunc Imperator Carolus erat in Germania, ubi celeberrimum conventum agebat apud Theodunum, & commodum quidam Principes Dalmatarum advenerant, inter quos memoratur præcipue Paulus & Donatus, ille Comes in urbe Iadera, hic autem Episcopus, imploraturi auxilium adversus Nicephorum, à quo defecerant quibusdam provocati injuriis. Hos igitur nacti Duces, & cum iis congressi, quia causa communis ipsorum agi videbatur, communicatis inter se consiliis Carolo demonstrant, quanti referat exturbare Græcos navigatione, commerciisque Adriatici maris penitus excludere: quanto fuerit incommodo ea res hætenus neglecta, quantoque usui futura, si vindicaretur, universo Italico regno, & in primis Ravennæ. Quibus rationibus facile Carolus adductus, perbenigne complectitur Dalmatas, & Venetos Duces, spondetque inito fœdere, se perpetuò futurum ad retinendam dignitatem ipsis adjutorem, quam etiam auctoritate sua munit, atque sancit. Annales Francici suprà memorati, id ut exprimerent rustico



stico illo atque barbaro sermone, tunc edidisse Carolum, tradiderunt, *ordinationem de populis, atque Ducibus Venetia & Dalmatia*. Sed Nauderus, & alii postea rem, ut fit, in majus tol- lentes longissimo temporis intervallo commenti sunt nescio quam *formu- lam*, quo jure quisque viveret, unde arrepta fuit ansa postmodum à ma- lignis, & invidis quibusdam maledi- cendi, ac detrahendi libertati Venetæ reipublicæ. Sed fugit illos ratio & 2- nimadversio, non fuisse primò con- stantiæ & justitiæ Caroli, quos triennio ante sui juris esse declarasset, quemad- modum vel à primis temporibus fuisse cognoverat, eisdem citra ullam noxam libertatem eripere, cum nulla esset in- juria unquam laceffitus. Deinde mi- nimè situm in arbitrio Ducum illo- rum, quas ipsi juberent leges reipubl. imponere, nedum ab aliis jussas per fraudem obtrudere. Quod si aliquid publicæ libertati contrarium pepigis- sent, quod nec ostendunt, nec à sanis hominibus credi potest; adhuc tamen non quid pepigerint Duces, non quid jussit Carolus; sed quid respublica sciverit, est examinandum. Inconsul- tis Tribunis, & injussu populi factum, si quid modò factum fuerit, ex eo

facile cognoscitur, & aperte constat, quod causæ nihil erat Venetis è tempore, cur à priori fœdere discedendum putarent, quo pariter juncti erant cum utroque imperio, ut Gallis sese adjungerent, immò verò, ut isti ridiculè scribunt, subiicerent. Sed illud propalam testatur, & prorsus evincit, in amicitia Græcorum Venetos mansisse, quod cum classe Byzantio profectus Nicetas Patritius, ad comprimendos Dalmatas, & Iadrenses præcipuè, qui auctoribus iis, quos diximus, rebus novis studebant, non modò reipubl. opibus cunctis fuit adjutus: sed insigni quoque gratulatione Metamauci exceptus, quo appulsus fuerat post res Dalmatiæ compositas: ibi concilio coacto ex omnibus insulis, quid in mandatis haberet, aperit, & cum Venetis agit, ut pulsi Mauricii Duces, si non pristinae dignitati, saltem foris, & penatibus suis restituerentur: sed homines cum præteritorum scelerum & crudelitatis, tum libertatis memores, quam rebus omnibus præferrent, neque Præfecti, qui aderat, studio & contentione, neque auctoritate Nicephori potuerunt adduci, ut permitteretur exulibus reditus in patriam. Prudenter itaque Nicetas, cum nihil  
 profi-

proficeret, ne cives alienaret, id consilium abiecit, & alterum suscepit, quod in rem magis esset, quibuscumque posset officiis demerendi Obelerium; Protospatarium enim eum renunciavit, qui titulus eo tempore non vulgaris erat, & non solum ejus propinquos & familiares, sed etiam ex optimatibus præstantissimum quemque, vel muneribus, vel pollicitis sibi obstringere curavit, Fortunato Patriarchæ itidem multa præstaturus, nisi ille sub classis adventum rebus suis timens ad Carolum se recipere statuisset. Pacatis Dalmatiæ rebus, ne quid moveretur, quod ipsius redditum Constantinopolim morari amplius posset, biennales inducias cum Gallis constituit Nicetas, deditque operam, ut secum mitterentur per speciem legationis ad Imperatorē Patritii quidam Gallico nomini nō nihil addicti, inter quos eminebat Obelerii frater Beatus. Nicephorus legatos omnes perbenignè complexus tantum absuit, ut causam exulum tueri pergeret, ut pro negotio haberet, quod Nicetas acceperat conciliare sibi, si qui forent adversarum partium. Quapropter ad ea munera, nec non ornamenta, quibus affecit & auxit singulos legatos, Beatum Ducem,

priusquam Venetias rediret, solemnī  
 ceremonia Hypatum creavit. Erat ea  
 dignitas multò amplior quàm Proto-  
 spatharii; unde diffidia gravissima inter  
 fratres orta, cum alter alteri concedere  
 nullo pacto vellet. Obelerius prae-  
 rogativam ætatis, ac dignitatis, commu-  
 nicatque honoris cum fratribus sum-  
 mum beneficium, & magnificè prædi-  
 care, & palam exprobrare. Contra  
 Beatus efferre Imperatoris judicium,  
 quo fratri non modò æquatus, sed præ-  
 latus fuisset, ob indolem, atque præ-  
 stantiam animi majorem. Animus  
 utriusque acrius incendebant, & ami-  
 corum diversa studia, & rumores vul-  
 gi. Pauci Obelerio studebant homini  
 iracundo, moribus difficillimis, ac præ-  
 fracto ingenio: Beatus erat in oculis  
 & delitiis omnium, propter ingenii  
 suavitatem, summamque elegantiam:  
 hinc planè repugnantes sensus, atque  
 voluntates. Hic amplecti, & curare  
 sedulò, quæ jucunda civibus; ille in-  
 grata, & invisa ob invidiam fratris: ille  
 propensior in Græcos, hic autem in  
 Francos, & accedebant causæ ex affini-  
 tate; nam duxerat ex Gallia nobilem  
 uxorem, cujus illecebræ apud homi-  
 nem valebant, adjiciebantque eo sti-  
 mulos acriores, quò sibi visus impar-  
 tior



tior à præfidiis domesticis, existimabat externa ambiri oportere. Græcorum copias reputabat pro Beato stare; nulum sibi aliud perfugium præter Francos relinqui, ni amissa existimatione dignitateq; omni vellet civibus despicatui ac ludibrio esse, vel cum certa perniciæ reipublicæ adnitendum sibi, quo retineret principem locum, & deiceret fratrem, ut adversus audaciam & perfidiam inimicorum Gallorum præsidio se tegeret, atque communiret. In ea cogitatione Obelexius defixus per emissarios quosdam suos cum in eo jam foret, ut cum Pipino Rege pacisceretur (huic enim res Italiæ jam commissæ fuerant) elapsis induciis iis, quas Nicetas fecerat, Paulus Dux Cephalleniæ appulit cum classe, qua Græcæ ditionis oppida tueretur. Cum verò nullæ Gallicæ naves in altum existerent, ne frustra suscepta expeditio ab eo videretur, ex iis locis, quæ tenebantur Gallicis præfidiis, aggredi, & oppugnare aliquem constituit. Visum est opportunius ordiri à Comaclo, quod situm est in stagnis ad Padi ostia, piscatu fructuosissimum, & è salinarum, quæ frequentes etiam tunc inerant, amplis vectigalibus. Igitur Venetorum auxilia è propinquo accersit, quæ de-

bebantur Græcis ex antiquo fœdere.  
 Ea verò ne mitterentur, impedire non  
 potuit, quamvis maximè cuperet Obe-  
 lerius. Quod autem proximum erat,  
 ne cui forent usui, cum Beato etiam  
 ipse proficisci voluit, & diu ludificatus  
 Græcos varia cunctatione, cum specta-  
 tor certaminis verius, quàm adiutor  
 esset, ut irrita cederet oppugnatio, ma-  
 gna causa fuit. Nam veteranus miles,  
 qui erat in Comaclo, ex Ravennæ sta-  
 tione subsidio missus, à muro sæpè de-  
 pulit Græcos maxima cum cæde, ut  
 tandem potiundi oppidi nulla spe re-  
 licta, Præfectus classis incepto illo ab-  
 stiterit, mœrens quod ignominiam, &  
 dedecus turpiter subisset, pro laude &  
 gloria, quam inconsulto nimis quæsi-  
 erāt. Eam labem ut abstergeret, famæ-  
 que consuleret, existimavit operæ pre-  
 tium esse derivare in Venetos crimen  
 rei malè à se gestæ: & fortè quod Obe-  
 lerius vitio suo fecerat, id publico de-  
 creto factum opinabatur. Ergo ratus  
 Imperatori suo ægrè non futurum, si,  
 rebus ejus in tuto constitutis, cum Pi-  
 pino transigeret, firmaretque pacem,  
 desertis ac destitutis iis, à quibus ipse  
 destitutum se conquereretur, consti-  
 tuit, ut æquiore Pipino adhuc utere-  
 tur, Obelerium simul & Beatum com-  
 prehen-

prehendere. At percussi atrocitate rei, quam resciverant Duces, neque enim tanta res latere diu potuit, in auctorem insidias erant conversuri, ac ni vererentur Nicephorum, malè mul-  
taturi. Sed ille, ubi videt fraudem esse patefactam, ne qua vis inferretur sibi, properè discessit, atque ita pacis negotium infectum reliquit. Obelerius, qui conatibus Pauli propterea obstiteret, quod se communi periculo cerneret implicitum, quodque sui non alterius vellet esse muneris, quàm moliretur fraudem summamque perfidiam, ne, quod instituerat, corrumpere, maturare statuit; nec satis habuit tantum ipse ad hostes transfugere, sed auctoritate sua quoque Valentinum impulit, quem habebat obsequentissimum ut minimum nātū, in societatem sceleris, & furoris sui; quin etiam classis eam partem, cui præfectus erat, inimicis prodidit, ad quorum vim propulsandam republ. eum miserat. Hoc facinus honestarunt Franci deditiois nomine, cum ramen esset proditio, atque perduellium. Ut fratrem modò depelleret à gubernaculis, nihil veritus infamis ille ac nefarius proditor, & rapinis, & cædibus hostium objicere patriam. Pipinus, eductis copiis, quas in prom-

ptu habebat, ne qua mora interposita Veneti colligerent animos, quos eo nuncio credebatur abjectos jacere, oblata naviter utebatur opportunitate, & ad maiorem terrorem incutiendum, quacumq; duceret agmen in oris maritimis, omnia complebat rapinis, caedibus, incendiis. Excepturi qui erant primum Regis impetum, trepidantes in fugam se conjicere, idem exemplum proximi oppidani secuti, penates imminentibus Francis vacuos relinquere. Maxima omnium ætatum, ordinumque fuga ad Metamaucum fiebat ex omnibus insulis, quippe ubi Tribuni essent cum Beato Duce de reipublicæ summa consultantes. Invaserat plerosq; tanta trepidatio, ut planè desperarent de ipsâ libertate: sed omnium animos erexit, atque confirmavit oratio vehemens, & acris fortissimi Ducis, desertores & transfugas fratres multum execrantis, obligantisque reipublicæ fidem, nec non caput suum. Excepere ipsum perorantem nonnulli optimates, quibus nihil erat antiquius, quàm reipublicæ salus. Ab his animosè ac prudenter sententiæ sunt dictæ, & à concione frequentissima statim comprobata. Principiò Duces, qui ad Francos turpiter defecerant, hostes comuni



muni decreto patriæ judicati, dignitate ornamentisque omnibus non modò spoliati, sed etiam pœna supplicii capitalis adjecta, si quando capti venirent in potestatem, quod quidem contigit utrique, sed diverso tempore. Hinc ad rationem belli propulsandi conversi, cum ipsi Metamauco jamjam immineret, non expectandos ibi hostes disseriebant, sed insulis continenti proximis relictis, quæ hostilibus incursionibus facile paterent, cum liberis, & conjugibus, & fortunis omnibus in Rivum altum continuò transmittendum, circumjacentibus stagnis undique munitum, quò penetrare infestæ classès nullæ possent. Inter Tribunos Rivi alti multum eminebat & opibus, & splendore generis, & auctoritate, Patricieca è familia, sive Patriciaca, traditur enim hoc nomen ab illo deductum, ingentis animi vir, nomine Angelus: is vicem suam sollicitus, & nonnihil veritus, ne quid decederet fortè auctoritati suæ, si Dux ibi consisteret, cui summa potestas, cum repugnasset aliquandiu huic deliberationi, ad ultimum est assensus, sed ea conditione, ut Dux in Olivolo sedem collocaret, Tribuno jus & fas esset, locum suum tueri. Commodùm Veneti trajecerant

cerant in Rivum altum, cum Pipinus infesto exercitu Metamaucum venit, desertumque cunctis ab incolis oppidum ingressus, quæ parta jam victoria solent à victoribus, ea publicæ lætitiæ signa cuncta edidit: forsanque ad patrem ipsum literas dedit, quasi jam bello confecto, atque profligato. Nam præter insulas & oppida, quæ invaserat, ipsam etiam Venetorum occupaverat regiam, & bini Duces ad ipsum cum classe transiverant. Vna duntaxat anus Metamauci permanerat, à penatibus divelli non passa: virilis animi supra sexum & ætatem mulier. Hæc ad Regem perducta cunctis audientibus de fuga Ducis, de metu, ac perturbatione, in qua versarentur omnes, desperatis rebus, quæ gratissima forent auribus, omnia retulit. Ut homines oratione sua sensit inflammari, suorum formidinem, qui patriam deseruerant, execrari simulans, Gallos, urgerent instarentque, palam hortabatur, ne ad animos colligendos, dato spatio temporis, occasio præsens è manibus amitteretur. Raptim conjunctis ratibus facillimum fore, secundo æstu pervadere modica illa stagna, quæ millia passuum quinque summum propè aberant, & consternatos universos, vel momento oppri-



opprimere. Quinos habere se fratres in propinquo ad Pupiliam, qui ratiū fabricandārum essent omnes periti: si copiam Rēx faciat eos conveniendi, haud gravatē venturos ad pręstādam operam, modō certa merces, quam peterent, eis persolveretur: Audita est maximo assensu omnium muliercula, & animos Francis addebant res prosperē gesta, non ausis Veneris uspiam ad certamen occurrere, & longioris morę cuncti impatientes, bello quā m-primū finem avebant imponere. Quapropter collaudatam aniculam ingentibus pollicitationibus oneratam ē vestigio dimittunt. Illa, quid hostibus persuasisset, coram fratre monet: nec opus, aut precibus, aut rationibus agere, conveniunt illicō inter se volentes quid agant. Profecti ad Regem, & ab ipso benignē appellati ad rates contextendas naviter incumbunt; subiiciunt dolia funibus conjuncta, ut impositi milites armati ab aquis extarent. Compages autem ratiū ita structa erat, ut funibus præcisīs, quā liberet, nando confestim disjungerentur & trabes, & dolia, neque ulli possent insistere, ac vestigium ponere. Hi antequam se conferrent ad Regem, Beatum Ducem certiores fecerant, quidnam

nam molirentur, quò alacrius & confidentius obviam hostibus prodiret. Iam pervenerant ad Euripum altiores rates, cui temporibus illis nomen erat Arcus; tum verò primum nomen Orphani est adeptus ab insigni Francorum strage, quæ ibi contigit, ut vulgus solet more suo nomina frequenter imponere. Principiò utrinque satis fortiter pugnabatur, immò verò Galli alacri animo triumphum cecinerant ante victoriam. Vbi verò leviora navigia Francos eludere cæperunt, quæ facile ad gubernatoris nutum circumagebantur; rates autem pars æstum maris sequi cogebantur, pars in vada temerè impactæ se expedire non poterant; certamine & ratibus moliendis cunctis occupatis, quinque illi fabri tempore usi in mare desiliunt, & gladiis, quos ad eam rem paratos gerebant, alii alia ex parte secare funes aggrediuntur. Fœdum spectaculum, disiectis trabibus, & doliis passim fluctuantibus, cum nullum haberent hostes consistendi locum, præcipites omnes in mare devolvebantur, & armis pergravantibus verticibus hausti, (nam violentissimi æstus ibi semper cōcitantur), nullis opem ferentibus confestim peribant: si qui verò impliciti limo hærebant



bant in vadis, obruebantur undique tel-  
lis incidentibus: ita incruenta victoria  
potiti sunt Veneti, unius aniculæ, &  
paucorum hominum solertia, quorum  
nomina ut intercidere temporum in-  
juria, ita cōstanti fama ex Bognola fa-  
milia extitisse memorantur, digni cer-  
tè, quorum memoria semper celebre-  
tur. Cæterum virtuti hominum illud  
est tributum, ut non modò ipsi fra-  
tres, eorumque domus, sed universi  
Metamaucenses, & Pupilienses immu-  
nes essent vectigalium, & munerum  
omnium: neu militare quisquam co-  
geretur unquam, nisi Dux ipse in mi-  
litiam proficisceretur. Post everfam Pu-  
piliam Genuensi bello incolæ omnes  
Venetias transmigrarunt, eorumque  
maxima pars ad D. Agnetis, ubi colle-  
gium est adhuc frequentissimum, se-  
dè & domicilium collocavit. Diploma  
immunitatis hujus admodum insigne,  
paucis ante annis apud illos conspi-  
ciebatur, bulla, quam modò vocant,  
plumbea communitum, in qua Dei-  
paræ virginis effigies impressa, & Beati  
Ducis nomen inscriptum erat: non-  
dum enim D. Marcus Evangelista pa-  
tronus fuerat à Venetis, adoptatus,  
quod ejus corpore Alexandriâ Vene-  
tias translato post aliquot annos con-  
tigisse

-lq pa- -E

ic 311118 3

huc end huc

tigisse novimus. Per incuriam & negligentiam eorum, qui collegio illi præerant, præclarum hoc monumentum desideratur: siquidem Euronoto quondam per autumnum flante, cum maris æstus intumescens exundasset amplissimè, planaue ædificiorum cuncta superasset, ut alia multa supellex, sic etiam scripta, quæ lignea continebat arca, undis sunt corrupta, vel ita, ut legi non possent, oblitterata. Superest adhuc tamen quædam syngrapha, quæ docet, diploma illud examinatum fuisse, & corroboratum: Ducemque Raynerium Zenum, & Consiliarios ejus subscripsisse. Sed Metamauceni majori diligentia sunt usi, qui majorum virtutis testimonium, posterisque inde omnibus partæ immunitatis, retinuerunt ad hæc usque tempora saluum & incolume, ut cuilibet, facile apud eos, videre est. At Pipinum nec opinata clade affectum ea res habebat sollicitum, & vehementer angebat, quod antea debellatum esse vulgaverat: si modò abiret irritò conatu secum reputabat, existimationis jacturam se maximam facturum: fortè opinione clementiæ leniter agendo, quod nulla vis expressisset, obtineri posse. E Venetis igitur captivis, quos nō paucos habet.

habebat, nobilitate quosdam præstantissimos deligit, promissisq; onerat ingentibus, & spem certam facit, si cum repub. pax & fœdus cōveniat; quemadmodum sine pretio illos dimississet liberos, ita etiam cæteros omnes gratis dimissurū. Per eos in hanc sententiam ad Tribunos scribit, quorū affines, & propinqui multi captivi tenebantur: Non eā de causā bellum præsens ab illo susceptum, ut Venetis libertatem eriperet, aut quid imminutum vellet: in eo graviter ab ipsis peccatum esse, quod arctiori fœdere ita Græcis se adjunxerint, & Francos despexerint, cum tamen ex formula primi fœderis gerere se medios, & neutris adversari deberent, sed ex æquo adesse. Hanc injuriam, & contemptum ultum se venisse, & pro copiis & opibus, quibus sit instructus, acceptum recens detrimentum propè nullum esse: si aditus omnes undique obsidere pergat, com meatibus interclusis eò deductum iri, ut brevi conficiantur penuria, & inedia; sed malle servare incolumes, quàm perdere funditus, existimantem studiis inconsultis partium, quæcunque accidissent hactenus, imputanda esse, ac universæ reipublicæ condonanda. Prospicerent igitur maturè, idque consti-

A a

tuerent,

tuerent, utrum facilitatis & clementiæ illius, an acerbitalis & odii facerent periculum. Ad amicitiam & fœdus confirmandum in posterum alterutram optionem à se illis deferri; vel sententia rescissa Obelerius cum fratre penatibus & dignitati suæ restituerentur; vel Beatus etiam se abdicaret, ac è patriâ discederet. Anceps deliberatio tenebat Patres, qui & perpessuri erant extrema prius omnia, quàm perduellibus Ducibus reditum concederent, & consultum volebant Duci benè adeo merito. Cum verò plerique omnes inclinarent ad pacem, quæ à præpotenti hoste non magis data, quàm accepta, decora satis ac tuta esse videbatur: Beatus, in quem cuncti oculos converterant, ut declinaret invidiam, patriæque consuleret; non committam, inquit, ut mea unius causa periclitetur ipsa respublica, vestraq; omnium salus. Si cum Rege non aliter pax constare potest, quàm amoto me à rerum administratione, volens, & libens me ab dico, & in exilium pergo. Assurrexerunt omnes peroranti Duci, gratiisque actis, & laudibus plurimis congestis, conservatæ reipublicæ decus hac insigni pietate prædicabant ab illo cumulatam esse: felix exilium futurum,

quo



quo non amissa, sed planè servata patria foret. Diversa fama exinde tenuit de Beato : alii negant in patriam revertissè amplius, sed in exilio paulo post diem suum obiissè : alii profectum memorant cum Legatis ad Regem, qui sancientiæ pacis gratia mittebantur, quaque morum suavitate plurimum pollebat, ex inimico amicissimum sibi reddidissè, ut incolumi dignitate sit in patriam reversus: sed auctores hujus sententiæ inter se etiam variant. Nam scribunt aliqui, paulò post suum reditum magno desiderio relicto è vita migrassè : aliqui tradunt, ex eo conflata invidiam, quod Rex illum admiratione virtutis liberaliter non modò habuissè, sed muneribus etiam affectum dimississè, quibus rebus injecta suspicio, nec inanis fuerit, ne fratri reconciliaretur, & cum Franco sentiret, cui recentibus officiis obligatus, & obnoxius esset : ea re collectam apud cives gratiam amisissè, & relegatum laderam, adnitentibus iis, qui ex hominis ruina sperabant fore, ut ipsi crescerent. Quoquomodo se res habuerit, illud certò constat, principatu abiissè Beatum, vel exilio, vel morte, haud multo post initam à republ. cum Pipino pacem, cujus in locum suffectus

fuit omnium civium assensu Angelus ille Participatus, quem superius dixi, qui partibus Græcorum enixè, si quis alius, favebat, eidemque Tribuni bini assidere iussi, qui publicis negotiis cum eo darent operam, singulis annis deligendi ex arbitrio populi. Hi postea Consiliariorum nomen sunt adepti, qui primò bini, deinde quaterni sunt creati, postremò seni, quot numero sunt regiones urbis, quem morem perstare cernimus ad hæc usque tempora. Obelerius, quod proditoribus cunctis usu venit, ubi conatus eorum nequaquam succedunt, contemptus à Pipino, & Francis invisus æque ac Græcis, Nicephoro flagitanti datus fuit ad pœnam, quo in acie à Bulgaris cæso evasit ad tempus: sed post exilium annorum amplius quàm viginti, occupata Vegla insula in Fanatico sinu, & Metamaucenis deficientibus ad illum oppido potitus, postea mutata fortuna, victus, atque in prælio captus, supplicio capitali tandem est affectus. De Valentino tertio fratre nihil traditur: quia tamen Annales veteres disertè testantur, in agro Patavino ad vicum, cui Strata est nomen, quendam Venetum Ducem mactatū fuisse, scædèque à populo tractum, & dilania-

rum,

tum, quod ajunt contigisse in Pipini discessu, concadere non potuerit id in alios duos fratres, non levi conjectura adducor, ut credam in Valentinum editum id sævitæ exemplum. Hunc finem habuerunt intestina dissidia, quibus turpiter inter se conflictati fratres perdidērunt se ipsos, & propè rempublicam. Sed res ferè prostratas cum divina benignitas, cujus præsidio libertas tunc maximè stetit, tum verò erexit virtus & constantia civium, qui vitam fortunasque omnes in discrimen adducere, quàm subire servitium ullum maluerunt; quaque animi fortitudine Nicephoro primùm, ne Mauritios recipere Duces cogerentur, eâdem obstiterunt iterum Pipino, Obelerium per vim reducere molienti: quinimò transfugam Ducem, quisquis ille fuit, in ejus oculis ausi sunt mactatum discerpere, & in Beati locum eum Ducem deligere, qui Francis semper adversatus quam maximè fuerat. Ergo qui scripserunt à Pipino subactas Venetias, si qui sunt, qui scripserint, aut secuti sunt rumores dissipatos temerè, aut nominis ambiguitate in errorem inducti, quod nomen omnibus insulis tunc erat commune, quotquot paludibus & stagnis iis continebantur.

Thomas Fugarus vir nobilis Avenionensis, qui res Venetas commendavit posteritati Francico sermone, quamvis ad tempestatem referat eam cladem, quam Pipinus accepit eo modo, quo scripsimus : nihilominus ingenuè, apertèque testatum reliquit, & Venetos libertatem propugnasse fortiter, & propugnatam retinuisse integram perpetuò ; quod si prædictum Annalium scriptorem exceperis, & Auctores eos, qui eadem verba exscripserunt ; tot seculorū consensus approbavit. Constantinus tantum Porphyrogenitus Imperator, qui de administrando imperio scripsit ad Romanum filium, in hujus belli historia cap. xxviii. ab omnibus aliis dissentit, & quidem in pluribus. Nam primò tradit, Pipinum bellum inferentem, quà trajetus proximus erat in Venetas insulas, in continenti tantummodo castra posuisse ; deinde cum in eo esset, ut Damaucum, sive potius Madaucum navigaret, sic enim Metamaucum superius vocavit, à Venetis illum trajetum sic obstrutum fuisse, ut frustra in continenti sex menses contriverit : postremò desperata re litteras misisse, quibus invitaret ad pacem, & ad fœdus : Venetosque ipsos facile assensisse, ut se à belli



belli molestiis liberarent , immò tributum nomine plurima pollicitos , quorum pars quædam exigua suis adhuc temporibus persolvi soleret. Veruntamen si vera sunt , quæ scribit hic Auctor , necessariò fateri hoc etiam oportet , Venetos pariter & Francos Annales omnes falsos esse. Nam ille ad insulas & stagna nunquam penetrasse , sed in continente perpetuò vult hæsisse Pipinum. Hi verò non modò testantur pervasisse , sed cepisse & devastasse insulas non paucas , in primis autem Metamaucum , tunc imperii sedem. Dum verò de fine belli desperasse regem , ideoque per nuncios & litteras transgisse prodit , luculenter indicat , penes quos extiterit victoria. Quæ verò de pacatione tributorum commemorat , ea tam vera sunt , quàm quæ superiori capite ab eodem sunt dicta , Pipinum habuisse tres fratres eo temporis , qui Franciæ omni imperarent , & Sclavoniæ : quæque cap. 27. de Narsete habet , temporibus Imperatricis Irenes , & Papæ Zachariæ , Narsetem summo cum imperio in Italiam missum : præter alia innumera , quæ potius ad fabulam accedunt , quàm ad ullam historiam , ut parum sapiat , qui habendam iis fidem putet. Non est

autem hujus loci recensere singula, quæ cuivis legenti passim erunt obvia. Quod spectat ad tributa persolvenda regibus Italiæ, quos Imperatorum nomine Byzantini non dignabantur, utrumq; falsò est ab illo memoriæ proditum, & nomine tributi fuisse quicquam persolutum, & hujus rei principium à Pipino factum. Apud eos, qui gesta scripserunt temporum illorum, extant adhuc exempla quædam immunitatum, quæ Imperatores, seu Reges Italiæ concesserunt Venetis. Ut enim liceret illis mercaturæ causa, in quæ vellent emporia & loca, proficisci, tutòque commorari ubilibet intra fines Imperii, & pro libito abire, tutòque auferre omnia: & ne tenerentur, nisi certa quædam vestigalia persolvere; neve juri dicundo inter Venetos cives in ditione Imperii commorantes præficeretur aliquis, præter judices à republica missos: hæc, & id genus alia privilegia quamplurima, sicut à priscis Imperatoribus obtinuerant, sic etiam, ut obtinerentur ab iis, dabant operam, qui administrationem Imperii succedentes capefferent. Horum causa privilegiorum, & immunitatum expediebat reipublicæ pacisci, ut potius publico nomine, quàm priva-

privato persolverentur quædam iis, quos dixi, principibus; quæ si quis appellat tributa, per me sanè appellet, dummodo constet, nomen tantum, sed rem nullam esse; aut certè potentissimi principes, maximique reges, qui fructus alicujus & commodi causâ, his aut illis, quotannis non pauca persolvunt, habeantur vectigales eorum atque tributarii. Sed his de rebus satis, immò nimis multa.

N O T. XIII. *Verisimile est admodum, &c.*] Ex antiquissimis fastis, quorum exemplum apud Molinum, ut diximus, reperitur, duo maximi ponderis atque momenti facillimè cognoscuntur: alterum, quod scribit hic Iannotius, omnes, qui præditi nobilitate & virtute ad reipublicæ administrationem accesserant, majoribus comitiis comprehensos, quàm paucissimis exclusis, qui tamen idem jus non multo post obtinuerunt: alterum verò, cunctas ferè patritiorum familias, contra quàm vulgo creditur, & in quibusdam e mentitis earum originibus legitur, non modò antiquissimas esse, sed rem ipsam publicam jam à primis temporibus attigisse: quod in nostris Venetorum elogiis satis superque, Deo juvante, demonstrabimus.

NOT. XIV. *Puto equidem, quod ex annalium nostrorum, &c.*] Majora comitia multo sunt antiquiora, quàm Iannotius hic tradit, & quicumque dixerit, primis ab urbe condita temporibus instituta, haud longè à veritate aberraverit. Non tamen ea ratione, quomodo fit, sed pro temporum conditione variè convocatur majus hoc, prout modò vocant, concilium. Co-gebatur primis temporibus ex variis infulis, ut Tribunos, Iudices, & Ducem eligeret, resque summas, in quibus rei-publicæ salus ageretur, decerneret: qui verò convenirent in unum, quovè modo electiones fierent, aut sententiæ dicerentur, in tanta antiquissimi temporis caligine ex tenebris erui non potest, illud certè in promptu est, ante annum à Christo nato 990, in cunctis annalibus, & *convocationis concilii, & iudicium, & Ducis cum suo concilio, & Nobilium virorum, & Primiorum, seu majorum Veneticorum* frequenter mentionem fieri. Post annum verò 990, electiones multas videmus non modò iudicium, *Legatorum ad Principes, & Consiliariorum*, verùm etiam Prætorum in civitatibus Dalmatiæ. At Sebastiano Ziano, & Aureo Mastropetro Ducibus, non solum multi Magistra-  
tus



tus numerantur, sed etiam Procuratores, & Sapientes, & Iudices fisci, & Advocatores communis, immò verò majoris & minoris concilii disertè fit mentio, prout in antiquissima scriptura; cujus verba si referrentur, operæ nos pretium facturæ existimavimus.

*In nomine Domini nostri Iesu Christi, anno Domini 1187, mensis Iunii Ind. v, Rivoalti. Nos quidem Petrus Iustinianus, & Dominicus Memo ambo Procuratores operis Beati Marci per præceptum Domini nostri Aurei Mastropetri, & Collaudatione Iudicum, & majoris ac minoris concilii, & Advocatorum nostri communis, & populi Venetiarum promittentes promittimus cum nostris successoribus ejusdem operis Beati Marci vobis Dominico Venerio, &c. & vestris heredibus, & successoribus, qui cum superscriptis vestris navibus in præsentiarum cum stolo Venetia ad obsidionem Iadra ire, vel mittere debetis, si in via eundo in ipso itinere dehinc ad Iadram, vel inde huc redeundo aliquod damnum vobis advenerit de aliquo Corredo vestrarum superscriptarum navium, de quo supra salientes navim soliti sint restituere, & reddere pro habere illorum. Nos de toto illo damno vobis restituere, & dare debemus veras*

*tres partes pro communi Venetia de bonis, & habere Sancti Marci. Præterea, &c.*

*Ego Aureo Mastropetro, Dei gratia, Dux manu mea scripsi.*

*Ego Petrus Iustinianus, Procurator operis Sancti Marci m. m. f.*

*Ego Ioannes Michaël, Iudex. m. m. f.*

*Ego Petrus Baduario, Iudex communis m. m. f.*

*Ego Aldigerius Baduario, Consiliator m. m. f.*

*Ego Ioannes Giesolo m. m. f.*

*Ego Ioannes Vilioni m. m. f.*

*Ego Iulianus Damianus, Diaconus, & Notarius complevi, & roboravi.*

*Ego Andreas Presbyter S. Canciani, & Notarius, sicut vidi in matre, testis sum in filia.*

*Ego Petrus Michaël, ut vidi in matre, testis sum in filia.*

Quodnam verò minus concilium appellaretur, haud facile dixerim: non certè, prout nonnulli credunt, XL-virale: etenim sæpius in antiquis legibus scriptum legimus, Nos Dux Venetiarum, &c. cum nostris Iudicibus, ac sapientibus concilii minoris, & majoris, & XL, & collaudatione populi Venetiarum, quo fit, ut minus concilium aliud omninò fuerit à XL virale. Crediderim  
potius

potius ad senos consiliarios Duci adiunctos referri, sed hoc etiam difficultate non caret, cum haud semel *sapientes minoris concilii* vocatos reperiam. Ex his apparet, maiora Comitia ante Sebastianum Ducem instituta: post eum verò ad eorum, quæ modò videmus, similitudinẽ quendam propius accessisse, quod forsan Iannotius ipse voluit. Fastos verò injuria temporum non habemus ante annum 1261. Ex his apertissimè constat, longè alia ratione majus concilium constitutum fuisse, quàm modo fit: Veruntamen aditum quendam dedisse, & aperuisse viam ad hanc ipsam, quam videmus perpolitam, & numeris omnibus absolutam rationem Comitiorum.

NOT. XV. IANN. *Itaque Dux moderabatur universam Rempublicam.*

C O N T. De republ. lib. secundo.

Bodinus, & alii quidam recentiores non satis benè in rempublicam Venetam animati, ex iis, quæ Iannotius hoc loco scribit, occasione sumpta falsissimam & absurdissimam rem litteris mandarunt: penes eos Duces, qui præcesserunt ætate Sebastianum Zianum, planè fuisse regiam potestatem: cum tamen istiusmodi nihil Iannotio exciderit, quippe qui nullibi tribuat jus Duci-

Ducibus regium: veruntamen multo maiorem auctoritatem, quàm quæ in præsentia, ita ut ad regiam administrationem quamproximè videretur accedere. Quo in genere mirum alicui videri non debet, si nonnihil est falsus homo peregrinus, cui satis non fuerit sive otii, sive facultatis ad res externas peruestigandas parum sibi notas. Illi quidem acri vituperatione digni, qui temerè & impudenter Auctoribus asserunt, passimque obtrudunt pro sinceris ea, quæ nunquam illi somniarunt. Quemadmodum Bodinus penè transtulit in *planè*, quodque Iannotius ait, olim Duces in republica fuisse penè ut summos Principes; hoc ille interpretatus est ex ingenio suo, in Ducibus fuisse *planè* regium statum. Falli tamen Iannotium, quatenus existimat, antiquissimos Duces negotia publica curare, arbitrioque suo moderari cuncta potuisse, vetus reipublicæ Venetæ institutum declarat, quæcunque tractanda inciderent ac deliberanda, expediendi non alio nomine, quàm Ducis, ejusdemq; jussu & edicto præmunendi, quicquid publicè mandaretur, aut promulgaretur. Quo fit, ut species ubique regni ac principatus, si quis altius rem non expendat, intuenti occurrat, & nihil



& nihil appareat nisi magnificum, im-  
mò verò summum, eaque species falle-  
re possit, vel hac ipsa ætate, nedum  
tam longo temporis intervallo in re-  
bus à nostra memoria nimium quan-  
tum remotis. Equidem hoc unum ar-  
gumentum satis esset, non modò ad re-  
fellendum Iannotium in fraudem im-  
pulsus: sed etiam ad obterrendas ca-  
lumnias omnes malignorum; nisi alia  
tàm multa suppeterent illustria, &  
comperta, ut prætermitti ac sileri nul-  
lo pacto debeant. Ante omnia nobis  
occurrit nomen ipsum Ducis, idcirco  
à liberis populis ei tributum, quem  
vellent esse moderatorem perpetuum  
reipublicæ: quod scirent id non im-  
mensæ cujusdam potestatis, supremiq;  
dominatus, aut imperii vocabulû esse:  
sed certis quibusdam legib<sup>9</sup> temperatæ,  
coërcitæq; jurisdictionis alia auctorita-  
te, ex qua penderet majori, & præstan-  
tiori. Nam sive Longobardorum gens,  
ut nonnullis placet, sive à Constantino-  
politans Imperatoribus missi Exarchi  
(quemadmodum probare studet Hie-  
ronymus Rubeus historiæ Ravennatis  
egregius scriptor) excogitarint primi  
rationem creandorum Ducum: con-  
stat semper iis Duces obnoxios fuisse,  
à quibus ejusmodi titulum essent con-  
secuti

secuti, nec repugnare, nec adversari impunè potuisse. Sic Exarchi cuncta gerentes arbitrato suo dabant, & auferbant civitatibus, quos volebant Duces, & Longobardi Regiæ administrationis pertæsi, tribuisse proceribus aliquot perhibentur hoc nomen, quibus inter se dissentientibus, fœdèque grassantibus imposuerunt universis paulo post Regem. Utrolibet igitur exemplo illi prisci Veneti, præficiendum Reipublicæ Ducem existimarint: certè moderati & æqui regiminis, non summi ac immensi, planè incolumi libertate formam statuere. Demonstrat hoc evidenter jus Ducis, siue lex ea perverus, priusquam Dux nominaretur, à populo lata, cujus memoriam exceptam publicis Annalibus ad posterorū ita pervenisse, nihil ut testatius divini cujusdam muneris loco habendum, ut invidorum atque improborum malignitas probè coarguatur. Ergo quemadmodum Regia lex, Vlpiano teste, omne imperium, & omnè potestatem in populum Regi conferebat, quam quidem legem Livius tradit cum urbe ipsa nata: ita lex Veneti Ducatus omnium antiquissima tantum abest, ut omnem transferat potestatem à populo in Ducem, ut è quatuor

tuor supremę majestatis viribus, unum permiserit imperium judiciale, idque etiã suis finibus circumscriptum: cunctas autem deliberationes rerum maximarum creationesque Magistratum, exceptis judicibus, in eorum potestate relinquat, penes quos antea fuerat, unã cum legum lationibus, scitis, & sanctionibus. Sed recitare libet ex Andrea Dandulo singula capita legis, seu juris Ducarii. *Vnanimiter, inquit, decreverunt solum Ducem præesse, qui a quo moderamine populum gubernaret, & jus atque potestatem haberet in publicis causis generalem concionem advocandi, tribunos etiam & judices constituendi, qui in privatis causis, exceptis meris spiritualibus, tam Clericis, quàm Laicis, æqualiter jura tribuerent, ita tamen quod gravatis quodocunque libeat Ducis remedium implorare. Ejusque jussione Clericorum concilia, & electiones Prælaturarum à clero & populo debeant inchoare, & electi ab eo investitionem accipere, & ejus mandato inthronizari. His enim salubriter ordinatis, &c.* Ex his apparet, universam potestatem Ducis judiciali potissimum jure terminatam fuisse, ut liberè administraret, quicquid eò spectaret, juriq; dicundo

præficeret etiam, quos mallet : hoc verò non diu Ducibus permissum, ut ex Annalibus ipsis clarissimè constat. Si quis tamen argumentum hinc eruat summæ potestatis, quæ aliundè non pendeat, neque aliò respiciat, hunc etiam fateri oportebit, summam Potestatem in Curiis, quæ Parlamenta vocantur, modò residere, Regesque maximos & amplissimos non amplius reges, sed eorum arbitrio voluntatiq; subjectos, qui citra provocationem judicent singulis de rebus, quasi Rex aliquis ejusmodi facultate præbita imperio ac potestate summa unquam se abdicarit, aut quicquam de jure suo decedendum putarit, optimatesque & populus Venetus in Duce creando ita concesserint omnes in ejus imperium, ut avita libertate voluerint sese ultro spoliare. Quis credat, homines liberos, decorisq; avidos ita rationem ac mentem omnem abjecisse, ut potius in cervicibus suis imponerent impotentissimum dominum, quàm custodem, ut vindicem communis libertatis asciscerent? Sed ut omnes apertè videant, omninoq; intelligant, imperium semper in populo supremum mansisse, hæc erunt animadvertenda, & consideranda : jus optimatum atque populi

ce



ceu liberi, fuisse de fortunis & capite civium judicandi, neque modò in privatos sæpenumero animadvertissè, sed etiam Duces ipsos nonnunquam multassè cùm ignominia, & exilio, tùm etiam cæde : quinetiam ad horum auctoritatem magis moderandam, paucis post annis, quàm creari denuò fuerint cæpti, ademptam illis facultatem initio collatam, eligendi tribunos aut judices : tandem verò nihil omninò Duces absque assensu populi, populum verò potuissè, vel invitis Ducibus, quicquid è republica videretur jubendo statuere : (populi autem nomine complector etiam optimates, ne qua fortassè vis hoc in verbo fiat.) Hæc non fallacibus ac levibus nixa conjecturis, sed testimoniis locupletissimis comprobata, & illustrissimis exemplis ab historia petitis, nonne multo potius imperium optimatum ac populi, quàm ullius ex antiquis Ducibus evincere fuisse ? Aggrediamur igitur rem propositam, & ostendamus, auctoritatem judiciorum non ita populum transtulissè in Tribunos ac Duces, ut integrum sibi non foret, si quando vellet, de maximis criminibus, ut de rebus aliis, cognoscere. Cum aliquot è primariis civibus antiquæ

nobilitatis & magnæ potentix conspi-  
 rassent in Duces Participatios, Angelū,  
 & Iustinianum, statuit ejusmodi faci-  
 nus Populus vindicare, quemadmo-  
 dum in minori chronico scribit An-  
 dreas Dandulus, *majestatisque damna-  
 tor Ioannem Tornaricum*, seu Taloni-  
 cum, & *Bonum Brandanitium*, seu  
 Bragadenum (nam cognomina utraq;  
 variè scripta reperio) patibulo addixit:  
 supplicii locum è regione D. Georgii  
 idcirco reor Annales præcipuè notasse,  
 quod alibi fontes antea plecterentur,  
 nimirum in area, quæ dicitur adhuc  
 Bragora, corrupto forsan vocabulo à  
 Græco ἀγρῶ. Tertius conjurationis  
 princeps Ioannes Montanarius cum  
 fuga sibi consulisset ad Lotharium  
 Regem, bonis sub hasta divenditis per-  
 petuò exulavit. Non minus celebre  
 iudicium, & quæstiones habitæ de Pe-  
 tri Gradonici optimi Ducis nece, cum  
 Satagente Vrsō novo Duce tres à po-  
 pulo iudices constituti, Petrus Episco-  
 pus Equilinus, Ioannes Archidiaconus  
 Gradenfis, & Dominicus Mafonus, in  
 reos pœnæ capitalis retulerunt hos ci-  
 ves, Ioannem Gradonicum, & duos  
 ejus filios, Stephanum Sabularium, &  
 Ioannem Labrescam, qui tamen tru-  
 cidati fuerunt, à quibus, incertum,

antequam more majorum pœna sumi posset : tres Petri, unus Candianus, alter Cletensius, tertius Flabanus unâ cum Dominico Faletrio Constantino-  
polim ; Stephanus autem Candianus, plurimique alii in Transalpinam Galliam relegati, & ne quis unquam restitueretur, severè cautum. Hæc à iudicibus, quos diximus, decreta, comperimus auctoritate populi esse comprobata ; sicut etiam de Vrseola gente factum novimus, honoribus atque ornamentis omnibus à populo spoliata ; sed nihil æquè declarat supremum jus populi, quàm sententia capitalis per eundem lata in Petrum Candianum, quartum Ducis ipsius filium, atque ut ferebat ejus temporis consuetudo, patri non modò successorē, sed collegam datum. Is perditis profligatisque moribus adolescens, cum patris gravissimi viri atque sapientissimi, ad meliorem frugem ipsum iterum ac sæpius revocantis, asperiora monita, & disciplinam sustinere non posset, consilium cæpit iniquissimum ; instigantibus iis, qui ejus amentię, furorique palàm serviebant, ut ille patrocigaretur vicissim ipsorum audacię, conjuratione inita in senis & dignitatem, & vitam : sed re patefacta & comperta in custo-

diam traditus, qui clandestinis appetierat insidiis paternum caput, publico populi iudicio condemnatus, afficiendus jamjam erat extremo supplicio. Tunc specie miserabili parens in publicum prodiit, profusisque lachrymis deprecari acerbiter supplicii, atque fœditatem, deplorare suam calamitatem, ostentare caniciem, commemorare tam merita majorum, quàm sua, quibus miseri filii vitam condonari, ætatisque suæ imbecillitati palam flagitabat: non impietatem, nec scelus ullum adolescenti, sed imprudentiam, atque inscitiam crimen id conflassc: quare non atroci adeo animadversione, sed alia minus gravi coercendum esse, ut perditum vellent juxta natum, atque patrem. Constitutum erat populo suum iudicium obfirmare, sed optimi Ducis mœrore atque orbitate commoti, ne quid ille in se gravius consuleret ob angorem veriti, rescissa priori sententia, ita statuerunt, ut poenam quidem mortis evaderet ille in gratiam patris; veruntamen dignitate pariter atque patria amissa, citra ullam spem illius, aut hujus recuperandæ in sempiternum exilium deportaretur: subscripserunt huic sententiæ simul omnes ordines, solenniique jurejurando etiam



etiam se obligarunt: id verò quia violari mox contigit inconstantia vulgi, acclamantis eum Principem ab exequiis patris, res malè vertit, & renunciantibus, & renunciato, ut cuilibet est in promptu. Quid hic dicturos existimamus, quid causaturos, quicūq; Ducibus antiquis summū jus tribuerunt? Nonne summū dicitur id, quo nihil est majus? cujus imperio continentur omnes, & coërcentur? Atqui nihil in Venetis Annalibus tam frequens, & obvium, quàm Duces ipsi à populo coërceri soliti. Dicent fortasse, non tantum quid factum fuerit, quàm quo jure factum fuerit, spectari oportere. Veruntamen ipsa lex Ducatus antiquitus lata declarat, non injuria coërcitos Duces, aut plus, quam tributum fuisset, sibi vindicantes, aut gravioris alicujus noxæ criminisque compertos; & quanquam nonnulli vim populi concitati, legitima tamen judicia multi subiēre, cujusmodi præter supradicta de Obelerio quoque Duce accepimus factum, perduellionis damnato sub Gallicum bellum. Is huc atque illuc extorris diu, & multum vagatus, cum redire in patriam nunquam potuisset, vel potentissimorum Principum gratia & patrocinio, vim adhibendam existimavit,

funesto consilio, quod illi tandem supremum exitium attulit. Nam Meta-  
maucum accitus à civibus suis, qui defectione facta transierunt in illius partes, non multo post oppugnato expugnatoque oppido, vivus in Ioannis Ducis venit potestatem, abscissisque cervicibus, ex sententia lata, temeritatis & perfidiæ poenas unà luit. Ex quibus animadvertere cuilibet datur, quàm inania, quàm falsa, absurdaque sint de summa Ducum potestate quorundam commenta. Quid enim? Obelerius vel duorum fratrum subsidio fultus (nam Beatum constat initio unà consensisse) Gallicis partibus addictus non una de causa, rem tamen ex arbitrio conficere nunquam potuit, adversantibus aliis, qui Græcis obnixè studebant; & erit aliquis tam rudis atque adeo vecors, qui putet auctoritatem supremam penes Duces fuisse? Cur ergo Mauricius senior plebi iucundissimus, qui summis opibus, summaque existimatione florebat, pro imperio nunquam restituit Ducatus sedem, paulo ante Meta-  
maucum translatam, Heracleæ suæ patriæ? Cur in candidatorum suffragationibus, si quos rerum sacrarum Antistites designari vellent, non semel legimus Duces repulsam tulisse? quin-  
immo

immo Tribunorum studiis nonnunquam suffectos, qui maximè Ducibus invisi, atque infensi essent? quemadmodum ob consanguinei Patriarchæ cædem Fortunatus Ioanni, & Mauritio Ducibus omnium offensissimus, nihilominus Tribunorū suffragatione successisse proditur, ac nimirum conatibus Ducum obistere solitos, si quid perniciosum molirentur, Tribunos legimus; qua de causa in Rivo alto post Gallicum bellum Angelus Participatius Dux ubi à populo dictus, stabilire visum est omnibus exemplum salutare, in auguratione Dominici Monegarii pridem institutum, geminos, qui Duci assiderent, Tribunos creandi: quæ res tantopere augebat jus ipsius reipublicæ, quantopere compescebat audaciam Ducum, quibus obnoxii Tribuni non amplius agebant in posterū creandi iussu atque arbitrio populi; ne quis tamen exiltimet antequam ea fierent, summos rerum moderatores atque arbitros Duces extitisse, contra quam lege Ducaria constitutum esset, Gregorii II Pontificis expendendæ litteræ, quarum hæc inscriptio; *Dilectis fratribus Donato Patriarchæ, & Episcopis, atque Marcello Duci, & Plebi Venetiarum, &c.* In ipsius autem litteris



(nam cuncta recitare nil attinet) præcipuè debent hæc verba notari, & perpendi. *Quia igitur missa relatione ad nos a Deo salvata communitas vestra petiit contra Forojuliensem Antistitem aientes, quod cupiat invadere ditionem Gradenfis Ecclesiæ.* Cōmunitatis enim, sive Communis nomen nihil aliud significat, quàm rempubl. ipsam, quod etiam Carolus Sigonius probè animadvertit hist. de Reg. Ital. lib. x. Supremam verò Majestatem temporibus iis unà cum Duce in populo resedisse, ostendit Ducis pariter atque Plebis in litterarum fronte prima mentio: sic etiam in litteris datis à Gregorio III, licet inscriptio desideretur absoluta & integra, vitio librariorum, qui compendia sectantur, indicat tamen aut plebis, aut populi prætermissum nomen, quatenus apposita est hujus compendii nota, *Dilecto filio Vrsō Venetiarum, &c.* tunc quidem alia sententia, quam cum postea contigit Dalmatiæ domitiæ, & Croatiæ titulos accedere: immò verò in antiquo exemplari vidimus disertè scriptum *Tribunis, & Populo.* Sed in deliberationibus, in fœderibus, & quibuscunque sanctionibus, quarum memoria litteris commendata superest, expressum legimus  
populi



populi ipsius nomen: & quia commemorare singula nimis longum esset, unum aut alterum satis fuerit in medium afferre ex antiquioribus, quæ ad nos pervenerunt. Angelus Particiacius Dux, & Iustinianus filius ejus, & collega concesserunt *Abbati sancti servuli Capellam Beati Ilarii, cum suis territoriis, at his ipsis verbis. Nos quidem Angelus, & Iustinianus per divinam gratiam Venetæ Provinciæ Duces unâ cum Reverend. D. Fortunato sanctæ Gradenfis, & Aquileiensis Ecclesiæ Patriarcha, & Christophoro venerabili Episcopo sanctæ Olivolensis Ecclesiæ, atque universis populis habitantibus, plebe Christo dilecta, &c.* Subscribunt verò Patriarcha, Duces, Episcopus, Ioannes Tribunus, & multi alii. Petrus verò Tribunus cum Clodiensib<sup>9</sup> pactiorem fecit de iis, quæ Duci præstare deberent, in qua disertè scriptum; *chartam securitatis facimus nos Petrus Tribunus Dux, & omnes totius Venetiæ majores, & minores, quorum nomina subtus erunt scripta. Sunt autem ad quinquaginta nomina, quæ legi possunt. Ego Petrus Tribuno, Dei gratia Dux, confirmo.*

*Ego Petrus Forentio Iudex manu mea scripsi.*

*Ego*

*Ego Petrus Caloprinus Iudex manu mea scripsi.*

*Ego Feliculo Marin Iudex manu mea scripsi, &c.*

At de Petro IV Candiano Duce scribit Andreas Dandulus, *Iste Dux cum Bono Patriarcha, Petro Episcopo Olivolenſi, Ioanne Episcopo Torcellano, & cæteris Episcopis, Clero, ac populo Venetiarum decretum ab Vrſo Duce conditum renovantes, ſanxerunt inhibentes commercium de mancipiis Chriſtianis. Nono quoque ſui ducatus anno Dux cum Patriarcha, Episcopis, Clero, & populo Venetia legatos miſit Ioannem Contarino, & Ioannem Dente Ioanni Papa, & Ottoni Imperatori, &c. Cum verò deſciviſſent à republica omnes Iſtriæ populi, coacti ſunt armis iterum imperata facere, novaque ſponſione ſe obligare, cujus extant tabulæ. In nomine Domini noſtri Ieſu Chriſti, imperante D D. Ottone Sereniſſ. Imperatore anno quarto, die XII menſis Octobris, Indiçt. quinta. Hiſ tabulis Sicardus Comes, atque Iſtria veſtigaliſ facta convenire ſe ajunt unà cum Petro Orſeolo glorioſiſſimo Venetiarum Duce, & cum univerſo ſuo populo. In fœdere quoque omnium glorioſiſſimo inito cum Patriarcha Hieroſolymitano, cæterisque Prin.*

Principibus anno à Christo nato M c-  
xxiii non semel repetita leguntur hæc  
verba; *Vobisq; Duci Venetiarum, & Ve-*  
*stra genti promittimus.* Innumera sunt,  
quæ Ducem cum ludicibus, & Princi-  
palibus, seu Primatibus, ac populo Ve-  
netiarum nominant, nec ullam un-  
quam sanctionem, pactionem, fœdus,  
Ducis unius nomine celebratum in to-  
tis Venetis Annalibus ostendi potest :  
quod certissimè arguit, nihil agi po-  
tuisse inconsulto populo, cujus etiam  
rei documentum capere possumus ex  
eo, quod voti causa cum Venetias pro-  
fectus esset, ut beati Marci veneraretur  
corpus, Otho Imperator, clamque o-  
mnes adventum suum esse voluisset,  
fortassè ne quid turbarum se absente  
fieret; triduo post eius abitum, con-  
vocata concione, ut hospitium, quod  
in scio populo impertierat sibi fraudi  
non esset, Dux Petrus Vrseolus II ex-  
posuit rem gestam, necessitatemque  
excusavit accurata oratione, quam ex-  
cusationem à populo acceptam dum  
Annales tradunt, haud obscurè signi-  
ficant, fieri potuisse, ut ea non accipe-  
retur, & Dux reus fieret. Quod si non  
erat integrum atque tutum, excipere  
in ædibus aliquem Principem hospi-  
tio; qui poterat ipse Dux inconsulto  
populo

populo, vel collegas, vel successores liberè designare liberos? Vix credam Iannotium ita unquam opinatum, aut hallucinatum oportet in re apertissima. Nihil enim in Veneta historia notius, magisque compertum, quàm senioris Mauritiū meritis ac precibus, eximii loco muneris, id à populo indultum, mox in exemplum perniciosissimum à posteris tractum, ut impetrarent alii filiis, alii fratribus consortium Principatus, atque adeo successionem; neque tamen unquam memoriæ proditur hoc factum, nisi populo assentiente, atque comprobante. Nam Duces nihil aliud, nisi quod rogabant, sicut etiam in deliberationibus publicis, & legum lationibus: populi verò supremum iudicium erat, in quo Duces acquiescere qualicunq; oportebat. Argumento sit, quod Dominicus Flabianicus Dux, cum ejusmodi consuetudinem abolitam cuperet, quæ non nihil detrimenti videretur allatura reipubl. illudque haberet exploratum, legem abrogare potestatis ejusdem fore, quæ scivisset, non ipse pro imperio antiquavit, sed indicta publica concione ad populum retulit, cujus id scitum esse, atque iustum noverat, vellentne cum certa perniciæ fixum stare, an metus



tus omnis tollendi causâ refigi, ac rescindi? Ridiculum fortè videbitur quod attexam, sed valdè appositum, ni fallor, atque adeo opportunum vel in minutis quibuscunque & minimis rebus, ad ostendendum, populo quantum juris esset. Legimus enim in Græcorum quandoque odium, à quibus plurimum dissidere cæperat respublica, in publico concilio sancitum omninò fuisse, ne quis summitteret barbam, præterquam luctus causâ. Ex his apparet, quàm verè sit à nobis dictum, nihil agi unquam consuevisse sine populi iussu, ideoque in ejus offensionem, facillè incurrebant, si qui Duces aliquando sibi plus arbitrii sumpsisserent, quàm lege tribueretur in negotiis gerendis: quid? quod immerentes odia multi etiam subibant ex cõmuni sententia rebus constitutis, si minus ex succederent, atque accideret, ut infortunium aliquod grave acciperetur ob Ducum suasiones, consilia, vel infausa auspicia; vulgo nimirum ex eventibus cuncta mentiente, & cujus nomine juberi edicique solita, huic temerè accepta referenti tam bona, quàm mala. Ita cum Vitalis Faletri Ducis funus duceretur, ab universo populo diræ fuit devotum, quòd summa caritas

tas annonæ fuisset eo principe, & exprobranda rei gratia vino & pane ingestis, sepulchrum ejus constratum, & commaculatum. Tale quid etiam paucis jam annis contigisse novimus Petro Lauredano, Duci optimo & innocentissimo, cum tamen hic annis quadringentis ferè posterior Sebastiano Ziano, ille verò superior annis plusquam nonaginta. Quod etiam temporibus nostris non semel accidit, cum annonæ præsertim ubertas & caritas à vulgo Ducibus tribui soleat, non alia certè ratione, quàm antiquissima reipubl. consuetudine, cunctas deliberationes, atque publica edicta non alio, quàm Ducis ipsius nomine vulgandi. Quæ res ostendit, præteritis omnibus temporibus haud dissimili ratione, quàm modò administratam rempublicam, discrimenq; illud ab Iannotio indutum prorsus nullum esse; cum præsertim ea, quam affert, historia Ducis Raynerii Zeni, à populo conviciis lapidibusque appetiti, propter molendi tritici vestigal auctum à Senatu, fidem tantam faciat, semper in Duces redundare solitum, quicquid offensæ contraherent præsidēs reipublicæ, doceatque turbam furore concitatam, posteaquam amplius in Principem grassari

non potuit, ex ejus manibus elapsum, domiq; suæ abditum, non tam in principes atque auctores ejus sententiæ, quàm in privatos cives impetum tulisse, quos ejusmodi res & causa minime attingebat. Sed rem totam ut paucis complectamur, semper Dux Venetorum libera in republica tantum obtinuit summi juris atque auctoritatis, quantum ingenio, bonis artibus, gratia, & opibus, vel propinquorum, vel amicorum apud cives valuit: imperii summam vim ipsam nunquã habuit, sed imaginem tantum quandam, & umbram imperii, plus minusve, pro temporum varietate. Antiquitus penes illum fuit iudices statuere, & Magistratus quosdam etiam designare: quin etiam Domini nomen quandoque audiebat, mox id lege fuit vetitum, ut alia permulta, quæ antiquis Ducibus honestandis vel concessa, vel permissa fuerant. Serenissimi tamen titulus adhuc manet, regaliaque insignia, & sella in medio suggestu; comitatus etiam eorum, qui modò scutarii, olim verò excusati vocari solebant, ad perexiguum numerum contractus superest: Veruntamen ad extrema prope nunc devenit, cum in funere cujusque principis creati

Quatuor-viri de potestate illius semper aliquid detrahant.

NOT. XVI. *Postremò tandem, quod meam sententiam, &c.]* Licet aliquando hoc ipsum Gentilis hominis nomē in primis annalibus reperiatur, contra quam credit Iannotius; nam Petro Tradonico Duce legimus hæc ipsa verba: *Et avvenne che'l sopradetto Dose veniva mal voluto dal popolo, & etiam dalli Gentilhomeni, perche el non curava de favellar al popolo, e con li Gentilhomeni; ne'l voleva altra compagnia, se non delli soi servi.* Sicuti etiam alibi non semel. Frequentius tamen vocantur *Majores*, aut *Primores*, & sæpius *Tribuni*: etenim hoc nomine censebantur non modò, qui functi essent Tribunatu, sed etiam, qui ex familiis tribunitiis ducerent originem, hoc est, unde aliquando Tribuni creati essent. Arguit hoc ea loquēdi formula, quam Annales usurpant, ubi loquuntur de familiis Patritiorum. *Fuerunt antiqui tribuni.* Frequenter etiam legimus in iisdem, ab hujus, aut illius familiae *Tribunis* sacras ædes complures vel ædificatas, vel ornatas esse: nec non *Tribunos*, & *Magnates* urbis ita decrevisse: quo fit ut latè admodum pateret hoc Tribuni nomen, & complecteretur

Patri-



Patritios, & nobiles cunctos, prout etiam voces *Majorum*, aut *Primorum*: quæ si Iannotius noster animadvertisset, profectò quod miraretur, nihil habuisset, in monumentis antiquis Venetorum hanc Gentilis, ut modò loquimur, hominis vocem non audiri. Nomenclatura enim est haud recens, res autem perverus, & priscis vocabulis memoriæ commendata.

N O T. XVII. *Contigit autem, ut qui &c.*] Fallitur Iannotius: semper enim penes majora comitia summa potestas fuit, & cum Tribuni reipubl. præerant: quod clarè ostendit Andreas Dandulus, dum ait; *Interea Venetiæ maritimalis regio propter bellicas clades populis aucta in qualibet insula tribunos annuales constituit, qui incolis justitiam exhiberent, facta verò in communi tangentia ab omnibus comprovincialibus congregatis determinare consuetum erat: & postquam Duces creari cœpti sunt, ut suprà ostendimus, & ex omnibus priscis annalibus manifestissimè apparet.*

N O T. XVIII. *Qua de re Triumviros, &c.*] De Patritiis non amplius ad Capitale Quadraginta virum collegium refertur ab Advocatoribus: sed amplissimum Collegium institutum

est, quod solemne vocatur, in quo præter Quadraginta-viros Dux ipse adest cum suis consiliariis, ac præconsultoribus, quos sapientes vocamus: Ad hoc de iis, qui Patritios majores suos extitisse docere volunt, ideoque in Patritiorum se numerum cooptari, refertur: cujus partes sunt constituere, an Patritius ille haberi debeat, nec ne. Multæ præterea sanctiones conditæ, quibus cautum est, ne quis in re tanti ponderis, atque momenti verba dare, aut quavis ratione fucum facere possit.

NOT. XIX. *Quandoquidem tu minime abs re futurum, &c.*] Sicuti majora Comitia sensim ad formam hanc perfectissimam, quam modò cuncti admirantur, ut superius diximus, pervenere; variisque decretis vel tempus convocandi, atque adeo dimittendi: vel qua potissimum ratione iretur in suffragia: vel quinam essent in concilium admittendi, ejusque generis multa pro temporum varietate, non speciosè magis, quàm prudenter à majoribus nostris constituta fuerunt: ita comitiorum locus atq; sedes, in quam convocari deberent, non semper una atque eadem fuit. Neque enim solummodo priscis temporibus Heracleæ, Meta-

re.  
re.  
co-  
Ad  
nos  
Pa.  
re-  
re,  
e.  
z,  
at  
la.  
)  
re  
z.  
ac  
ri  
r.  
is  
:  
n  
i-  
l.  
e.  
y.  
2  
1  
2  
-  
3







Metamauci, ac denique Rivialti habebantur : sed postquam etiam sedes ipsa, & domicilium imperii faustis tandem omnibus fuerunt in Rivum altum translata, ac æternum fixa; modò in Principum ædes, qui antiquitus pro eorum arbitrio, vel in Ducario, vel in privatis eorum penatibus habitabant; modò in D. Marci Ecclesiam, aut etiam in alia templa comitia vocata legimus : His vero temporibus, atque superiori ætate non alibi, quàm in amplissimo, & augustissimo conclavi haberi solent, sicuti Iannotius scribit. Attamen cum paucis ante annis Ducarium ferè totum cum ipso conclavi repente incendio deformatum, atque absumptum fuerit, cuncta non solum in pristinum nitorem restituta, sed multò etiam ampliora, atque augustiora reddita sunt, tanto auri splendore, tabularum egregiè pictarum varietate, tantisque ornamentis, ut nihil supra. Scabellorum verò, de quibus Iannotius mentionem facit, effigiem quandam hîc expressam apponere decrevimus, sicut etiam Tribunalis ipsius Principis, ut cuncta non auribus tantum percipi possint, sed oculis etiam quodammodo spectari.

FIGURA A.

Cc 3

NOT. XX,

NOT. XX, & XXI. *Sedet autem Dux, &c.*] Tribunal modò Principis perpetuò statuitur in latere minori conclavis, quod Castellum spectat, incredibilemque præ se fert gravitatem, & majestatem.

FIG. B.

NOT. XXII. *Vrnæ tres statuuntur, &c.*] Apposui quoque urnarum, quos Pileos dicimus, imaginem cum basi; statuuntur verò ante Principis tribunal hac ipsa ratione.

FIG. C.

NOT. XXIII. *Praferunt autem singuli, &c.* Iann. & Cont. lib. 1.] Loculi lignei inter se connexi sunt hac ipsa specie, quam hîc subjecimus: prassinus inscriptus est his notis *De No*, qui rejicit candidatum: albus verò *De Si*, qui favet: in aliis verò decretis, in quibus posset alicui non liquere, tres sunt loculi simul conjuncti: tertius autem est ruber, atque inscriptus *Non sint*.

FIG. D.

Incredibile dictu est, quàm aptè & decorè, quamq; celeriter cuncta fiant, quæ ad suffragia ferenda spectant. Declaravit Iannotius egregiè universam eligendi, atque adeo suffragandi rationem. Operæ tamen pretium existimavi imaginem oculis subicere tribunalis,

nalis, dum electores sortito creantur, quod vulgo dicimus *Andar a Capello*, est autem ejusmodi;

## F I G. E.

In suffragiis vero numerandis, postquam loculi delati sunt coram Consiliariis, qui huic rei præsunt, pilæ, seu globuli lignei inferuntur in quandam tabellam, ducentis foraminibus perviam, tanto artificio concinnatam, ut quotiescunque globuli immittuntur, toties ex eorum numero ducenti in capsulam subjectam decidunt, & mirabili celeritate numerentur. Hujus autem effigiem apposuimus, ut nihil omninò desiderari possit, quod totam hanc absolutissimam suffragiorum ferendorum rationem patefacere, & quovismodo illustrare posset.

## F I G. F.

N O T. XXIV. *Primum qua de causa, &c. Iann. & Cont. lib. 1. in fine.* Non solum candidati nomen edit magnus Cancellarius, sed patris quoque, atque avi, si Dux, aut D. Marci Procurator fuerit: quod etiam ad majorem Candidati notionem, maximè spectat, tum quia sæpè plures erunt ex eâdem gente eodem nomine vocati, qui paterno nomine differunt: tum etiam quia in magistratibus commit-

tendis haud immeritò plurimi facimus, quo quisque genitore, quaque familia ortus, & procreatus sit

NOT. XXV. *Et quanquam magistratus nulli, &c.*] Nunc lege lata statutum fuit, ut præter Trium-viros Advocatores nonnulli Magistratus ad jus dicendum convenire possint, ac debeant.

NOT. XXVI. *Atque facies Ducis, &c.*] Immò verò facies ipsa Ducis non inscribitur modò in numis rei-publicæ, quod lege vetitum est, sed nomen tantum, & effigies quædam, & imago non hujus, aut illius Ducis, sed hominis Ducalibus insignibus exornati.

NOT. XXVII. *Cur deducatur ad aulam, &c.*] Non aliâ sane de causa Dux deducitur ad aulam Publicorum, quàm ut humanæ conditionis memor sit. Quod etiam à Magno Cancellario prisco ritu, & solemnibus verbis in memoriam revocatur.


NOT. XXVIII. *Sex igitur Consilarii.* Iann. & Cont. lib. 3.] Consilarii præterea bene mane soli conveniunt, & usque ad tertiam diei horam, aut privatos homines cum supplicibus libellis, aut Magistratus inter se de jurisdictione certantes, audiunt:  
deinde



aci.  
que

gi.  
a.  
os  
ad  
ne

s



deinde vero cum Principe ac sapientibus sacris interfunt, mox simul coeunt omnes, aut de rebus publicis tractaturi, aut exterorum Principum legatos, aut subditorum populorum oratores, aut etiam privatos homines audituri.

N O T. XXIX. *Concilium Decemvirum.* Iann. & Cont. lib. III.] Nulli modò sunt Decem-viris adjuncti; longo namque usu edoctis Patritiis additione carere multo satius visum est. Constituitur id concilium à Duce, sex Consiliariis, ac ipsis Decem-viris, præterea nemine. Hi verò de pace & bello, atque publico ærario nihil planè deliberant. Crimina tantum, eaque summa, & atrocissima audiunt, atque in fontes animadvertunt: præcipuè perduelles, immò verò tres instituti sunt ex hoc ipso Concilio, qui cum studiosè in fontes inquirere debeant, ex eo *status Inquisitores* appellantur.

N O T. XXX. *Est aliud præterea concilium frugum.*] Concilium frugum nihil in præsentia judicat aut definit, præterea, quæ ad fruges ipsas, & rei præsertim *frumentaria* copiam maximè spectant: sed in ejus locum Vigintivirum, & Duodecim-virum collegia suffecta sunt, quæ eodè planè ordine &

ratione causas audiunt, quibus Quadragesima viralia concilia : sed quæ cæ annorum summam non excedunt, à Duodecimo-virali, quæ verò superant usque ad D. numos, à Vigesimo-virali collegio terminantur.

NOT. XXXI. *Hujusmodi sunt, &c.]* Sunt quoque aliæ causæ, quæ hujusmodi privilegio comprehenduntur, regni scilicet Cretæ, propter loci longinquitatem : ejus Magistratus, qui *superiorum* vocatur, ubi de alimentis, aut jure dotium agitur : eæque præ cæteris, quæ propter paria suffragia ab altero Quadragesimo-virali collegio nō fuerint terminatæ.

NOT. XXXII. *Est in urbe ne quidem, &c.]* Arsenalè modò non solum murorum ambitu circumvallatum, sed Euripo, fossarum instar, undique circumdatum, insulæ speciem præ se fert. Nihilque toto in hoc genere aut pulchrius, aut instructius, aut ornatius non dicam videri potest, sed ne mente quidem & cogitatione comprehendi.

NOT. XXXIII. *Privatorum Magistratuum, &c. Iann. & Cont. lib. iv.]* Quæ desunt huic loco, ex libris, quos de Veneta republica scripsit doctissimus Vir, amplissimusque Cardinalis Caspar Contarenus, præsertim quarto  
& quin-



& quinto, suppleri possunt: in quibus more nostro nonnulla sumus animadversuri, quæ vel à scribente omiſſa, vel post quàm scripsit, in republica introducta fuerunt.

N O T. XXXIV. *Illud jus Auditoribus recentibus.* Contarenus.] Permanet quidem idem jus Auditoribus Novis, ubi quis à Prætoribus ob facinus perpetratum, aut damnum illatum, pecunia mulctatur, quæ summam quinquaginta aureorum non exceſſerit: at in causis forensibus, quas civiles appellant, Trium-viri Auditores Novissimi creati sunt, à quibus ea judicantur, quæ L. aureorum summam non excedunt, eademque pollent in his autoritate, qua olim Auditores Novi. Etenim si in eandem conveni- rint sententiam, nulla ab iis datur provocatio: si verò dissenserint, ad Duodecim-virum collegium causa de- fertur, quæ tamen, non tertio quoque die, qui dies *tertium Consilium* appel- latur, ut aliæ causæ: sed vel primo, qui *dies pendentia*, vel secundo, qui *secundum Concilium* dicitur, agi solet.

N O T. XXXV. *Quorum iudicium sex sunt subsellia.* Contar.] Iudicum Venetorum alii in Foro Marciano, alii in Rivoaltino jus dicunt. Inter Mar-

Marcianos sex sunt præcipua subscellia, quæ *D. Marci Curia* appellantur : inter hæc rectè Contarenus quinque comprehendit, *Proprietatum, Procuratorum, Advenarum, Petitionum, & Mobilium* : sed *Consules Mercatorum* perperam & alieno loco inseruit, atque *Examinatorum* iudices omisit, qui sextam, ut vocant, Curiam constituunt. Hi Trium-viri venundandis pignori- bus operam dant, & quæcunque circa pignora lis oriri potest, iudicio dirimunt : de jure congrui sententiam ferunt ; contractus omnes examinant, quosque ex legum præscripto celebratos cognoscent, iis, ut rati subscribunt, præsertim verò Donationibus. Creditoribus suffragantur, ut quæ facilè auferri, aut abscondi possent res debitoris, eas Magistratus interdicto remorari, ac sistere valeant. Sed præter sex, quæ commemoravimus subscellia, & id, quod inventis rebus præest, à Contareno, omisso nomine, positum, Cata-verum appellatum : supersunt etiam Publicorum iudices, qui olim Rivalti, nunc in *D. Marci* foro jus dicunt. Hi cum præcipuè caveant, ne quis vias, aut ædes, aut agros publicos sui juris faciat, Publicorum nomen sortiti sunt. De crimine quoque usurarum jus di-

cunt,

cunt , & controversias , quæ xx librarum summam non excedunt, celeriter dirimunt : provocatur tamen in his levioribus causis ad officium Cataveri. Sunt quoque in Marcianis Magistratibus Trium-viri syndici , quorum munus est operam dare , ut judicia rectè, atque ordine, & sincerè fiant , cunctique scribæ , præcones , & alii in foro cum Marciano , tum Rivoaltino sua munera integrè atque sine fraude exequantur. His præcipuè subjecti sunt ii , qui cum litibus imponere finem sollicito animo procurare debeant, *Sollicitatores* , & *Procuratores* dicuntur. Nec quisquam hoc munere fungi potest , nisi prius & vitæ innocentiam comprobarit , & se periculo facto aptum , nullæque sordidæ arti operam dedisse demonstraverit , atque syndicorum & Quadraginta-virum Capitalium Præfectorum , qui Duci assidere solent , suffragiis sollicitator creatus fuerit. *Consules Mercatorum* Rivoalti de mercatoribus jus dicunt : sicut etiam Magistratus ille , qui *supra consules* dicitur , causas judicat decoctorum atque adeo Iudæorum , qui fænantur.

Multi sunt præterea Magistratus, qui à senatu , ubi è republ. visum fuerit



fuerit, creari solent, tamen nec ullum ex eo percipiunt emolumentum, neque cum fuerint candidati, id munus exprimitur ab electoribus, ut de aliis dignitatibus, sicut superius diximus, fieri solet. Hujusmodi sunt Triumviri *legum Conservatores*, qui ut leges observentur, operam navant, & præsunt Arbitris, ut ex legum præscripto judicent: ab iis verò provocatur ad Trium-viros Advocatores. *Bonis feudalibus Præfecti*, *Bonis communalibus*, id est iis, quæ respublica rusticis utenda dedit; *Bonis incultis*, quæ scilicet olim vel nemoribus, vel aquis obruta non multis ante annis maxima industria, & majori impensa culturam admiserunt: *scripturæ ordinandæ*, *publicæ pecuniæ exigendæ*, & alii nonnulli, qui cuncti suis muneribus egregiè perfunguntur, omnemque movent lapidem, ut respublica adhibitis tot civium manibus, non conservetur modò, sed etiam inter omnes emineat, atque sublimè feratur.

Sunt etiam Senatorum collegia, quæ x sapientum vocantur, à quibus ea judicantur, quæ rempublicam attingere videntur; an subiecti immunitate aliqua donati fuerint, nec ne: quænam agri vectigalia pendant: ejus-



ejusque generis multa, aut etiam, quæ iisdem collegiis delegata sunt, ut de iis cognoscant, statuant, judicent.

N O T. XXXVI. *Curam instituenda juventutis.* Cont. lib. 5.] Et armis, & litteris dant operam Veneti patritii, neque ullo pacto eorum cura à republ. prætermisâ. Nam præterea, quæ Contarenus recensuit, Gymnasium est in Bibliotheca reipubl. ubi humaniores litteræ lingua Græca, & Iurisprudencia publicè leguntur. In insula præterea, quæ Iudaica vocatur, Academia superioribus annis Patritiorum fuit instituta, in qua pueri & bonis moribus, & liberalibus doctrinis imbuuntur publicâ impensâ. Ioannes verò Theopopolus Venetiarum Patriarcha, vir paucorum hominum, quique vitæ innocentia ac integritate non minus, quàm scientia atque eruditione singulari inter omnes eminet, Muriani ludum literarium aperiendum curavit in ædibus D. Cypriani, in quo pariter Veneti cives optimis disciplinis instituuntur.

N O T. XXXVII. *Peregrinus jam omnes, &c.* Contar.] Multos etiam respubl. mittit in Insulas, & in Continentem legatos proconsulari fere potestate, quos *Provisores Generales* appellant, & quamvis olim ea munera  
ad


ad tempus essent, cum scilicet è repub. videretur aliquem mittere ad ea exercenda, qui re peracta domum revertebatur, nec successor aliquis eligebatur: attamen in præsens, & Palmæ novæ Civitati, & Istriæ provinciæ, & insulis Corcyræ, Cephallenæ, atque Zacynthi, & regno Cretæ summi Senatores legati præficiuntur.

D E F O R M A  
REIPVBL. VENETÆ,

LIBER SINGULARIS.

NOT. XXXVIII. IANNOT. *Post-hac à Nicolao Leonicensio.*

CONTAR. lib. I. *Enimvero hac in re temperiem.]*



QVOD olim Laconum, atque Romanorum, idem modò Venetorum contigit reipublicæ, ut inter viros eruditissimos nondum satis constet, quænam sit ejus vera forma. Nam quidam ad popularem statum illas retulerunt, quidam verò ad paucorum sive optimatum: quidam qui rem, ut dicitur, videntur acu tetigisse, non simplices, aut uniusmodi illas statuerunt, sed per-

permittas, & ex tribus formis temperatas, & Regia, & Paucorum, & Multorum. Aristoteles quidem hoc argumentum tradit perfectæ mixtionis, quando contigit, ut unam eandemq; rempubl. alii Democratiam dicant, alii Oligarchiam. Ait enim lib. 4 Polit. cap. 9. *Manifestum est id contingere illis, qui dicunt, propterea quod perfecta est mixtio: accidit etiam idem medio, quoniam utrumque extremorum apparet in ipso.* Id vero confirmat exemplo Lacedæmoniorum reipubl. quæ visa est aliis popularis, quia populariter complura in illa constituta sunt; aliis verò visa est gubernatio paucorum, cum nonnulla haberet, quæ spectarent ad nonnullorum potentium: sed omissâ Lacedæmoniorum administratione nec non Romanorum, de quatum genere fuit à multis satis disputatum, de Venetæ reipublicæ forma disseramus. Ioannes Bodinus Andegavenſis, vir litteris multis perpolitus, & peracri ingenio, sed res novandi studio præceps, & nimium quam audax, extremo de republica suâ libro Venetam rempublicam statuit optimatum esse, quam popularem omnino contendebat existere lib. de Meth. Historiæ. Hominis autem hallucinatio ex



eo fonte profluxit, quod simplices re-  
 rumpublicar. formas duntaxat agno-  
 scit, easdem verò inter se permisceri  
 præfractè negat. Quapropter arguit  
 summos Philosophos, ipsumque Ari-  
 stotelem, qui præstantissimum reipu-  
 blicæ genus illud statuerunt, quod  
 foret è simplicibus formis probè rem-  
 peratum. Et verò in quærenda sim-  
 plicitate frustra laboranti, ubi mista  
 quærenti occurrere poterat, contigit  
 id Bodino, quod Aristoteles monuit,  
 ut distraheretur in varias adversas sen-  
 tentias, & alias probatas sibi rejice-  
 ret, posteaque probassèt rejectas, pro-  
 ut ingerebat se illi diversa species in  
 singulis reipublicæ formis perpenden-  
 dis. Quemadmodum igitur secum dis-  
 fidet Bodinus in Romanæ reipublicæ  
 formâ statuendâ, quam modò popu-  
 larem facit, modò regimen Optima-  
 tum; sic etiam pendet, ac nutat, dum  
 agit de statu Venetæ reipublicæ. In eo  
 verò Bodinus præcipuè peccat, quod  
 permissionem formarum negat, ac de  
 medio tollit, cujus aliquot argumenta,  
 seu verius commenta, evidentissimis  
 rationib<sup>9</sup> refellamus, ut hoc tanquam  
 primo gradu factò, & constituto, ad  
 alia progrediamur. Vnum Bodini fun-  
 damentum præcipuum est, quo tota  
 niti-



nititur fraus hominis, absurdaque opinio: esse res duas disjunctas, penitusque diversas rationes, gubernandi statum civitatis, quâ in re tantoperè sibi placet, ut omnes de rebus Politicis ante se scriptores, & nominatim ipsum Aristotelem arguat, quod ejusmodi distinctionem non animadverterit. Quâ tamen in re perspicuè fallitur, ne dicam mentitur. Vidit enim hoc Aristoteles, & disertè monuit cap. 5, lib. 4. Polit. *Neque verò latere nos debet, multis in locis contingere, ut quæ respublica secundum leges non sit popularis, nihilominus populariter gubernetur propter morem ac institutionem: similiter autem apud alios contra evenit, ut respublica secundum leges magis sit popularis; institutione autem, & moribus videatur magis ad paucorum regimen accedere.* Veruntamen id quandoque accidere, non fixum ac perpetuum esse, & præcipuè post mutationem rerum publicarum fieri, scripsit Aristoteles; secus atque Bodinus arripuit, ac nobis obtrudit, qui si philosophari seriò didicisset, in errorem tam fædum nunquam lapsus esset, ut operationem propriam statueret omnino dissenteaneam ab agendi principio, atque forma insita. Accidere id quidem potest

aliquando seu materiæ vitio, quæ non satis aptè affecta sit atque disposita, siue quod operantis est remissa vis, aut fortè impeditur. Sed hæc non eveniunt, nisi rarò, & fortuitò, quæ in naturam ipsam transferre velle summæ amentix est. Postulat enim ordo naturalis, & ratio, ut propriæ operationes propriæ formæ respondeant, quæ forma, si quando aberrat dum operatur, id præter naturæ ipsius ordinem accidit, qui est certus, & constans. Quam igitur administrationem civilem Bodinus proponit, si vis integra constat illi naturæ suæ, fieri nullo modo potest, ut operationes à statu formæque suæ sint diversæ ac dissimiles: sin autem vel jam corrupta est, vel certè ad corruptionem vergit, quemadmodum evenit in reipubl. mutatione, non gravatè assentimur, unà cum Aristotele operationes quasdam existere à formâ diversas, propterea quod innata vis deperit, & paulatim intercudit, quo tandem fit, ut formæ prioris corruptæ vestigia tantum maneant, dum alterius formæ sequentis affectio paulatim inducitur. Licet hoc intelligere cuilibet ex Tacito, qui lib. 4 Annalium Romænæ reipublicæ non modò à statu suo discedentis, sed jam propè extinctæ exhibet

habet quandam speciem, sive imaginem, in quâ tamen multa adhuc superessent, quæ veterem majestatem arguerent, pristinumque statum, ut quamvis forma esset recens superinducta, non tamen vetus illa prior ita foret abolita, quin adumbrare saltem aliquid operando posset. Quod igitur Bodinus assumit tanquam certum axioma, hoc esse falsissimum, & ratio, & res ipsa docet, gubernandi rationem à statu suo diversam esse. Siquidem hoc nunquam contigit in republica integrâ, sed in illâ tantum, quæ jam cepit mutari & corrumpi, atque à statu discedere, ubi profectò mirum videri non debet, si dissident, quæ prius inter se planè cohærebant, quod tamen est præter naturæ vim insitam, & *per accidens* evenit. Sed expendamus alterum Bodini argumentum; ex duabus reipubl. administrationibus, quæ differunt specie, nihil optimum conflare posse, tradit Aristoteles: ergo multo minus conflare poterit ex tribus in se confusis. Antecedens ex eo probat, quod Aristoteles lib. 2. Polit. cap. 6. reprehendit illos, qui rempubl. constituunt ex populari statu, atque tyrannide. Nam si ex paucioribus fieri non potest recta permistio, quomodo

fiet ex pluribus? Sed vel hic Auctor  
 oscitanter admodum Aristotelem le-  
 git, aut fraudem malitiosè facit. Cur  
 ex Democratia, & Tyrannide nihil bo-  
 num constitui queat, Aristoteles eam  
 rationem non affert, quam Bodinus  
 inducit (nam quis nesciat, facilius esse  
 duo simul permiscere, ac temperare,  
 quam tria?) sed quia Democratia, Ty-  
 rannisque ejusmodi sunt, ut non re-  
 ponendæ sint in numero formarum,  
 vel certè longè deterrimæ existant for-  
 mæ reipublicæ, propterea ex his duo-  
 bus generibus nihil optimum confici  
 posse, tradit Aristoteles, nihil autem  
 obstare, quo minus mistio fieri possit è  
 duobus tantum generibus, sive formis,  
 quæ cap. 8 lib. 4 Polit. scripta sunt,  
 apertè demonstrant, *existere quoddam  
 genus civilis administrationis, quod po-  
 litia à plerisque nominari solet, quæ nihil  
 aliud sit, quam permistio quadam Oli-  
 garchiæ cum Democratia*: licet enim  
 ejusmodi binæ species connumeratæ  
 fuerint ab Aristotele inter minus inte-  
 gras, hoc est, inter vitiatæ & corruptæ  
 reipublicæ formas: nihilominus do-  
 cuit, fieri posse, ut non ita multum  
 declinent ab insitâ probitate, quo fit,  
 ut inter mediocres cèseri possint, quod  
 quidem tyrannidi cōtingit nunquam,

quæ



quæ semper est labes, & vitium, qualis qualis existat, propterea cum aliis misceri nunquam bene potest. Tertium Bodini argumētum ejusmodi est: Tres formæ rerumpublicarum sunt inter se oppositæ, habent ergo diversos fines, diversas leges, & diversos status, qui si confundantur, simul perturbatio maxima orietur, ergo nihil ex iis bonum confici potest. Enimvero hic naturalis Philosophiæ se ignarum Bodinus prodit, quæ docet, eorum, quæ simul permiscantur, naturam & vim tantum superesse, mixtione peractâ, non autem formas re ipsâ, sive, ut aiunt, *in actu*. Quæ igitur prius erant inter se pugnantiæ & oppositæ, hæc postea simul conveniunt atque coalescunt, ut efficiatur quoddam commune, sed tamen diversum à singulis formis, quæ ad mixtionem peragendam concurrunt. Singula tamen hæc vim suam exerunt & produnt, plus minusvè, pro ratione ipsius temperamēti, quod proprius quidem ad unum, quàm ad aliud inclinare potest, non tamen ita planè referre & repræsentare, quin discrimen percipi queat ab eo, qui aliquid sapit. Bodinus tamen fateri non veretur, se non intelligere, quomodo ex tribus generibus modicè temperatis quartū

exurgere possit genus reipublicæ, quod vim quandam naturâ diversam à cæteris habeat. Quapropter probare nititur alterutrum; vel ex tribus reipublicæ generibus nil constari posse; vel si constetur, futurum ut nihil differat à populari statu: sed omnis conatus hominis prorsus est inanis, & rationis ejus levissimæ, & ex iis, quæ solent in scholis proponi exercèdi causâ acuedique ingenia eorum, qui Philosophiæ dant operam; itaque piget illas referre, nedum seriò refellere. Quartum Bodini argumentum, quod quidem ducit ille; majestas per se ipsa est individuum quoddam, ergo non potest simul & uni, & paucis & pluribus communicari. Antecedens firmatur auctoritate Iurisconsultorum, qui jura Majestatis esse individua affirmare solent; & hac ratione præterea, quia si Majestatis jura communicari possent, vel tribueretur omnibus ex æquo, vel singulis plus, minusvè: primum fieri non potest, quoniam alter impediret alterum; alterum quoque locum habere nequit, quia quod excederet, paulatim ad se traheret cætera, præterquam quod plus & minus recipere non possunt formæ suapte naturâ individuae, qualis est majestas. Sed homonymia multiplici



Bodini hoc argumentum laborat: nam quis neget, formam rei cujuslibet unam esse oportere, proptereaque individuum, quatenus est una? sed forma quævis dupliciter considerari potest: primò quatenus totum compositum respicit, cui *dat esse* (hic enim est opus in scholis usitatas usurpare formulas loquendi) & hac ratione forma necessariò est una, quoniam *essentia* & natura cujuslibet rei compositæ est una: secundò forma, immo etiam ipsa *essentia* spectari potest ex iis facultatibus, quas plures & diversas habet, quâ ratione non est individua, & una, sed multiplex. Quidam Philosophi admittunt etiam in unâ re plures formas, eo tamen ordine, ut una tantum potior sit, cæteras autem obsequentes subiectasque habeat, ut ratio constare possit unitatis. Quapropter in homine triplicem illi formam statuunt, vegetativam, sensitivam, necnon rationalem, quæ tamen alias in obsequio & imperio contineat, perinde ac Rex aliquis subiectos omnes, quibus dominatur. Vtraque opinio suos habet Auctores, quæ eas tuentur: prior tamen plures habet, atque potiores, quo fit, ut magis sit in scholis recepta; sed hæc an illa sit verior, ad rem nostram nil facit,

quia cum necessariò concedendæ sint, si non multiplices formæ in quavis re compositâ, ac certè multiplices vires atque facultates, dubitari non potest, quin ejusdem rei natura & forma ita sit una, ut in plura tamen officia, vel partes secerni dividique possit: ita etiam majestas ipsa, sit quamvis una, nihilominus complectitur varias potestates, vel in ferendis legibus, vel in creandis Magistratibus, vel in bello indicendo, vel in pace facienda: sed omnes enumerando persequi nihil attinet in præsens, satis est ostendere plures, & non unam esse, ad errorem Bodini coarguendum, qui homonymia deceptus studet alios decipere. Auctoritates vero jurisperitorum nihil ipsum juvant, quoniam loquuntur ipsi de totâ Imperii Majestate, quæ quatenus est ejusmodi, id est absoluta, & summa, nulli tribuenda est parti reipublicæ separatim, sed toti universæ reipublicæ corpori conjunctim, quâ ratione planè est una, & individua, ut diximus. Quæ verò stabiliendæ ratiocinationi subjeit, cuncta, quia nullo nituntur firmo fundamento, corruunt. Non enim tota majestas omnibus tribuitur, nec quatenus est, quod unum plus aut minus recipit: plures tamen eius partes, aut pau-



pauciores communicari possunt, vel pluribus, vel paucioribus, vel uni etiam tantum, prout exigit ratio, & natura reipublicæ mixtæ, quæ tota pendet à legibus in eâ constitutis, quæ ex ordinum mutuo cōsensu in dies sanciuntur. Postquam hæc scripseram, liber pervenit in manus meas satis longus Henrici Arnisæi, in quo de republica agitur. Is licet lib. secundo cap. 6. ubi fusè admodum disputat de mixtione reipublicæ, ab opinione Bodini omnino dissentiat, eiusque rationes præcipuas infirmare conetur: nihilominus placitum illud firmat, ac tuetur, quod superius à nobis confutatum est, cum probavimus apertis verisque rationibus, à propria formâ, quam consequitur, diversam non esse reipublicæ, si ea propendeat in vitium, administrationem. Affert hic Auctor eiusmodi rationē potissimum; si æstimanda esset reipublicæ forma ex administratione, fore, ut nulla inveniretur simplex respublica popularis, nullumque regnum, quod esset pura Monarchia: propterea quod multa instituta Aristocratica reperiuntur in quavis populari republ, multa quoque usurpari solent in omni Monarchia, quando Rex non modò arcana consilia, sed etiam hono-

honores & dignitates cum subiectis communicat. Hic Romanorum Imperatorum multa exempla profert, quos ait Aristocratiam mistam Imperio habuisse, quod bonam partem Imperii Senatui indulgissent. Sed excidit docto viro eorum memoria, quæ argumentando objecit Bodino, non semel confundi ab eo potestatem propriam, & precariam, si multa Imperatores Romani permittebant Senatui. Si modò Galliæ, & Hispaniæ Reges permittunt suis Ducibus, quos cum Imperio præficiunt Provinciis aut Regnis: certè proprio nomine ut administrarent, nunquam eis permittunt, alioquin à se abdicarent summam potestatem. Quam igitur conferunt in subiectos, ea precaria est, si spectemus subiectos, quibus ea impertitur; sin autem summos ipsos Principes, hæc ipsorum est propria; cui quidem potestati accidere potest, vel ex decreto certâque voluntate principum: vel etiam eorum ob indulgentiam nimiam, & facilitatē; vel tandem quod extorqueatur per vim ab invitis, ut pluribus, aut fortè uni ex primariis ac Ducibus Imperii, plures maximæque partes committantur. Ex his omnibus manifestissimè constat, Bodinum  
falli,

falli, formarumque missionem in rebus publicis negari non posse, quod doctissimis viris summisque Philosophis ex omnium seculorum memoria probatum est. Reliquum modò est, expendere celebrem sententiam eruditissimi viri Casparis Contareni, qui temperatam Venetæ reipublicæ formam statuit ex Regno, Aristocratia, & Populari statu, in quam deinde frequentes pedibus iverunt, quicumque de rebus Venetis sermonem habuerunt. Adversus hanc sententiam Bordini rationes magnam partem in superioribus confutatæ sunt: supersunt aliqua tamen ab eodem objecta; molli, quod ajunt, brachio refellenda. Nam quod probare contendit, & pluribus disserit, Veneto Principi Imperii summum jus nullum esse, sed Imperii duntaxat speciem quandam apparentem; huic sententiæ nil officit, immò suffragatur, cum longè aliter ac Bodinus censet, sit ratiocinandum. Nam si Venetus Princeps summam haberet potestatem, simplex gubernationis forma esset Venetæ reipublicæ. Cum verò statuamus ipsam temperatam, nihil est opus, Regiam potestatem integram persistere. Satis est enim, ut quadamtenus insit intra certum modum.

dum, quemadmodum rebus omnibus evenit, quæ inter se miscentur. Non enim re ipsâ, sive *actu*, ut scholæ loquuntur, sed vi duntaxat, & facultate formæ mixtæ permanent, idque ad temperamentum perfectum, si quid aliud, requiritur. Fieri etiam potest, quinimmò id persæpè accidit, ut quodam tempore intendatur unius formæ vis, quæ inter cæteras interim plurimum eminet, principem locum concedat alteri: hæc autem, sed paulatim remittens procedente tempore, ubi suam vicem obierit, elanguescat paulatim, & alia succedat deinceps, & primas obtineat. Quod quidem cernitur in cunctorum animantium genere, sed in hominibus ipsis præcipuè, qui pro variis ætatibus, & fortunæ casibus temperamentum corporis, & mores animi commutant: neque tamen propterea mutatio isthæc efficit, ut plures homines dicantur esse pro variis ætatibus. Non igitur quæcunque mutatio intervenit, subito res perit: labefactari penitus debet, antequam intercidat. Bodinus tamen censet, diversam rempublicam effici, quotiescunque aliqua mutatio in eâdem contigit. Sed hæc hominis oscitantia est, temerè potius ex ingenio atque sensu proprio, quàm



ex ullius Philosophiæ certâ regulâ disputantis, neque ipsi, neque alteri cuiuspiam probare erit integrum, mutationem tam vehementem, & gravem ullam extitisse, quæ omnino everterit statum Venetæ reipublicæ: nobis autem hoc facile ostendere licebit, quicquid in ratione gerendæ reipublicæ immutatum est, pro temporum & rerum circumstantium variis conditionibus, id formam reipublicæ insitam nunquam sustulisse, quæ à suis primordiis ad hæc usque tempora una & eadem persistit; tamen si temperamentum illius eam vicissitudinem subiit, quæ cunctis rebus humanis solet esse communis, ut non semper eodem modo se habeant ea, quæ missionem perficiunt; sed quandoque incitentur, quandoque remittantur, modò parentis aut concedentis speciem quandam præbeant, modò eminentis permultum, atque dominantis. Pervulgata sunt ea, quæ scriptores egregii de Romanæ reipublicæ ætatibus prodidisse memoriæ: suas etiam habuit ætates Venera respublica, quas contemplari licet in priscis annalibus, infantiam, pueritiam, adolescentiam, juventutem, & virilem ætatem, in quibus paucorum, multorum, & unius

pote-

potestati, nunc plura, nunc pauciora  
 permissa sunt, prout usus atque reipub.  
 tempora ferebant: idem tamen per-  
 mansit status reipublice, propterea  
 quod, etsi leviter nonnunquam im-  
 mutatum, nunquam tamen solutum,  
 atque sublatum est penitus id tempe-  
 ramentum, quod ab ortus sui initio  
 primum est sortita ex illo triplici ge-  
 nere, quod superius diximus: sed o-  
 peræ pretium fuerit ætates distingue-  
 re, & singulas ponderibus suis probè  
 examinare, ut obstruatur os malignis,  
 atque improbis. Quod tempus prima  
 continet incunabula Venetæ reipubl.  
 & respondere videtur quodam modo  
 infantia, hoc habet annos LVI. aut  
 paullò plus supra ducentos, qui efflu-  
 xerunt nimirum ab urbe condita, us-  
 que ad optionem & creationem primi  
 Ducis, quæ contigisse traditur an-  
 no à Christo nato DCCXVII. sive, ut  
 Bodinus, & alii nonnulli malunt,  
 DCCV. cum à nobis fuerit in notis ad  
 Iannotium satis superquè probatum,  
 fabellas plusquam aniles commenta  
 illa esse, quæ de primis Venetæ urbis  
 fundamentis memoriæ sunt prodita,  
 decreto publico à Consulibus Patavi-  
 nis jactis: his consequens est, nullam  
 consularem administrationem prin-  
 cipio

cipio extitisse, sed Tribunis initiò regimen commissum, qui Magistratus primus in republ. fuit: & qui contra sentire scribunt, ut aliquam, si possent, Venetæ libertati notam inurant, paulò post veritate coacti fatentur, temporibus illis nullam omninò inveniri inter Magistratus, qui civitates regerent, consulum mentionem. Bodinus verò existimavit ad hoc usque tempus, quot insulæ habitarentur in æstuariis, tot numero fuisse distinctas respubl. Veruntamen neque Bodinus ipse, neque quispiam alius ex monumentis historiarum probare unquam poterit, singulis insulis jura propria majestatis, sociorum jure atque imperio, fuisse distincta, hoc est, Tribunum quolibet in suâ insulâ de rebus publicis discernendi potestatem habuisse. Nam certò constat, complures insulas extitisse, quæ finitimis attributæ erant, clarioris nominis, quas duodecim omninò fuisse memorant annales, quæ tandem redactæ fuerint ad septem, quot perhibentur certis antistitum sedibus insignitæ. Episcopales autem sedes istæ memorantur Gradus Patriarcharum Aquileiensium vetus domicilium, quò relictâ metu Longobardorum prorsus Aquileiâ Paulinus Pa-



triarcha se recepit cum omni sacrâ sup-  
 pellestile: qui vero successerunt eidem  
 Probinus, Heliasque, non modò sem-  
 per eâ in insulâ commorati sunt, sed  
 etiam petierunt, ac obtinuerunt à  
 summo Pontifice, ut deinceps Ecclesia  
 Gradenfis esset metropolis omnium.  
 Caprulæ vero ab Ioanne Episcopo Cõ-  
 cordiæ occupatæ sunt; Torcellumque  
 cum proximis insulis ab Episcopo Al-  
 tinate; Metamaucum, Philistina, &  
 Clodia à Patavino Episcopo: Opiter-  
 gio quoq; capto à Rothari Rege cives  
 quidem de nomine Heraclii Impera-  
 toris oppidum Heracleam; agrestes  
 autem homines Equilium construxe-  
 runt, quæ proprios etiam Episcopos  
 singulæ habuerunt: in Olivolâ tan-  
 dem insulâ, quæ postea dicta fuit Ca-  
 stellum, novissimus Episcopus consti-  
 tutus est, qui tandem abolito nomine  
 Patriarchæ Gradenfis, successit in Pa-  
 triarchæ Venetiarum nomen. Præci-  
 puis igitur iis insulis qui præsidebant,  
 hi nominantur Tribuni maiores in  
 Annalibus; qui verò in minoribus in-  
 sulis jus dicebant, quæ continebantur  
 finibus & iurisdictione majorum, illi  
 Tribuni minores appellantur. Vtrum  
 verò Tribuni tantum maiores, aut  
 etiam minores, quotiescunque de re-  
 bus



bus publicis consultatio fieret, in concilium convenerint Heracleæ indici solitum, neque negare, neque temerè affirmare possum: sed conjectura certissima, & ratio nobis persuadet, non solum tribunis omnibus, uniusque generis, sed etiam Tribunitiis viris, hoc est, Magistratu eo functis, cæterisque honestioribus civibus aditum ad concilium illud patuisse: immò verò hoc ipsum Andreas Dandulus exprimere videtur iis verbis; *Interea Venetiæ maritimalis Regio propter bellicas clades populis aucta, in qualibet insula Tribunos annuales constituit, qui incolis iustitiam exhiberent, facta vero Communitangientia, ab omnibus comprovinci alibus congregatis determinari consueverat.* Comitibus verò solemnibus quinam præfiderent, & quinam jus haberent cogendi concilii, an magister militum, quem pariter legimus ante Duces creatum, an unus, an plures Tribuni, an per cives, an simul, incompertum est nobis, temporum injuriâ. Vetustissima namque civitatis nostræ monumenta nihil aliud, quam *Li Tribuni rendevano rason ciaschedun nella sua isola, nelle cose del governo doperavano il conségio di tutti: ma se la cosa era d'importantia chiamavano l'adu-*

*nation di tutte le Isole ; id est , Tribuni singuli in suis insulis jus dicebant , in iis quæ ad regimen pertinent , communi concilio utebantur ; at si res esset magni momenti , insularum concilium convocabant. Quod si tota vivendi ratio à legibus pendet , quemadmodum sapientissimorum virorum iudicio constitutum est ; cum ex epistolâ Cassiodori constet ad Tribunos maritimarum communiter scriptâ , quicumque incolebant æstuaria eo tempore , iisdem prorsus institutis atque legibus usos , quæ forent pauperibus ac divitibus juxta communes ex æquo , quin una , eademque respubl. tunc fuerit , dubitare non licet , accedente præsertim imperii conjunctione , quam Bodinus ipse in methodo Historiarum efficere probat , ut quamvis plures existant civitates , quod tamen contineantur eodem imperio , propterea non plures , sed eandem constituent rempublicam. Veruntamen ad conflandam rempublicam minimè requiritur , ut unus ille perpetuò præsit ad conventus habendos : satis est enim , ut plures hoc per vices præstent. Sed concedamus Bodino , quod sicuti nunquam fuit , ita nunquam probare poterit , suum fuisse proprium imperium cujusque insulæ ab aliis*

aliis diversum : certè una ex iis Rivus-  
altus sufficiet cumulatè ad rempubl.  
unam statuendam : concesserunt enim  
cœteræ paulatim omnes in ejusdem  
jura procedente tempore ; quo fit , ut  
meritò prima origo urbis repetatur  
non à Grado , Heraclea , Metamauco ,  
vel Torcello conditâ ; sed ab ipsâ Rivo-  
alto, quæ ut antiquitate, sic etiam ma-  
jestate prælata universis insulis , evasit  
domicilium maximi & supremi im-  
perii. Vnde Tribuni ductum sit no-  
men , nihil ad nos pertinet , quamvis  
non melateat , non deesse , qui à tri-  
buto ductum obstinatè contendant, ut  
Venetorum libertati notam aliquam  
inferant : quasi vero nullum fuerit in  
Romanâ republicâ Tribunorum no-  
men post exactos Reges ; & post orien-  
tis atq; occidentis divisum Imperium,  
ex pluribus , quæ supersunt , monu-  
mentis non sit in comperto, Tribunos  
appellatos, quibus aliquod munus ob-  
eundum non modò publicum, sed pri-  
vatum tributum esset : Venetos verò  
tribunos , & ab Insulanis ipsis creatos,  
atque adeo institutos , ut singulis in-  
sulis jus dicerent ; & neminem prorsus  
superiorem cognovissè præter Ducem,  
& magistrum militum, postquam crea-  
ri cæpti sunt , adeò clarum & certum

est, ut à nomine in dubium vocari possit. Fuere quidam Veneto nomini cum primis infesti, qui levissimâ conjecturâ, immo nullâ ducti, nescio quem Magistratum commenti sunt, qui nomine vel Imperatoris, vel cuiuspiam Regis stagnis præsideret. Commento huic fidem ex eo facere conantur, quod Tribunis Maritimorum, & non Venetiarum epistolam quandam suam Cassiodorus scripserit, quæ xxiv. est postremi libri variarum. Sed quis non videt, & si hanc epistolam *obiter* percurrat, non advenas, sed indigenas hos tribunos existere, & æquo jure viventes cum cæteris incolis? Permulta hoc indicant, sed hæc ipsa verba præcipuè. *Per hospitia quodammodo discurritis, qui per patriam navigatis: carina vestra fluctus asperos non pavescunt. Inuvat referre, quemadmodum habitationes vestras sitas esse perspeximus. Arti vestrae omnis fluctus addictus est.* Cur autem scripta fuerit hæc epistola Tribunis Maritimorum & non Venetorum, illud in causâ fuit, quod alibi monuimus, hoc Venetiarum nomen non tantum Cassiodori ætate, sed multis etiam post seculis toti Venetæ regioni, non autem his æstuariis proprium existisse. Frustra se torquent plu-



plurimi in his Cassiodori verbis, *Venetia prædicabiles quondam plene nobilibus*. Nam quidam exemerunt vocem illam *quondam* : alii vero fatentur ingenuè, se non satis assequi, quid sibi velit ejusmodi Cassiodori verbum, aut Nobiles tunc omnes, derelictis insulis, ad sedes quemque suas reversos fuisse suspicantur ; quod tamen alienum est à veritate, propterea quod ex hac ipsâ epistolâ Cassiodori patet, divites æque, ac pauperes stagna tunc incoluisse. De Venetæ igitur regionis continente accipienda sunt verba illa Cassiodori, quæ diximus, cujus duos modò fines, ad Ortum atque Austrum, aliis duobus omissis, propterea commemorat, quod occuparent illos, qui ad mare confugerant, maritimorum nomine ab ipso nuncupati. Exhausterant autem Barbarorum rapinæ & incendia provinciæ Venetæ ferè totam nobilitatem, quæ plura detrimenta subiit atque mala, quò promptius obtulit se discrimini, atque dimicationi : quapropter tot passim stragibus populorum editis, maximisque urbibus vel solo æquatis, vel direptis hujus provinciæ, quæ prima occurrit Italiæ invadenti Italiam nobilitas, redacta fuerunt ad internecionem, quæ causa

scribendi Cassiodoro fuit, Venetias quondam nobilibus plenas extitisse, hoc est, Venetam Provinciam stagnis adjacentem. Nam stagna tunc Venetiarum nomine insignita non erant, ex quibus vel inscitia, vel malitia illorum arguitur, qui ad insulas, & stagna pravè ac perperam trahunt, quæcunque de Venetiis, aut Venetis Cassiodorus, & alii memorant. Canonici Venetiarum, ad quem ille scribit, videtur Magistratus aliquis fuisse, qui canonem exigeret, hoc est, vectigal aut tributum. Vox enim Græca, ut regulam sive normam notat, ita etiam postremis imperii temporibus usurpari cœpit pro certo ac determinato genere tributi, quod à singulis, vel provinciis, vel gentibus persolvendum esset. Sed fugit improbos homines ratio, qui mentiti sunt, in æstuariis Canonarium ejusmodi commorari solitum. Nam præterquam quod Cassiodori ætati imperitè adscribunt, quod multorum seculorum postea intervallo contigit, homines acutissimi minime videntur perficiendis mandatis Regis, aut Præfecti Prætorio, paludes has opportunam sedem minime fuisse: nisi fortè Veronensis vini copiam comparare, & provinciæ agros à Barbaris

vasta.

vastatos inspicere, ne pro iis vectigal ullum exigeretur ab incolis, aliaque ejusmodi Canoniciario Venetiarum jussa epistola 4, & 7. lib. 12. Variarum, licebat melius, ac facilius exequi in paludibus, & stagnis agenti, quàm in continente. Sicuti etiam ineptissimè, aut potius, ut fucum faciant, malignè ad insulas detorquent, quæ Venetiæ ora maritima, & de iis qui maritimam oram incolerent, scripserunt Historici. Quod autem epistola xvi. Cassiodorus admonet de tributario assè promptè persolvendo, primò quidem scripta est epistola illa tantùm Canoniciario, non autem Canoniciario Venetiarum, ut aliæ: atque ita cujusnam sit ille, non satis liquet: deinde in æstuariorum incolas nequaquam transferri potest: siquidem jurisconsulti omnes nullum propè agnoscunt, quod majestatis tam proprium sit, quàm vectigal salis, nullum etiam, quod magis imminuat jura privatorum: quapropter impositorum vectigalium à regibus licet immunitas Romano populo data esset per legem latam à tribuno plebis, Livius tamen censor obtinuit non invito populo, ut salinarium vectigal unum exciperetur, quod Bodinus etiam commendavit memoriæ.



Si cui tributo igitur Insulani eo tempore, huic salinario certe obnoxii maxime fuissent, cum præsertim fortunæ tunc eorum cunctæ in salinis consistèrent, Cassiodoro teste. Atqui ex eodem Auctore manifestò constat, vectigal tam opportunum, tamque justum ab Insulanis nullum persolutum fuisse: quî fieri ergo potuit, ut alia persoluta fuerint, quæ persolvere neque commodum, neque integrum erat? Siquis tamé urgeat, pro fundis in continente possessis eorum dominos, quamvis in stagna demigrassent, consuevisse tributi nomine aliquid exsolvere; hoc ut inficias temerè non iverim, ita prorsus autumo nihil officere libertati potuisse, quæ in æstuariis paulatim tunc adolecebant. At enim tribunis mandat Præfectus Prætorio, ut triticû, vinû, oleum, atque id genus alia, quæ Histriæ populis ab eodem imperata fuerunt, ex ea regione Ravennam suis navigiis convehant. Sed qui rerum humanarum notitia & peritia valet, magnorum Principum cognoscit eum morem esse, ut minoribus imperent, quasi pro sua potestate, tametsi neque ipsorum, neque ullius imperio subjectis. Plenæ sunt universæ historiæ ejusmodi exemplis, quorum similia ætas habet quoque nostra.



stra. Quid igitur novum foret atque mirum, si regis Gotthorum nomine præfectus Prætorio mandasset, aut præcepisset elatius hominibus liberis, sed quorum opes tenues admodum imbecillæque essent? Veruntamen ipsa verba, quæ Cassiodorus usurpat, nihil elatum sapiunt, nihil arrogans. Qui verò imperandi verba illa, *Providete, Estote, Reficite*, trahunt ad Dominatum, vel imperitiam suam produnt, quod nesciant latinè; vel certè malignitatem, quod rem certam dissimulent. Quid enim crebrius in omni scriptorum genere, quàm jubendi ejusmodi voces formulæque incurrunt, minoribus æquè ac paribus, majoribusque usitatæ, vel in salute dicenda, vel dum aliud velint? *Vale, Veni, Scribe, Mitte, &c.* Sed urgent, Insulanis Histros exæquatos, proptereaque subjectorum numero recensitos, quod Cassiodorus initio epistolæ ita scribat; *Sed vos, qui numerosa navigia in ejus confinio possidetis, pari devotionis gratia providete, ut quod Histria parata est tradere, vos studeatis sub celeritate portare.* Cæterùm quid sibi velit nomen devotionis, postquam corrupta est integritas latini sermonis, ne bajuli quidem modò ignorant, & agasones; nam *famulos* cujuslibet

nem factam, ut domini, ac famuli vocabula, atque alia similia, Romanis auribus quondam ingrata, immò intoleranda, tunc immutata conditione temporum passim audirentur, ut versarentur in ore cunctorum frequenter, ad studium propensamque voluntatem testandam erga aliquem, quamvis æqualem, aut etiam inferiorem dignitate. Quapropter ex ejusmodi formulis loquendi, quibus etiam hæc nostra ætas in præsentia utitur, per Barbarorum convictum in usum inductis, nullum, vel leve argumentum desumi potest ad libertatem eorum convellendam, quos nullius Principis jussis unquam obtemperasse, ex antiquitatis monumentis compertum habemus. Gothorum totam gentem rectæ fidei infensam, præcipuèque Theodoricum Regem accepimus fuisse, qui cum infectus esset Ariana labe, Catholicos Episcopos insequi ac divexare nunquam destitit. Odoacer autem Rex Herulorum, qui eundem præcessit, à religione Christiana fuit omninò alienus, qui postquam Romani imperii nomine in Italia deleta, Regnum in eâ forma benè satisque confirmasse sibi visus est, tunc exercere tyrannidem apertam, aggressus in Christianos, præcipuèque

in Episcopos grassari cepit. Marcellianus Aquileiæ Antistes, ut ejus Regis impetum declinaret, primus omnium, qui memoratur, in Gradum se recepit, anno Christi c d lxxxv, *ubi (referre juvat ipsa verba Annalium) illam fidem & puram cum suis tenuit, populo eum tutante.* Idem fecisse tradunt periculi evitandi causa, si quod à Gothis, aut etiam à Græcis immineret, qui proximi successerunt Marcelliano Episcopo, ut Gradum semper se conferrent, Aquileiâ relictâ, quoad Albuino anno d l xix irrumpente in Italiam, Venetiamque regionem primam omnium petente, Paulinus & Clerici plerique omnes Aquileiæ pretiosam suppellectilem omnem, & sanctorum reliquias, fugientes in Gradum insulam secum asportarunt, quorum exempla secuti procures, atque cives permulti Albuino advēntanti cum maximis copiis ferè vacuam incolis reliquerunt urbem, & pagos circumjectos. Primus igitur omnium Paulinus in Grado sedem Aquileiensem certam fixit & locavit, quā deinde duodecimo post anno Pelagius secundus auctoritate decretoque suo firmavit, ac sanxit, ut metropolis esset Venetiæ atque Histriæ Græcis Ecclesiis: quamobrem qui tunc erat

erat Aquileiensis Antistes Helias, deinceps appellatus est Patriarcha Gradenfis. Veruntamen ad palàm luce clarius comprobandū, Venetos qui inhabitarent insulas in æstuario sitas, nullius imperio obnoxios fuisse, præter jam dicta, evidentissimum ac firmissimum occurrit hoc argumentum. Quemadmodum prius obstiterant furentibus Gothis, ne Catholicos Episcopos, quos insectabantur, interuicini traderent, ac de medio tollerent: ita etiam Iustiniani edicto minimè paruissè, Imperatoris maximi atque potentissimi, cum tamen ille mulctaret exilio & pœnis gravissimis, qui cum eo non sentirent, Antistites quoslibet, & ne Vigilio quidem ipsi parceret, Romano Pontifici, quem ut captivum diu Constantinopoli tenuit. Immunes, inquit Baronius, anno D L III à persecutione illi tantum fuerunt, qui non sub istius Iustiniani degebant Imperio; hincque accidit, ut Venetiæ, & ei adjacentium regionum Episcopi, cum essent sub Francorum dominio, contra quintam Synodum cogerent concilium. Aquileiæ, cujus meminit Beda. Atqui bellum contra Francos à Narsete susceptum, postquam Gothorum vires penitus accendit, initium habuit anno



D LIII, quo ipso anno Vigilius Pontifex convocato concilio de tribus capitibus concilii Chalcedonenſis Iuſtiniano tandem aſſenſus eſt: conſectum verò & feliciter proſtigatum bellum idem fuit, à poſſeſſione Italiae penitus Francis deturbatis anno inſequenti D LIV, quo etiam celebratum fuit Aquileiae concilium, quod quidem aperte non ſolùm Imperatoris edicto, ſed etiam concilio Conſtantinopoli habito adverſabatur: negat tamen Baronius & quidem meritò negat, initio anni D LVI, ubi de hac re agit, à communione catholicâ Episcopos illos reſceſſiſſe, propter quod tuebantur ſe Vigili conſtituto ſeu decreto, & præterea verebantur, nequid auctoritati Chalcedonenſis œcumenicæ Synodi detraheretur: ſi tria capita, ex illâ condemnarentur. Enimvero ſi diſſidium hoc eccleſiaſticum centum ſerè annos duravit, ut idem notavit, quî poterat Gradenſis Antiſtes, princeps earum partium, adverſus Iuſtiniani vim Francorum ope defendi, qui nihil amplius in Italiâ imperii habuerunt, poſtquam à Narſete expulſi ſunt, & quidem eodem anno. Tameſi verò Franci per paucos annos Venetæ Provinciæ quædam oppida tenebant, nunquam tamen penetraverunt

runt in ipsa æstuaria, propterea quod navigiorum copiam non habebant, neque rei maritimæ ullam operam dabant. Expulsis verò Francis Narfes quidem poterat, nihil tamen aggressus unquam constat, licet Iustiniani edictum atque imperium urgeret, Pelagius verò Pontifex non cessaret adversus Paulinum Episcopum illum incitare, quemadmodum apparet ex iis litteris, quas Sigonius recitat. Quæ causa Narsey fuerit hujus cessationis, an religio aliqua, quâ fuerit deterritus, ut nonnulli volunt, an voluntas propensa in stagnorum incolas, à quibus comiter exceptus, adiutusque fuerat, quando bellum Gotthis facturus in Italiam venerat, cum neutrum certò affirmare possim, in medio relinquo. Hoc sanè apparet certum atque perspicuum, si tunc fuissent in Iustiniani imperio ac ditione, quæ stagnis continebantur: oppida vel insulæ, aut nō ausuras refragari ipsius auctoritati; aut facile incolas ad parendum potuisse redigi per eos, qui nomine Imperatoris ad gubernacula sederent. Sed liberi erant, qui tunc incolebant insulas, quales nunquam non fuerunt, & licet Imperatorum ac regum qui successerunt, vel amicitiam, vel etiam fidem per-

sanctè colerent, non tamen Imperium ac Dominationem patiebantur, subiectorum more. Aliud porrò est amicitia, societate, ac fœdere conjungi; aliud Imperio contineri. Hi enim subiectorum numero censentur, & re verâ sunt: illi verò sunt liberi, sui que juris, quamvis in amicitia, & fœdere non raro contingat, ut qui est inferior, in eo suam fidem obstringat, ut superioris majestatem comiter cōservet, quod ex Modestino & Cicerone notavit Bodinus ipse cap. 6. suæ methodi Historiarum. Fieri quoq; solet, ut qui viribus multum supereminet, dominationem sibi arroget in socium, aut vicinos, & finitimos, cujus admodum imbecilles atque exiguæ sunt opes: sed utrum verbo seu titulo tantum, an re ipsâ id efficiat, hoc permultum referre, quis non intelligit? Non enim falsa ostentatione imperii, atque inani titulo, sed vi dominationis oppressa deperit libertas. Esto igitur (quod nequicquâ probare nonnulli student) ut Imperatorum & Regum aliquis, qui sunt rerum in Italia potiti, ejus universæ dominationem nomine sibi vëdicarit, sicut etiam nonnulli totius Italiæ Reges à scutoribus vocati sunt, propterea quod tantilla pars tantummodo propriis

priis legibus viveret, nunquam tamen ipsa res apparere potuit. Nam singularis Dei benignitas effecit, ut Insulanos, & loci naturâ tutos, & dum sua retinuerunt, à vi prorsus abstinentes, quinimmò officiis & obsequio principes maximos prosequentes, dominatione atque imperio premere princeps nullus cogitaret, cum operæ pretium vix se facturum videret, immò verò amissurum, si vim intentaret, quicquid acciperet à volentibus obsequi & officii. Ita Gotthorum temporibus Cassiodoro petenti, ut ad oleum ac triticum, ex Histriâ Ravennam convehendum, mitterent navigia, nihil se difficiles præbuerunt. Bellisarium verò, & Narsetem Iustiniani Duces non solum eximiè coluerunt, sed etiam iuverunt, propter amicitiam vetustam, & fœdus, quod illis cum Imperatoribus semper intercessit. Ex his igitur omnibus manifestè apparet, Insulanos his primis annis sub nullius Imperium ac dominationem subjectos, non plures quidem respublicas particulares, sed unius tantum habuisse reipublicæ formam, eamque adeo mistam, ut in militum magistro, ac in tribunis singulis, in eorum consilio, ac denique in omnium singulorum congregatione



speciem quodammodo, at imaginem præ se ferret simplicium formarum, ex quibus coalesceret, & unius, & paucorum, & multorum. Reliquum modò est, ut de pueritiâ quoque nonnulla dicamus. A creatione primi in Heracliâ Ducis, usque ad reipublicæ sedem in Rivoalto firmatam, circiter centum & decem anni effluxerunt: hoc verò tempus pueritiam mihi reipublicæ repræsentare quodammodo videtur, cum quasi vacillanti gressu, & nutanti pede, modò Ducibus, modò Equitum, magistris clavum tenentibus, sensim pedetentimque progredieretur, ut ad eam tandem, quam videmus, amplitudinem & majestatem perveniret. Primus itaque Dux creatus non alieno quidem beneficio, & concessu, ut nonnulli perversè scribunt, sed eadem ratione & auctoritate, cunctis gentibus communi, quâ omnes propè reipublicæ constitutæ sunt, quâque multis ante annis liberi homines, ut Barbarorum injurias effugerent, in æstuariâ hæc auspicato congregati, tribunos & militum magistros ad benè securèque vivendum sibi præfecerunt. Sicuti vero afferunt prisca annales, quâ de causâ Dux ipse creatus; ita quænam ei fuerit tributa facultas, haud obscure testantur.

tur. Etenim post ea verba; *Dum apud hanc insularem Venetiam gentium multitudo copiosa in vico quolibet habitaret, Tribuni, & omnes Proceres, & plebei cum Patriarcha, & Episcopis, & cuncto clero in Heracleâ his diebus pariter convenerunt, ut imminentibus damnis & periculis obviarent, & suæ provinciae decus, & statum profferum in melius augerent, cum itaque Tribuni majores insularum de prioritatem disceptantes sibi ad invicem deferre vellent, Longobardi absque resistantia eorum fines pluries invaserunt. Quâ de re unanimiter decreverunt Ducem sibi præesse. Statim Ducis auctoritas sequitur ex Ducario jure, & lege, quam in nota x v superius attuli, totidem formæ verbis expressâ; Qui scilicet, æquo moderamine populum sibi subiectum gubernaret, jus & potestatem haberet in publicis causis, concionem advocandi, tribunos etiam & judices constituendi, qui in privatis causis jura tribuerent, &c. Quo fit, ut Duce non precario, sed propria vi, atque auctoritate creato, nihil omnino fuerit de pristina libertate imminutum; Ducis verò facultate legibus circumscriptâ, eadem fermè permanserit mista reipublicæ forma, quæ ab ipsis incunabulis fuit consti-*

tuta. Illud tantum immutatum, quod Dux cū habitu & incesſu majeſtatem quandam regiam præ ſe ferret, unusq; eſſet, ad quem provocatio concederetur, propius aliquantò, quàm olim tribuni, ad regale faſtigium accedere videretur. At cū in publicis rebus nihil eidem ultra tributū fuerit, quàm *concionem advocare*, non eſt, cur nonnulli ex hoc regium ſtatum inductum, reiſque publicæ formam ab omnibus ad unum converſam judicent, quod ſuperius etiam in eadem nota xv ſatis ſuperque à nobis oſtenſum eſt; ſed duo præcipuè, quæ iis temporibus acciderunt, clariuſ demonſtrant, quàm ſolis radii, cum ſudum eſt, eſſe ſoleant. Alterum evenit anno à Chriſto nato DCCXXV Vrſo III Duce: cum enim Paulus Italiæ exarchus Heracliam confugiens, Vrſi Ducis opem adverſus Longobardos flagitaret, velletque Dux ingenio ferox, bellicque artibus inſtructus illico auxilium ferre, noluit tamen Veneta concio id ſtatuerè, quod paulo poſt, Gregorio Pontifice maximo adhortante, frequentiffimi concilii ſuffragiis decretum eſt. Hoc ſicuti ex annalibus noſtris cuicumq; eſt in promptu ita Sigonius *de Regno Italiæ lib. 3, anno 726*, etiam memoriæ commendavit

davit his verbis, quæ non pigebit referre. Paulus Ravenna pulsus, se ad Venetos Heracliam contulit, atque Vrsi Ducis auxilium imploravit. Hoc ubi Gregorius sensit, privatas injurias publica causa posthabendas ratus, statim litteras ad Vrsum eundem misit, atque eum, ut Paulum omni ope juvaret, hortatus est. Litteræ adhuc exstant in hæc verba conscriptæ. Gregorius Episcopus servus servorum Dei, dilecto filio Vrso Duci Venetorum. Quia peccato favente Ravennatum civitas, quæ multarum caput ecclesiarum est, à nefanda gente Longobardorum capta est, & filius noster eximius Dominus Exarchus, apud Venetias, ut cognovimus, moratur, debeat nobilitas tua ei adharere, & cum eo nostra vice pariter decertare, ut ad pristinum statum sanctæ reipublicæ, imperiali servitio Dominorum filiorumque nostrorum, Leonis & Constantini magnorum Imperatorum ipsa revocetur Ravennatum civitas, amore sanctæ fidei nostræ.



Lectis litteris Veneti Pontificis auctori-  
 tatem secuti, Paulum summa ope juvan-  
 dum decreverunt, ac ratione rei geren-  
 da cum eo composita classem ornarunt,  
 sermone dissipato, se adversus Saracenos  
 rogatu Imperatoris contendere statuisse.  
 His ita constitutis Paulus quasi à Venetis  
 repulsus, aliquot contractis copiis Imola  
 accessit, & quasi eam urbem premere op-  
 pugnatione vellet, ibi exercitum quam  
 maximum potuit, comparavit, ac die  
 cum Venetis composita, castris inde Ra-  
 vennam versus motis, urbem à terra  
 repente invasit. Pridie vero Veneti,  
 cum simulatâ in Orientem navigatione  
 evecti è portu essent, nondum orto sole  
 in ancoris steterunt, atque eadem prope,  
 qua Paulus, hora, classe ad littus appul-  
 sa, navales urbi milites admoverunt.  
 Ad tantum tumultum exciti Hilde-  
 brandus & Peredeus, omnes qui ferre  
 arma possent, ad mania properare, ea-  
 que presentibus animis corporibusq; tu-  
 tari jusserunt. Cum omnes haud aliter,  
 ac jussi erant, impigrè fortiterque fecis-  
 sent, haud agrè hostes clara in luce sca-  
 lis appositis mania scandere contenden-  
 tes sustinuerunt. Dum ad muros pu-  
 gnatur, Veneti porta, quæ ad mare ver-  
 gebat, effracta urbem intrarunt. Qua re  
 animadversa Duces cum valido arma-  
 torum

torum globo se objecerunt, ac praelium atrocissimum commiserunt: quod cum per aliquod horarum spatium fortiter sustinuissent, tandem superveniente cum terrestribus copiis Paulo circumventi acie excesserunt. Peredeus fugiens in Pineto occisus; Hildebrandus vivus in manus Venetorum pervenit. Recepta urbe Paulus sedem & praefecturam suam inivit. Veneti opera egregie navata domum redierunt. Ex his praeter Venetorum vires atque virtutem, apertum & manifestum est non modò, quod diximus, Venetos ipsos, non Vrsum Ducem de Paulo summâ ope juvando decretum fecisse: verumetiam id, non uti Imperatori subiectos, quod perversi & malevoli homines pugnare audent, Exarchi jussu; sed uti liberos sui que juris Christi fidelis, Pontificis maximi suasu, & amore sanctae fidei nostrae: immò cum voces in vulgus spargerent, se contra Saracenos navigationem dirigere, id non jussu, sed rogatu Imperatoris dixisse. Quam modò vellem praefractam frontem, & os impudentissimorum eorum inspicere, qui Venetam rempub. eo temporis subiectam praedicare ausi sunt. Alterum verò, quod evenisse superius diximus; paucis post annis contigit: cum scilicet Vrsus, ipse Dux, ingenti

virtute , justâque gloriâ plenus , atque elatiori animo , quàm moderato rei-publicæ Duci conveniret, Heracleæque patriæ plus æquo addictus, inconsulto, immò invito populo bellum adversus Equilianos produceret, & militum delectum haberet. Id enim cum legibus adversari, plurimumque libertati officere, aut injuria visum esset, à furenti populo interemptus est, quod in annalibus memoriæ proditum his verbis: *Ma volendo il Dose col suo Consiglio perseverare nella detta guerra contra la volonta del Popolo essendo in piazza à soldar gente, il popolo si mosse con furia, è l'amarò: onde li tribuni per fuggire tal furia andorno à Malamocco; id est, Cum Dux cum suo concilio bellum invito populo producere vellet, essetque in platea milites conscripturus, populus impetu facto in eum irruit, atque interfecit: quo factum est, ut Tribuni ad impetum fugiendum Metamaucum se reciperent.* Hinc præter libertatis studium Venetorum animis innatum, cujus causâ fortissimum Ducem, & rebus gestis clarissimum occisione occiderunt, illud etiam animadversione dignum, Tribunos à primis Ducibus in concilium adhiberi solitos Ducisque concilium appellari; nullam

tamen

tamen iis tributam facultatem belli inferendi , aut faciendi fæderis aut pacis constituendæ , sed concioni reservatam. Ducis vero patratâ cæde , cum perpetuus reipublicæ præses majores sibi spiritus sumere videretur , quàm par esset , rei que publicæ conducere , annum Magistratum creare libuit , qui præsideret , magistrumque militum appellari : quod sicuti Insulanorum auctoritatem ostendit , præficiendi sibi pro arbitrio , quemcunque Magistratum vellent ; ita reipublicæ formam ex tribus illi simplicibus temperatam nihil immutavit. Id enim magistro militum permissum , quod Duci concessum fuerat. Nec tamen diu annua potestas præfuit , quatuor post annis ad Ducem iterum creandum ventum est , cumque Duces iterum nimium sibi arrogarent , diminuta eorum facultas à concione , duoque Tribuni ad causas administrandas adjuncti : nonnullisque Ducibus concessum à populo , ut filios aut fratres sibi socios atque collegas adjungerent. Nihil tamen magni ponderis atque momenti sine concionis decreto à Ducibus atque à tribunis statutum est : immò verò cùm Carolo Magno , adversus Desiderium Longobardorum Regem



Regem pro Romana Ecclesia bellum gerenti, auxilium ferre vellent, rem in Tribunalorum concilio diu multumque agitatam, ad populi concionem denique relaram, & constitutam fuisse, Annales testantur: cumque Olivolenſis Episcopi creandi jus, pro rebus præclarè gestis, à Romano Pontifice paulo post impetraſſent, *Veneti, Clero ac Populo ad concilium convocato, Obelerium crearunt, qui à Duce, pro suo Ducali jure, investitus, à Patriarcha consecrationem accepit.* Carolus verò cum Nicephoro Orientali Imperatore fædus percutiens, Venetorum libertatem nullâ ex parte imminutâ voluit, quod Sigonius ipse testatum reliquit *de Regno Italie* lib. IV. anno 402. quem ob id sæpius auctorem laudo, quod ab iis etiam, qui sunt Veneto nomini plurimum infensi, plurimum ei tribui, nec immeritò animadverti. Nicephorus, inquit, *Imperio inito, rebus pariter conducere suis arbitratus, pacem cum Carolo habere, legatos ad Carolum, ad Solam amnem castra habentem, de feriendo fædere misit. Eos Carolus non benignè solum excepit, sed etiam fædere icto cum litteris domum remisit: in eo fædere illud nominatim expressum, ut Veneti inter utrumq; imperium possi,*  
libe-

*liberi atque immunes , & ab utroque  
securi viverent, & sine molestia res suas  
in regno Italico possiderent. Quod  
certè deberet malignis ac improbis  
impurum & ferreum os penitus ob-  
struere, dum Imperatoribus hisce sub-  
jectam Venetam rempublicam fuisse  
contendunt. At Veneti post bellum  
Gallicum, de quo in nota xii satis di-  
ctum est, Imperii sedem Rivum-altum  
translulerunt, Angelo Patriciaco Du-  
ce; hujus donationem Ioanni cuidam  
abbati sancti servuli factam vidimus;  
in quâ Venetorum procerum, & po-  
puli nomen, præter Ducem, & filium  
collegam disertè leguntur; nihil enim  
magni momenti sine populi, seu con-  
cionis assensu fieri, notissimum est lip-  
pis, ut ajunt, atque tonforibus. Quod  
si ut Bodinus ipse lib. i. cap. 8. docet,  
in eo Principis majestas elucet, cum po-  
puli tribus & ordines humili habitu ad  
Principem rogationes ferunt, nec ullam  
imperandi, prohibendive, nec suffragio-  
rum potestatem habent; sed Princeps  
arbitrio suo, ac voluntate omnia mode-  
ratur, & quæcunque decrevit, & jussit,  
ea legum vim habent; non video, cur  
ipse lib. 6. cap. 4. Venetorum Ducis  
principatum ante Sebastianum Zia-  
num puram monarchiam vocaverit;  
cum*

cum Venetus populus suffragiorum potestatem semper habuerit, atque imperandi, & prohibendi facultatem, Ducesq; concionem convocare, & ad eam referre deberent; tantumque abfuit, ut omnia suo arbitrio & voluntate moderarentur, ut nihil ferè sine suo concilio, nihil magni ponderis sine concione statuerint: leges vero nunquam nisi à concione sancitæ fuerint: quod sicuti hujus in reipub. pueritia, sic deinceps in adolescentia obtigisse demonstrandum est. Adolescentiam verò appellamus intervallum illud cccliii annorum, quod inter Angelum Particiacum Ducem, & Sebastianum Zianum interjectum est; quo tempore aliquantò major auctoritas Ducibus tributa, nunquam tamen ejusmodi, ut regiam planè potestatem sibi arrogarent: immò verò si aliquando quicquam sibi assumerent, quod publicæ libertati obesse videretur, & in suspicionem inciderent appetendi regni, aut oculis capti, aut in sacra cænobia detrusi, aut vitâ privatâ affectatæ tyrannidis pænas luere cogebantur. Equidè satis mirari non possum quid iis in mentem venerit, qui scripserunt Duces Venetos ante Sebastianum Zianum regalem auctoritatem habuisse.

Leges



Leges enim his temporibus non à Du-  
ce tantum , sed à proceribus atque po-  
pulo constituebantur , quarum unam  
aut alteram exempli causa referre non  
pigebit , in quibus etiam prisca Vene-  
torum pietas eluceat. Anno à Christo  
nato DCCCLXIV. cum mercatores Ve-  
neti , ut verbis utar annalium , lucri  
cupidi à piratis mancipia compararent,  
& transfretantes de eis commercium  
facerent , huic manifesto facinori Duces  
obviam euntes , unà cum Clero & po-  
pulo Venetiarum piè decreverunt , ne  
quis de mancipiis commercium faciat,  
imponentes graves penas. Anno vero  
XIII Petri Candiani Ducis , qui CMLIX  
creatus est , Dux ipse cum Vitale Pa-  
triarcha filio suo Marino Episcopo Oli-  
viensi , & cæteris Episcopis , Clero , &  
populo Venetiæ , zelo fidei Catholicæ,  
cupientes etiam Imperatoribus Con-  
stantinopolitanis gratum facere , qui ad  
recuperandam terram sanctam operam  
dare proposuerant , piè statuerunt , ne  
quis subditus , vel fidelis Venetiæ audeat,  
vel presumat mittere , vel differre ad  
terras seu loca Saracenorum arma,  
ferrum , lignamina , vel alia , cum quibus  
possint impugnare Christianos , vel ab  
eis se defendere , sub pena centum libra-  
rum auri , Duci vel successoribus appli-  
canda;



canda; & si contra facientes non haberent, unde solverent, capitalem subire debeant sententiam. Quæ verò ad bellum spectabant, si celeritate opus esset, & res dilatæ perniciem afferre videretur, à Duce tantùm atque Tribunis, quos Ducis concilium appellant, constituebantur: si de bello inferendo, de pace conficiendâ, aut de feriendo fædere decernendum esset, Dux re cum Tribunis diligenter excussâ, ad concionem referebat, quæ pro animi arbitrio suffragia ferebat, & quæcunque vellet, statuebat. Quo factum est, ut cum Narentari, Petro Tradonico Duce, Venetorum sinibus ignem & depopulationem inferrent, Dux, ut referunt Annales, cum suo concilio multas naves instruere & armare decrevit, quibus Ioannes filius præfectus fuit, & victoriam habuit: cum vero Comaclenses à Venetis defecissent, anno à Christo nato CMXXXIII. Dux cum suo concilio magnam cymbarum classem armavit, Comaclum citò recepit, ibique arcem edificandam curavit. At Othone Vrscolo Principe, cum Veneti Popponi Patriarchæ Aquileiensi, ob cladem contra fidem Grado illatam, vehementer infensi, urbem eandem repetere decrevissent, Dux, & Patriarcha

*eo cum exercitu, ut tradit Sig. lib. 8. de regno Italiae, non suapte concilio, sed populo ipso iubente profecti urbem invaserunt, eamque primo adventu, deditibus custodibus, receperunt. Vitali verò Michaële Duce cum classis maxima adornanda, eique Imperator præficiendus esset, congregata concione, ut scriptum est in Annalibus, in capella sancti Marci Henricum Contarenum Episcopum, & Ioannem Michaëlem Ducis genitum, in duces exercitus elegerunt, & cc ferè navigiorum parato solo, à portu secedentes in Dalmatiæ fines profecti sunt. Eadem ratione cum Dominicus Michaël reipubl. clavum teneret, ad papam Calixtum, & Ducem Venetiæ Antiochenus, & Hierosolymitanus Patriarcha, & Balduinus II. Rex Hierusalem legatos miserunt petentes, ut sicut necessitas exigebat, eis providerent, & auxilia necessaria ferrent: Calixtus etiam per suos nuntios Ducem ad hoc inducit, fideique vexillum illi tradidit. Dux igitur Christianis compatiens, concione collecta in capella beati Marci de subsidio exhibendo Venetos exhortatus est, populi ergo collaudatione crucem assument, & ccc circiter galeas, & naves bellicas, & onerarias parare decernit; tantum verò aberant*

Duces à Monarchia , quam Bodinus & alii nonnulli obiciunt , ut non solum in condendis legibus, paceque, & bello statuendo : sed in iis etiam , quæ ad agros publicos , vectigalia & ærarium pertinerent, cuncta ad concionis arbitrium agerentur. Etenim cùm Petro Tribuno Duce , Clodiæ civitati onera imponderentur, ea sanè non Dux unus pro jure suo, *sed ipse cum suo concilio, & omnes totius Venetiæ majores, & minores constituerunt*, qui præter Ducem, & Iudices L tabulis publicis subscripserunt. Otho vero Orfeolus Dux anno à Christo nato MIX cum novæ Civitatī ex pacto & convento, eadem ferè onera subeunda decernerentur, non ipse imponere ausus fuit, *sed unà cum suis iudicibus concilio, & populo Venetiæ* ; tabulis vero ad L subscripti sunt. At cum Ioannes Maurocenus Monachus insulà, quæ D. Georgii appellatur, donatus fuit, Tribuno Memo Principe, id his ipsis verbis litteris consignatum est. *In nomine Dei Salvatoris nostri Iesu Christi, anno ab incarnatione ejusdem Redemptoris 982. mensis Decembris vigesimo, inductione undecima Rivo-alti. Quia tu Ioannes, Mauroceno Monachus, Religioni Christi traditus, locum*  
*tibi*



tibi aptum, & ceteris secutoribus Christi, diu considerans petiisti, tibi & posteris Christo serviturus monachus dari: hoc est Ecclesiam S. Georgii Martyris quæ semper fuit capella Beati Marci, titulus, & jus nostri Palatii. Ideo nos Tribunus, Dei gratia Venetiae Dux, motus tuis precibus, hortantibus & consentientibus nobis D. Vitale egregio Patriarcha, simul cum Episcopis nostris, & cum primatibus seu majoribus, & populo Venetiae, quorum manus optimorum, ob firmitatis indicia, subtus adscriptæ sunt, assensum petitioni tuæ cum successoribus nostris damus, eandem Ecclesiam perpetualiter fieri Monasterium, ad laudem omnipotentis Dei, & nostræ Patriæ tuitionem, ita ut tu omnibus diebus vitæ tuæ monastico more vivas, cateruam Christo servituram, juxta discretionem à Deo tibi traditam, ibi potestati tuæ ordinare debeas, sine nostra, vel successorum nostrorum, aut cujuslibet hominis contrarietate, cum toto ædificio, libris, thesauro, & vinea ibi conjuncta, & paludibus, rebusque mobilibus ad eam pertinentibus; quia æquum est, Christo famulari desiderantibus, libera in omnibus illi serviendi tribuatur facultas. Quicquid autem tu ibi dederis de tuis facultatibus, aut si tu eam melio-



*raueris, nullus in vita, vel post transi-*  
*tum tuum, inde aliquid requirere pra-*  
*sumat; sed in dominio ejusdem Ecclesiae,*  
*quam deinceps monasterium perpetua-*  
*liter manendi ordinamus, semper ma-*  
*neat ad succedentium fratrum subsi-*  
*dium: verum ob minas, molestias, aut*  
*contrarietates à nobis, aut successoribus*  
*nostris sibi inferendas praefatum mona-*  
*sterium relinquere non debeas; sed cum*  
*possidere, tenere, meliorare, & ad cul-*  
*tum divinum providere, juxta regulam*  
*Beati Benedicti, debeas sine nostra, aut*  
*successorum nostrorum, vel aliorum ho-*  
*minum contrarietate, ut dictum est.*  
*Post tuum verò transitum potestatem*  
*inde damus cum successoribus nostris*  
*Abbati, qui ibi per tempora fuerit, &*  
*ceteris fratribus, ut eorum sit monaste-*  
*rium per successionem, & consuetudi-*  
*nem, seu regulam ceterorum monaste-*  
*riorum Dei. Verum quia Ecclesia fue-*  
*rat pertinens ad dominium Basilicae san-*  
*cti Marci, quae est capella nostri Palatii,*  
*& libera à servitute sanctae Matris Ec-*  
*clesiae, volumus, ut in eadem libertate*  
*semper consistat, &c. Huic verò di-*  
*plomati Dux ipse cum Episcopis, &*  
*aliis ad cxxx subscripti sunt. Vitalis*  
*Michaël quaedam reipubl. vectigalia*  
*ad annos xi vendidit; supersunt litte-*  
*rarum*

rarum monumenta in hæc verba conscripta, ex quibus, quanta fuerit Ducis auctoritas, facile constabit : *In nomine Dei, & Salvatoris nostri Iesu Christi, anno Domini millesimo centesimo sexagesimo quarto, mensis Iunii, indictione XII Rivo-alti. Si propria utilitati quicquid amare videmur, quæ ad communem spectant utilitatem, propensiori studio, vehementiori diligentia pertractare atque gubernare debemus. Quapropter nos quidem Vitalis Michaël, Dei gratia, Venetiæ, Dalmatiæ atque Croatiæ Dux, cum iudicibus, & sapientibus, atque populi Venetiarum collaudatione & confirmatione, cum nostris successoribus concedimus, atque damus vobis quidem Sebastiano Ziano partes duas totius mercati Rivo alti, & Aurio Mastropetro similiter partes duas, Annano Quirino partem unam, Gratonì Dandolo unam, Tribuno Barozzi unam, Petro Memo unam, Ioanni Vaiço unam, Marco Grimano unam, Angelo de Bonaldo unam, item Aurio Aureo, & Leoni Faletro, & Petro Acotanto unam, de qua parte medietas est Auri Aurei; & alia medietas est inter Leonem Faletro, & Petrum Acotantum. Hunc igitur mercatum Rivo-alti, & omnes redditus nostri communis, quæ in Rivo-*

*alto sunt, vobis concedimus, &c. ab istis calendis May, usque ad undecim annos completos. Hac ideo vobis damus, quia de vestro proprio habere nostro communi in maxima necessitate constituto subvenistis, videlicet marcas argenti mille centum quinquaginta inter vos omnes persolvistis, &c. Subscripsit verò Dux, tres iudices, & alii cix. Quis verò regium statum his Ducibus tribuere potest, qui cuncta cum Iudicibus, & sapientibus, & quod caput est, cum ipsius Populi collaudatione & confirmatione faciebant? Neque verò nomen Ducis cæteris præpositū Monarchiæ signum, immò verò quod minime solum, sed concilio, sapientibus, & populo præpositum fuerit, ejus quas diximus missionis, certissimum indicium esse debet. Quid? quod Vitalis Faletrus Dux, licet proprio expendio, ut annales loquuntur, & pretio edificasset à fundamentis castrum Laureti, cum id nonnullis incolendum concederet, non tamen sine concilii, populi que auctoritate id ausus est efficere. Superest monumentum hoc, in quo disertè; Vitalis Faletrus, Dei gratia Dux, unà cum Petro Baduario venerabili nostro Patriarcha Gradensi, & cunctis nostris Episcopis, & iudicibus nec non cum nobis.*

*nobilibus principalibus nostris, & populo Venetiarum damus castrum ad perpetuum retinendum, &c. atque onera imponit. Subscripsit verò Dux, Iudices, & alii LVI. Neque solum in huiusmodi rebus concilii aut concionis auctoritate & decreto opus erat, sed cum legati reipubl. nomine creandi essent, Dux cum Patriarcha, Episcopis, Clero, & Populo Venetiarum eos eligebat: hi namq; omnes Ioannem Contarenum, & Ioannem Dentem Diaconum delegerunt ad Ioannem Papam, & Otho- nem Imperatorem in Synodo Romæ congregata, ubi visis & discussis privilegiis Gradenſis Ecclesiæ definitione Synodi terminatum est, dictam Ecclesiam esse Patriarchalem, & Metropolim totius Venetiæ; quod fuit Petro Candiano Duce. Quod autem magis mireris, in rebus etiam parvi ponderis nihil Duces sine concilio statuebant, quod apparet ex iis, quæ de supplicatione Deiparæ Virgini decreta, anno à Christo nato M CXLII. cum Petrus Polanus reipublicæ præſideret, litterarum monumentis commendata sunt, ut in tabulario Patriarchali videre est: In nomine Domini, & Salvatoris nostri Iesu Christi, anno millesimo centesimo quadragesimo secundo, mensis Februarii,*



indictione sexta Rivo-alti, si ea quæ antiquitus, præsertim pro nostra Patriæ honore & utilitate, à Prædecessoribus nostris provisa, ac diligenti consideratione statuta sunt, in sua dispositione conservanda, & manutenenda continentur, inter cætera, quæ inde proveniunt, honor patriæ conservatur, & augetur, dissidium omne vitatur, ac nobis ipsis non modica quies confertur, siquidem, &c. Cumque nos Petrus Polanus, Dei gratia, Venetiarum, Dalmatiæ, atque Croatia Dux, & Ioannes Polanus, eadem gratia, Castellanus Episcopus, huiusmodi dissidium respiceremus, ne deinceps amplius fieret, operam dedimus. Congregatis igitur nobis in nostro Palatio unâ cum nostris iudicibus, & ipsis viris sapientibus, qui præerant concilio, qui hoc in tempore pro honore, & utilitate, sex & salvatione nostra Patriæ habebatur, quorum concilio Venetiæ populus obedire sacramento est astrictus; ipsique honorem, & profitum, ac salvationem, & quietem nostræ patriæ diligenter considerantes unanimiter dixerunt, & collaudaverunt, & nos prænominatus Petrus Polanus, Dei gratia, Venetiarum Dux, & Ioannes Polanus eadem gratia Castellanus Episcopus, confirmavimus Clero, & populo Venetiarum collaudan-

tibus

*ribus quod &c.* Monumentum hoc, si quicquam aliud, mistam reipublicæ formam non solum præ se ferre, sed etiam clamitare videtur; in eo namque Dux, qui regis personam quodam modo sustinet, se pro jure suo *concilium coëgisse* testatur: concilium vero ex judicibus, & viris sapientibus constare, *quorum concilio Venetiæ populus obedire sacramento erat astrictus*, quid aliud repræsentat, quàm Aristocratix formam? Quod autem à concilio deliberatum fuit, id totius populi firmatum esse consensu, nonne popularem statum demonstrat? Hoc verò, nisi quid me fallit, quam longissime à purâ Monarchiâ disjunctum est. Vnum omittere non possum, quod in annalibus animadverti, antiquos Duces ne in matrimonium quidem peregrinam ducere ausos, sine populi assensu. Cum enim annales Orthonis Vrseoli Ducis nuptias referunt, hoc utuntur loquendi genere: *Hic Dux cum populi voluntate Græcam uxorem duxit, filiam Gettæ Ungarorum Ducis, & sororem Stephani regis, qui pro sancto habitus est.* Eant modo Veneri nominis hostes, & Regiâ prorsus potestate præditos prædicent eos, qui ne uxorem quidem ex animi sententiâ alienigenam ducere possent.

Ius tamen dicebant Duces ipsi, iudices pro arbitrio eligebant, à quibus provocare ad Duces cuicunque integrum erat; uno verbo, totam reipubl. partem, quæ ad judicia spectant, soli temporibus illis tractabant. Sed cum omnia reipubl. prosperè processissent, multis civitatibus in ejus ditionem & potestatem redactis, imperii finibus propagatis, ipsâque civitate mirum quantum auctâ & amplificatâ, multos creare Magistratus necesse fuit, de quibus in notis ad Contarenum & Iannotium satis dictum est. Non desunt, qui Venetorum Duces ante Sebastianum Zianum non modò regali auctoritate præditos, quod hucusque refellimus, sed etiam Imperatoribus subiectos prædicent eo nomine, quod ab iis multa, ut vocant, privilegia obtinuerint. Sicut enim in fœdere à Carolo Magno cum Leone Imperatore innovato, *de libertate, immunitate, & quiete Venetorum* cautum fuit, anno à Christo nato DCCC XII ut refert Sigon. lib. 4 de Regn. Ital. ita non modò Carolus Crassus *factus*, ut Sigonii verbis utar, *inter Venetos atque Italicos sibi subiectos in quinquennium renovavit*, anno DCCC LXXI. & Vido Imp. post decennium Petro Venetiarum Duci, atque

atque Hugo Rex Vrſo, anno c m xxvii  
vetus privilegium *de iurâ juſtaque re-*  
*rum ſuarum in regno Italico poſſeſſione*  
firmarunt; ſed etiam Berengarius II,  
anno c m l, & Henricus IV, quem  
Germani ſcriptores v appellant, anno  
m c xi, & Lotharius III, m c xxvi fœ-  
dus inter Venetos & Italicos redinte-  
grarunt, ac fines poſuerunt; quod et-  
iam Henricus III fecerat, *qui in Mar-*  
*chiam cum veniſſet, Tarviſii fœdus cum*  
*Vitali Faletro Duce Venetorum renova-*  
*vit, & filiam ejus è ſacro fonte ſuſcepit,*  
*& cum corpus ſancti Marci, nova con-*  
*dita ade inventum, variis miraculis vi-*  
*cinorum in ſe oculos convertiſſet, &*  
*ipſe Venetias adiit, atque urbem luſtra-*  
*vit, & reipublicæ deſcriptionem landa-*  
*vit, & monaſterii privilegia multa in-*  
*dulſit.* Ego verò ex his ipſis privilegiis  
nihil pro regio ſtatu, nihil adverſus  
pristinam libertatem concludi poſſe  
exiſtimo. Nam quod iſti afferunt, Ve-  
netorum Ducibus, non reipublicæ aut  
*communitati* inſcripta privilegia, id  
nullo negotio refellit priſca reipublicæ  
cōſuetudo, quam ad hanc ipſam diem  
conſtantiffimè retinuit, omnia tra-  
ctandi, atque adeo ſcribendi Ducis no-  
mine. Cæterum quis non videt, ex  
primo fœdere Caroli Magni cum Ni-  
cephoro



cephoro non datam, sed firmatam Venetorum libertatem, ut ab utroque Imperatore securi viverent? Quis non intelligit id præcipuè cautum, ut sine molestia res suas, fundos scilicet, in Patavino, & cæteris Italici regni partibus possiderent? Nonne testantur id ipsa verba? Cum vero Carolus Crassus fœdus icisse dicitur inter *Venetos & Italicos sibi subiectos*, nonne Venetos ab iis, qui subiecti sunt distinguit, atque minimè subiectos ostendit? Quid tandem alii sibi volunt, qui de *tutâ justâque rerum suarum in Italico regno possessione* privilegium confirmant, quàm idem tribuere, quod Carolus Magnus, ut scilicet fundos sine molestia in continente possiderent? Multa possem privilegiorum fragmenta in medium proferre, ex annalibus nostris collecta; sed cum omnia ferè eadem tribuant, satis erit Henrici IV, qui à Germanis V dicitur, privilegium, quod integrum ad manus meas pervenit, transcribere, ut nemini liceat imposterum tam absurda & inepta objicere, quàm ea sunt, quæ nequissimi homines fingunt, & somniant.

*In nomine sanctæ, & individue Trinitatis. Henricus, Divina favente Clementia, Quintus, Romanorum Impera-*

tor Augustus. Quoniam stabilem Christianorum Principum charitatem operari plurima bona, ad multorum utilitatem, evidenter novimus, & virorum sapientes, & disertos Rectores regnorum suorum, notos habere semper & amicos curavimus. Ordolphum Faletrum Dei donis Christianum, & clarū Ducem Veneticorū, quem luce sapientia, & totius honestatis ubertate predicabiliter polle-  
re, manifestum est, habere notum & amicum ad decus Imperii nostri stabilitate perpetua decrevimus, ad cuius rei perpetuam confirmationem hoc, quod ipse Dux vir sapiens & honestus, fieri exaudibiliter postulavit à nobis, consilio nostrorum Principum digna postulatio-  
ne impetravit. Hac igitur ratione tanta dilectionis uniti, nostram utrinque caritatem rationabiliter observavimus, & in multo magisque negotiis, publicis ac privatis, ejus sinceram dilectionem, & praeclaram sapientiam imperio nostro, & nobis, nostrisque fidelibus utilem existere probavimus, & quia ipsius rei eviden-  
tia, & sapientum judicio sapiens ac discretus ipse Dux Venetici Regni rector existit, & egregia voluntas, & pura dilectionis exhibitio, quam semper erga nos habuit, & nostrum imperium, eum nobis in omnibus commendabilem exhibuit

buit, dignus ejus, & honestus interven-  
tus apud nostram Imperatoriam Maje-  
statem, locum charissimi amici & viri  
sapientissimi venerabiliter obtinuit. Igi-  
tur ob sinceram, & venerabilem ejus di-  
lectionem vera charitatis vinculis astri-  
ctam, quicquid ipse Dux, & Venerici  
Ducatus Ecclesiæ, & Populus, retro per  
triginta annos, imperii nostri potestate,  
secundum quod in præcepto nostri patris,  
& nostrorum prædecessorum, Regum,  
& Imperatorum continetur, & pacto  
Othonis Imperatoris legitur, justè, &  
legaliter habuit, & tenuit, per hanc no-  
stram Imperialem paginam renovamus,  
atque confirmamus. Hujus autem rei  
internuntii inter nos & prædictum Du-  
cem nostrum charissimum amicum, viri  
nobiles extiterunt, Vitalis Faletrus ejus  
consobrinus, Morecenus, & Stephanus di-  
lectus ejusdem Ducis Capellanus & Can-  
cellarius, atq; Vrso Iustinianus vir illu-  
stris, non quod istorum gratia vel cujus-  
libet alterius hoc faceremus, sed solum-  
modo dulci charitate Ducis charissimi  
nostri, cui indissolubiliter uniti sumus,  
prout dictum est. Hoc egimus ita qui-  
dem ut pars parti nil malignum, aut in-  
justum, sed semper quod rectum est, in  
omnibus rationibus rebusque facere præ-  
sumat: & si, quod absit, aliqua malitia  
vel

vel lesio inter partes commissæ fuit, per  
hujus fœderis decreta tegatur, ac facta  
satisfactione à rebelli & transgressoria  
parte ad pactum observandum, hæc se-  
ries fœderis inviolabiliter semper ma-  
neat, per cuncta annorum curricula, re-  
mota contradictione vel impugnatione  
tàm nostra, quàm nostrorum successo-  
rum omnium; quia injustum videtur,  
ut aliquis vel suis, vel aliis equis san-  
ctionibus oppugnare nitatur, & ut ma-  
xime ac specialiter notentur vicini po-  
puli, tàm ex nostro Imperio, quàm ex  
prædicto Ducatu Venetiæ, à quibus o-  
mnimodo hanc pactiois institutionem  
observandam esse decrevimus. Hi sunt  
ex nostro scilicet jure, Tapienses, Medio-  
lanenses, Cremonenses, Lucenses, Pisani,  
Genuenses, Placentini, Ferrarienses,  
Ravēnates, Comaclenses, Florentini, A-  
ritminenses, Pisaurienses, Censenatenses,  
Ianenses, Senogalienses, Anconenses, Hu-  
manenses, Fermenses, Eporienses, Vero-  
nenses, Monteficenses, Gaultenses, Vin-  
centenses, Paduenses, Tarvisienses, Ce-  
netenses, Forojulienses, Histrienses, &  
cuncti de nostro Italico regno, sive qui  
modò sunt, sive qui impostèrum futuri  
sunt. Ex prædicto verò Ducatu Venetiæ  
sunt Rivoaltus, & Metamaucenses,  
Cluienses, Palesthinenses, Caputargo-  
lense



lenses, Brintellenses, Lauretenses, Babienses, Murianenses, Maiorbienses, Torcellenses, Amianenses, Burianenses, Constantienses, Aquilienses, Caprolenses, Civitatinenses, Finenses, Graden-  
 ses, & cuncta generalitas populi Venetia, sive qui modò sunt, sive qui futuri sunt. Confirmamus itaque Veneticorum fines à nemine nostrorum inquietari, invadi, vel minorari debere; sed liberè, & absque ullo impulsu, quæ retro ab annis possedère triginta, deinceps possideant. Proprietates verò, & prædia, quæ habere videntur tam ipse Dux, quàm suus Patriarcha, nec non & Episcopi, Abbates, & Ecclesiæ sanctæ Dei, & reliquus populus Venetia sibi subiectus, infra potestatem imperii nostri, sive in campis, sive in domibus, pratis, sylvis, vineis, paludibus, salitis, sationibus, piscationibus, & cæteris possessionibus, quietè possideant, absq; cujusquam insultantis machinatione, aut læsione, sive sinistra quapiam tergiversatione: ita ut nemo contrarietatem eis facere præsumat, nec etiam venationem, aut populationem, sine eorum licentia exerceat, neque violentiam ibi residentibus inferat. Neque aliquam navim ipsorum Veneticorum in aliqua nostri imperii parte periclitantem prædari, seu hominibus naufragium patien-

patientibus aliquam controversiam inferre praesumat; quod si qui fecerint, componant centum libras auri purissimi illis, quibus injuriam facere praesumpserint, & res ejus dominio possidentium mancipientur, & quietè liceat possessoribus illas tenere ac frui: quod si excursus inter partes factus fuerit, persona ipsa, qua in capite fuerit ad eandem malitiam faciendam, infra sexaginta dies tradatur, & omnia, qua fuerint ablata, in duplum restituantur. Quod si ipsum duplum compositum non fuerit, vel si ipsa persona tradita non fuerit infra dies sexaginta, ut dictum est, tunc per unamquamque personam, qua ipsam malitiam perpetravit, componantur auri solidi quingenti. Si furium inter partes factum fuerit, duplum restituitur. Si servi, aut ancilla inter partes confugerint, cum omnibus rebus quas secum detulerint, reddantur, & iudex, qui ipsos fugitivos reddiderit, accipiat pro unoquoque singulos solidos auri: sic tamen ut si amplius requirit, per sacramentum idoneum dominus illorum satisfactus sit. Si verò iudex, vel alius ipsos fugitivos susceperint, & eos reddere negaverint, & exinde fugerint, tunc pro unoquoque fugitivo componat auri solidos septuaginta duos. Quod si dubium fuerit, &

denegaverit iudex, vel auctor loci illius, in quo ipsi fugitivi requiruntur, tunc praebeant sacramentum duodecim electi, quod ibi nec suscepti fuerint, nec illos habeant, nec in conscientia illorum sint, nec aliquas res eorum secum habuerint. Si autem hoc distulerint facere, post primam & secundam contestationem, praesentia testium per pactam iurisdictionem iudicis sui, liceat ei pignorare hominem de ipso loco, ubi causa requiritur, ita tamen, ut ipsum pignus prius peracta iustitia per integrum reddatur, & nullatenus liceat alicui pignus accipere per alia loca, nisi ubi fugitivi, aut causa requiruntur. Et si pignoriatio pervenerit, non praesumat alia pars pro pignore aliam pignorare, sed expectet usque ad audiendum causam, ita sane ut causa in sex mensium spatio fiant, & sint finita, reddens prius quod ex iudicio condemnatus fuit, & pignus suum recipiat. Nam si quis de alio loco pignus tollere praesumpserit, aut sine causa tulerit, aut aliquem pro pignore pignorare praesumpserit, in duplum quod tulerit, restituat; si vero equi, vel equae, aut armenta, aut alia quadrupedia fuerint furata, in duplum restituantur: Si ipsa erraverint, modis omnibus reddantur. Quod si post primam & secundam contestationem

minimè

minimè reddita fuerit tunc pignoriatio fiat de loco, ubi requiritur, usque dum pars parti satisfaciat, & post satisfactionem reddantur ipsa pignora. Et hoc statutum est, ut si fugitivus, seu res reddita fuerint, vel si per sacramenta satisfactio adimpleta fuerit, modus omnibus pars parti securitatem faciat. Si quis vero extra memorata capitula pignoriare presumpserit, causam perdat, & quæ tulerit, restituat. Negotia autem inter partes fiant; & liceat dare, & accipere, quicquid inter eos convenerit, sine aliqua violentia vel contrarietate, ita ut æqua conditio utrarumque partium negotiatoribus conservetur. De ripatico autem secundum antiquam consuetudinem, pars parti observet omnem quadragessimam, & licentiam habeant homines ipsius Ducis ambulandi per terram, sive per flumina totius Regni nostri; similiter & nostri per mare, & per flumina usque ad os, & non amplius. De hoc convenit, ut si qua lesio inter partes evenerit, legati non detineantur si vero detenti fuerint, relaxentur & componantur eis solidi trecenti, & si, quod absit, occisi fuerint, componantur parentibus eorum pro ipsis solidi mille, & ipsa persona tradatur in manibus ipsorum. Si quis inter partes causam habuerit, vadat semel



vel bis cum epistola iudicis sui: si ei iusti-  
 tia minimè facta fuerit infra dies 14, si  
 ipse homo unde iustitia requiritur, infra  
 ipsum locum fuerit, infra dies septem li-  
 centiam habeat pignorandi: Iudex qui  
 ipso tempore ordinatus fuerit infra cau-  
 sam suam, quantum ipsum debitum  
 erit, & ipsam pignus usque ad pranomi-  
 nata notet: quod si ante steterit ipsum  
 pignus, componantur solidi duodecim,  
 causa manente, & pro eo iterum pigno-  
 ratio fiat, ubi potuerit in finibus, ubi  
 causa requiritur: Si tamen ubi judi-  
 cium ambabus partibus annunciatum  
 fuerit, residentibus duobus de utraque  
 parte, de loco ubi causa requiritur,  
 quod ipsi determinaverint per euange-  
 lium, pars parti satisfaciat. Addimus  
 autem, ut si quis homicidium perpetra-  
 verit, modis omnibus ipse, & quanti  
 mixti fuerint in homicidio, ligati tra-  
 dantur. Quod si factum non fuerit, pro  
 unaquaque persona componantur auri  
 solidi 300. simili pœna decernimus da-  
 mnandum eum, qui in communibus tu-  
 multum populi excitans homicidium  
 perpetraverit: quod si tumultus sine ho-  
 micidio, aut plaga sedatus fuerit, com-  
 ponat pro excitatione solidos auri 300.  
 Si aliqua pignoratio in sylva fieri debue-  
 rit, sine homicidio fiat, & si, quod absit,

homi-

homicidium factū fuerit, pro libero homine cōponantur auri solidi 300, & pro servo 50, & si plaga facta fuerit, ut non moriatur, pro libero homine solidi 50, pro servo 30. Statutum est, ut in rebus sacrarum Ecclesiarum Dei nullus pignorationem faciat, excepto si cum sacerdotibus causas habuerit, & ante compellatio fiat semel, vel bis; nam qui aliter præsumpserit, duplum componat, & si nesciens pignoraverit, prabeat sacramentum, & sit solutus, pignusque saluum restituat. Et hoc stetit de capulo, quod Rivoaltenses, Olivolenses, Metamaucenses, Albinenses, Torcellenses. Amianenses fecerunt retro ab annis 30, habeant licentiam faciendi secundum antiquam consuetudinem, siue per flumina, siue per mare. Equileienses vero capulari debent in ripa sancti Zenonis, usque in fossam sancti Metamauci & Gentionis, secundum consuetudinem, & omnem arborem vehere cum carro, aut ad collum, quantum sibi placuerit, & habeant licentiam pecudes in ipsis finibus pascere, vel pabulari. De finibus Civitatis Nova dicimus, ut terminatio, quæ à tempore Liviprandi Regis facta est inter Paulucionem Ducem, & Marcelum magistrum militum, deinceps manere debeat, id est, de plave majore usque



in plavem siccam, peculium quoque & gregem cum securitate pascere. Capriani verò in sylva Forojuliana, ubi semper capulaverunt, capulare debeant; similiter Gradenfes secundum antiquam consuetudinem in sylvis Forojulii capulum faciant. Confirmamus etiam Lauretum, ut quantum aqua salsa continet, ejus subjaceat potestati. Et nullus Princeps, vel pauper aliquem Veneticorum distringere, aut legem facere de aliqua Veneta substantia, aut ad placitum ducere, nisi in presentia illorum Ducis, aut fororum tollere de illorum terris, quæ in nostro regno sunt, aut bannum mittere, tam de habitantibus in Venetia, quam de illorum hominibus ubicunque habitantibus justitiam aliquam accipere præsumat, nisi in presentia Dominorum suorum. Confirmamus, ut pars parti de causis Ecclesiarum & monasteriorum omni modo justitiam faciat. Volumus, ut pro una libra denariorum, ab uno homine sacramentum, & si usque duodecim libras denariorum, Veneticorum duodecim electi juratores addantur. Nam si ultra duodecim libras questio facta fuerit, juratores ultra duodecim non accedant. Statuimus etiam de pignoribus, quæ inter partes posita fuerunt, illi tribuatur arbitrium jurandi, qui pignus habuerit, soli,

*soli, sive electio. De auctionibus verò simili modo agatur.*

*Si quis igitur Dux, vel Marchio, Comes, Vicecomes, aliquave magna persona hujus nostræ Imperialis pagine violator extiterit, quod minimè futurum credimus, sciat se compositurum libras auri optimi mille, medietatem camera nostræ, & medietatem Duci Veneticorum, quod ut verius credatur, diligentiusque ab omnibus observetur, sigilli nostri impressione hanc paginam manu propria corroborante jussimus insigniri.*

*Signum D.  
Henrici V,  
Rom. Imp.  
jussissimè.*



*Brucardus Cancellarius, & Monasteriensis Episcopus, vice Alberti Archicancellarii Moguntia sedis electi recognovit. Datum xi kalend. Junii, indictione quarta, anno Dominica incarnationis millesimo centesimo decimo primo, regnante Henrico V, Imperante*



*primo, ordinationis ejus xi. Actum est Veronæ in Christo feliciter. Amen.*

Nihil igitur antiquius habuerunt Duces nostri à Caroli Magni temporibus usque ad hæc tempora, de quibus agimus, quàm ut Veneti res in regno Italię possellās retinerent, ad quaslibet ripas & littora naves applicare possent, atque in cunctis civitatibus imperio subjectis gratis atque tuto negotiarentur. Quæ cuncta, & alia multa sicuti non gravatè, immò gratuitò ab Henrico obrinuerunt, ita ab aliquo Imperatorum, & Regum, qui Othonom præcesserant, non nisi *aureo pallio soluto* consecutos nullus nego. Sed qui ob id libertatem amissam subjectamque Imperatori fuisse rempublicam scribunt, nihil aliud quàm improbitatem summam, ac summam inscientiam produnt, qui nullas viderint fœderis tabulas, quibus sæpissimè maximi principes, & nullius alterius potestati subjecti, levioribus etiam de causis, non paribus modò principibus, sed longè inferioribus ex pacto & convento aliquid solvunt. Henricus autem Veneto nomini propensus, anno à Christo nato M C XVI mense Martio Venetias profectus, atque honorificè habitus, urbis situ, ædiumque decore,

quæ

quæ diligenter invisit, mirificè delectatus, votis Sancto Marco solutis, & monasteriis, *possessionibus regni* auctis discessit. Etenim non sibi subdicere sed promovere, & ad cœlum ferre curabant Reges, & Imperatores magnanimi, medio mari natam urbem, ut contra hostium injurias libertatis domicilium æternum esset. Quæ maritimæ rei studio addicta, ingenti totius Italiæ commodo, non modo strenuam negotiationi operam daret: sed etiam Saracenis semel atque iterum navalibus copiis devictis, ingenti classe in orientem missa ad Christi sepulcrum recuperandum, Gallis & Vngaris intra æstuaria animosè & fortiter repulsis, Italicam virtutem, & gloriam ubique præ se ferret: adeoque cunctis belli & pacis artibus inclaresceret, ut ei jam civitates se sponte subjicerent, & soluto quotannis tributo deditionem facerent. Sed hæc hætenus adolescentiam juvenus consecuta est, quæ à Sebastiano Ziano ad Martinum Georgium Ducem usque provecta c. xxxi annorum spatio comprehenditur. Bodinus & alii, qui superiores Venetorum Duces regali auctoritate præditos autumant, quod nos superius argumentis firmissimis & evidentissi-

mis redarguimus, reipublicæ quoque formam hoc tempore immutatam scripserunt, atque ab uno ad omnes conversam, longè tamen opinione falluntur. Quemadmodum enim multa de priorum institutis circa Ducem, multa circa concilia immutata sunt, pro temporum conditione & reipubl. amplitudine; ita nihil omnino innovatum est, quo mista, quam attulimus, reipublicæ forma dissoluta fuerit. Ducum sanè auctoritas non semel immi-  
nuta, & certis legibus circumscripta, ut à finibus regiæ potestatis quam longissimè abesset; eorumque eligendorum ratio, qui olim à populo non sine maxima rerum perturbatione, porrigenda manu, fundendoque clamore creari solebant, variata fuit, eligendi-  
que facultas ad paucos translata. Duo sunt, quæ Ducis auctoritati plurimū detraxerunt, Tribuni, sive Consiliarii seni, qui ei semper assiderent adjuncti, & multi Magistratus instituti, cum reipublicæ finibus propagatis, & civitate mirum quantum amplificatâ, Dux ipse & iudices cunctis muneribus pares esse non possent. De Consiliariis annales ita loquuntur. *Hæjus Ducis initio ordinatum est, ut sex consiliarii de novo eligantur, qui*

*cum Duce semper adesse debeant ad regimen exercendum. Magistratus verò multi constituti ; Iustitiiarii primò, quibus annonę & rei cibarię cura commissa. Advocatores communis , Iudices petitionũ, & alii, ut anno MCCLXVII in ducario jure de his omnibus mentio facta fuerit. Consiliariis , Ind. proprii , Petitionum , Forensicorum , Examinatorum , Procuratorum , de Mobili quatuor procuratoribus Ioannes Marci, Advocatoribus Communis , Consulibus, Superconsulibus, Quinque de pace, Dominis de nocte. Quod verò caput est, ipsa lex sive jus Ducarium , quod antè multis plebiscitis dispersum & incertum erat , in unum coactum , & rectè dispositum, & ordinatum , electis Ducibus proponi captum est , qui conceptis verbis ab eo se ne transversum quidem unguem discessuros jurejurando firmarent : & IIII viri electi, qui Ducis auctoritatem , prout rei publicę expedire judicarent, novis rogationibus corrigerent. Ducis autem electio à concione ad XII viros primò deducta est. Etenim ante Ducis huius, Sebastiani scilicet Ziani creationem, Primarii civitatis statuerunt ad evitanda scandala , ut persquitinium eligerentur XXIV ex majoribus civitatis, qui*



qui remaneant XII, his verò detur sacramentum de eligendo Duce optimo, posito amore & odio, qui per octo suffragia prospera eligatur; & hac deliberatio fuit laudata in publica concione. At in creando Aureo Mastropetro à XII ad XL viros ventum est. Nam Veneti de convalescentia Ducis penitus desperati, electionis processum utilem sibi cognitum subtilius eliminantes sanxerunt, ut quatuor viri, providi eligendi quadraginta alios nominarent, per quorum maiorem partem electus Dux ab omnibus haberetur, qui omnes quadraginta jurent ad sancta Dei Evangelia, coram omnibus, quod precio, precibus, odio, & amore omisso illum eligerent in Ducem, quem ad hanc dignitatem cognoscerent potiore. Verum cum electores pari suffragiorum numero Iacobum Teupolum, & Marinum Dandulum Ducem creassent tanta constantia, ut nullis artibus de sententiâ dimoveri possent, quo factum est, ut ex populi decreto res ad sortem revocata fuerit, fortisque beneficio Theupolus Dux renunciatus, ne impolterum aliquid tale accidere possêt. Veneti cives sanxerunt, quod electores sint XLI, & sicuti Dux à majori parte XL electorum eligebatur, ita nunc per maiorem partem XLI eligi debeat,

debeat, & electus juramentum præstet. Cum vero electores sine ulla suspicione fraudis creari deberent, neq; tanta res forti omninò committenda videretur, novam quandam atque subtilissimam eorum eligendorum rationem Veneti constituerunt, quam adhuc retinent. Etenim Consilarii, & cap. de XL Rectores Venetiarum, cum majori concilio & collaudatione populi, formam electionis futuri Ducis subtilius eliminantes sanxerunt, quod defuncto Duce & sepulto, vocetur majus Concilium, & capta parte de eligendo futurum Ducem, immediatè fiat electio de quinque probis viris, qui diligenter debeant examinare promissionem, & commissionem Domini Ducis, & facta examinatione corrigere, & addere id, quod visum fuerit corrigendum, & addendum; & accepta probatione in majori concilio, de eo quod ipsi statuerant, & correxerunt, deveniant postea ad electionem, & quod minores annorum xxx completorum his conciliis interesse nequirent. Et quod congregato concilio numeratisque omnibus, tot ballote de cera ponerentur in uno capello, quot essent illi de concilio, & in triginta cedula interclusa esset, in qua scriptus foret elector; & illico per nomina singulorum

per

per texeram venientium ad capellum infans unus extrahat unam ballotam, quæ detur uno Consiliario assistenti; & unusquisque, cujus nomine accepta fuerit ballotam, cameram introeat, usque ad perfectionem numeri prælibati xxx; & tunc in capello ponantur 30 ballotæ, & in novem ex ipsis fit cedula cum inscriptione inclusa; & illi novem, quorum nomine exceptæ erunt ballotæ cum scriptis, reliquis secedentibus, in camera debeant remanere. Et ipsi per septem ad minus eorum inconcordium eligant 40 qui eodem modo sortialiter remanere debeant in xii; qui duodecim per novem eorum ad minus inconcordium 23 prudentes homines eligant per antedictum modum, qui sortialiter remanere debeant in novem, qui novem per septem ad minus eorum inconcordium 45 providos viros, ex quibus postea undecim remanentes, per novem ad minus concordēs xli notabiles viros eligere debeant; qui xli per viginti quinque eorum ad minus in concordia futurum eligent Ducem: ita tamen quod in aliqua electione non possit esse, nisi unus per prolem, & sic per antedictum modum Dux fuerit procreatus. Et quod Consiliarius junior, antequam procedatur ad electionem, ire debeat in Ecclesiam sancti Marci, & facta



*facta oratione primum puerum parvulum, qui ei obviaverit, accipere debeat pro extrahendo ballotas, & sit ballottinus futuri Ducis. Igitur Dux Venetæ reipublicæ ut semper fuit non natus, sed lectus est (at majori curâ, & artificiosius eligi nihil mutat reipublicæ formam) quamque semper habuit angustam principis speciem, eandem adhuc retinet habitu, incessu, sella, & iisdem omnibus, quæ superius attuli, dignitatis insignibus, tantâque dignitate & auctoritate, ut repræsentet quodammodo, non re ipsâ obtineat regiam facultatem, & eadem ferè permaneat, quæ ab ipso urbis initio instituta fuit, mista reipublicæ forma. Hoc vero sicuti ex iis, quæ Ducem attingunt, certissimum est, ita ex iis, quæ ad concilia & concionem pertinent, multo sanè exploratius erit. Vidimus consiliarios senos Duci adjunctos Tribunorum loco, quos olim eadem auctoritate binos, & postea quaternos creatos superius ostendimus. Hi minoris concilii nomen, quod olim Tribunis fuerat, retinuerunt, quod ex Ducario jure Marini Mauroceni Ducis perspicuum est. Si autem sex consiliarii minoris concilii erunt concordescum majori parte concilii majoris, &c.*

nunc



nunc vero id concilium minus Dominatio vocatur. Sapientes olim ad Ducis arbitrium convocabantur, qui pro re nata x, aut xx proceres in concilium adhibebant, id vero cum maximo emolumento rebus publicis esset, factum est, ut in bello, in fœderibus, aut pace tractanda sapientes viri à majori Concilio eligerentur, qui Duci atque Consiliariis assidentes, rem aliquando probè discussam ad concilium referrent; aliquando vero pro voluntate & arbitrio terminarent. Hinc sæpè legimus: *Decretum est, ut facta instantis belli per Ducem, & Consiliarios & xx sapientes nobiles viros debeat agitari.* Ex iis, prout credo, originem traxere sapientes illi, qui magni Concilii continentis, & ordinum nomine à senatu creati, Duci atque Consiliariis in excelso Principis collegio assidere solent. Concilium Rogatorum à Ducibus institutum est, qui cum res magni ponderis atque momenti tractanda esset, seniores & prudentiores reipublicæ proceres, ut adessent, atque in commune cōsulerent, rogabant, quod cum usu rerum edocti reipublicæ salutare cognovissent, Veneti cives perpetuum cōstituerunt. Hujus concilii nomen anno à Christo nato M c c l i i i legi-

legimus in publicis tabulis. *Capta fuit pars, quod qui à modo in antea iuerit reipublica causâ, ultra Trontum, vel ultra Alpes, vel ultra Iadram, vel ultra Forum Iulium, vel etiam aliqua occasione dictos confines pertransiuerit, quocunque modo vadant, sint foris de omni officio, & etiamsi de concilio Rogatorum essent, sint foris de ipso concilio: quod tamen Rogatorum nomen in annalibus multo ante legisse memini: Anno tamen MCCLXXV decretum est, ut in maiori concilio eligeretur eodem modo, & eadem forma, qua eliguntur XL, etsi concilium contra sit revocatum. Non tamen erat concilium hoc eâ auctoritate, quâ modo fulget, sed cum à maiori concilio multa Duci, Consiliariis, Rogatorum & XL-virali conciliis delegarentur his verbis; Capta fuit pars, quod illud, quod D. Dux & Consiliarii, cum conciliis rogatorum, & XL fecerunt, & facient super facto D. Patriarchæ, sit firmum, sicut factum esset per majus concilium: vel, Capta fuit pars, quod D. Dux, & Consiliarii cum concilio Rogatorum & XL possint, & debeant videre super facto Creta, & illud quod inter eos capiatur, sit firmum; & ita debeat observari; sicut factum esset in maiori Concilio.*

Cumque id frequentissimè fieri con-  
tingeret, placuit tandem quæ singula  
mandari solebant, universa commit-  
ti; concilium verò, Senatus etiam no-  
men adeptus, ad hanc ipsam ampli-  
tudinem & majestatem pervenit, ut  
sapientissimus, & augustissimus totius  
orbis terrarum senatus & sit, & ha-  
beatur. Bodinus verò, qui eum *tanta  
varietate mutabilem* appellat, ut *Ve-  
neti ob id ejus splendorem obscurent*, &  
*in apertum discrimen rempublicam con-  
iiciant*, dum arcana pervulgantur, ac  
*novis senatoribus, rerum præteritarum  
ignaris, summa reipublicæ governa-  
cula committuntur*, excusandus vi-  
detur, cum nesciat quolibet anno,  
quanquam itur in suffragia, eosdem  
tamen senatores creari; novos au-  
tem, in locum eorum qui vel absunt  
reipublicæ causa, vel diem suum obie-  
runt, vel republica malè administra-  
tâ reiiciuntur. Sed cum singula tantæ  
reipublicæ mysteria cognoscere, non  
sit advenæ atque peregrini hominis,  
saltem prudentis fuisset, quæ nescie-  
bat, non reprehendere. Quadra-  
ginta-virale concilium perantiquum  
est, & maximæ olim in republica au-  
toritatis, cui ferè cuncta commissa  
erant, quæ nunc Senatui, vel De-  
cem-

cem-virum concilio : à concione ,  
priscis temporibus electus iudicio , an-  
no vero M C C LXXIV. à concilio majori  
eligi cepit , ut alia ferè cuncta reipubl.  
munera. Etenim cum lege latâ statu-  
tum esset , *ut electio de XL fiat de cætero*  
*in majori concilio per rodulum , sicut*  
*fiunt alia electiones* : cautio tamen ad-  
hibita fuit , *cum ista conditione , quod*  
*si invenietur , quod non posset fieri per*  
*concilium , quod debent fieri cum A-*  
*rengo , si expedierit*. Reliquum est , ut  
de majori concilio , & de concione  
nonnulla dicamus. Majoris concilii  
nomen in reipublicæ infantia eâ de  
causâ non inveniri existimo , quod  
Tribuni, sive Consiliarii Duci assiden-  
tes , aut nondum erant , aut minoris  
concilii nomen nondum obtinuerant :  
quapropter sicuti iudices , & sapien-  
tes in pervetustis tabulis minoris con-  
cilii locum obtinent ; ita Proceres , &  
Majores, Populique collaudatio mayo-  
ris concilii , & concionis vice legi so-  
lent. Prisca tamen concio , quæ non  
ex universo populo , ( quî namque in  
Ecclesiâ D. Marci , aut D. Nicolai ,  
quæ tunc multo minor erat , congregari  
potuisset ex omnibus Insulis ? )  
sed ut superius diximus , ex tribunis ,  
tribunitiis viris , & aliis nobilioribus ,



& sapientioribus constituebatur, tempore procedente à populi tumultuosa concione, quæ Arengum appellari cæpta est, distincta majoris concilii nomen adepta est. Qui vero in id concilium cooprabantur, ab electoribus in singulos annos eligi solebant; sed iidem ferè, aut certè ex iisdem familiis, quod publicæ tabulæ atque monumenta vetustatis demonstrant: spurii tamen lege latâ nominatim arcantur. Cum vero quotannis per electores majus concilium crearetur, neque decissent novi homines, qui vel divitiis, vel partium studio elati tantum sibi sumerent atque arrogarent, ut ad reipublicæ gubernacula admitti, atque in majus concilium cooptari vellet, ab electoribus autem præteriti iniquissimo animo repulsam ferrent, jam res eò pervenerat, ut nisi prudenti ratione malorum conatibus irretur obviam, periculosum esset, ne tandem privatæ offensiones in apertam seditionem erumperent, & reipublicæ administratione cunctis ex æquo communicatâ forma periret insita, atque nova induceretur, quæ cunctorum dominationem contineret. Itaque necessario & saluberrimo concilio, quod antea pervetustâ reipubli-

publicæ consuetudine, & electorum prudentia institutum & firmatum fuerat, latâ lege sancitum est, ut proceribus, & antiquioribus civibus majoris concilii aditus pateret, cæteris non item: verbis tamen mitigata res est; descripti namque non proprio nomine appellati Nobiliores & Vetustiores; dictumque ut qui superioribus quatuor annis, vel ipse fuerit, vel patrem, aut majores habuerit ex aliquo Venetiarum concilio, is cum posteris perpetuò jus obtineret majoris concilii: ita nunquam populo & plebi supremum jus tributum, sed Nobilium conciliis; ut non satis ego mirari queam, quid isti sibi velint, cum reipublicæ formam ab unius dominatione ad omnes, ab omnibus verò ad paucos conversam scribunt: siquidem nec unus unquam, nec omnes, nec pauci, civitatis imperium atque summum jus obtinuerunt. Sed ut in mixtâ formâ accidere solet, & uni, & cunctis, & paucis nonnulla tributa, ut ex his cuilibet manifestum est. Concioni sive Arengo, id est, plebi atque populo, postquam à majori concilio segregata est, pauca tributa sunt: jus enim ex convocandæ ademptum Duci, atque majori concilio

concessum est; neque convocatam reperio, nisi ut Cancellarium, exercitus imperatorem, atque Duces collaudaret; semel, ut D. Marci procuratoribus pupillorū tutelam, à majori concilio commissam laudaret. De Cancellario anno à Christo nato MCCLXXI *capta fuit pars, quod magister Tintus debeat laudari à populo pro Cancellario: nota quod exeunte Martio in publica concione laudatus, & confirmatus fuit.* De Imperatore MCCLXXXIIX. *capta fuit pars, quod die Dominico possit fieri Arengum, pro dare vexillum Capitano exercitus; quod post electum Ducem perpetuum factum esse legimus: quænam vero fuerit Populi auctoritas, contra quam credi vulgò solet in electis Ducibus approbandis, Ducarii juris præmiū demonstrat. Cum non de nostra fortitudine & prudentia, sed sola præcesserit clementia Creatoris, in cuius arbitrio & voluntate universa sunt posita, quod ad Ducalis culmen pervenerimus dignitatis. Vos hætenus in Ecclesiâ Beati Marci, Evangelista Domini gloriosi, qui patronus noster & signifer est in omnibus, aggregati, quantam erga nos habueritis dulcedinem charitatis, manifestius ibi ac perfectius demonstrastis, cum ad prolationē eligen-*  
*tium*



*itum nos vice nostra & nomine, in cæ-  
lum manibus elevatis, Deum unanimi-  
ter glorificastis, in voce laudis magnifica  
& exultationis; quoniam per intercessio-  
nem gloriosissimi Evangelistæ sui Mar-  
ci, Nos in Ducem vobis dederat & Re-  
ctorem; unde super his gratias, quas pos-  
sumus omnimodas persolventes Altissi-  
mo, cujus magnitudinis non est finis; &  
Evangelistæ suo, gubernatori nostro; &  
vobis quoque super lætitia magna, quam  
de promotione nostra geritis & habetis,  
grates referentes uberes, notum vo-  
bis, &c. Quod igitur modò fieri vi-  
demus, ut novus Dux populo in Ec-  
clesia D. Marci ostendatur, atque in-  
genti plausu, erectisque manibus à  
multitudine excipiatur; id olim quo-  
que factum esse cognoscimus; præter-  
ea nihil. Mistra igitur reipublicæ for-  
ma, quam in infantia, cæterisque æta-  
tibus ostendimus, eadem in juventute  
permanfit: nihilque omnino iis tem-  
poribus accidit, quod perpetuæ Vene-  
torum libertati notam inurere posset:  
quod sicuti apud omnes in confessio  
est, ita dementiam hominis satis ri-  
dere non possum, qui Constantiensis,  
ut vulgò dicunt, pacis tabulas ad Vo-  
netam libertatem oppugnandam per-  
peram atque pravè detorsit. Cum*



enim *societas Lōbardia* à Friderico Imperatore pacē peteret, promisit Imperatori *præbere fodrum, & paratū, cū tenderet Romam coronæ causâ, transitum, & comeatum idoneum.* Ex quo Venetias quoque ad id præstandum, fœdere iſto teneri scripsit. At cautionem in fœdere adhibitam prætermisit, fœderatas civitates omnes promittere, *quæ antecessores sine molestia fecerunt;* quo fit, ut cum Veneti elapsis temporibus nihil fecerint, nihil quoque imposterum præstare debeant. Id vero ipsis tabulis multo clarius statutum est: *Nobis intrantibus Lombardiam, qui solent & debent, quando solent & debent, præstabunt, & vias, & pontes bona fide resicient, in eundo, & redeundo comeatum idoneum, & nobis, & nostris præbebunt.* Cum vero nominatim recenseat Imperator omnes subjectas urbes, quibus gratiam facit, de Venetiis nulla prorsus mentio facta, quod cuicumque debebat silentium imponere; sed hæc satis. Iuventuti successit constans & firma ætas, quæ non ferocitate, ut adolescentia & juvenus, sed gravitate quadam & prudentia commendatur. Hæc anno à Christo nato M CCC III auspicato exorta, adhunc usque diem felicissimè  
pro-

progressa, æternum diis benè juvantibus permansura videtur. Decem-virum concilium atrocioribus puniendis sceleribus institutum, eidemque maxima tributa auctoritas, quæ semel, atque iterum salubri temperamento circumscripta fuit; multique Magistratus, aut instituti, aut extincti, sicuti reipublicæ statum atque insitam formam delere non possunt; ita nonnulla immutaverunt; quo factum est, ut sicuti reipublicæ infantia, & pueritia unius Dominationi, adolescentia vero, & juvenus omnium; ita virilis ætas paucorum imperium propensior videri possit: eâ tamen ratione ut multa populariter, multa regiè constituta, nemo inficias iverit: cunctique possint in Duce Regis exemplar; in x. viris, & xl. viris Aristocratia speciem; in majori concilio, quod m c c numerum superat, Democratia imaginem quandam intueri. Rectissimè vero, & doctissimè Contarenus ex tribus reipublicæ speciebus temperatam Venetæ reipublicæ formam affirmavit: quod licet Bodinus obstinatè, vel contra Aristotelem posse fieri neget, fateri tamen, (tanta vis est veritatis) neque sciens neque prudens coactus est. Dum enim *Rempublicam* scribit *statum popularem*



506 IN DONAT. IANNOT. NOTAE.  
*sapere, & de Ragusio inquit, certè qui-  
dem hac Respublica omnium, quas acce-  
pimus purissimam, & ab omni populari  
temperatone remotissimam Aristocra-  
tiam colit, formarum mistionem, ve-  
lit, nolit, in aliis admittit, quæ si un-  
quam alibi, certè in republica nostra  
egregio, & admirabili temperamento  
inter se miscentur.*

F I N I S.



# I N D E X

## R E R V M E T

### V E R B O R V M.

#### A.

- A**cademia Venetor. 415
- Ado author vita Caroli M. 346
- Aduocati sive Causidici. 223, 234
- Agilulphus Longobardorum rex. 44
- Agnētis collegium. 367
- Aimonius sive Annonius, author vite Caroli Magni. 346
- Alaricus rex Gothorum vaſtat Italiam. 340, 342
- Alexius, Imperator Oriental. 74
- Aloſius XII. rex Gallie. 263, 271
- Anaxus fluvius. 36, 62
- Andreas Dandulus dux Venetorum. 46, 248. cognominatur Canis. 298, 299
- Andreas Grittus dux Venetor. 184
- Andreas Michaëlius, legatus Venet. 74
- Angelus Participatius Tribunus Rivalti, eligitur dux Venet. 372, 388, 393, 395, 461.
- Angelus Trivisanus dux Venet. accusatur. 240
- Antonius Grimanus dux Venet. in iudicium vocatur. 240
- Antonius Michaëlius. 77
- Aquileſa urbs. 31, 42, 446
- Aqui-



# INDEX.

<i>Aquileiense concilium.</i>	<u>447, 448</u>
<i>Arengum sive Concio.</i>	<u>500, 501, 502</u>
<i>Arma bellica reip. Ven.</i>	<u>279. seqq.</u>
<i>Armamentarium.</i>	<u>280</u>
<i>Arnus fluvius.</i>	<u>32</u>
<i>Arsenale, locus fabricandarum navium.</i>	<u>277. seq. 410</u>
<i>Athesis fluvius.</i>	<u>32, 36</u>
<i>Attila rex Hunnorum Italiam vastat.</i>	<u>26, 31, 41, 42, 345</u>
<i>Auditores veteres, &amp; novi.</i>	<u>221, 230, 248, 249, eorum stipendium.</u>
	<u>252</u>
<i>Aurius Mastropetrus dux Venet.</i>	<u>77, 247, 188, 492.</u>

## B.

<b>B</b> <i>Alomontana conspiratio.</i>	<u>49, 281, 313, 314</u>
<i>Balduinus II. rex Hierosolym. auxilia petit à Venetis.</i>	<u>465</u>
<i>Beatus Obelerii Ducis frater.</i>	<u>357. seqq.</u>
<i>Dux laudatissimus.</i>	<u>358, 362, 370</u>
<i>Belgarum negotiatio cum Venetis.</i>	<u>278</u>
<i>Belisarius dux Iustiniani Imper.</i>	<u>43</u>
<i>Belii terrestri apparatus.</i>	<u>269, 276, 270, 271</u>
<i>navalis.</i>	<u>270, 271</u>
<i>Bellorum sumptus.</i>	<u>269. seq.</u>
<i>Bellum Gallicum duce Pipino.</i>	<u>31, 64, 297, 346. seqq. 362, 366. Raven-</u>
	<u>nense. 64. Cretense. 69. Liguri-</u>
	<u>cum 49, 283. Genuense. 69, 91, 283.</u>
	<i>Pata-</i>

# INDEX.

- Patavinum. 143. Ferrariense. 271.  
 contra Emanuele Imp. Grac. 68,  
271. cum Ludovico Gallia rege. 70.  
 • 209. cū Vngaris & Gracis. 282. in  
Syria. 283. in Gallia Cisalpina. 283.  
 Bergomum urbs. 267, 285  
 Bodinus. 294, 417. seqq. multa in re-  
 publ. & magistratu Venet. repre-  
 hendit. 300. seqq. multis refuta-  
 tur. ibid.  
 Evoniana conspiratio. 314  
 Bragora, locus supplicii. 388  
 Brixia urbs. 267, 285  
 Bucentaurus, genus navigii. 278

## C.

- C**ancellarius magnus Venetiarum.  
328. seqq. regni Creta. 330  
 Canonicarius Venetiarum. 440  
 Caprula urbs. 345, 434  
 Carolus Crassus Imp. fœdus pangit cum  
 Venetis. 474, 476  
 Carolus M. Imperat. 350. fœdus iniit cū  
 Dalmatis & Duce Venet. 354, 355.  
 cum Nicephoro Orient. Imp. 461.  
 Longobardos in Italia debellat. 460  
 Caspar Contarenus. 410, 429  
 Cassiodori epistola ad Venet. Trium-  
 viros scripta. 438. seqq.  
 Castella gemina. 26, 319  
 Castellorum portus. 32, 319  
 Cata-

# I N D E X.

- Cataverum.* [412](#)  
*Causarum omnium cognitio quo modo fiat*  
*in urbe.* [221. seqq.](#) [245, 311.](#) *in pro-*  
*vinciis.* [236, 237](#)  
*Causidici.* [223, 234](#)  
*Censores ubi creentur.* [152.](#) & *quare* [858.](#)  
*eorum officium.* [150, 256, seqq. 264](#)  
*Cephalenia insula.* [416](#)  
*Cives Venetae urbis.* [51, 324.](#) *eorum duo*  
*genera.* [327, 328](#)  
*Clodia fossa.* [26, 320, seq.](#)  
*Clodia urbs.* [345, 466](#)  
*Collegium quid sit.* [55, 57, 154.](#) *eius mu-*  
*nus.* [157](#)  
*Collegium fugum.* [214, 215.](#) *eius origo.* [251.](#)  
*munus.* [409](#)  
*Collegia opificiorum.* [330, 331](#)  
*Collegia pietatis.* [331, seqq.](#)  
*Comaclum urbs.* [359.](#) *deficit.* [464.](#)  
*Comitia majora.* [54, seqq.](#) *eorum origo.*  
[61, 62, 77, 378.](#) *tres forma.* [81, seqq.](#)  
*quibus ad ea convenire liceat cum fa-*  
*cultate suffragiorum.* [99, seqq.](#) *Pa-*  
*tritiorum in Comitibus numerus.* [116,](#)  
[140, 141, 505.](#)  
*Comitia interclusa.* [50, 93.](#) *author inter-*  
*clusorum.* [95](#)  
*Conclavus in quibus Comitia celebrantur,*  
*descriptio.* [105, seqq. 405.](#)  
*Concilium Magnum.* [55, 378, 499, seqq.](#)  
[505.](#) *Minus.* [380, 496.](#) *Rogatorum.*  
[55, 57,](#)

# INDEX.

- 55, 57, 241. *seqq.* 496. *seqq.* Decem-  
virum. 200. *seqq.* 505. *seqq.*  
Consiliarii ducis Venet. 50, 51, 189, 490.  
eorum creatio. 190, 191. munus. 192,  
408. autoritas. 193  
Constantinus Porphyrogenitus Impera-  
tor, author belli Gallici, duce Pipi-  
no, 374. *seqq.*  
Consules Mercatorum, 413  
Consules urbis Veneta. 62  
Corcyra insula. 267, 270, 416  
Correctores, & eorum munus. 167. *seqq.*  
Crema urbs. 267, 285  
Creta, insula. 267, 270, 416  
Creta insula Venetis attribuitur. 75. de-  
ficit. 142  
Cyprus insula. 267, 270

## D.

- D**almatia. 267, 270. in Dalmatiam  
classis mittitur à Venetis. 465  
Decem. viratus 200. *seqq.* quando in-  
stitutus. 203. ejus autoritas & mu-  
nus. 200, 201, 204, 409  
Decem-viri. 56. Decem-virum Pra-  
fecti. 257. Decem-virum concilium,  
200. *seqq.* 505.  
Decem-virum capita & eorū munus. 205  
Dictator Romanorum. 200  
Dominicus Dandulus legatus. 74  
Dominicus Flabianus dux Venet. 66,  
68, 348.

Domi-



# INDEX.

<i>Dominicus Maurocenus dux Venet.</i>	73
<i>Dominicus Michael dux Venet.</i>	465
<i>Dominatio.</i>	496
<i>Donatus Iannotius.</i>	294
<i>Ducarium.</i>	170, 280
<i>Duces Venetor. quando primùm creati.</i>	
45, 63, 316, 452, seqq. eorum creatio tumultuosa sublata. 65, 84, 85, 187. quomodo jam eligantur. 165, seqq. 492, 493. ritus & insignia eligendi Ducis. 186, 187. ejus tribunal. 106, 111, 112, 406. Ducis electi honores. 180. seqq. habitus. 182, 183. ejus authoritas & majestas. 55, 57, 60, 157, 182. seq. 189, 195, 196, 401, 453. nimia licentia & supremum jus ipsis ereptum. 84, seqq. 381, seqq. ejus stipendium. 197. sæpè exilio aut morte condemnati. 68, 387. mortui Ducis sepultura. 166, 167. in transactam vitam inquisitio. 168.	
<i>Duodecim-viri.</i>	86, 87
<i>Duùm-viri.</i>	237

## E.

<i>Electores Ducis.</i>	171, seqq. 177
<i>Electores Magistratum.</i>	109, 110. eorum quatuor ordines. 121, 127. quomodo creentur. 118. seqq. quo ordine 122. seqq.
<i>Electores Magistratum num simul possint esse Competitores.</i>	140
<i>Engo.</i>	

# INDEX.

<i>Engolismensis monachus author vite</i>	
<i>Caroli Magni.</i>	<u>345</u>
<i>Entinopus Cretenfis.</i>	<u>343</u>
<i>Equilium.</i>	<u>434</u>
<i>Erasmi D. portus.</i>	<u>26</u>
<i>Expensa reip. Veneta.</i>	<u>267</u>

## F.

<b>F</b> <i>Aleriana conspiratio.</i>	<u>282, 314</u>
<i>Ferraria urbs munitissima.</i>	30
<i>Ferraria ducum potentia.</i>	<u>285</u>
<i>Fortunatus, Gradēsis Patriar. 350. seqq.</i>	
<i>Fœdus Veneti faciunt cum Patriarcha</i>	
<i>Hierosolymitano. 396. cum Carolo</i>	
<i>Magno. 460. cum Carolo Crasso, 474,</i>	
<i>476. cum Henrico III. &amp; V. cum</i>	
<i>Lothario III. Impp.</i>	475
<i>Franciscus rex Gallie.</i>	<u>283</u>
<i>Franciscus Foscarius dux Venet.</i>	<u>143,</u>
	<u>209, 249.</u>

## G.

<b>G</b> <i>Allia Cisalpina urbes à Venet. de-</i>	
<i>ficiunt.</i>	<u>77</u>
<i>Gemina insula.</i>	<u>44</u>
<i>Germania potentia.</i>	<u>284</u>
<i>Gondula cymbarum genus.</i>	<u>34</u>
<i>Gradus insula.</i>	<u>446</u>
<i>Gradus oppidum quando &amp; à quibus</i>	
<i>conditum. 345. patriarcharum Aqi-</i>	
<i>lejenfium domicilium.</i>	<u>433, 446</u>

# I N D E X.

Gregorii II, Pontif. Rom. epistola ad Vrsūm Venet. Ducem.	455, 64
Gregorii D. insula donatur Monacho.	466
Gymnasium in Bibliotheca.	415

## H.

<b>H</b> enricus Arnisaus.	427
Henricus Contareus, Episcop. Oli- volensis.	74, 465
Henricus Dandulus Dux Venet.	67
Henricus III & V, Impp. fœdus fe- riunt cum Venetis.	475
Heraclea insula. 62. oppidum.	434
Hilarii B. capella.	395
Hieronymus Quirinus.	3, 255, 288
Horleus Vrsus Dux 3, Venet.	64

## I.

<b>I</b> acobi Apostoli templum.	42, 343
Iacobus Theupolus Dux Venet.	492
Iadera urbs.	354
Illyricum.	267, 270
Imperii cuiusvis felicitas in quibus po- sita.	15
Imperii Romani causa & origo malo- rum.	12
Imperii Venet. amplitudo. 267. propa- gatio.	283, 249
Inquisitores, & eorum munus.	157, 168
Insula Iudaica.	415
Insula ditionis Veneta. 267, 282. earum defen-	



# INDEX.

<i>defensio.</i>	270
<i>Iohannes Borgareus.</i>	314
<i>Ioannes Delphinus Dux Venet.</i>	143
<i>Ioannes Gradenfis Patriarcha.</i>	348, 349
<i>Ioannes Gradonicus.</i>	388
<i>Ioannes Labresca.</i>	ibid.
<i>Ioannes Mocenicus Dux Venet.</i>	271
<i>Ioannes monachus Maurocenus insulâ D. Gregorii donatur.</i>	466
<i>Ioannes Montanarius.</i>	388
<i>Ioann. Theupolus Venet. Patriarcha.</i>	415
<i>Istria.</i>	267, 416
<i>Istri deficiunt à Venetis.</i>	396
<i>Italia laudes.</i>	14. <i>malorū ejus causa.</i> 12
<i>Iudices causarum civilium.</i>	218, 219, 411.
<i>capitalium.</i>	241. <i>seqq. nocturni</i> 254.
<i>seqq.</i>	
<i>Iudices publicorum.</i>	— 412
<i>Iudiciorum forma.</i>	206, 213, 221. <i>seqq.</i>
	228. <i>ad</i> 256.
<i>Iustinianus Imper. Constantinop.</i>	447
<i>Iustitiiarii, &amp; eorum munus.</i>	491

## L.

<b>L</b> <i>Auredanus Dux Venet. post mor- tem condemnatus.</i>	168, 169
<i>Laurentius Celsus Dux Venet.</i>	142
<i>Laureti castrum.</i>	470
<i>Lemniacum oppidum.</i>	286
<i>Leonhardus Bembus praefectus Qua- draginta-virali collegio.</i>	90



# I N D E X.

- Libertas Venetorum.* 305. à multis Im-  
 peratoribus firmata. 319, 474, 475.  
 à Carolo M. 460, 474  
*Liquentia fluu.* 36, 62  
*Longobardi Italiam depopulatur, &c.* 44  
*Longobardiæ urbes sub imperio Vene-*  
*torum.* 267  
*Lotharius III Imper. fœdus renovat*  
*cum Venetis.* 475

## M.

- M** *Agistratum creandorum jus, penes*  
*quos.* 260. *modus,* 109: 110, 116,  
 117, 127, *seqq. ad* 137. *quo ordine*  
*sedent Magistratus.* 112, *seqq.*  
*Magistratum consequendi impedimen-*  
*ta.* 173  
*Magistratibus creatis congratulandi*  
*consuetudo sublata.* 264, 265  
*Magistratus apud Venet. venales.* 258,  
 259. *quando.* 263. *quanti.* 262  
*Magistratus provincialis.* 221, 253  
*Magistratus ad Pompas dictus.* 310  
*Magister militum loco Ducis creatus.*  
 64, 435, 437, 459  
*Mantua Ducum potentia.* 285  
*Marcellianus antistes Aquilejensis.* 446  
*Marcus Baduarius, præfectus XL-virali*  
*collegio.* 90  
*Marcus Cornelius Dux Venet.* 194  
*Marci D. corpus inventum.* 475  
*Marci D. ades.* 170, 208  
 Marcus

# I N D E X.

*Marcus Evangelista patronus Venetor.*  
367, 502

*Marinus Bovonius.* 95

*Marinus Dandulus Dux Ven.* 492

*Marinus Falerius Dux Venet.* 281. *con-*  
*spirat. contra rempubl.* 282

*Marinus Georgius Dux Venet.* 489

*Marinus Maurocenus Dux Venet.* 255,  
188, 304

*Mauritii Duces Venet.* 348, 356, 392, 398

*Mediolani principatus potentia.* 284

*Medoacus amnis.* 27, 32, 36, 320

*Mercatura studium Venet.* 52, 287, 306,  
307, 309, 489

*Metamaucum insula.* 340. *ad Meta-*  
*maucum portus.* 26

*Metamaucum oppidum.* 345. *imperii*  
*Veneti sedes.* 347. *capitur à Pipino.*  
*ibid.* 364

*Metamaucensis immunes vectigalium.*  
367

*Michaël Stenus Dux Venet.* 143, 249

*Montes reip. Ven. quid sint.* 272. *co-*  
*rum ratio triplex.* 271. *seqq. multis.*

## N.

**N** *Arſes Dux Iuſtiniani Imper.* 43.  
*Francos debellat.* 447. *ſeqq.*

*Nicephorus Imperat. Græcorum* 354,  
372. *ſœdus facit cum Carolo M.* 460

*Nicolaus Leonicus.* 35, 66, 288

# I N D E X.

## O.

- O** Belerius Dux Venet. 31, 45, 64, 350.  
 seqq. seditiosus & proditor pa-  
 tria. 350. seqq. 360. ejus mors. 372,  
 391, 392  
 Obeliatus Olivolensis Episc. 348  
 Odoacer rex Herulorum. 445  
 Olivola oppidum. 434  
 Ordelauphus Faletrus Dux Ven. 74, 477  
 Otho Imperator. 397  
 Otho Vrscolus Dux Venet. 464, 466, 473

## P.

- P** Alma civitas. 416  
 Patavii urbis laudes. 4, 5, 30, 35, 267,  
 285. funditus eversa. 44, 337  
 Patritii. 40, 48. omnium numerus. 54,  
 quando & quomodo recipiantur in se-  
 natum. 147  
 Paulus Exarchus Italia à Gothis Ra-  
 venna pulsus Ven. Ducis opem flagi-  
 rat. 454. restituitur. 457  
 Paulinus Patriarcha Aquilejensis. 432  
 Pestilentia insignis Venetiis. 46  
 Petrus Bembus. 5, 22.  
 Petrus Candianus Dux Venetorum, 389,  
 396, 471  
 Petrus Candianus Ducis filius à populo  
 condemnatus. 389, seqq.  
 Petrus Gradonicus Dux Ven. 81, 90, 281  
 Petrus

# I N D E X.

- Petrus Polanus Dux Venet.* [471, 472](#)  
*Petrus Tradonicus Dux Venet.* [402, 464](#)  
*Petrus Tribunus Dux Venet.* [395, 466](#)  
*Petrus Vrscolus II, Dux Venet.* [396, 397](#)  
*Petrus Zianus Dux Venet.* [75, 76](#)  
*Philistina oppidum.* [345, 434](#)  
*Pipinus Rex Francorum Venetos debellat.* [31, 64, 297, 346, 347.](#) *depopulatur.* [162.](#) *hujus rei causa.* [348. seqq.](#) *in-*  
*signem cladem accipit.* [366.](#) *cum Ve-*  
*netis pacem facit.* [368. seqq.](#)  
*Plebei urbis Venetæ.* [51, 52, 330](#)  
*Pomponius Atticus.* [9. seqq.](#)  
*Pons è ligno sublicius.* [33, 322.](#) *multitu-*  
*dine hominum corruit.* [323.](#) *readifi-*  
*catur.* [ibid.](#)  
*Poppo Patriarcha Aquilejensis.* [464](#)  
*Populi Veneti potestas & authoritas.* [387,](#)  
[462, 502](#)  
*Portus urbis Venetæ.* [26](#)  
*Prator.* [221](#)  
*Privilegia Venetis ab Imp. concessa.*  
[376.](#) *à Carolo M.* [460, 461.](#) *ab Hen-*  
*rico V.* [476. seqq.](#)  
*Procuratores, magistratus maxima ex-*  
*istimationis.* [208, 211, 213.](#) *eorum ad-*  
*ministratio.* [210.](#) *habitus.* [210.](#) *an-*  
*nuum stipendium.* [ibid.](#)  
*Procuratores D. Marci.* [56](#)  
*Produx quo tempore sit, & ejus officium.*  
[166, 167](#)



# I N D E X.

Provisores Generales. 415  
 Pupilienses immunes vectigalium. 367

## Q.

**Q**uadragesima-viratus quid, & quod-  
 duplex. 214. ejus origo. 247, 248.  
 ejus præfecti & propæfecti quomodo  
 eligantur. 216, 217 eorum authoritas  
 & munus. 218, 219

Quadragesima-viri quomodo eligantur.  
 215, 174. seqq. eorum authoritas &  
 munus. 215, 249. stipendium. 253, 254.  
 eorum Præsides. 169. Capita. 194

Quadragesima-virale concilium. 96,  
 498. seqq.

Quæstiones de malefico quomodo ha-  
 beantur. 241, seqq.

## R.

**R**avenna à Gothis occupata recupe-  
 ratæ auxilio Venetorum. 456. seqq.

Raynerius Zenus Dux Venet. 69, 209.  
 à populo lapidibus petitus. 400

Reditus annui reipubl. Venetæ. 268

Reipublicæ benè constitutæ argumenta.  
 307, 308, 312. malè constitutæ. 308

Respublica Veneta observatione & ad-  
 miratione digna. 3. perfectissima. 14.  
 beata. 15, 45. ejus comparatio cum  
 republ. Romana. 16, 18, 296. ejus eta-  
 tes. 49. seqq. 431. seqq. infantia. 49.

# I N D E X.

432. *seqq.* pueritia. 50, 452. adole-  
 scentia. 462. juventus. 489. Virilis  
 etas. 504. ejus membra præcipua. 55,  
*seqq.* 142. administratio universa.  
 54. *seqq.* majestas. 59. forma. 429.  
*seqq.* multis. 505  
*Rhegino* author vitæ Caroli Magni. 346  
*Rivus-altus* urbs. 41, 341, 342, 345, 437  
*Rogatorum concilium.* 55, 57, 141, *seqq.*  
 496. *seqq.* nominatur etiam Sena-  
 tus. 141, 498. ejus majestas. 498  
*Romulus.* 79

## S.

**S**abellicus perstringitur. 17. *seqq.* 40.  
 66. defenditur. 294. *seqq.* in mul-  
 tis erravit. 298  
*Safusina* pagus. 27, 32  
*Sapientum tres ordines.* 154. *seqq.* quan-  
 do & quomodo hic Magistratus cree-  
 tur. 164, 165. eorum munus. 496  
*Sebastianus Zianus Dux Venetorum.*  
 64, 67, 72. *seqq.* 208, 489, 491  
*Senatus Venetus.* 55. 60, 61, 141. *seqq.*  
 quibus in Senatum cum & absq; jure  
 suffragii venire liceat. 144. vocatur  
*Rogatorum cōcilium.* 145. ejus crean-  
 di ratio. 145, 146. quando & quomo-  
 do convocetur. 148. de quibus rebus,  
 & quomodo ille in Senatu tracten-  
 tur. 148, 149. ejus majestas. 498  
 Silus

# INDEX.

<i>Silis fluv.</i>	<u>36</u>
<i>Suffragia quomodo in creandis Magistratibus colligantur.</i>	<u>160, seqq. 406, 407</u>
<i>Sumptus reipubl. Venet.</i>	<u>267</u>
<i>Supracastaldiones.</i>	<u>144</u>
<i>Stephanus Sabularius.</i>	<u>388</u>

## T.

<b>T</b> <i>Arvisium urbs.</i>	<u>267, 285</u>
<i>Theodori Martyris sanum.</i>	<u>44</u>
<i>Theodoricus rex Gothorum.</i>	<u>144, 445</u>
<i>Thomas Fugarus author rerum Venet.</i>	<u>374</u>
<i>Tiberis fl.</i>	<u>36</u>
<i>Tiliaventus fl.</i>	<u>36</u>
<i>Torcellum oppidum.</i>	<u>345, 434</u>
<i>Tribuni urbis Venetae.</i>	<u>62, 63. unde nomen. 437</u>
<i>Tribuni majores &amp; minores.</i>	<u>434, 435</u>
<i>Tribunus Memus dux Venet.</i>	<u>466</u>
<i>Tribus civitatis Venetae.</i>	<u>86</u>
<i>Trium-viratus triplex.</i>	<u>221</u>
<i>Trium-viri.</i>	<u>56, 221. eorum autoritas &amp; munus. 149, 221</u>
<i>Trium-viri Advocatores.</i>	<u>221. eorum stipendium. 253</u>
<i>Trium-viri Syndici.</i>	<u>309, 413</u>
<i>Triremes Decem-virum.</i>	<u>278</u>
<i>Triremes instructa ad defensionem.</i>	<u>270</u>
<i>Tristanus Savornianus.</i>	<u>91</u>
<i>Trypho</i>	



# I N D E X.

**Trypho** Gabrielius. 3, 4. *seqq.* 294. *eius*  
*cum Pomponio Attico collatio.* 9, 10, 13.  
**Tumultus** *in* urbe Veneta. 69, 70  
**Turcarum** potentia. 284  
**Turcarum** classis adversus Venetos. 201

## V.

**V** Alentinus Dux Venet. Obelerii Duc.  
*frater.* 354. *eius mors.* 372  
**Vestigalia** reip. Ven. 268  
**Vegla** insula. 372  
**Veneta** urbs quando & quibus occasio-  
*nibus primū condita.* 26, 41, 47, 48,  
 334, *seqq.* 342, *seqq.* & amplificata.  
 43, 44. *eius situs.* 25, & *seqq.* ad 37.  
 & 286. *portus.* 26. *munimenta.* 27.  
*seqq.* *pulchritudo* 34. *seq.* *salubritas*  
*aëris.* 35. *abundantia omnium rerum.*  
 36, 286. *incolarum & armis ferendis*  
*idoneorum numerus.* 53.  
**Veneti** in tres classes distributi. 40, 324,  
*seqq.* *bellicosi.* 45. *potentissimi.* 283.  
*auxilia suppeditant Iustiniano Im-*  
*per.* 43. *Balduino II. regi Hieroso-*  
*lym.* 465. *Paulo Italiae exarcho.* 456.  
*eorum laudes.* 305, 318. *eorū immuni-*  
*tates & privilegia ab Imperatoribus*  
*concessa.* 376. *à Carolo Magno.* 460,  
 461. *ab Henrico V.* 476. *seqq.*  
**Venetia**, tractus Italia. 15, 31  
**Verona** urbs. 267, 285  
 Vicer



# I N D E X.

- Vicentia* urbs. [267](#), [286](#)  
*Vigilius* pontifex Romanus. [447](#), [448](#).  
*Vitalis* Faletus dux Venetor. [74](#), [399](#),  
 470, 475.  
*Vitalis* Michaëlius dux Venet. 44, 65,  
[77](#), [271](#), [465](#), [468](#). confoditur. [67](#), [69](#)  
*Vitiges* rex Gothorum captus. [43](#)  
*Urbes* ditionis Veneta. [267](#), [249](#). earum  
 praesidia. [270](#). munimenta. [285](#), [286](#)  
*Urbes* Galliae Cisalpina à Venetis defi-  
 ciunt. [70](#)  
*Ursus* III. dux Venet. [454](#). à populo  
 interficitur. [458](#)  
*Urseoli*. [68](#), [389](#)

## Z.

- Zacynthus*, insula. [416](#)

# F I N I S.









